





D XVIII

18/5

1/10 -

all original

6/19

50852/B

AA 1858

8 leaves

1 folding plate

386 pp

12 leaves

4 leaves

356 pp

12 leaves

D 28

XVI

coll 6x

51330
HERM. FRID. TEICHMEYER

HAEREDITARIUS IN WENIGEN - IENA & CAMSDORF
PHIL. ET MED. DOCT. ANAT. CHIR. ET BOTAN. P.P. O.
SERENISS. SAXONIAE DUCVM VINAR. ET ISENAC. CONSIL. AVL.
ET ARCHIATRI ACAD. NATVR. CVRIOS. IMPERIAL. LEOPOLD.
CAROL. ET REG. SOC. SCIENT. BORVSS. SODALIS

**ELEMENTA
ANTHROPOLOGIAE**

SIVE
THEORIA CORPORIS HVMANI

IN QVA
OMNIVM PARTIVM ACTIONES

EX RECENTISSIMIS INVENTIS
ANATOMICIS

ET
**RATIONIBVS TVM PHYSICIS TVM CHYMICIS
TVM DENIQUE MECHANICIS,**

DECLARANTVR
IN VSVM

**AVDITORII SVI
CVM FIGVRIS AENEIS ET INDICIBVS**

EDITIO ALTERA AVCTIOR ET EMENDATIO.

I E N A E,
APVD IOH. FELICEM BIELCKIVM

MDCCXXXVIII.

HERBERT RICHMEYER

ANTHROPOLOGICAL



VIRO
ILLVSTRI
EXCELLENTISSIMO EXPERIENTISSIMO
IOANNI THEODORO
ELLER

ARTIS SALVTARIS DOCTORI CELE-
BERRIMO POTENTISSIMI BORVSSORVM
REGIS CONSILIARIO AVLICO ET
ARCHIATRO REGIS COPIARVM RE-
GIARVM MEDICO PRIMARIO

REGIAE SOCIETATIS SCIENTIARVM
ET COLLEGII MEDICO-CHIRVRGICI
DIRECTORI

COLLEGII MEDICORVM SVPE-
RIORIS DECANO

ATQVE

COLLEGII SANITATIS SODALI
PATRONO HONORATISSIMO

ОБЩЕСТВЕННЫЙ

VIR
ILLVSTRIS
EXCELLENTISSIME ET EX-
PERIENTISSIME
PATRONE HONORATISSIME.

I*Nter felicitates, quibus docens candi-
dus atque probus delectatur impen-
se, illa certissime eminet insigniter,
quando a Summo Numine conservatur
sospes in id temporis, quo vigent audito-
res, quorum ad scientiam quid contulit,
in fastigio, tanquam larga studiorum
mercede, honorum maximo constituti,
ut omnium in se convertant oculos.*

*Triginta per annorum spatium in hac
Academia Ienensi celeberrima, munus
docentis, Deo auxiliante, humeris impo-
situm gero, & absit iactantia inanisque*

gloriæ aucupium, multa millia auditorum, qui recitationibus meis, ad omnes artis salutaris partes illustrandas habitis, interfuerunt, paterno affectu excipere exoscularique mihi contigit. Hos inter multi sunt ad amplissimos dignitatum gradus evecti, quorum curæ fideique sanitas Regum, Principum, Dominorumque, pignus certe pretiosissimum, est credita.

TV, VIR ILLVSTRIS, ille omnino es, cui quilibet cordatus reique non ignarus palmam offert lubentissime; curam enim diligentiamque impertiris sagacissime ad corporis integritatem tuendam Regis, cuius sapientiam, potentiam divitias felicitatesque totus admiratur atque veneratur orbis.

Imo FRIDERICVS WILHELMVS

MVS, quem Deus seros in annos omni
prosperitatum regiarum genere exornare
velit, ille est, qui scientiarum incrementa,
in arte præsertim salutari & chirurgica,
pulcro vereque regio promovere studio al-
laborat sapientissime.

Quo vero sapientior, quo potentior,
quo felicior, & quo pronior eruditis DO-
MINVS hic est, eo maior illustriorque
bonos TVVS aliis venit pensitandus.

Factum quoque ex hoc est, ut TI-
BI, auditori, commensali, & inquilino
olim, nunc PATRONO HONORATISSI-
MO, publicum amoris, candoris, de-
ditique animi monimentum constituere,
& hanc reiteratam Anthropologiæ editio-
nem animo dedicare sincero mihi sumse-
rim intrepide: in maxima deliciarum
parte

*parte repositurus, si TIBI voluntatem
meam non plane improbari intellexero.*

*Supplex æternum numen veneror, ve-
lit benignissime TIBI honorem conserva-
re perennem, beneque dicere arduis TVIS
negotiis, ut conamina in collegio medico
una cum viris celeberrimis, BVDDEO
& LVDOLFO, quos & olim habuisse au-
ditores plenus oblectationis memini, ad
scientiarum augmentum suscipere valeas
masculè & feliciter.*

*Quod restat, amicitiae TVAE, amoris
candorique, quo me huc usque fuisti am-
plexus, me unicumque meum filiolum ha-
beas velim commendatissimum. Vale.
Scribebam Jenæ d. XXI. Martii A.O.R.*

MDCCXXXVIII.

ILLVSTRIS NOMINIS

TVI

Cultor perpetuus

HERMANN FRID. TEICHMEYER.

PRAEFATIO
AD
LECTOREM.

Offero tradoque tibi, BENEVOLE LECTOR,
novam Anthropologiae Editionem, &
quidem, quantum instituti ratio permi-
sit, auctam atque emendatam.

Inter omnes sane constat, me, dum Anato-
micas quasdam observationes, non ubivis occu-
rentes, proferrem enuclearemque, multorum
contradicendi irritasse animum. Inter alia hic
liceat mihi exempli loco exhibere:

I. Certamen illud de *tunica testium albugi-
nea*, quam, experientia nixus, in tres diuisibi-
lem tunicas asserere minus dubitaueram. Alii
equidem hancce diuisionem tolerare noluerunt,
licet magnus MORGAGNIUS earumdem duas
post hæc admiserit in *aduersariis suis*, sed
satis dilucide ante oculos posui, monstrans, *unam*
tendinosam & satis validam, quæ sanguinis im-
petum in testibus determinat; *alteram* vasculo-
sam, quam vasa spermatica, multis anfractibus
serpentinis permeant, & *tertiam*, tanquam te-
nuissimam, neruosamque, bursulam consti-

)()(

tu-

tuentem, quæ bursula, testium vasa propria, maximam partem albicantia, & merito nevrolymphatica vocanda, in se continet. Studium equidem nimium tunicas decorandi, inter inutiles imo temerarios labores referri posse non abnuo; necessitate tamen urgente non esse negligendum putarem.

II. Controversiam excitavit quamdam defensio inventionis RIVINI, præceptoris quondam mei celeberrimi, de *hiatu in tympano*. Licet primum *hiatus* inventionem oculis observaverim, eram enim eo tempore unicus commensalis & domesticus RIVINI, eundemque omnibus, qui percipiunt, omni momento ostendere possum; multi tamen Anatomici, qui magnum adepti nomen, & ut putaram, absque difficultate eum invenire potuissent, variis me petierunt contradictionibus. Nec substitit controversia, incrementa potius cepit quoad auditus machinam,

III. Ex observationibus de *Septem ossibus auditus & quinque tympanis*. Sed ad dubia, quæ eruditissimi viri moverunt, satis me respondisse arbitror, & certe non inter ultimos id refero honores, me cum celeberrimis nostri ævi Anatomicis, viris scilicet illustribus, WALTHERO, *Lipsiensi*, HEISTERO, *Helmstadiensi*, & CASSE-

BOH-

BOHMIO, *Hallensi*, manus conseruisse, & eo ipsi Anatomix lucem quamdam attulisse.

Nec piget me, viris hisce magnis gratias agere, quas suadet humanitas atque modestia, præsertim cum, uti decet viros probos prudentesque, humanissime sese erga me gesserint.

Imo, non prædico de me gloriosius, ex hoc factum videtur, celeberrimos Viros, SALTZMANNUM & NICOLAI, *Argentoratenses*; MORGAGNI & BIANCHINI, *Italos*; ASTRUCIUM & du Fay, *Gallos*, me existimasse dignum, cui in scriptis suis, satis accurate & erudite elaboratis inter Anatomicos nostri temporis locum concederent benevole.

Supremus omnium moderator Viris hisce, amicis & Patronis, omni honoris adfectu deventerandis, vitam faciat longævam, sanitatisque incorruptæ constantiam, ut, gloria investiti promerita, orbi erudito officia præstare saluberrima possint incolumes.

Quæ D. D. SELLIO, qui de *Allantoidis* existentia contra me scribere sibi sumsit, regerenda fui ratus, suo legenda sunt loco; & præter hæc ipsi celeberrimi ALBINI, quem Deus ad damnum, quod eruditum in orbem ex magni Medici, BOERHAAVII morte redundavit, resarci-

endum servet, assensum, observatione sua meæ
theoriæ adjectum pensitandum curatius velim
commendatum.

Non enim jamiam in eo occupatus sum,
ut hæc controversias recoquam, multisque
verborum ambagibus responsiones, ad dubia
datas, proferam, putans, me iisdem satisfacisse.
Convictus sum, me in scriptis doctrinisque nulli
contradixisse fundamento destitutus, nihilque
propalasse, quod non ratione & experientia, du-
obus mediis sat validis, suffulcitum innitatur im-
motum; nec in posterum desinere animus est,
cimentum istud in omni doctrinarum genere,
veritatem, quam in Anatomicis, Physicis, che-
micis & praxi medica non fugitivo observaui o-
culo, mascule defendendi & divulgandi, eaque
inprimis inculcandi meis auditoribus, in quo-
rum usum scripta mea exarantur, quæ ad pra-
xeos soliditatem viam monstrant tritam.

*Institutiones Physicæ, Botanicæ, chemicæ,
materie Medicæ, Medicinæ legalis & Anthro-
pologiæ*, quas Doctores Academici tam in quam
extra Germaniam suis in Collegiis illustrare di-
gnas habent, satis superque loquuntur, me non
esse illum, qui novaturiendi cupidine abreptus
insana, dicat, quicquid in buccam venit.

Testes

Testes quoque sunt Auditores, qui per triginta annos, Deo sit honos & gloria in æternum, recitationibus meis, in omnes Medicinæ partes institutis, interfuerunt, & in summo honorum fastigio constituti, me literis faciunt certiores, se bene institutos in praxi feliciter prospicere posse recuperandæ sanitati ægrotorum, quorum numerus intra mensis spatium ad bis centum attingeret. Deus & hos secundet, felicitetque eorumdem conatus saluberrimos, quos in ejusdem honorem proximique salutem suscipiunt.

Cœterum minus invideo, nec anxie illos curo, qui inani inhærentes speculationi, varia cerebri spectra sibi concipiunt, memor illius: *Quilibet abundat suo sensu*, cui, si plus, quam par est, indulgent, celeri pede ruunt in devia.

Veritas, quæ non gaudet naso cereo, est permanebitque unica; liceat illi, qui omnis subtilioris doctrinæ viscera ingurgitasse prætendunt, eandem, catenis quasi vinctam, & uncis inclusam huc & illuc trahi posse sibi sumant arroganter.

Sed transeant hæc. Deus si annuat clementer conatibus, ore & scriptis orbi erudito juven-

tutique, in spem patriæ efflorescenti, prodesse
haud defatigabor.

Non est certe inanis verborum apparatus,
quando, me multa in praxi observasse, aliis
incognita, hic affirmare non erubesco; imo in
periculosissimis casibus operationes chirurgicas
apud illustres etiam personas suscepi, adeo, ut
paucæ supersint, quas non ipse, & quidem Deo
sit gloria, peregerim.

Pergam itaque, *Benevole Lector*, bono
cum Deo in scriptis edendis, & jamiam animus
fert *pathologiam* & *praxin* prelo committendi,
quibus libris, quam primum fieri licet, tibi
inseruiam.



EXPLI-

EXPLICATIO FIGURARUM.

- Fig. 1.** Repræsentat glandulam fecernentem, seu vasorum complicationem, a. est arteria, b. vena, c. c. c. sunt vasa cylindrica, in quorum lateribus secretiones, vel liquorum transfusiones, contingunt.
- Fig. 2.** Exhibet penicillulos succosos, vel appendices vasorum, aut vasa secretoria, siue tubulos secretorios, a. est arteria, b. vena, c. sunt penicilluli vasorum, siue tubuli illi laterales, in quibus fiunt secretiones.
- Fig. 3.** Designat vasa lymphatica, ad glandulas percolantes tendentia, adducentia nempe & abducentia, siue invehentia & euehentia.
- Fig. 4.** Ostendit inosculationem & anastomosin vasorum immediatam, arteriarum nempe & venarum,
a. est arteria,
b. vena,
c. pisciculi pinna,
d. sunt sanguinis globuli.
- Fig. 5.** Exprimit diapedesin, siue liquorum fecernendorum a massa sanguinea transfusionem & secretionem.
a. est productio arteriæ alicujus
b. vena socia
c. e. vas lymphaticum
d. membrana, operculum venæ & arteriæ constituens
f. membra communis exterior
g. sunt globuli sanguinis
- Fig. 6.** Etiam refert anastomosin & diapedesin simul; in locis enim illis, ubi nexus sunt arteriarum & venarum, origines sumunt vasa lymphatica.
a. est arteria
b. vena
c. vas lymphaticum
- Fig. 7.** Sistit vasa cordis coronaria, vel systema vasorum cordis & auricularum.
a. est radix trunci aortæ, e cuius utroque latere emergunt.
b. b. sunt arteriæ coronariæ.
c. c. arteriæ, per cordis auriculas excurrentes.
d. ramusculi arteriosi, ex arteria coronaria oriundi, & per tunicas radiceis aortæ disseminati.
e. e. e. arteriæ, numerosissima prole per cordis substantiam dispersæ
- Fig. 8.** Delineat porulos venarum, in cordis ventriculis existentes, per quos flatus, ramo venæ coronariæ externæ immixtus, bullulis factis,

factis, prodit. e. e. e. poruli isti sunt, a Cl. Thebesio primum inuenti.

Fig. 9. Conspiciendam præbet cordis antliam.

Fig. 10. Prodit structuram renum.

a. est extima renum substantia

b. sunt arcus arteriosi

c. corpora mammillaria, ex vasculis minimis excretoriis composita, urinam ad peluim ducentia.

d. est peluis, seu cavitas renum interior

e. infundibulum, seu ostium ureteris

Fig. 11. Tubulos, lactis secretioni & excretioni destinatos, effingit.

a. est mammae corpus dimidium

b. cutis

c. sunt glandulae

d. tubuli lactiferi

e. rami maiores horum tubulorum

f. horum tubulorum anastomoses

g. exitus tubulorum horum in papillam

A. est area papillae

Fig. 12. Musculum repræsentat

a. sunt tendines

b. est corpus

Fig. 13. Repræsentat Tympanum expansum cum suo circulo osseo, malleo & chorda, quæ malleo superincumbit, item & hiatu Riuiniano, in quo stilus existit.

Fig. 14. Repræsentat malleum, cum incude, ac ossiculo illo nouo sesamoideo, vel lenticulari. a.

Fig. 15. Repræsentat stapedem, cum ossiculo ouali annexo.

Fig. 16. Repræsentat quatuor ossicula reliqua auditus, a. est malleus, b. est incus, c. est os orbiculare, d. est stapes.

Fig. 17. Repræsentat præcipua organa auditus.

x. est auris externa

a. extremitas aquæductus Fallopii.

b. meatus auditorius.

c. musculus minimi processus mallei.

d. musculus processus majoris, qui per totam tubæ Eustachianæ longitudinem extenditur

e. tubæ Eustachianæ pars cartilaginosa.

f. musculus novus tubæ Eustach. a. D. D. Valsalua inventus.

g. musculus stapedis

1. 2. 3. canales semicirculares Labyrinthi

4. vestibulum

5. canalis cochleæ

6. nervorum auditoriorum portio abscissa.






Fig. 8.



Fig. 9.




Fig. 15.

Fig. 14.



Fig. 13.



Fig. 12.




Fig. 12.



Fig. 11.

Fig. 4.



Fig. 6.




Fig. 3.



Fig. 1.



Fig. 10.





Fig. 2.



Fig. 16.





ANTHROPOLOGIAE

CAPVT I.

DE

Homine in genere, & corpore humano speciatim.

Homo ex duabus componitur partibus essentialibus, five duplici constat principio, uno activo immateriali five spirituali, anima nempe rationali, five mente; altero passivo materiali, five corpore.

Mens, five anima humana, est spiritus creatus, finitus, corpore indutus, immortalis & immaterialis, five, ut Cartesius, & qui eum sequuntur, eam brevius describunt, est substantia cogitans.

Corpus Humanum est machina.

Plerique nostri temporis Philosophi in eo consentiunt, quod integer Macrocosmus, Globusque terraqueus eo contentus, imo omnes in ipso occurrentes creaturae, speciatim plantae & animalia, cum ipso corpore humano, sint machinae, motrices: *Vid. Celeb. WOLFEIVS in Mathes.*

A

parte

parte Mechanices: Nec id statuentes a veritatis tramite aberrant, scilicet eo digitum intendunt, quod motus in Macrocosmo, nec non mutationes & effectus, quos in vegetabilibus, animalibus & corpore humano ipso conspicimus, secundum leges motus naturæ, ex eorundem structura, seu decenti conformatione, necessario consequantur. Satis enim evidens est, DE VM quibusvis corporis nostri partibus, tum quoad externam, tum quoad internam constitutionem, peculiarem tribuisse structuram, pro qua quodlibet organum peculiarem quoque functionem exercet.

Corpus humanum est machina hydraulico-pnevmatica.

Machinæ in Mechanica plerumque nomen sortiuntur a vi motrice, ut Budromium est machina, quam tauri commovent, sic Mola pnevmatica dicitur, quam ventus agitat, sic etiam Molendinæ aquaticæ & Hydracontisteria ejusmodi sunt machinæ, ad quarum non dissimilem rationem corpus etiam nostrum a motricibus suis viribus nomen sortitur: Quia itaque partes ejus solidæ a fluidis commoventur, nominatim a sanguine & spiritibus, item ab aere, quam respirando intra pectus recipimus, nec non etiam contra suo modo partes fluidæ a solidis iterum ad motum incitantur, facile patet, hæc duo principia motus, quorum unum internum, alterum externum est, occasionem præbuisse, ut corpus nostrum machinæ hydraulico-pnevmaticæ nomine insigniatur.

Corpus humanum est machina avtomatica, seu Avtomaton vivum. *Vid. B. WEDEL. Physiol. reform. Cap. 13. p. 450. & Celeb. CAMMERARIUS in Systemate Cautelarum med. p. 54.*

Quid sit avtomaton, in vulgus fere notum esse putamus,

mus, est nempe machina ejusmodi, quæ principium motus intra seipsum habet, & componitur ex organis ratione figuræ, structuræ & magnitudinis diversis, certo ordine & situ dispositis, quæ moveri debeat a fluidis elasticis vitalibus. Jam equidem dubio caret, corporis nostri machinam a duplici motore commoveri, uno externo, nempe aere, sine cujus haustu vix quædam animalia ultra horam in vita persistere valent, altero interno, qui est sanguis, cum spiritibus animalibus; attamen hi postremo commemorati motores sunt principaliores, utpote cum quibus vita & incipit & desinit.

Corpus humanum est machina per artem inimitabilis.

Vid. B. D. GAKENHOLZII *Programm. de Machina humana per artem non imitanda.*

Exinde cognoscimus ineffabilem artificis perfectionem, omnipotentis inquam Creatoris, qui Machinam illam condidit. Certo certius enim est, ne ullius quidem hominis vires pares esse, vel unico membro artificiosissimæ hujus machinæ imitando. Oculum nostrum Camerae obscuræ rationem habere, extra omne dubium positum est: Ast & Camera hanc obscuram inimitabilem esse, B. STURM. in *Optica Matheosæ Juvenilis*, evidenter demonstravit. Quis unquam fabrefecit Oculum, videndi facultate præditum, aut Aures, percipiendis sonis idoneam, aut Nasum, odoratus sensu præditum, aut quis unquam Musculum artificialem effinxit, qui v. gr. brachium, vel crus ligneum commoverit, & in quo rationes motus musculorum demonstrari potuerint? Quis unquam audivit Machinam loquentem, non obstante, quod ingeniosus Pater KIRCHERVS, *L. 9. Musurg. it.* RETHERVS in *Tr. de Aere*, possibilitatem istiusmodi machinæ affirmare ausi sint. *Clar.* FONTANEL, Societ. Paris. Membr.

& Secretarius, in *Historia hujus Academiae*, 1701. edita, refert de Syracusano quodam *Gatano Giulio* z v m b o, quod laudatæ Academiae Caput, ex cera effictum, exhibuerit, in quo omnes partes, prout Anatomici eas designare solent, perfecte expressæ & compositæ sint, imo præsentī tempore peregrinis & curiosis Lutetiæ Parisiorum egregium & stupendum opus ostenditur, scil. *Anatomie en cire*, in qua nullæ non partes & viscera exactissime expressa comparent: sed quis audebit dicere, in egregia hac machina omnes etiam internas viscerum structuras exhibitas esse. Noli ergo gloriari, Dædale, de tua Venere; Archita, de Columba, Regiomontane, de Aquila & Musca tua ferrea. Manu factæ enim fuerunt machinæ, vitæ nesciæ. Nostrum corpus, præter motum suum, adhuc aliis gaudet prærogativis, quæ nullus artifex in machinam inducere poterit: Motu gaudemus voluntario, sensibus, tum externis, tum internis, nutritione & secretionē, quibus alimenta in diversis visceribus præparantur, & utile ab inutili secernitur, atque hæc omnia fiunt ad solum DEI institutum, quippe non valemus nostris cogitationibus actiones hæc vel promoverē, accelerare vel impedire. Corporis nostri machina sui simile generat, quod nulla unquam machina alia præstitit, aut in posterum etiam præstabit. In nostra machina non, quemadmodum in aliis, tubuli sunt perfecte solidi & mere passive se habent, sed sunt insimul tensiles, sensiles, flexiles, & sic activi. Omnes enim gaudent motu Systolico & diastolico, magis vel minus manifesto. Sunt insuper in tubulis infinitæ valvulæ, quod divinum est artificium. Ex quibus omnibus apparet, nostrum corpus ex voluntate DEI quidem esse machinam, sed naturalem, vitalem, & automaton vivum, quod ipsius excellentiam confirmat, quamquam omnes
functio-

functiones, quæ per hanc machinam perficiuntur, pro diversa organorum structura fiant.

Machina humana ex diversis partibus componitur.

Non intelliguntur hic partes elementares, sensibus minus patentes, sed particulæ minores, sensibiles tamen, quæ ad machinæ perfectionem necessario requiruntur, imo quæ de vitalitate machinæ totius participant, & non nisi ratione structuræ suæ a se invicem differunt, uno verbo, pars est id, quod ad integritatem totius machinæ pertinet. Et quemadmodum sine tubulo, sine mercurio, & sine aere non possumus perficere Barometrum, ita quoque sine partibus solidis, sine humoribus, & sine spiritibus, aereque, nostra etiam machina non erit perfecta. In mortuo enim corpore sunt quidem partes solidæ, sunt humores, sed utraque non moventur, ob spiritum defectum, & eorundem activitatem, in morte sublatam.

Partes corporis humani sunt vel solidæ, vel fluidæ.

Quid sit corpus solidum, seu consistens, in physicis jam jam est expositum, hic, utpote in Anthropologia, denotat tale, cujus particulæ constitutivæ non modo firmiter sibi connectuntur; sed quæ omnes etiam inter se cohærent, & unam compagem infinitarum fibrarum, vasculorum & tubulorum constituunt.

Hæ partes solidæ dividuntur in simplices, five quasi elementares, & compositas, five organicas.

Hic itidem non intelligo partes elementares physicas, quas corpus humanum cum omnibus corporibus communes habet, sed elementa Physiologica & Anatomica, magis sensibilia, five talia, quæ per dexteritatem Anatomici omnium oculis exponuntur. Ejusmodi corpus elementare simplex,

sive simile, in omnibus partibus solidis est *fibra*, filamentum, I. juxta alios villus, h. e. corpus tenue, flexile, tensile, sive elasticum, cylindraceum, certa crassitie, ac duritie præditum.

Subtiliores quidam Philosophi, inter quos est LEEWENHOECKIUS, adhuc alia elementa fibrarum statuunt, nempe *lanuginem* quandam subtilissimam, quæ in Microscopiis apparet. Hæc lanugo, ex qua fibræ componuntur, revera non alia est, quam, quæ in Massa sanguinea, ejusque lymphæ existit, cujus existentiam ita experimento, jam a Cl. D. BERGERO, in *Physiologia sua*, p. 153. citato, comprobabo: nempe, si venesectio instituitur, & sanguis prorumpens vasculo, aqua calida repleto, excipitur, hæcque mixtura frigefacta filtratur, remanet in filtro magma quoddam, quod si denuo aqua frigida diluatur, ut color rubicundus elutrietur, & tandem iterum filtratur, remanet in filtro substantia quædam lanuginosa alba, gossypium quasi æmulans; Quæ non tantum elementum fibrarum constituit, sed & causa existit coagulationis sanguinis extravasati, imo polyporum. Hinc sanguis citius, vel tardius coagulatur prout vel major, vel minor particularum istarum lanuginosarum inibi fuerit copia. Compositæ vero ex his filamentis partes dicuntur organicæ, quoniam hæ ipsæ sunt instrumenta, quibus mediantibus functiones certæ in Oeconomia animali peraguntur.

Solidæ omnes certam differentiam soliditatis ostendunt. Aliæ enim magis, aliæ minus tales existunt, prout earum fibræ & lamellæ laxius, vel densius cohærent.

Inter omnes partes solidas duritie eminet *Os*, quod durissima solidissimaque corporis pars existit, & ideo ad instar fulcimenti reliquarum omnium sese habet, ejusque motum firmiorem concedit: Hinc elegantissime eadem descripsit HIPPOCRATES, triplicem eorundem usum, notatu dignissimum,

mum, optime complectens, *Libr. de Ven. C. 17. t. 1. τὰ ὀστέα τῷ σώματι στασιμὰ, καὶ ὀρθότητι καὶ εἶδος παρέχοντα*, Ossa corpori stabilitatem, seu consistentiam, & rectitudinem ac speciem, seu figuram potius, exhibent, notante B. W E D E L. *Physiolog. reform. Cap. 2. de hom. in genere, p. 30.* Mechanice ossa considerantur tanquam vectes, si eorum corpora respicimus, si vero eorum extremitates consideramus, sese repræsentant plerumque ut trochleæ.

Cartilagines ad duritiem osseam fere accedunt. Nam earum substantia solida est, flexilis tamen, albicans, polita & tantisper pellucida. Corpore hoc cartilaginoso, exterius polito, munitæ sunt extremitates osseæ, ut sic ossium in arthrosi se invicem contingentium motus facilitetur, nec, ob attritum, (qui, si lævitas abesset, omnino contingeret,) sufflaminetur. Ex mechanicis enim noto notius est, ejusmodi attritum magno motui esse obstaculo. Interim tamen cartilagines quoque per Synchronosin ossa inter se insimul conjungunt.

Ligamenta molliora sunt ipsis cartilaginibus, imo interdum ad membranarum naturam accedunt, ossa inter se, imo etiam alias partes conjungunt, firmant, ac in situ suo naturali conservant. Dividuntur in lata, & rotunda.

Tendines sunt musculorum extremitates, ossibus ut plurimum per aponevrosin insertæ. Tendines certorum musculorum manuum ac pedum moventur in suis vaginulis.

Musculus est fasciculus fibrarum motricium, & motus instrumentum primum; mechanice consideratur, ut funiculus, quo vectis trahitur. Dividitur in corpus, & duas extremitates, sive puncta extrema, quorum unum est mobile, alterum immobile.

Nervus est corpus fibrosum, albicans, porosum, ex cerebri, cerebelli, & cerebri continuati, sive spinalis medullæ parte
albi-

albicante originem ducens, & fluidum nervosum, sive spiritus animales ad corporis partes pro sensu, motu & vitalitate amandans.

Vas sanguiferum est tubus elasticus, coniformis, sanguinem vehens; Dividitur in Arteriam, & Venam.

Arteria sanguinem a corde ad partes ducunt pro nutritione & secretionem.

Vena eundem, a nutritione & secretionem superstitem, volatilibus particulis destitutum, reducant.

Vasa Lymphatica sunt ductus tenues, pellucidi, constantes subtili admodum pellicula, componuntur ex valvulis pyriformibus, continent in se lympham, eamque versus cor, & ductus chylicos vehunt: Hinc jure meritoque dici possunt Venæ Lymphaticæ.

Vasa chylica ratione structuræ cum lymphaticis coincidunt, differunt tamen ratione materiæ quam vehunt, & imprimis in mesenterio conspiciuntur.

Vasa adiposa, in omento imprimis conspicua, quoad structuram quoque fere conveniunt cum lymphaticis & chylicis, excepto, quod oleum quoddam in se contineant & vehant.

Glandula est corpus vasculosum, fibrillosum & tunicatum, ex diversis vasorum convolutionibus & complicationibus, fibrillis carnosissimis, & membranulis interpositis coagmentatum, secretionibus humorum diversi generis destinatum. Receptissima earum divisio est in Conglobatas & Conglomeratas, in Percolantes & Secernentes.

Glandula conglobata globum repræsentat vel majorem vel minorem & sunt v. g. glandulæ salivales minores labiorum & buccarum, glandulæ subcutaneæ, glandulæ sebaceæ palpebrarum, narium.

Glan-

Glandula conglomerata ex multis glandulis conglobatis quasi coagmentantur in unum corpus, & per specialem tunicam communem involvuntur, tales sunt glandulæ salivales, sublinguales, anteriores, posteriores, parotides, pancreas Virsüngii, mammæ, thymus &c. in hisce glandulis sunt ductus & vasa secretoria & excretoria.

Vas secretorium est canaliculus exiguus, repletus substantia quadam plumulosa, per quam liquor fecernendus filtratur. Estque in extrema arteria vel arteria capillari, ubi venæ originem ducunt, vel ubi arteria in venam incurvatur. Celeb. GARENGEOT in sua *splanchnologia* dicit, quod in hac muscositate existat fermentum locale ibi depositum a primo conceptionis puncto.

Vas excretorium canalis major est natus ex concursu vasorum secretoriorum, ergo etiam soliditatem majorem possidet v. g. singula glandula minor pancreatis Virsüngii possidet vas secretorium, quod properat ad ductum communem, qui per medium hujus glandulæ oblongæ excurrit.

Glandula percolantes lympham atque chylum trajiciunt, ac insimul eorum subtiliationem promovent, construuntur ex muscosa substantia & sunt folliculi reticulati, hinc vocantur quoque præla & corcula, ac præter arterias, venas, nervos, duplici quoque vasorum lymphaticorum genere gaudent: Unum lympham adducit, alterum lympham ab ejusmodi glandula ulterius deducit ad aliam glandulam & versus cor. Hujusmodi generis glandulæ sunt axillares, inguinales, thyroideæ, meseraicæ, renes succenturiati, & multæ aliæ, v. gr. Glandula pinealis, juxta NVCKIVM, item pituitaria, juxta VIEVSSENIVM, &c. quæ, ad instar machinularum hydraulicarum, lympham tantummodo conquassant & subtilisant, eamque ad motum aptiorem reddunt.

Glandulae fecernentes liquores a massa sanguinea fecernunt & sunt complicationes capillarium arteriarum, ramulorum, vel penicillorum excretoriorum, aut ductuum succosorum, membranulis circumvolutorum, in quorum porulis, diversimode & determinate constructis, liquores a massa sanguinea fecernuntur. Ejusmodi glandulae reperiuntur in mammis, intestinis, ventriculo, oesophago, ore, cerebro, uvula, & testibus. BELLINVS hasce glandulas ita definit, quod formari possint, si a summo ramo arteriarum, vel etiam a quacunque parte ramorum aut trunci deducatur canaliculus non conicus, neque emittens ramos, sed cylindricus, & vel advolutus in spiram, vel plicatus in plicas, vel saltim extensus per convenientem longitudinem, atque per totum ambitum multis foraminulis pertusus, &c.

Membranae sunt tunicae, ex diversa fibrarum motricium implicatione compositae, qua alia organa & viscera partim involvuntur & investiuntur, partim vasa, in illis contenta, firmantur & sustentur. Huc pertinent periostea, perichondria, membranae muscutorum, viscerum, pleura, peritoneum &c.

Fluidae corporis nostri partes sunt illae, quae componuntur ex particulis globosis admodum exiguis, glabris, ab aere, aethere, & igne interposito in perpetuo motu constitutis, a se invicem actu divisis, vel parumper connexis, & ratione suae structurae, ad motum apprime aptis: Hae sunt Humores & Spiritus.

Humor est corpus liquidum, magis, vel minus fluidum. Humores, sive Liquores, optime dividuntur in Universales, & Particulares, hique iterum in Utiles, Excrementitios, & Medios.

Humores *universales* sunt, qui per integrum corporis ambitum

ambitum motu circulari feruntur, omnes partes nutriunt, & a quibus reliqui succi secernuntur, suntque *Sanguis* & *Serum*, quorsum non immerito & *Chylus* referetur, quatenus ex hoc utrique humores restituantur, imo universalissime omnes.

Utiles dicuntur illi, qui usum quendam in Oeconomia humana præstant, & vel ad conservationem individui, vel speciei requiruntur, uti v. gr. saliva, liquor ventriculi, succus pancreaticus, bilis, lymphæ pericardii, ventriculorum cerebri, synovia, semen, & lac.

Excrementitii liquores vocantur ii, qui, dum in corpore nulli usui inserviunt, ex eo necessario ejiciuntur, & sunt urina, ac sudor, vel materia, quæ insensibiliter per poros corporis transpirat.

Medii sunt, qui aliquale quidem officium in corpore præstant, postea tamen pro circumstantiis extra limites ejiciuntur, ut lacrymæ, mucus narium, intestinorum, urethræ, menses, sanguis hæmorrhoidalis, cerumen aurium.

Hi Liquores omnes, quando accuratius examinantur, ex quinque principiis compositi deprehenduntur, nimirum aqueis, salinis, terreis, oleosis, & aereis.

Hæc elementa humorum semper facillimo negotio per experimenta Chimico-physica sensibus objici possunt. Et enim 1) Aquearum particularum in sanguine existentiam comprobatur fluiditas & humiditas. Nam in aqueo principio tanquam in vehiculo, reliqua continentur, & dum in illo fluctuant, insimul commoventur. Notandum tamen, ab Anthropologis ad aqueas partes referri insimul gelatinosas. Exinde quoque apparet, eorum distinctionem inutilem plane esse, qui inter serum & lympham differentiam quandam quæsierunt, & serum omne excrementitium, lympham vero laudabilem & utilem esse, sibi imaginati sunt, quod tamen in massa sanguinea nunquam separatim ostendi potest.

2) Salis in liquoribus corporis nostri præsentiam sapore deprehendimus. Hocce sal, juxta Chimicorum placita, dicitur Sal medium, vel, quod accuratius est, *Sal ammoniacale*. Nam constat ex sale quodam acido, quod sale volatili alcalico saturatum existit, ut adeo in statu naturali neque acidum, neque alcali in prædominio sit, sed æquali fere proportionem mixtum & combinatum: Hoc enim probat Analysis chimica urinæ, sanguinis, imo omnium liquorum. Urina enim, convenienti enchirisi destillata, dat primo sal quoddam alcali volatile, postea etiam fortissimo igne adhibito destillatur Phosphorus, sive sal quoddam viscosum acidum. Hæc salia ex intima solutione alimentorum generantur.

3) Terram in omnibus existere liquoribus, non tantum incineratione sanguinis comprobatur, sed & illa sal copiose apparet in urina, a qua sponte separatur in matulis.

4) Nec de existentia partium oleosarum, quæ & sulphureæ salutantur, dubitandum. Nam pinguedines diversarum partium id ostendunt, & quod maximum, in sectionibus in Chyli receptaculo vulnerato oculis nostris sistitur. Nihil dicam de oleo illo, quod in destillatione urinæ, sanguinis, &c. sal copiose expelli potest.

5) Aerearum partium existentiam in liquoribus cernimus in experimentis Anthæ pneumaticæ. Nam dum educimus aerem, sanguis, urina, & saliva in momento mirum quantum spumescere incipiunt, id quod unice ab aere, in iis contento & latitante, provenit.

Hæc elementa humorum, diversimode quoad proportionem mixta, dant temperiem sanguinis, & humorum diversam.

In nullo homine post lapsum hæc mixtura unquam æqualis fuit & est. Quoniam itaque continuus in humoribus conflictus,

ctus, continua principiorum actio & reactio deprehenditur, ideo tandem ultimo ad destructionem tendimus, sive quod idem est, omnes necessario & absolute ad mortem ex hac ratione dispositi sumus.

Ex diverse proportionata hac elementorum sanguinis mixtura, juxta plerosque Philosophos, oriuntur quoque tam diversa hominum temperamenta.

Hoc quodammodo quidem concedi potest. Vix tamen unice & absolute sufficient humores. Non enim ab hoc negotio excludi omnino debent partes solidæ, videmus quippe ab his mutatis ipsa quoque mutari temperamenta. Tale quid observamus 1) quando homines ab ætate una in aliam trans-eunt, in quibus, prout soliditas partium solidarum alteratur, ita & alterantur temperamenta: 2) ubi partes solidæ a vitæ genere mutato, a climate variato, & maxime a morbis in aliū statum rediguntur, itidem alia temperamentorum, quam ante fuerat, resultat ratio; v. gr. obstructis hypochondriis, oritur temperamentum ad melancholiam proclive, nec minus a phrenitide, phthisi, affectibus uteri, &c. mirum quantum hominum temperamenta invertuntur. 3) Cum in externis corporis partibus tantam structuræ varietatem conspiciamus, quid obstat, quo minus simile quid in partibus minutioribus præstitum esse statuamus, quæ pro diversa sui structura, quoad magnitudinem, crassitiem, soliditatem, strictionem, laxitatem, figuram, connexionem, &c. postea motus humorum diversimode quoque alterare, & sic temperamenta ipsa infinitis modis diversa reddere valeat. Sic Ill. *Consiliarius intimus* HOFFMANNUS, *Hallens.* in *Disp. de Corporum dispositione ad morbos*, vehementer, inquit, ii errant, qui temperamentorum, seu variarum constitutionum diversitatem in fluidorum natura, habitudine & proportionem quærunt, eo quod hæc, pro ingestorum modo,

continuis mutationibus pateant, sed potius ex solidorum structura & promptitudine ad motum temperamentorum diversitas explicanda est. Nam sicuti motus in universo, inque corporibus animantium omnium functionum & effectuum causa est præcipua: ita etiam solidorum motus & fluorum circuitus & progressio, quam veteres ignorabant, efficit, ut unus homo ab altero ratione actionum & animi & corporis morum quoque multum differat. Et quemadmodum omnis motus, sive solidorum, sive fluidorum fuerit, vel celer, vel tardus ratione temporis, & virium, vel magnus aut debilis ratione virtutis moventis, & massæ movendæ existit: ita etiam ex his motuum speciebus veterum quatuor temperamenta explicare & definire possumus; quod si enim systole cordis, & arteriarum celerior est, adeoque sanguinis velox per venas cursus sit, tunc temperamentum dicitur Cholericum. At si is motus paulo validior est, ut magnam sanguinis massam expedite & celeriter per vasa circumvolvere possit, tunc temperamentum oritur Cholericum - sanguineum. Pulsu vero cordis & arteriarum tardiori existente, sanguis segniori itinere per venas volvitur, & sic nascitur Melancholicum. Si vero huic tarditati pulsus magnitudo juncta fuerit, quod fit, si sanguis copiosus sit, tametsi tardiori motu circumagatur, exsurgit temperamentum, quod sanguineo Melancholicum dicitur. Quamvis autem hic laudatus Vir omnem temperamentorum rationem minime in fluidis, sed unice in solidis partibus consistere statuatur: Attamen, quoniam materia ipsa movenda, ratione suæ quantitatis, gravitatis & levitatis, volatilitatis & fixitatis, fluxilitatis & viscositatis motum insigniter modificat, ideo etiam fluida in negotio temperamentorum suum maxime conferent symbolum. Omnia autem & singula, circa temperiei mutationem observanda, egregie complexus & persecutus est B. WEDEL. in *Physiol. reform.* Cap. 7. de Vitæ modis.

Corpus

Corpus humanum quoad maximam partem ex fluidis, liquidis & facile evaporabilibus constat partibus.

Sunt, uti jam dictum fuit, principia, humores nostros componentia, aqua, sal, sulphur sive oleum & terra. Aqua dissolvit salia, sal in sulphur agit, ideo illæ corporis partes, quæ ex hisce principiis constant, facile putrescunt, uti v. gr. sanguis, urina. Ossa vero non facile putrescunt ob copiam terræ. Exsiccavi portionem intestinorum corporis humani, item muscoli, hepatis &c. v. gr. Recepi intestini drachmas duas, exsiccavi in aere, impetravi post exsiccationem modo drachmam dimidiam, hocce exsiccatum intestinum post calcinationem reliquit terræ grana sex.

Spiritus sunt illud fluidum subtilissimum, quod in nervis continetur, & per hosce canaliculos porosos & valde exiguos ad omnes partes ducitur.

Hocce fluidum summe mobile separatur in cerebro, cerebello, & spinali medulla a sanguine arterioso, omnes motus & perceptiones in sensibus perficit, nec minus in negotiis secretionum & nutritionum insignem utilitatem præbet.

Vocabulum Spiritus duplici modo accipitur 1) pro re immateriali, & sic quidem philosophice, 2) medice & chimice pro re materiali admodum subtili, qui sensus etiam hic valet.

Hinc id, quod jam Spiritum salutamus, ab aliis nominatur Calidum innatum, Flammula vitalis, Spiritus insitus, Archeus, Anima brutorum sensitiva, Succus nervosus, lux animalium: D. D. DOLÆVS vero nova eaque mirabilia nomina finxit, iisque imposuit, dum ab officio & partibus, quibus Spiritus præesse debebant, unum vocavit Microcosmetorem & Cosmetorgem, alterum Cardimelechum, alium Gasteranacem, Bithnimalcam, &c. Alii spiritus hos cum spiritibus chemicis

micis comparare solent, v. gr. vinosis, & urinosis, &c. alii cum radiisolaribus, alii cum aere & æthere. Cum vero vix eousque nostra procedat notitia accurata, dicendum potius generalius paulo, quod sint naturæ simplicissimæ igneæ, simul & elasticæ, elaboratæ ex subtilissimis alimentorum ramentis, & aeris particulis purissimis.

CAP. II.

DE

Vita & Sanitate.

Vita hominis physica consistit in unionem mentis cum corpore, quemadmodum separatio vel dissolutio harum partium dicitur Mors.

Mentis & corporis unio & communio quomodo fiat, res est plane nobis adhuc ignota. Alii harmoniam præstabilitam; Alii systema influxus physici; Alii systema causarum occasionalium defendunt, atque proponunt; Alii hanc unionem per vinculum spirituum animalium fieri; Alii per inhabitationem asserunt, eamque declarant experimento illo, Phosphoro *Balduini* instituto; Alii eam in convenienti cogitationum mentis cum corporis motibus ratione, a nutu DEI ita dependente, consistere, si-ve, quod idem, dependentiam actuale inter utrumque statuunt, qua scilicet & anima afficiatur per motum corporis, & hoc per cogitationem animæ. Hinc vita animæ in cogitatione, vita vero corporis in motu consistit.

Motus autem inchoatur in corpore humano in ipso conceptionis momento, ubi stamina, integram jamjam hominis machinulam repræsentantia, & in ovulo comprehensa, a spiritu elastico igneo, in semine virili incluso, agitantur & impel-

impelluntur; quo facto corculum hujus embryonis statim motu systolico & diastolico se commovendo liquores primigenios per minima illa hujus exigui corpusculi spatia in circum pellit, segregat ab illis minimas atomos, easque conjungit cum corpusculo. Ita enim corpusculum, ob exiguitatem suam, pellucidum, & quasi invisibile, dum augetur, magis magisque solidescit, & visibile redditur, in ejus centro corculum rubrum, sive punctum saliens, apparet. Hinc communicatio vitæ in imprægnatione nihil aliud est, quam communicatio motus.

Cum verò nullum corpus moveatur a se ipso, merito quærendum, quidnam motus in machina nostra præstet?

Animam nostram rationalem motus voluntarios dirigere, omnes concedunt, nec plane negari potest, animam illam motus voluntarios etiam suo modo instituere posse, quamvis ratio exacte reddi haud possit. *Vid. ORTLOBII Hist. partium, vel Oeconom. animal. Dissert. III. §. 3.* Ast quænam sit causa motuum involuntariorum, sive illorum, ad quos vel nunquam anima nostra concurrere, nec eos dirigere videtur, nec eos coercere, neque in melius mutare, neque accelerare, aut retardare, ac cohibere, hic quæstio oritur. Alii cum HELMONTIO horum motuum causam dicunt Archeum, alii cum GASSENDO subtilissimarum, & activarum atomorum congeriem, alii cum BORELLO spiritum vitalem, omnibus partibus affusum, qui illis vitam & activitatem concedat, alii cum CARTESIO, WILLISIO, RIVINO, & B. nostro WEDELIO substantiam quandam fluidam, lucidam & igneam quasi vocant, alii aliter, qui verbis quidem primo obtuitu diversi, re tamen unum idemque indigitant, hinc his subscribere non dubitamus omnino.

Sunt quidem nonnulli, qui vitæ nostræ corporeæ rationem in motibus partium solidarum & fluidarum harmoni-

cis quæſiverunt, vel, quod idem eſt, vitam in niſu & reniſu partium ſolidarum & fluidarum, ſive tono partium ſolidarum, & preſſione, ſive elatiſticitate, partium fluidarum, vel in æquilibratio potentiæ partium conſiſtentium & fluidarum conſiſtere, vel ex ſola machinæ ſtructura & organiſatione pendere autumant: Aſt ejuſmodi aſſertio rem quidem declarat, ſed non exhaurit; ſemper enim quæſtio manebit, quænam ſit cauſa horum motuum harmonicorum, vel huius niſus & reniſus, vel huius motus æquilibrationis, &c. ſi hanc reddere volumus, confugiendum utique eſt ad ſpiritum quendam, ſive principium quoddam vitale, quod durante vita in corpore exiſtit, in morte vero deſtruitur. Is vero, qui ulteriorem huius ſpiritus cognitionem quoad ſuam exiſtentiam, eſſentiam & functiones deſiderat, legat incomparabilem *Celeb. D. RIVINI Diſſert. de Spiritu Hominis vitali* & Ill. W E D E L I I noſtri *de principio vitali*.

Movens & mobile itaque durante vita & ſanitate bene conſtitutum eſſe debet.

Hinc motus vitales haud debito modo fieri poſſunt, niſi partium ſolidarum exacta ſit diſpoſitio, vel ad motum aptitudo, quæ in debita conformatione, vel ſtructura, ratione 1) ſoliditatis, 2) magnitudinis, 3) numeri, 4) figuræ, 5) ſitus, conſiſtit.

Cum vero ſolidæ partes plerumque ſe habeant inſtrumentaliter, & moveantur a fluidis, fluidorum conditiones in vitæ & ſanitatis negotio probe quoque attendendæ, quæ conſiſtunt in debita quantitate, qualitate & motu.

Quantitas debita fluidorum in vita ſemper perfectæ ſit neceſſe eſt, hoc eſt, neque exceſſiva, neque deficiens. Liquida enim, dum vaſa replent, illis impulſum, elatiſticitatem & tonum concedunt. Quanta vero ſit neceſſitas proportionatæ
quan-

quantitatis liquidorum in vita & sanitate, in excretionibus præternaturalibus sufficienter apparet, in quibus non tantum vires sensibilibus imminuuntur, sed & tandem ipsa vita cum morte commutatur: Dum enim vasa a liquidis depauperantur, eorum pulsus & dilatatio diastolica cessat, & posita exinanitione vasorum, circulatio necessario sistitur. Simile malum metuendum, cum quantitas liquidorum augetur: Dum enim vasa nimium ab iis distenduntur, eorum quoque contractio & systolicus motus necessario sistitur, quale quid fieri solet in Plethoricis.

Qualitas liquidorum consistit in debita elasticitate & mixtione quinque principiorum, humores componentium. Quemadmodum morbus & mors, destructio elasticitatis, & vitalis proportionis mixturæ horum principiorum dici meretur.

Antea dictum fuit, quod post lapsum nulla sit perfecta principiorum, humores componentium, mixtio in ullo homine, quæ tamen sine dubio in primis parentibus, eorumque statu paradisiaco, vel integritatis perfectissima fuit, & quamvis in omnibus omnino hominibus illa sit imperfecta, tamen hæc imperfectio gradu differt, dum in aliis magis, in aliis minus talis deprehenditur, ex qua constitutione diversa resultant quoque sanitatum diversitates.

Dolenda sane est humana conditio: Nam vires humani generis indies imminuuntur. Patriarcharum ante diluvium natorum ætas millenarium fere attigit, postmodum vix seculum superavit unum, ac verendum est, nisi mundi finem faciet extremum iudicium, vitam mortalium tandem lustro terminari.

Hic oritur quæstio: an corruptio, vel putrefactio, durante vita, & salva sanitate, in corpore nostro lecum inveniat?

Respondeo utique: Comprobant enim hoc infinitæ particulares destructiones, quæ in multis morbis contingunt; hinc odore percipimus putrida illa & cadaverosa principia in variolis, aliisque ulceribus, carie dentium, aliorumque ossium. Et si tale principium destructivum, ac dispositio ad corruptionem in corpore nostro non contineretur, quod a determinata & specifica particularum, quoad gravitatem, elasticitatem, figuram & structuram, differentia fluit, in immensum tempus, vel revera plane perpetuo in vita persistere possemus.

Is, qui vult sanitatem suam integram, intemeratam & inconcussam conservare, observet necesse est, regulas diæticas, fugiat mœrorem & tristitiam, ac omnia ea, quæ fermentationes in corpore præstant, imprimis autem a corpore sollicitè segreget terram. Ita in senectute erit juvenis h. e. faciem conservabit floridam & pulcherrimam; musculorum ac tendinum flexilitatem & viscerum actionem exoptatam.

Fluidorum quoque motus semper sit naturalis, nec nimis acceleratus, nec nimis retardatus: Omnia vero fluida gaudent motu intrinseco & progressivo.

Intrinsècus humorum motus distinctionis & doctrinæ gratia ille salutatur, in quo particulæ minimæ humorum & fluidorum circa propria sua centra vertiginoso motu circumvolvuntur, ubi mutui particularum humores componentium nisus & renisus, ac mutua eorundem trituriatio & compulsio existit.

Motus progressivus liquidorum est circulatio, quoniam omnia liquida plerumque ad illud centrum & punctum commune, nempe cor, redire solent, ex quo exiverunt.

Quæ hactenus dicta sunt de requisitis ad vitalitatem, illa quoque facili negotio ad sanitatem ipsam applicari possunt. Nam sanitas est integritas partium omnium atque actionum,
five

sive potentia exercendi actiones, quæ homini competunt quoad ætatem, sexum & vitæ genus. Hæc sanitas facile amittitur, ea tamen amissa, vita non statim amittitur, quæ diu adhuc, sanitate amissa, superstes esse potest, modo non cessent omnino actiones, maxime principes.

Actiones verò communiter dividuntur in Vitales & Animales.

Actiones vitales ab aliis etiam salutantur involuntariæ, automaticæ, perpetuæ, mechanicæ, & necessariae, ac peraguntur mutua fluidorum ac solidorum actione, & reactione, juxta singularum partium conformationem mechanicam, sine ullo animæ concursu, cogitatione & voluntate, uti v. gr. sunt digestiones alimentorum, nutritiones, secretiones, &c.

Actiones animales sunt, quæ maximam partem fiunt & dependent ab animæ imperio, positis videlicet omnibus requisitis ad agendum, quales sunt loquela, motus articulorum, &c.

Actiones mixtæ dici possunt, v. gr. Respiratio, excretio alvi & urinæ, &c. Hæ enim post partum perpetuo quidem existunt, & nobis insciis etiam in somno perficiuntur, interim tamen intendi & remitti, accelerari & retardari quodammodo possunt.

CAP. III.

DE

Præparatione alimentorum in Ore.

AD actiones œconomix animalis universas, quæ a structura partium dependent, eo melius explicandas, naturam in suis operationibus imitari par est, initiumque faciendum ab examine illarum, quas omnium primas perficit, tum, quia aliæ ab his dependent, tum, quo-

niam tanquam minus absconditæ ac simpliciore, facilius sese intellectui manifestant. Proinde cum nulla fere actio in corpore nostro peragatur, quæ non ad Nutritionem, Secretionem, Motus, Sensus, Generationem tanquam ad titulos generaliores redigi queant, ideo a Nutritione initium faciamus.

Sunt quidem nonnulli Physiologorum, qui omnis tractationis initium a generatione explicanda faciunt: Atamen, quoniam impossibile est, generationis modum pernoscere, nisi prius hominis jamjam nati & adulti functiones plenius innotuerint, ideo ea potius præ reliquis considerationi submittenda sunt, quæ ad nutritionem spectant.

Cum vero Chylificatio, & consequenter nutritio quoque, incipiat in ore, continuetur in ventriculo, & absolvatur in intestinis, hinc ab his maxime principium facere, e re erit, atque plane necessarium. Methodum vero per integram hanc Anthropologiam sequentem semper, quantum erit possibile, observabimus, ut nempe perlustremus 1) *Objectum*, 2) *Organum*, 3) *Causam adjuvantem*, 4) *Modum*, & 5) *Finem*. Alimentorum autem in ore præparatio duplici modo adsolvitur, nimirum Masticatione & Salivæ admixtione.

Masticatio est actio animalis, qua alimenta solida, vel consistentia, mutua maxillarum & dentium collisione contunduntur & dividuntur.

Objectum masticationis sunt *alimenta solida*, & secundo fluida, quæ quamvis jamjam sint actu divisa, & per masticationem non dividenda, interim tamen saliva permiscenda.

Alimentum dicitur id, quod deperditas corporis nostri vires iterum restituere, partesque, tum solidas, tum fluidas, nutrire vel in substantiam corporis nostri converti potest.

Divi-

Dividuntur commode in *εὐπεπτα*, sive rara, quorum particulæ laxæ cohærent, ut hinc facile dissolvi possint, *δύσπεπτα*, sive densa, in quibus densior & arctior particularum nexus, & difficilior solutio est, *εὐχυμα*, quæ laudabilem & copiosum chylum in se continent, *δύσχυμα*, quæ prævum & nutritioni corporis minus convenientem chylum suppeditant.

Organa masticationis sunt maxillæ, dentes & muscoli, quæ organa omnia machinam quandam, vel forcipem incisoriæ repræsentant, qualem in officinis Pharmaceuticis ad incidenda ligna, aliaque, invenimus.

Maxillæ sunt duæ, una *superior*, altera *inferior*.

Superior immobilis est, inferior vero mobilis.

Superior maxilla constat ex tredecim ossibus, 2) nasalibus 2) lacrymalibus 2) zygomaticis 2) maxillaribus 2) palatinis anticis 2) palatinis posticis & uno azygos, quod vomer appellatur, & etiam par esse videtur.

Inferior maxilla, seorsim considerata, repræsentat *vectem homodromum*, cujus Hypomochlium in sinu ossis temporum existit, & cujus potentia vera ad 300. libras se extendit, in junioribus ex duobus componitur ossibus, in adulto vero unum est.

Apophysis condylordes maxillæ inferioris cartilagine mobili tegitur, quam constanter publice demonstramus in anatomia, hinc singularis hujus organi motus est ob duplicem articulationem; cartilago enim hæc intermedia, duplici ligamento sustentatur.

Funiculi, vectem moventes, sunt sex *Musculi*, quatuor, attollentes, duo deprimentes.

Musculi maxillam inferiorem attollentes sunt 1) *Temporalis*, seu *Crotaphites*, qui principio largo, & quasi semicirculari,

culari, circa tempora oritur, & tendine suo sub osse Zygomatico transiens, in coronam, sive processum acutum, maxillæ inferioris inseritur. Hinc non aliter agere potest, quam quod, dum corrugatur, maxillam attollat. 2) *Masseter, sive mensorius*, cujus punctum fixum tota pars inferior ossis Zygomatici ut plurimum est, & postea fibris suis oblique versus angulum maxillæ descendens ejus lateri externo inseritur. Hinc etiam maxillam sursum movet, & ad ciborum comminutionem multum confert. 3) *Pterygoides internus* oritur a processu aliformi ossis sphenoidei, & inseritur interno lateri maxillæ inferioris. 4) *Pterygoides externus* a parte externa hujus processus oritur, & inseritur in internam maxillæ inferioris partem lateralem, sic oblique commovere possunt hi duo muscoli maxillam, eamque insimul attollere.

Musculi maxillam inferiorem deprimentes sunt musculus *Digastricus, sive Biventer, & Platysmamyodes*.

Musculus biventer præcipuus est, qui maxillam deorsum trahit. Prima sua parte, sive in puncto fixo alligatur processui mammillari, interdum ejus origo est in incisura sub processu mastoideo, antrorsum vero inseritur maxillæ inferiori, circa mentum, in medio tendinosus redditur, unde etiam circa extrema in duo corpora musculosa desinit. *Platysmamyodes* sive quadratus colli oritur circa claviculam & inseritur maxillæ inferiori & admodum gracilis est, hincque vix distinguipotest a membrana musculorum communi; Interim revera existit eumque ita accurate demonstravimus, sicuti reperitur apud VESALIUM atque EVSTACHIUM. Illustr. Anatomicus & Chirurgicus, D. HEISTER, in erudita sua *Dissertatione de Masticatione*, maxillam inferiorem ab uno tantum musculo, Biventre scilicet, moveri asserit.

Hancce machinam incisoriā DEVS etiam exornavit certis *cuneis*, vel planis inclinatis, politis atque satis solidis, *dentibus*

dentibus nimirum, quibus mediantibus concisio & triturationis alimentorum apprime absolvitur; sunt enim ex beneplacito DEI ossa solidissima, quia eorum fibræ & lamellæ osseæ firmissime inter se cohærent. In qualibet maxilla quatuor *incisores*, duo *canini*, & octo *molares* numerantur. Canini avellunt, seu dilaniant, incisores scindunt, molares vero conterunt, & alimenta in minores subinde, minoresque particulas redigunt; ideoque molares pluribus gaudent radicibus.

In masticationis opere varia occurrunt *adjuvantia*, & quidem primo *Lingua*, quæ comminuenda dentibus semper suppeditat, & revera instar molitoris sese habet. *Labia* & *Buccæ* continent alimenta, ne ex ore excidant, hincque molam repræsentant. Nec plane hic ab adjuvantium ordine excludenda erit *Uvula*, quamquam omnino post principalia stet.

Saliva etiam adjuvans est; nam, oblinendo dentes, eorum faciliorem intrusionem præstat.

Modus est incisio, triturationis, vel divisio particularum cohærentium.

Finis & usus masticationis alimentorum est (1.) *commoda deglutitio*; ita enim alimenta adaptantur, ut per canallem Oesophagi ad ventriculum commode descendere valeant. (2.) *Salivæ ex glandulis expressio*; quia enim glandulæ salivales circa organa masticationis sitæ sunt, ideo per horum motum saliva insimul exprimitur. (3.) *Facilior chymificatio*, postea in ventriculo peragenda.

Alterum negotium præparationis alimentorum consistit in salivæ intimiore permixtione.

Fontes salivales sunt *Glandulæ*, eæque vel *maiores*, vel *minores*: Minores sitæ sunt in integra oris cavitate, circa labia, gingivam, buccas, palatum, gargarion, isthmum, & ad latera linguæ in superficie. Hæ glandulæ globosæ per ductus

ctus minores immediate salivam ad oris cavitatem deponunt.

Glandulæ salivales majores enumerantur quinque & quidem 1) *sublingualis anterior*, quæ sita est circa mentum, in interstitiis masculi Genioglossi & Basiloglossi: hujus glandulæ ductus communis, a B. RIVINO anno 1679. primum detectus, inseritur ductui Warthoniano in hominibus, in brutis vero speciali suo gaudet ostiolo. 2) *Sublingualis posterior*, sive WARTHONIANA, sita circa confinia ossis hyoidis, finem maxillæ, & basin linguæ: Hæc glandula, ann. 1650. a jam laudato *Autore* inventa, ductu suo excretorio communi definit in Frenum linguæ. 3) *Glandula Parotis*, locum suum pone aures occupat: Hujus glandulæ ductus excretorius terminatur in oris cavitatem, circa confinia dentis secundi, vel tertii molaris maxillæ superioris, invenitque eum prius Cl. STENO, ann. 1660. & ideo Stenonianus dicitur. 4) *Glandula Nuckiana*, a Cl. NVCKIO in brutis observata, & in *Adenographia* sua, pag. 15. & seqq. descripta. In homine ego eum observavi interdum, sed exiguum & eam in multis hominibus revera existere, exinde concludo, quia in salivantibus tumor observatur in illo loco, in quo NVCKIUS suam glandulam esse judicavit. 5) *Tonsillæ & Paristhmia*, sive glandulæ circa Isthmum sitæ, lympham salivalem tempore deglutitionis per sinus majores, aliosque plures porulos minores eructant. Ego in anatomicis publicis aliquoties inveni corpus glandulosum notabile supra musculum baccinatorem.

Hi sunt fontes præcipui salivæ scaturientes. Innotuerunt & alii ductus salivales, ex quibus saliva prorumpit, quo pertinent ductus HARDERI & BRUNNERI glandularum, in gingiva sitarum, ductus WALTHERI, VATERI, HEISTERI, COSWITZII, quæ in foramine linguæ cæco vel circa illud reperiuntur, de quibus tamen natæ sunt controversiæ, vid.

vid. Illustr. HEISTERI *Anatomiam*, ubi de novo ductu mucoso in pharyngis fornice quid refert pag. 292. Ex his apparet, menstruum salivale fluere ad oris cavitatem ex multis & revera adhuc non omnino notis fontibus, totus enim colli ambitus multis glandulis refertus est, quarum, si non omnes, pleræque tamen salivales sunt. Hocce salivale liquidum ex tot diversis fontibus propullulans collective sumtum constituit menstruum universale, omnibus omnino alimentis regni animalis & vegetabilis dissolvendis aptum.

Saliva itaque, ex hisce glandulis & ductibus confluens, est menstruum primum & universale alimentorum, sive humor particularis laudabilis, ex aquosis, gelatinosis, salinis, aereis & oleosis particulis compositus, odoris & saporis fere nullius.

Saliva est menstruum. Quid menstrua sint, ex chemicis notum est, nempe corpora liquida & fluida, quæ vim solventem possident. Solvere vero, & dissolvere, est connexionem particularum destruere. Quod vero talis vis solutiva in saliva sit, infinita experimenta confirmant.

Saliva est liquor aquosus. Hanc aquositatem non tantum probat fluiditas, sed & vis salia solvens. Salia enim a nullo alio menstruo, quam aqueo, solvi, ex chemicis notum est, & quando saliva destillatur, maxime in liquorem aquosum resolvitur, quando vero inspissatur, gelatinositas & viscositas manifestatur, qua mediante mercurium extinguit, haud aliter, ac terebinthina hoc præstare solet in pharmaceuticis.

Saliva est liquor salinus: Salia in saliva existere, etiam per analysin chemicam certiores sumus, & ipsæ operationes ac experimenta hoc comprobant. Saliva enim 1) abstergit sordes, quemadmodum sapo hoc præstat, 2) mundificat ulcera quoque per salinum principium, 3) resolvit tumores,

4) dissolvit mercurium, & quod majus est, ipsum aurum, hoc enim foliatum, & in mortario lapideo, vel vitreo, cum saliva tritum mutatur solutione salivæ in pulverem gryseum. Hocce sal, quod admodum temperatum, modificatum, & sub aliis particulis absconditum est, ac neque acidæ, neque alcalicæ, sed mediæ potius naturæ deprehenditur, solvendis nostris alimentis aptum natum est, cujus cunei dum poros alimentorum penetrant, moderate connexionem destruant, & specimen ob id fermenti præbent, quod Chineses agnoverunt, qui farinam cum saliva hominum miscentes fermentationem instituunt, item frustum carnis coctæ masticatum, & saliva mixtum, citius in aere libero a putredine dissolvitur, quam non masticatum. Hinc saliva, quoniam fermentum est, fermenta peregrina atque maligna facile recipit, ideo oscula non promiscue danda, quoniam multa sunt suspecta.

Saliva est liquor aereus: aeris copia in saliva apparet per experimenta Antliæ; ubi saliva haud secus, ac alia liquida corporis nostri, in spumam assurgit. Hæc aeris copia quemadmodum in reliquis liquidis necessario requiritur. Ita in saliva egregium adjuvans solutionis est, & elasticitate sua contractionem alimentorum in ventriculo mirum quantum faciliat, quemadmodum hoc in sequentibus videbimus.

CAP. IV.

DE

De Deglutitione.

Deglutitio est actio mixta, seu potius animalis, qua alimenta masticata, salivalique liquore permixta, & sic lubricata, per fauces & gulam ex ore ad ventriculum protruduntur.

Objectum

Objectum deglutitionis sunt *alimenta*, sive solida, sive liquida, ad ventriculum demittenda, quæ propria gravitate, & sua sponte per canalem œsophagi non descendunt, sed motu, pulsione & pressione diversorum organorum ad illum feruntur.

Organa deglutitioni inservientia sunt *Palatum, Lingua, cum suis musculis, & quo annectitur, Osse Hyoideo, Epiglottis, Pharynx, Uvula & Oesophagus.*

Lingua ut primum organon deglutitionem inchoat, dum nempe se ad palatum applicando alimenta versus pharyngem detrudit; linguam autem musculosam esse, & miræ celeritate motus suos absolvere posse certum est, quippe modo panditur, modo stringitur, modo antrorsum, modo retrorsum, jam dextrorsum, jam sinistrorsum trahitur, atque sic in omnem partem flectitur, & movetur.

Cum itaque huius organi motus tam multifarius deprehendatur, ideo optimi & recentissimi Anatomici ultro fatentur; linguam esse congeriem plurimorum, & hætenus non exacte detectorum musculorum, inter se ex diverso fibrarum situ miro artificio contextorum. Mirum itaque non est, quando in denominandis & enumerandis musculis linguæ, ossisque hyoidis, pharyngis & uvulæ magnum Anatomicorum dissensum deprehendimus; alii enim quinque, alii sex, alii octo paria, tria nempe propria, & quinque communia cum osse hyoidis recensent. Vid. de his plura in Excell. PAVLI, Lips. eruditissimo *Commentario ad HORNII Microcosmum*, pag. 26. §. 19. & not. ad b. l. lit. o. pag. 29. seqq. it. in *Prefat. ad b. l.*

Musculi linguæ secundum celeberrimum ALBINI in sua *historia musculorum hominis* sunt 1. *Ceratoglossus*, qui linguam deorsum & introrsum trahit eamque angustat; 2. *Basiglossus*; 3. *Chondroglossus*; quorum actiones cum ceratoglossis fere conveniunt; 4. *Genioglossus*, qui linguam in

priora trahit; 5. *Styloglossus*, qui linguam retrorsum trahit &, si depressa sit, eodem simul tempore attollit ac simul eam dilatat. 6. *Lingualis* linguam facit brevior, contrahit, curvatque in inferiora, apicem ejus trahens in fundum oris: Hisce adduntur 7. *Myloglossus*, qui ab HEISTERO pro parte Mylohyoidei habetur & 8. *Ypsyglossus*, qui pars Chondroglossi esse videtur. Et revera lingua ipsa congeries est multorum muscutorum, id quod strata diversa fibrarum in ipsis his recensitis musculis evidentissime ostendunt, & per hæc strata fibrarum diversa lingua adaptatur ad tot diversos motus in loquela, degustatione, masticatione & deglutitione, necessarios præstandos.

Linguae motum juvat *Os Hyoideum*, cui lingua, tanquam basi, innititur, atque eidem validissime annectitur, adeo, ut partium harum motus fere sint synchronici, cum vix una sine altera moveri queat.

Possidet os hyoideum quoque suos speciales musculos, qui motum linguae simul promovent, quorum primus est *sterno-hyoideus*, qui os hyoides detrahit; in primis ejus partem priorem, 2. *coraco-hyoideus* os hyoides detrahit ac simul retrorsum cogit 3) *stylo-hyoideus* os hyoides attollit in posteriora, id quod facit etiam 4) *stylo-hyoideus* secundus sive alter 5) *Mylo-hyoideus* os hyoides attollit sursumque movet 6) *Genio-hyoideus* os hyoides ad mentum trahit.

Quare lingua, deglutitionis tempore sursum delata, eodem arripitur motu annexum os hyoideum, imo ut exactius linguae basis palato applicetur, os istud, beneficio muscutorum propriorum sursum pariter tractum, basin linguae eodem tempore premit & urget, atque sic efficit, ut ea undique arcte palatum amplectatur.

In ipso vero deglutitionis actu, quo alimenta pressione linguae ad pharyngem promoventur, non tantum lingua cum
osse

esse hyoideo sursum trahitur, sed & eodem tempore. *Larynx* ascendit, ut ejus rimula *Epiglottide* tegatur.

Hæc actio laryngis absolutæ necessitatis esse videtur; alimenta enim ponticulum, vel epiglottidem, transcendere debent, quæ epiglottis *Fistulam aeream*, vel *Tracheam*, tegit, & prohibet, ne alimenta ipsam tracheam incidere, ac tussim, vel quoque suffocationem plane inducere & causare valeant.

Arbitrantur quidem nonnulli, motum epiglottidis fieri posse pressione & pondere alimentorum; Ast cum non tantum grandiora & graviora sint deglutienda, sed & levia, imo interdum satis exigua, ideo non video, quomodo motus epiglottidis unice promoveatur, a pondere alimentorum. Statuendum hinc potius est, quod mechanica structura horum admirandorum organorum a DEO ita sit fabrefacta, ut motu spontaneo se ad hunc actum accommodare valeant.

Possidet epiglottis musculos suos attollentes hyo - epiglottes, qui laryngem iterum aperiunt, quique a nonnullis modo pro ligamento habentur, & musculos deprimentes, quibus mediantibus epiglottis laryngem tegit & vocantur ary-epiglottidæi & Thyro - epiglottidæi majores & minores, quos musculos depinxit SANTORINVS Tab. III. *Observ. suarum Anatomicarum*. Ideo per hos musculos epiglottis, quæ glottidem laryngis tegit & aperit, movetur.

Alimenta itaque omnia Laryngem, per Epiglottidem probe tectum & munitum, transcendunt, ac per fauces & Isthmum ulterius ad œsophagum deferuntur.

Fauces vero nihil aliud sunt, quam angustum illud spatium, quod radici linguæ & gulæ interjacet, & quod alias *Angiportus*, *Isthmus* salutatur. *Pharynx* vero est ipsum œsophagi caput & principium, pluribus musculis præditum, vel pars superior & amplior œsophagi.

Fauces

Fauces quidem, ad respirationem liberam servandam, semper ab ossibus hyoideis dilatantur. Interim tamen in deglutitione magis aperiuntur, ut alimentis intrantibus spatium detur. Duo autem imprimis musculorum paria, œsophagi hancce dilatationem præstant, nempe *Stylopharyngæi* & *Cephalopharyngæi*. Stylopharyngæi a processibus styloideis, gracili carneoque principio, oriuntur, atque oblique descendentes in latera glandulosæ membranæ faucium exporriguntur.

Cephalopharyngæi vero ab apophysi anteriori ossis occipitis dimittuntur, atque descendentes in latiore pharyngis partem inferuntur.

Dilatant insuper Pharyngem & attollunt musculus *pterygo-pharyngæus* a processibus pterygoideis originem ducens, imo, exiguus musculus *salpingo-pharyngæus* a Tuba Eustachiana productus. Dilatant quoque pharyngem & versus anteriora trahunt *mylo-pharyngæus*, qui a maxilla inferiori pone ultimum molarem dentem excurrit & tonsillam simul comprimit; item *Glossopharyngæus* a lingua excurrent, qui omnes in partem posteriorem pharyngis, ubi linea tendinea conspicitur, terminantur. Addit hisce SANTORINVS & ALBINVS *Palato-Pharyngæum* vel *Thyreo-Palatinum* aut *Thyreo-staphilinum* DUGLASSII.

Alimenta ita pressione nunc linguæ nunc actione musculorum jam recensitorum pharyngis per pharyngem ad œsophagum promoventur, & pharynx illico clauditur & constringitur per musculum, quem *œsophageum* aut sphincterem appellamus, quique cum osse hyoide cartilagine thyroidea & cricoidea laryngis connectitur. Ob multiplicem ideo originem illam dividunt in *Hyo-pharyngæum*, *Thyro-pharyngæum* & *Crico-pharyngæum*, quod fecit VALSALVA DOUGLAS &

SAN-

SANTORINVS. ALBINVS illos vocat constrictorem supremum, medium & infimum.

Tempore motus horum muscutorum tonsillæ, sive amygdalæ, in interstitiis Stylopharyngæorum & Cephalopharyngæorum muscutorum sitæ, simul quoque stringuntur, strictæ vero, Salivalem humorem in pharyngem eructando, deglutitionem faciunt.

In deglutitionis actu agunt simul palatum atque uvula.

Tunica rugosa palati & palati mollis pars musculis est exornata, quæ simul deglutitionem adjuvant.

Primus palati mollis musculus est secundum ALBIVM *Isthmi faucium constrictor*, qui palatum ad linguam trahit & isthmum coarctat; 2) est *levator palati mollis*, palatum retrorsum attollens & 3) *circumflexus palati*, qui palatum deorsum & ad latus tendit.

Uvula quoque in hominibus minime quiescit, sed hiatum illum narium claudit, ne cibi nares ingredi valeant. Uvula enim pendula, quam extus glandulosam intus autem musculosam existere, constat, per suos musculos hiatum narium exacte claudit.

Uvula in faucibus hominum pendula organum tum in loquela, tum in deglutitione admodum necessarium est & nunc sursum movetur, intumescit & abbreviatur, nunc descendit, nunc tenditur antrorsum, nunc retrorsum, nunc ad latera; ergo diversis musculis est exornata, quibus mediantibus tam multivarius motus absolvitur.

Veteribus muscoli hi non innotuerunt, quia uvulam glandulam esse putarunt. Recentiores vero anatomici observarunt in uvula 1) musculum *glosso-staphilinum* sive

E

glosso-

glossò - palatinum, qui a radice linguæ oritur & in velum palatinum, in cujus medio uvula existit, terminatur. 2) *Pharyngo - staphilinum*, qui a lateribus pharyngis provenit & finitur in velo. 3) *Thyro - staphilinum*, qui emergit ex laterali parte cartilaginis thyroïdes, ascendendo versus uvam latior fit, & lateri veli palatini arcus in modum inferitur, 4) *Salpingo - staphilinum*, qui a Tuba Eustachii ad uvam tendit & eam retrahit 5) *Pterygo - staphilinum* a processu pterygoideo ad uvulam abientem, 6) *Palato - staphilinum*, qui uvulam antrorsum & sursum trahit. 7) *Azygos MORGAGNI*, qui in medio & junctura palati tendineus oritur & carneus in uvula fit, uvulamque in priora attollit & breviorē facit.

Dictum fuit antea, deglutitionem esse actionem mixtam, h. e. ex parte existere voluntariam, ex parte vero involuntariam esse.

Voluntaria dici meretur respiciendo motus organorum linguæ. Hi enim motus mentis imperio subjacent. Quod vero attinet motum ipsius canalıs alimentarii, vel œsophagi, ille solo motu gaudet naturali, dum nempe in nostra voluntate positum haud est, bolum, ad œsophagum semel delatum, respuere.

Oesophagus est canalıs musculosus, a faucibus ad ventriculum extensus, cibum & potum ab ore ad ventriculum transmittens.

Figuram in supremo possidet infundibiliformem, quæ pars pharynx dicitur. Situm occupat post tracheam juxta longitudinem vertebrarum colli & dorsi, in thorace tamen parum ab aorta ad dextram inflectitur.

Tunicæ, œsophagum componentes, sunt, 1) *membranacea* & quasi tendinosa cum pleura continua 2) *musculosa*, quæ satis robusta est, in hac fibræ sunt longitudinales & circulares a nonnullis spirales dictæ. Hisce mediantibus œso-
pha-

phagus dilatatur & constringitur, adest 3) *cellulosa* fere, ut in intestinis & 4) *nervæ* ab aliis villosa, vasculosa & glandulosa dicta.

Oesophagus arterias a carotidibus, aorta, intercostalibus & cœliaca possidet, venas vero a jugularibus azygos & coronaria ventriculi, & nervos a pari vago. Adsunt & hic, sicuti in reliquis corporis partibus, vasa lymphatica.

Tunica villosa propriis gaudet glandulis, in brutis voracioribus, inprimis Gallo indico, conspicuis. Hæ glandulæ, in motu œsophagi compressæ, stillant lympham salivæ similem, qua interior superficies œsophagi humectata & lubricata facillime & sine impedimento dimittat alimenta ad ventriculum. WILLISIVS asserit, membranam hanc interiorem, humiditate sua se liberare volentem, producere *oscitationem*. Arbitratur enim, illam, commovendo nervos, excitare explosionem spiritus, qua œsophagus dilatari, vicinique muscoli agere incipiant.

Circa œsophagum variæ adhuc observantur glandulæ, ut *gastricæ* conglomeratæ, sinistro ventriculi orificio vicinæ. *Dorsales*, circa quintam thoracis vertebram sitæ, *Thyroidea*, *Bronchiales* & *Tracheales*, ex quibus etiam liquidum subsalsum salivale ad œsophagum & ventriculum exstillat secundum nonnullorum sententiam. Dorsales glandulæ jam veteribus & VESELIO ipso innotuerunt. CL. VERCELLONIVS in libro de glandulis conglomeratis œsophagi scribit *Thyroideam* glandulam nidum esse ovorum verminosorum, quæ ad œsophagum & ventriculum delata chylo characterem vitalem communicent. Verum de hac theoria verminosa ejusque veritate maxima medicorum pars dubitat.

Ufus deglutitionis in eo consistit, ut alimenta pro ulterius continuanda chymificatione ad ventriculum promoveantur.

CAP. V.

DE

De Chymificatione.

Chymificatio est actio animalis, qua alimenta, in ore masticata, & sufficiente liquore salivali imprægnata, per ventriculum in substantiam pultiformem rediguntur.

Causæ efficientes sociæ, quibus mediantibus Chymificatio hæc absolvitur, quatuor potissimum considerari merentur, nimirum 1) *Machina musculosa ventriculi, Diaphragmatis & Abdominis*, 2) *Menstrua*, 3) *Ignis, seu Calor, & 4) Aer.*

A musculis Diaphragmatis, Abdominis & ventriculi ipsius fit motus hujus peristalticus, quem primariam, juxta Mechanicorum principia, causam esse resolutionis, & attritionis alimentorum, horumque in minima ramenta divisionis, negari plane non potest. Magnam enim omnino esse vim fibrarum motricium Musculorum ventriculi, ex demonstrationibus BORELLI satis superque innotuit, qui evicit, potentias musculorum ventriculi, abdominis & diaphragmatis, simul sumtas, in digestionis negotio æquales esse ponderi prementi 12951. librarum. Unde facile patet, cur ARCHIBALDVS PITCARNIVS, in *Dissertatione de Motu, quo cibi in ventriculo rediguntur ad formam sanguini reficiendo idoneam*, solo hocce ventriculi atterentis & communientis motu, assuntorum coctionem absolvi posse affirmet, qua de re plura videri possunt in Cl. D. VERDRIES *Dissert. de Actione Ventriculi in comminuentis cibis.*

Menstrua, quibus alimentorum partes macerantur &, ad solutionem apta redduntur, varia sunt, v. gr. Liquida potulenta,

lenta, inprimis autem Saliva, Liquor œsophagi & ventriculi. Quo pertinet etiam succus pancreaticus, atque liquor glandularum intestinorum tenuium.

Calore alimenta in ventriculo digeri, ipsi HIPPOCRATI, Medicorum Patri, jamdudum cognitum fuit. Communicatur vero hic calor ventriculo partim a vasis sanguiferis & nervosis, ipsum ventriculum perreptantibus, partim ab Hepate, ventriculo superimposito, partim quoque a reliquis abdominis visceribus vicinis & ventriculum cingentibus.

Nec aerem penitus in alimentorum solutionis actu negligendum esse puto, utpote qui, copiosus satis cum aliis ingestis, ad ventriculum delatus, elasticitate sua eximiam reactionem habet.

Hinc Chymificatio absolvitur digestionem, solutionem & triturationem simul.

Chymificationis objectum constituunt omnia *alimenta*, convenienti modo in ore præparata.

Officina & Organon chymificationis est ventriculus, musculus excavatus ex multis stratis musculosis diversarum directionum compositus, utriculum vel cylindrum irregularem & incurvatum repræsentans.

Hic alias dividitur in corpus & duo orificia, quorum sinistrum & superius dicitur œsophagus, dextrum & inferius Pylorus salutatur, in quo notanda veniunt *Antrum*, *Valvula* & *Sphincter*.

Valvula, de qua disputatur, revera existit & annulum efformat evidentem in ventriculo inflato & exsiccato, quales conservo.

Corpus ventriculi dividitur in fundi partem inferiorem & superiorem,

Superior fundi pars illa est, quæ intra bina orificia existit & ubi vasa coronaria reperiuntur. Fundi pars inferior illa est, ubi omentum cum ventriculo conjungitur, & ubi vasa gastrica majora vel gastro epiploica observantur.

Celeberrimus WINSLOW & secundum eum Dominus GARENGEOT aliam dederunt ventriculi divisionem, nempe dividunt ventriculum in arcum superiorem & inferiorem.

Arcus inferior est pars inferior lata, arcus superior angusta sive spatium intra bina orificia existens.

Porro ventriculum dividunt in *superficies, margines, extremitates & orificia*.

Superficies est vel anterior vel posterior; Anterior respicit extremitatem cartilaginis ensiformis, posterior respicit dorsum.

Margines sunt arcus major & minor. Major alias dicitur fundus, sed arcus major magis versus anteriora protenditur, & in hoc margine sita est arteria gastrica major, cujus pulsus circa mucronem cartilaginis Xyphoidis percipitur. Arcus minor est pars posterior ventriculi vertens superius lumborum superioribus incumbens.

Extremitates ventriculi sunt duæ protuberantiæ facciformes, quarum una in sinistro, altera in dextro hypochondrio existit.

Orificium ventriculi superius est in hypochondrio sinistro inferius, quod dextrum vocatur, in situ naturali ventriculi incurvatur in regionem epigastricam.

Circa orificium superius, intus in ventriculo sunt lacunæ, ex quibus viscosus liquor stillans interiorem superficiem ventriculi humectat & lubricat, ac prohibet, ne molestetur ventriculus a bolis non probe masticatis.

Solliciti sumus, non sine ratione de vera ventriculi divisione

sione in praxi medica clinica, tum etiam in foro & medicina legali. Verum cui innotuerunt termini, per quos regiones ventriculi indicantur; ille visum suum repertum facile convenienti modo & secundum principia anatomica formare potest; scire enim debet, an vulnus sit inflictum circa orificium dextrum vel sinistrum; an in extremitatibus sacciformibus, an penetraverit modo superficiem superiorem vel superiorem & inferiorem simul & quænam vasa simul sint læsa? an sit vulnus in arcu superiori an inferiori?

In determinandis tunicis ventriculi auctores non consentiunt. Alii plures, alii pauciores indicarunt.

Plerique in hac doctrina sequuntur WILLISIVM, ea vero, quæ docet, jam FALLOPIO innotuerunt.

Exterior ventriculi tunica secundum communem sententiam originem ducit a peritonæo. D. GARENGEOT in sua *splanchnologia* cap. VIII. ostendit, quod modo tunicæ orificiorum sint continuationes peritonæi, tunica vero corporis ventriculi tam in superficie superiori, tam inferiori sit continuatio omenti. Etenim si illa omenti pars, quæ in arcu majori cum ventriculo conjungitur, aperitur tunc flatu tubuli tunica ventriculi exterior tam in superficie superiori, quam inferiori separatur, verum hæc separatio circa orificia non procedit.

Sub hac tunica extima ventriculi, ab omento orta, sita est substantia quædam cellulosa & hæc est, quæ a flatu distenditur.

Hæc substantia cellulosa, quam publice demonstravi in cadavere humano, extimam tunicam cum musculosa conjungit, imo perreptat fibras secundæ tunicæ nempe musculosæ.

In hac substantia cellulosa ubique reperiuntur tam arteriæ, tam venæ, tam nervi, & efformant rete vasculum, quale rete vasculosum sub membrana carnosâ quoque deprehenditur.

Secunda

Secunda tunica ventriculi est musculosa sive carnosæ ex fibris rectis & circularibus composita. Rectæ sunt exteriores & simul subtiliores; circulares vero fibræ in diversas directiones protenduntur.

Harum fibrarum musculosarum bina strata orificium superius inprimis cingunt, ad instar annuli a superficie externa ad internam & ab interna iterum ad externam assurgunt.

In majori ventriculi protuberantia circuli observantur musculosi, quasi fortices, quibus mediantibus hæc protuberantia vel saccus movetur & coarctatur.

Strata jam indicata bina musculosa ab œsophago versus pylorum properant & formant ibi bina ligamenta carnosæ, quibus bina alia tendinosa junguntur, quæ *Helvetiana* vocantur pylorumque adaptant ad Chymum versus intestinum duodenum promovendum.

Tertia tunica dicitur nervea vel aponevrotica; quarta vero villosa est ex multis vasculis, villis, rugis, papillulisque fungosæ substantiæ, imo & glandulis stomachicis exornata, ex quibus liquor gastricus exstillat.

Totum ventriculum perreptat inmensa vasorum congeries, arteriæ originem ducunt a cæliacis dextra atque sinistra, venæ autem ad venam portæ properant, conjunguntur cum splenicis & ita formantur vasa illa communicantia lienis atque ventriculi, quæ vasa brevia vocantur.

Vasa, quæ in interstitiis orificiorum & in arca superiori observantur, coronaria vocantur, illa vero, quæ in arcu majori existunt, vasa gastro-epiploica dicuntur.

Nervi ventriculi, a pari vago orti, duplici ramo circa sinistrum orificium ventriculum intrant, ejusque substantiam perreptant eique vitalitatem sensum & motum communicant. Vasa lymphatica ventriculi ad receptaculum Chyli abeunt.

Ita constructus ventriculus organon chymificationis constituit, & a quibusdam comparatur cum *Machina Papiniana*, ex hac potissimum ratione, quoniam duo orificia, digestionis tempore, firmiter constricta reperiuntur, ut sic aer, alimentis in magna interdum quantitate inclusus, in ventriculo vero, tanquam loco calido, repagulis solidorum solutis, liberior factus & expansus, pressione sua, penetrationem liquidorum in solida solvenda & comminuenda promovere valeat.

Durante digestionem ex glandulis ventriculi semper exstillat menstruum, solutioni alimentorum conveniens. Cujusnam vero id ipsum naturæ sit, nunc maxime inquirendum venit.

Menstruum ventriculi neque acidæ, neque mere aqueæ, sed salinæ mediæ naturæ existit.

Plures quidem Physiologorum *menstruum bocce acidum esse statuebant*: Ast hujus hypotheseos infirmitatem Celeb. RIVINVS Lipsiens. speciali Dissert. *de acido ventriculi fermento* solidissimis argumentis satis luculenter demonstravit. Nam, ut unicum tantum experimentum, ab eo institutum, adducam, recepit obulos minores incurvatos (*Zahlpfennige*) & miscuit alimentis, animali voracissimo, Gallo gallinaceo indico (*Truthan*) destinatis, hinc, cum obuli cum excrementis per alvum ejicerentur, observavit, hos in externa superficie ita attritos, ut imago monetæ impressa tota fere fuerit oblitterata, interiore superficie adhuc integra, & tantum atro colore conspurcata. Ex hac itaque observatione concludere licebat, menstruum ventriculi non absolute acidæ esse naturæ. Alias tam interior, quam exterior nummorum superficies fuisset extincta. Idem experimentum probat triturationem alimentorum in ventriculo. *Clariss. BIDLOO*, in *Exercitat. Anatomico-Chirurgicis*, & quidem in *Dissert. Anatomico-Physiologicis*,

cis, hisce exercitationibus annexis, Menstruum pure aquosum esse putavit: Ast rationi magis conveniens est, statuere, quod neque acidæ tantum, neque aquosæ tantum, sed salinæ mediæ naturæ sit. Nam nec aqua pura, nec acidum purum sunt apta menstrua ad omnia alimenta, inprimis pingua, solvenda, & si acidæ naturæ esset menstruum ventriculi, sequeretur, quod semper in infantibus lactis coagulatio fieri deberet, & sic nullo modo nutriri possent infantes. Porro, si acidum esset menstruum, & cuncta acido solvi possent, mirandum magnopere esset, cur acidum hocce non arrodât ventriculum ipsum in alimentorum defectu. Acidi interim existentiam concedo in ventriculo. Ast hoc non est naturale, sed præternaturale dicendum.

Modus itaque chymificationis consistit in perfecta maffularum, alimenta componentium, divisione, solutione & extractione, quod per quatuor jam laudata principia, motum nempe, calorem, aerem & menstrua absolvitur, ita formæ pristinæ alimentorum omnium destruantur, alimenta in materiam primam resolvuntur, ac ita adaptantur ad formam corporis humani.

In hac doctrina non possum omittere quæstionem illam: An Chymificatio sit dicenda *Fermentatio*, an verò, juxta alios, *putredo*? Respondeo: Si per fermentationem & putredinem solutionem intelligere volumus, quemadmodum hosce terminos in chimia sumere non infrequens est, utique concedere possumus hanc assertionem, & admittere hosce terminos, præsentis alias sæculo satis exosos. Ast mirum non est, quod in felici hoc scientiarum sæculo de ventriculi actione acriter disputetur inter Medicos & Physicos. Fecerunt enim hoc olim quoque antiquissimi, quemadmodum CELSVS, Latinorum ille Hippocrates, relatum nobis reliquit, in sua Præfatione,

fatione, ubi inquit: *Alii, Duce Erasistrato, atteri cibum in ventre contendunt; Alii Plistonico, Praxagoræ discipulo, putrescere; Alii credunt Hippocrati, per calorem cibos concoqui.* Has assertiones antiquissimorum Medicorum & Phyllicorum, recentiores recoxerunt. Mirum hinc non est, quando Cel. Anglus, LISTERVS, in Tractatu de Humoribus, &, cum eo, Celeb. ALBINVS, Lugdunensis, in sua Theoria MSta, putrefactionem alimentorum defendunt, & multis argumentis comprobare student, quo pertinet foetor oris jejuni hominis, & scybalorum alui.

Tempus chymificationis quod attinet, notandum, illud præcise determinari haud posse. Differt enim *primo* ratione alimentorum. Alia quippe citius, alia tardius atteruntur, digeruntur & solvuntur, pro majori, vel minori duritie & soliditate; *secundo* ratione caloris & motus ventriculi, qui in aliis major & robustior, in aliis minor & debilior existit; *tertio* ratione menstrui, quod in his magis activum, in aliis minus tale deprehenditur; *quarto* ratione cruditatum & impuritatum, in ventriculo existentium, cum quo purior ventriculus est, eo melior quoque sit digestio, & citius procedat chymificatio, quo impurior, eo major digestionis difficultas notetur; *quinto* ratione ætatis sciendum, quod in iis, qui ad ætatem consistentem pervenerunt, & robustiori gaudent ventriculo, citius longe perficiatur digestio, quam in pueris & senibus, ubi secus res sese habet; *sexto* ratione vitæ generis, pro ut ii, qui sedentariam vitam exercent, tardiores habent digestionem, quia motus corporis calorem & triturationem, hincque & ipsam ciborum resolutionem promovet; *septimo* ipsorum animi affectuum, a quibus quemadmodum omnes actiones corporis humani modificantur, ita etiam chymificationem vel accelerant, v. gr. gaudium, animique tranquillitas, vel retardant, v. gr. tristitia, terror, ira, &c. In genere vero

F 2

monen-

monendum, chymificationem non esse simultaneam, sed successivam, & alia tardius resolvi posse, jam notum est. Hinc Creator omnipotens non sine ratione mirando artificio construxit machinam ventriculi, in quo observamus duo orificia, sibi invicem e diametro opposita, & in eadem fere altitudine sita, eam præcipue ob causam, ut alimenta soluta, discerpta, & consequenter magis attenuata, subtilia & porosiora, & sic leviora reddita, eo facilius ab antro Pylori abripiantur, & per pylori valvulam, ejusque sphincterem, a ventriculo excludantur, & ad intestinum duodenum propellantur, indigesta vero, & non soluta & comminuta tamdiu in ventriculi fundo restitent, donec hancce solutionem & comminutionem perpessa fuerint.

Finis chymificationis itaque est resolutio & comminutio alimentorum, & adaptatio ad chylicationem, in intestino duodeno postea penitus absolvendam.

CAP. VI.

DE

De Chylicatione.

Chylicatio est particularum, inprimis oleosarum & aquearum, in alimentis existentium, per sal quoddam combinatio, quæ actio mere vitalis est.

Etenim chymus, per antrum & valvulam Pylori versus intestinum Duodenum protrusus, naturaliter per valvulam pylori ad ventriculum redire non potest. Valvula enim hæc obicem ponit, quo ita in intestino duodeno chylicatio naturaliter peragi possit.

Organum chylicationis est intestinum Duodenum.

Chyli-

Chylificationem quidem inchoari in ore, continuari in ventriculo, absolvi in intestinis, certum est. Nam & in ore caro masticata albicantem succum ostendit: Interim tamen primarium chylificationis organon manet intestinum duodenum, ob longitudinem suam, qua duodecim digitorum transversalium longitudinem adæquat, ita dictum, ceterum quoad structuram a reliquo intestinorum tubo minus differens.

In hoc intestino, quod sub ventriculo deprehenditur, atque in tres arcus incurvatur, duo pori satis conspicui reperiuntur, porus nempe biliaris, per quem bilis intrat, & porus pancreaticus, per quem succus pancreaticus ad intestinum duodenum defertur & destillat, quamquam in plerisque subjectis, præsertim humanis, hi duo ductus in unum porum concurrunt, qui porus universalis in arcum primum sub valvula quadam aperitur.

Causa efficiens chylificationis primaria est bilis, secundaria vero succus pancreaticus.

Bilis enim particulis suis salinis magis alcalicis & resinosis viscosisque, partes oleosas & aquosas alimentorum conjungit, & sic chylum efficit.

Hinc bilis haud aliter, quam sapo, considerari debet. Bile enim extra corpus id præstari potest, quod sapone perficitur in extinguendis maculis oleosis vestimentorum.

Bih in negotio chylificationis postmodum succedit Succus pancreaticus, qui est liquor laudabilis, quoad sua principia salivæ similis, alimentorum ulteriori salutioni, & bilis temperationi destinatus.

Secernitur per filtrationem in glandula illa conglomerata oblonga, circa intestinum duodenum & fundum ventriculi sita.

Succus pancreaticus, in singulis glandulis minimis hujus visceris secretus, confluit ad unum ductum majorem, qui in in-

testinum duodenum inseritur, & a primo inventore Virfungianus dicitur.

Modus chylicationis ex jam dictis constat, estque conjunctio particularum oleosarum & aquearum intimior, quæ a bile primario perficitur.

Finis chylicationis est ipse chylus.

Est vero Chylus optima alimentorum essentia five emulsiō ab liquor lacteus, ex subtilioribus & purioribus alimentorum particulis compositus, nutritioni tam partium solidarum, quam fluidarum, destinatus.

Omnia alimenta, homini nutriendo dicata, desumuntur vel ex regno animali, vel ex regno vegetabili. Hæc enim inter corpora viventia suo merito referuntur. Animalia enim, juxta PITCARNIVM, sunt vel superioris, vel inferioris subelli, vel perfecta, vel imperfecta, s. plantæ. Vixerunt igitur ex hac ratione & ipsa vegetabilia, quoniam machinæ eorum constant ex tubulis diversis, in quibus diversa quoque liquida fuerunt commota. Quæstio jam oritur, quid ex hisce corporibus abeat in chylum? an liquida tantum, vi motus premensis, menstorum ac ignis ex hisce corporibus & eorum tubulis elixata, an vero liquida & minima tubulorum solidorum ramenta simul etiam disjungantur, & ad chyli & sanguinis massam promoveantur? Priorem sententiam PITCARNIVS defendit, & posteriorem rejicit hanc potissimum ob causam, quoniam 1) scybala examinata nihil nisi fibrosam alimentorum substantiam ostendunt, & quod maxime 2) textura tubulorum vix solubilis est in ventriculo, ac 3) si dissolvi possit, revera propter volumen majus vasa chylifera exigua vix intrare valeret. Probabile ideo est, quod, juxta eundem, ex corporum viventium tubulis liquida expressa magis chylum conficiant, Nam hæc materia magis elementaris, & ad omnem formam

formam successive suscipiendam apta, tubuli vero jam determinati sunt, & ideo a nonnullis haud sine ratione *Scybala forma determinantes alimentorum*, ex corpore humano excludendæ, salutantur; quamquam negari omnino non possit, quod filamenta tubulorum subtilissima, liquidis intermixta, ad vasa chylifera & sanguinea simul quoque provehantur, de quo abunde testatur fibrosa illa lanugo, in massa sanguinea reperiunda, de qua jamjam superius dictum. Lege insuper de hisce fibris sanguinis D. D. BILDLOO *Dissert. III. Anatomico-Physiologicam*.

CAP. VII.

DE

Chyli a fecibus secretionem, & fecum alvinarum excretionem.

Chymus, ex esculentis & potulentis præparatus, & in intestino duodeno cum bile & succo pancreatico mixtus, per motum intestinorum peristalticum pellitur ad intestinum jejunum & ileum.

Locus itaque primarius, ubi secretio chyli peragitur, est *intestinum jejunum*, postea & *ileum*.

Non negamus quidem extraordinaria vasa chyli-fera in ventriculo, intestino duodeno & colo ab aliis vasa & observata: Ast hæc extraordinaria sunt, nec regulam faciunt. Nec negamus existentiam vasorum neuro-lymphaticorum, vel neuro-adiposorum in ventriculo, per cujus poros subtilis materia alimentorum & medicamentorum analepti-
corum statim ad laticem sanguinis & spirituum pervenire possit, quemadmodum illa ostensa sunt a celeberrimo R. VIESSSENS, in suo novo vasorum corporis humani *Systemate*.

Inte-

Intestina constituunt canalem cylindraceum, oblongum, anfractuolum, membranolum, a pyloro ad anum usque extensum, variis valvulis instructum.

Generale est nomen intestinorum, qui rursus dividuntur in *tenuia* & *crassa*.

Tenuia sunt, quæ a pyloro oriuntur, & terminantur ad intestinum cœcum, suntque *duodenum*, *jejunum* & *ileum*. Quæ ab intestino cœco oriuntur, & terminantur in anum, vocantur *crassa*, & sunt *cœcum* cum appendice vermiformi, *colon* & *rectum*.

Tenuia dicuntur 1) ratione magnitudinis, *tenuia* enim *crassis* sunt angustiora 2) ratione tunicarum, quæ *tenuiores* sunt, 3) ratione contentorum, quæ *fluidiora* sunt. *Crassa* dicuntur ex oppositis rationibus.

Hic canalis, qui longitudine sua septies minimam longitudinem humanam & sui subjecti superat, in abdomine varias curvaturas & circumvolutiones format.

Totus intestinorum tenuium canalis cum *mesenterio*, *crassorum*, cum *meso-colo*, *meso-vermiculari* & *meso-recto* connectitur.

Ita libere suum motum absque metu implicationis & circumvolutionis; imo magni morbi, volvuli dicti, exercere & chylus ab intestinis ad mesenterium pervenire potest.

Intestina sunt continuatus quasi ventriculus, ideo tot sunt tunicae intestinorum, quot sunt ventriculi.

Prima intestinorum tunica est *membranosa* continuatio mesenterii, sub hac latitat substantia cellulosa, quæ fere totum canalem perreptat eumque quasi in filtrum mutat.

In anatomiis publicis præparavi portiones intestinorum easque mutavi in meram substantiam cellulosam, quæ cum medulla sambuci vel etiam einer seidenen Watte convenientiam habet.

Hanc

Hanc præparationem primum suscepit magnus RIOLANVS, verum experimentum non semper ad votum succedit; etenim si intestina putredinem contraxerunt, flatum non sustinent.

Invertenda vero sunt intestina a mesenterio separata, ita per apertas laminas binas flatus per rotam substantiam intestinorum dividitur.

Secunda tunica est *musculosa* vel carnosæ. Musculi hi possident fibras longitudinales subtiliores & circulares magis robustiores & evidentiores. Sunt vero non ubique circulares, quia hinc inde modo segmenta circulorum repræsentant, quæ inter se diversimode uniuntur, quale quid etiam in valvulis conniventibus evidenter satis apparet.

Si enim inflantur & exsiccantur intestina semilunares *valvule hæ conniventes* eleganti spectaculo apparent.

Tertia intestinorum tunica est *nervea, aponevrotica & tendinosa*.

Hujus tunicæ filamenta tegmen formant mirabile ex fibris multis obliquis decussatis, apparent & ibi vasa sanguifera, quæ hanc substantiam perreptant.

Nonnulli ideo statuunt, specialem tunicam vasculosam ex arteriolis & venulis compositam.

Quarta tunica est *villosa* ex multis villis, papillulis spongiosis vel fungosis & glandulis constans, quæ magnam convenientiam habet cum tunica villosa ventriculi. Legendi sunt de hac re recentissimi anatomici WINSLOOVS in Tr. de *Abdomine Anatomia sue* & GARENGEOT cap. IX. de *intestinis splanchnologia sue*.

Organum secretionis primum est *tunica villosa*, in qua chylus a fecibus filtratur.

Glandule vero intestinales haud constituunt organa secretionis chyli, sed lympham tantum secernunt, salivæ similem,

solutionibus alimentorum & dilutionibus chyli ulterioribus destinata, juxta notum illud, Chylificatio inchoatur in ore, continuatur in ventriculo, & absolvitur in intestinis. Harum glandularum ingens copia imprimis reperitur in intestino duodeno arctissime inter se connexæ & quasi plexum formantes, sunt & in intestinis & aliæ glandulæ solitariae *Brunnerianæ*, & in jejunio plexus glandulosi, quæ glandulæ *Peyerianæ* ab inventore dicuntur.

Tunica, vel crusta villosa intestinorum componitur ex immensa quantitate extremitatum minutissimarum vasorum lacteorum, quorum orificia aperta sunt, & ad internam superficiem canalıs intestinorum hiantia oblique inferuntur.

In hæc orificia chylus fluidus per motum peristalticum, vel vermiformem (quoniam repentis instar vermis peragitur) imprimitur, & sic a particulis feculentis secernitur, id quod sequenti modo contingit: 1) contractione fibrarum rectarum, vel longitudinalium, intestina fiunt rugosa, parte gibba contrahuntur, & parte cava laxantur, sic orificia vasorum lacteorum, tractu alias obliquo progredientium, perpendiculariter protenduntur, atque patentiora fiunt, chylumque recipiunt. 2) Fibrarum vero circularium, annularium, vel, si vis, spirallium constrictione intestina coarctantur angustioraque fiunt, & hinc orificia vasorum lacteorum iterum clauduntur, chylusque ad vasorum lacteorum valvulas protruditur. Chylus ergo, intestinorum diastole, vasorum orificia intrat, in Systole vero ulterius versus vasa mēterica propellitur.

Chyli secretio imprimis fit in intestino jejunio, in quo maxima copia vasorum lacteorum, canalem intestinorum undique exsurgentium reperitur, secundario in intestino ileo, in quo minor vasorum lacteorum copia existit.

Intesti-

Intestinum jejunum ab ileo distinguitur per copiam valvularum conniventium & semilunarium, quarum major copia est in jejunum, minor in ileo. Valvulae etiam in jejunum sunt majores & robustiores; in ileo minores & subtiliores.

Valvulae intestinorum sunt certae semicirculares prominentiae, rugae & plicae, quae transitum chymi in intestinis tantisper retardant, quo exactior chyli a fecibus secretio fieri possit.

Recrementa alimentorum, a chylo liberata, per valvulam coli magnam ad intestinum colon motu peristaltico peluntur.

Valvula coli Bauhiniana non est coarctatio quaedam tantum, sed vera valvula, intus ab intestino ileo versus colon aperta, a colo vero versus ileum clausa, quod experientia anatomica confirmatur in cadaveribus; Nam aqua in colon infusa non intrat ileum, ileo vero infusa liberrime fluit ad colon.

Intestinum colon itaque est organon receptionis scybalorum. Hoc, ut capacissimum omnium intestinorum, divisum est in plures cellulas & valvulas, quarum ordines tribus vinculis vel ligamentis musculosis connectitur.

In omni puncto intestini coli semper concurrunt tres valvulae sacciformes per quas assurgunt excrementa.

In intestino colo magna quoque copia glandularum reperitur, quae lympham secernunt, non utilem, sed excrementitiam plane, qua scybala humectantur, & ad excretionem faciliorem lubricantur. Ex his itaque glandulis in pathologicis ratio peti potest diarrhoeae criticae.

Quando itaque certa quantitas scybalorum in colo per tempus colligitur, tunc mole sua, pondere & stimulo acriori

bilis molestant intestinum rectum, hominemque ad alvi depositionem invitant.

Alvi depositio est actio voluntaria, quæ compressione abdominis peragitur.

In hac actione agit simul intestinum rectum, utpote organum primarium exclusionis scybalorum, cum suis musculis, ex quibus componitur.

Primus musculus est *magnus & rectus*, ac formatur ex tribus illis longis ligamentis musculosis coli, sive illis, quibus mediantibus valvulæ coli firmantur. Hunc depinxit EVSTACHIVS.

Ex hoc musculo primario formatur ipsum intestinum rectum, quod insuper in speciali quadam vaginula delitescit, id quod demonstravimus in anatomia publica.

Reliqui muscoli ani dividuntur in *clausores*, sive *sphincteres* & in *elevatores*, sive *anum attollentes*.

In alvi depositione resistentia clausorum vi pressionis abdominis superatur, anus aperitur, descendit, & scybala excluduntur, hac actione finita anus clauditur & attollitur, sive in pristinum locum restituitur.

Clausores vel *sphincteres* secundum ALBINVM sunt duo: unus internus, qui intestinum rectum claudit; alter externus, qui cutim circa anum contrahit.

Elevatores etiam sunt vel interni vel externi. Interni dudum innotuerunt; horum tendines vero supra musculum iliacum interdum usque ad margines ossi ideï assurgunt secundum SANTORIVM.

Levatores externi sunt *transversales* perinæi primus & secundus, quorum unus etiam transversalis urethræ vocatur, aut triangularis vel biventer WINSLOO, qui nunc compriment urethram, nunc adducunt prostates, nunc anum restituant. His addi possunt coccygæ.

Sunt

Sunt & in ano *Columnæ* MORGAGNI & glandulæ odoriferæ ani, anum humectantes serositate, quam fundunt, qua exitus scybalorum facilitatur.

CAP. VIII.

DE

Chyli motu ad sanguinem.

Chylum ex esculentis & potulentis in ventriculo præparari, in intestinis tenuioribus vero perfici & scerni, demonstratum fuit in antecedentibus capitibus.

Cum itaque certum sit, chylum in intestinis tenuioribus evanescere, fecibus residuis tantum versus intestina crassa promotis, quæritur, quo chylus ex intestinis tenuibus se recipiat? Respondetur, ad Vasa lactea.

Hæc vasa jam veteribus innotuerunt, in primis vero ERASISTRATVS illa in hœdis nuper lactatis vidit, ut refert GALENVS, ast non pro singularibus, sed potius pro communibus arteriis, lactis abundantia repletis, habuit: oculatio vero ætas uti plurima veteribus ignota detexit, ita & chyli œconomiam & distributionem per sæpius reiterata experimenta & exercitia anatomica, in vivis animalibus instituta, tandem patefecit. Anno nempe 1622. CASP. ASELLIVS, Anatomicus Ticinensis, in canis vivi bene pasti mesenterio præter arterias, venas & nervos peculiariter albicantia & chylo repleta vasa primum annotavit, quæ vasa deinde in homine observarunt Hafniæ BARTHOLINVS, Patavii VESLINGIVS, Amstelodami TVLPIVS, FOLIVS Venetiis, Oxoniæ HIGHMORVS, GASSENDVS in Gallia. Mihi licuit in homine illa conspiciere Lipsiæ in fure, in ipso furto actu sclopæto occiso, dis-

secto in Theatro anatomico a B. Cl. D. PETERMANNO. In canicidiis autem, a me in usum auditorum meorum institutis, multoties vidi & demonstravi hæc vasa lactea primi, secundi & tertii generis. Præcipue vasa lactea plus vice simplici observavi, integrum canalem intestinorum perreptantia, manifestissimo indicio, vasa chylifera non tantum reperiri in loco illo, quo intestina cum mesenterio cohærent, sed in omni puncto, integroque ambitu intestinorum canalis fieri secretionem chyli.

Vasa lactea itaque primi generis (ita enim salutantur illa, quæ ab intestinis abeunt per tunicam, duplicem mesenterii versus ejus centrum, sive *Pancreas ASELLII*) *originem ducunt in tunica interiori villosa intestinorum*, cujus fibris & acinis glandulosis quasi suffulta ad instar siphunculorum obliquo & sursum vergente ductu tendunt extra canalem intestinorum, versus mesenterium.

Patula autem esse ipsorum orificia, & immediate in cavitatem intestinorum hiantia (quamvis, ob gracilitatem & exiguitatem, nec non glandularum, quarum interstitiis immersa hærent, circumfusam multitudinem, nudis oculis usurpare hæcenus vix potuerint medici,) ratio docet, & experientia confirmat.

Horum exiguorum vasorum lacteorum, in intestinis existentium, ramuli plures, in unum truncum collecti, tenues venulas lacteas extra intestina conspicuas constituentes, properant ad mesenterium.

Vasa hæc lactea a mesenterio fulciuntur, in cujus laminarum duplicatura obliquo ductu partim seorsim a vasis reliquis meseraicis secedendo, partim una cum iisdem nunc recta, nunc eadem transcendendo & decussando, variasque præterea exiguas mesenterii glandulas, juxta ramorum divarica-

ricationes præcipue collocatas, transeundo, ad glandulam magnam centralem mesenterii, vel *Pancreas Asellii* procedunt.

A Pancreate Asellii oriuntur vasa lactea secundi generis majora, quæ per plexum quendam nervosum, & sub vasorum meseraicorum ramificationibus penetrando, chylum ad *cisternam lumbarem*, vel *commune receptaculum*, ab inventore *Pecquetianum* dictum, deferunt.

ASELLIVS quidem, tanquam primus vasorum lacteorum inventor, & cum eo THOMAS BARTHOLINVS hasce venas lacteas secundi generis a glandula magna mesenterii per portæ (quam quibusdam in locis annuli instar cingunt,) latera versus hepar ejusque locum tertium, seu minimum deferri, chylumque ad hepar pro sanguificatione arbire, putarunt. Sed, teste eodem BARTHOLINO, decepti in initio fuerunt omnes, siquidem paulo post IOHANN. PECQUETIVS, nempe a. 1651. Parisiis, trium annorum observatione & perscrutatione, in diversis animalibus; THOMAS BARTHOLINVS, Hafniæ, anno 1652. in hominibus; eodemque tempore IOHANN VAN HORN, Leidæ, receptaculum hocce sub centro mesenterii, circa lumbares vertebrae, in media fere regione inter musculos Psoas, Renes, & Capsulas atrabilarias situm, invenerunt, in quod, tanquam communem cisternam, omnis chylus ex lacteis, & lymphæ ex lymphaticis vasis inferioribus derivatur.

Receptaculum hocce chyli in brutis tenuem, ovalem, vel potius pyramidalem figuram repræsentat, & vesiculam efficit, cellulis semiclausis distinctam, in homine vero plerumque solidioris, tantisper substantiæ deprehenditur. *Numero* unicum est, plerumque tamen in tres concamerationes divisum. *Magnitudo* in diversis subjectis, magis vel minus vegetis, vel voracioribus, variat.

Ab hoc receptaculo chyli lumbari, exsurgit *Ductus thoracicus*, constituens *vas chyliferum tertii generis*.

Est enim ductus, ex tenuissimis pelliculis transparentibus compositus, valvulis instructus, pennæ anserinæ magnitudinem adæquans, interdum simplex, plerumque bifurcatus, per intermedios tamen furculos connexus, situs ad latera Arteriæ magnæ, descendens sub arteriis intercostalibus inferioribus, hinc desinens tandem in venam subclaviam sinistram sub valvula quadam semilunari, & sic chylus cum sanguine miscetur.

Cum autem chylus in toto suo itinere mere passive se habeat, & se ipsum motu progressivo parum, vel nihil plane movere valeat, quæritur merito, quibusnam machinis propellatur? Respondetur, adsunt variæ *machinae, chylum impellentes*, quarum *prima est machina intestinorum*, quæ in fibris suis spiralibus cochleam sine fine repræsentat, & motu suo peristaltico chylum impellit ad vasa lactea meseraica.

In vasis meseraicis *secundo chylus pellitur motu arteriarum meseraicarum*. DEO enim placuit, ita hæc vasa disponere, ut illa arterias instar hederæ cingant.

Tertio chylus impellitur in Cisterna lumbari a motu diaphragmatis, cujus tendo a divino Numine receptaculo lumbari superimpositus est. Dum enim diaphragma in respiratione descendit, admittit chylum ex vasis lacteis secundi generis ad receptaculum lumbare. Dum autem diaphragma in expiratione iterum adscendit, receptaculum chyli ita comprimitur, chylusque ad ductum thoracicum promovetur, ut ita Deus hic adornaverit Antliam quandam, cujus cylinder est cisterna, embolus vero tendo diaphragmatis.

Quarto chylus commovetur in ipso ductu thoracico. Notum enim est, ductum thoracicum, ut plurimum bifurcatum, in una furcæ subjacere trunco arteriæ magnæ descendenti, in al-

tera

tera furca subjacere arteriis intercostalibus : Hinc, *dum commoventur arteria, etiam comprimitur diversis in locis ipse ductus thoracicus*, & sic per consequens chylus vi valvularum, dum non descendere potest, ascendere cogitur, & in venam subclaviam exstillat.

Quintus chyli motor dici potest cor : Hoc enim ut antlia consideratur, cujus embolus, sive mucro dum descendit, fugit quasi ex vena cava sanguinem & chylum, vel potius chylus, sanguine remixtus, dato spatio partim pressione organorum omnium laudatorum, partim etiam pondere aeris externi, corpus humanum ambientis, in cavitatem antliæ cordis impellitur, & ita semper novus chylus succedere potest & debet.

Vt vero expeditior sit motus hic chyli, singulari artificio divinum numen exstruxit vasa lactea & canaliculos chyli. *Tota enim vasorum chyliferorum substantia ex valvulis pyriformibus conflata deprehenditur*. Dum enim chylus per angustum orificium pellitur ad spatium majus, ab hoc per illud redire haud potest, vi valvularum, quæ statim clauduntur.

Chylus in suo itinere, ad motum faciliorem subeundum, multum diluitur & fluidior redditur ab affusa lymphæ, quæ ex lymphaticis vasculis inferiorum partium versus receptaculum chyli confluit. Omnis enim lymphæ, ex inferioribus versus cor adscendens, per venas suas lymphaticas properat ad receptaculum chyli lumbare, vel quoque ad ductum thoracicum.

Hic quæritur : An chylus cum glandulis meseraicis, tum minimis, per mesenterium sparsis, tum maximis, in centro mesenterii sitis, revera exerceat commercium ? Respondetur : Utique. Implantantur enim vasa chylifera ipsis glandulis carnosæ & musculosæ, ut chylus per illas, tanquam in machinis conquassatoriis & prelis, magis subtilisatus, & proinde fluidior redditus, possit postea cum sanguine facile misceri & commoveri.

H

Et

Et quod jam asseritur de glandulis meseraicis, id dicendum etiam erit de glandulis reliquis, lympham versus receptaculum chyli assurgentem ita subtilisantibus.

CAP. IX.

DE

Sanguificatione.

Sanguificatio est actio corporis animalis, qua chylus in sanguinem mutatur.

Materia sanguinis est Chylus.

Chylus quidem non quoad totam suam in sanguinem mutatur substantiam, sed ex tantum chyli partes, quæ aptæ sunt ad formam sanguinis recipiendam. Quamplurimæ enim partes in singulis secretoriis, a chylisanguini admixto, secedunt, v. gr. oleosæ non solutæ abeunt ad pinguedinem & medullam ossium, oleosæ vero salibus alcalicis imprimis solutæ in hepate segregantur, sub forma bilis, salinæ, terreæ aliæque impuræ, in renibus & glandulis subcutaneis, sub specie urinæ & sudoris.

Officina sanguificationis primaria est cor cum pulmonibus.

De officina, seu organo & loco sanguificationis Autores non conveniunt. HIPPOCRATES enim cor, quod & WEDELII nostri defendunt, GALENVS hepar, LOWERVS vas sanguifera, imprimis arteriosa, MATOVIVS & THRVSTONIVS pulmones, alii alia viscera sanguificationis officinam esse, asseruerunt. Cum vero per experientiam certum sit, chylum non statim in sanguinem mutari, quando in corde sanguini miscetur, sed post multoties reiteratos circulos, ideo

ideo non adeo inconueniens esset, statuere, totum corpus, omniaque vasa & viscera esse dicenda sanguificationis organa. In omni enim organo & viscere sanguis commouetur, filtratur, depuratur, & sic quadantenus perficitur. Vero enim vero quidquid tandem sit, vix negari posse, confido, omnium horum motuum, & omnis circulationis principium esse cor, & per consequens quoque sanguificationis; cum omnino reciprocent sanguificatio & circulatio: Pulmones vero vel hanc ob causam, præ aliis, sanguificationis organis accensere licebit, quoniam ipsi non tantum continuo suo motu sanguinem, chyli partibus nondum intimius remixtum, mirum quantum conquassant, & sic quoque uniunt, sed & pro ulteriori circulatione eo felicius subeunda, ipsis particulis aeris admixtis, multum conferunt ad sanguinis confectionem.

An detur aeris ad sanguinem per pulmones aditus? quaestio est, ad quam alii affirmative, alii contra negative respondent. Adduco id, quod per experientiam mihi innotuit. Nempe si inflantur pulmones infantis, (quod publice feci in Theatro anatomico) per tubulum in asperam arteriam immissum, intumescit cor cum auriculis & bullulae aereae copiosae & evidentes in arteriis & venis omnibus auditoribus apparebant, manifesto indicio, aerem sanguinem per pulmones intrare posse.

Causa sanguificationis est spiritus vitalis.

Hic enim spiritus est vitae principium, omnium motuum actionumque naturalium & vitalium praeses. Hic spiritus ex liquoribus primmaterialibus, in ovulo contentis, praeparat sanguinem in prima conceptione, & cum vita sit generatio continuata, ideo concludendum, quod illud principium primum, nempe sanguificationis in generatione, sit etiam principium sanguificationis per totam vitam.

Ut clarius hæc veritas appareat, considerabimus ovum. In ovo v. gr. gallinaceo sanguis non est, nec sanguis ei infunditur & tamen sanguis inibi generatur, per nullum sane aliud principium, quam per spiritum vitalem insitum, qui per calorem & incubatum ad actiones suas peragendas excitatur.

Modus sanguificationis fit per motum intrinsecum & progressivum.

Varia etiam de sanguificationis modo Autorum sunt sententia. Alii enim, REGIUM, in *Philosophia natural.* sequentes, dicunt, quod particulae chyli per motum sanguinis duplicem, intrinsecum nempe & progressivum, ita triturentur, ut ex particulis inæqualibus, confractis angulis & apicibus, fiant particulae rotundae, politae, radios lucis in superficiebus suis ita modificantes, ut appareat color purpureus, id quod Celeb. PITCAIRNIVS, in suis *Elem. Medicinae*, statuere videtur. Inquit enim propositione CXXIV: Per attritionem chyli fit sanguis, mutata solum partium chyli figura. Hinc sanguinem in sanguificationis negotio, duplici modo considerant, 1) tanquam causam effectricem & instrumentum sanguificationis, quo chylus subigitur, 2) tanquam productum, quatenus sanguinis quantitas ex chylo augetur.

Vel quod idem est, alii ita rem exponunt, & dicunt chylum, dum per totum corpus cum sanguine movetur & circulator, iisdem subiectum & expositum esse mutationibus, quibus sanguis ipse subicitur, h. e. separantur in motu intrinseco & progressivo nunc a sanguine, nunc a chylo in visceribus quaedam partes; aliae cum hisce liquoribus iterum junguntur; sicuti sunt spiritus in visceribus & glandulis, per hancce syncrism & diacrisin residuae chyli partes demum eousque mutantur, exaltantur & in tales globulos formantur, in quibus aptitudo est radios rubicundos reflectendi

flectendi versus oculum nostrum secundum sententiam *Newtonianam*.

CHIMICI sanguificationis modum per sulphuris chyli expansionem & exaltationem declarant, hanc, duplici eam modo fieri asserentes, probant experimentis. 1) dicunt, motu solo seu leni digestionem, a moderatissimo igne & calore dependente, corpora non rubicunda, v. gr. Mercurius, sive philosophicus, sive communis, ut corpus album, sine additione in phiala hermetice sigillata diu contentus & digestus, albedinem deponit, & purpuram induit. 2) Provocant ad experimenta, in doctrina de Coloribus, Part. I. *Element.* meorum *Philos. Natural. Experim.* allegata. Ubi oleum anisi, cum oleo vitrioli albo mixtum, in momento purpuram elegantissimam generat; similiter lac, quando cum cineribus clavellatis miscetur & coquitur, in liquorem rufescentem commutatur: Quæ experimenta potentiam salium in sanguificationis negotio ad oculum ostendunt. Salia enim partim dissolvunt, partim segregant, partim conjugunt, & sic etiam particularum chyli vel divisionem vel combinationem promovent.

MECHANICI de sanguificatione agentes, dicunt, inveniendam esse differentiam chyli & sanguinis. Hancce differentiam dicunt esse colorem, qui in sanguine rubicundus, in chylo vero albus est: Hæc coloris diversitas, juxta eos, dependet a varia particularum dispositione, vel conformatione. Diversam dispositionem in sanguine & chylo a postetiori invenit per microscopia dexterrimæ fidei Physicus, LEEUWENHOECKIUS, in suis *Arcanis naturæ*. Hic observavit, 1) quod partes ultimæ, tam chyli, quam sanguinis consistant maxime ex globulis rotundis, 2) observavit, quod certus numerus globulorum ultimorum chyli constituat primos globulos sanguinis, & 3) quidem unus globus sanguinis componatur ex sex globulis chyli, 4) quod, quamdiu hi sex globuli chyli fluant

seorsim, color totius fluidi sit albus, quando vero hi sex globuli chyli in unum globulum coalescant, tunc mutetur corpus, ex hisce sex globulis compositum, in corpus rubicundum, live sanguinem, & iterum 5) unus globulus sanguinis, in sex alios iterum solutus, suppeditet corpus album, v. gr. pus.

Ut vero hujus thesEOS veritas magis appareat, dicunt, 1) omnem suppurationem præsupponere inflammationem, hanc 2) supponere stagnationem, 3) omnem sanguinem stagnantem corrumpi, 4) omnem corruptionem esse solutionem. Ergo sanguinem, dum dissolvitur, dissolvi in id, quod antea fuit, nempe in substantiam albam, quasi chylosam.

Addunt & hoc, quod nempe una particula chyli sit levior particula sanguinis; chylus enim semper cum lymphâ sanguinem supernatat, si per venam educitur. Vidi in praxi mea per tringita annos, ex speciali DEI gratia satis ampla & felici, multoties crustam chylosam, purpuram obscuram undique obducentem. Chylus enim sponte per secessum a sanguine se separavit & hoc quidem fit regulariter in arthriticis & pleuriticis. Chylus sic ascendit & sanguis descendit, ergo chylus levior est vel minoris gravitatis, quam ipse sanguis.

Hæc est sententia LEVWENHOECKII de *sanguificatione*, quam quidem nemini obtrudo. Nam nemo unquam Philosophorum veram & indubitatam reddidit, vel reddere poterit sanguificationis rationem. Quicquid tamen sit, ex hac thesi constat, tanquam certissimum, quod plures partes ultimæ chyli, in unam massam collectæ, constituent particulam sanguinis rubicundam, vel globulum sanguinis. Chyli enim particulæ revera sunt minores particulis sanguinis, id quod ipsa secretio chyli sub forma lactis in mammis probat. Per porulum enim lateralem arteriarum, per quem particula chyli transit in mammis, non transire potest particula sanguinis. Ergo necessario diameter particulæ chyli erit minor diametro parti-

particulæ sanguinis. Ergo etiam particula sanguinis necessario ex aliquot particulis chyli concrefcere debet.

Hæc combinatio, seu cohæſio particularum chyli ſine compreſſione quadam vehementi fieri haud poteſt. Notum enim eſt ex phyſicis, imprimis vero doctrina de ſoliditate, quod in omni cohæſione, ſive ſoliditate requiratur 1) gluten, quod latera particularum conjungit, & 2) vis externa premens, qua latera polita plana glutine juncta, comprimuntur, oſtendente hoc experimento notiffimo duorum hemiſphariorum planorum, politorum, ſebo inunctorum. Hinc facile apparet, quod talis glutinoſitas ſit in ſingulis chyli particulis minimis. Ergo requiritur ad earum connexionem tantum compreſſio. Concludendum itaque, *ſanguificationem fieri in illa corporis parte primario, in qua maxima ſanguinis compreſſio ſit*, hoc eſt, ubi ſanguis maxima vi per maximam reſiſtentiam movetur. Hæc compreſſio revera ſit in pulmonibus. Si enim examinamus ſtructuram vaſorum pulmonalium, videmus, in pulmonibus eſſe vaſa conica intorta, per pondus & elasticitatem aeris in inſpiratione ad minimam ſuam diametrum compreſſa, hinc dum ſanguis movetur per vaſa pulmonum, movetur ſumma cum violentia per maximam in toto noſtro corpore reſiſtentiam. Ergo ibi maxima compreſſio, ibique inſimul maxima chyli in ſanguinem mutatio.

Finis ſanguificationis eſt ipſe ſanguis.

Quid ſanguis ſit, omnibus notum eſt; eſt nempe illud fluidum liquidum, purpureum, univerſale, ex chylo motu & compreſſione elaboratum, quod in omnibus corporis partibus reperitur, omnes partes nutrit, & a quo, tanquam ex fonte, omnes reliqui ſucci ſecernuntur.

Elementa ſanguinis ſunt particulæ globuloſæ, aquoſæ, pellucidæ & exiguæ fibrillares.

Sanguis

Sanguinem ex variis minimis, & fere infiniti generis particulis constare, HIPPOCRATI jamjam innotuit, quæ partim gravitate, partim figura, partim textura, & aliis proprietatibus differunt, id quod partim varia alimenta, homini destinata, & a ventriculo in partes minimas resoluta, partim & ipsa analysis chymica sanguinis satis luculenter ostendit, imo differentia temperamentorum & morborum ulterius comprobatur. Si vero in Microscopiis sanguinis circulum consideramus, imprimis globulos obscuros, & lympham pellucidam, in qua globuli continentur & commoventur, annotamus.

Si homo apice aciculi in digito vulneratur, & sanguis ex hoc vulnuscule exstillans atque expressus supra laminam vitream pellucidam illinitur & extenditur, tam subtili modo, ut vix sanguis in vitro nudis oculis appareat, vitrum autem hocce sanguine tinctum microscopio adplicetur anglicano, apparent globuli minutissimi pellucidi, flavescentes tamen, & ad rubedinem vergentes. Hæc observatio confirmat, verum & realem globulorum sanguinis corporis humani existentiam; nam lymphæ, in qua natitant, illico evanescit per evaporationem, relictis modo globulis, sive quod idem est, purpura sanguinis. Porro hæc observatio confirmat, sanguinem non in motu modo esse globulosum, sed etiam quiescentem retinere suam formam globosam; id quod alii, qui experimenta negligunt, negare solent, & ita in sole meridiano cæcutire volunt.

Quid vero globuli sint, in hoc non conveniunt Autores. Alii defendunt, quod sint bullulæ intus excavatæ, aereque repletæ. Ast falsum hoc esse, ex ipsa aeris pelluciditate, & humorum insimul comprobari potest. Statuendum itaque potius, quod globuli sanguinis sint corpora solida imo fere solidissima massæ sanguineæ, quæ, ob soliditatem suam & densitatem

tem, radios lucis intercipiunt, & ita obscura, apparent. Pars vero limpida & pellucida serum, seu lymphæ dicitur.

Sub lymphæ vero comprehenduntur aqueæ & gelatinosæ particulæ, imo omnes illæ, quæ in aqua solvi, & in ea contineri possunt. Ast præter globulos, lymphamque pellucidam in sanguine insimul sunt particulæ fibrosæ, sive lanuginosæ, ab aliis quidem negatæ, a plurimis vero & recentissimis observatæ. Quando enim sanguis, ex vulneribus recen-ter exstillans, tubulis vitreis minimis excipitur, tunc non tantum globi apparent, sed etiam filamenta minima, sero limpi-do innatantia, quæ cessante motu, nempe a massa sanguinea separatæ, in corpus fibrosum abeunt, & reticulatum. Hæc fila per vasa minima quidem penetrare possunt, ob exiguitatem suam: Ast quando numerus harum fibrillarum præter naturam in sanguine augetur, tunc facile exinde generatur substantia polyposa, & fiunt obstructions viscerum pertinacissimæ. De hisce sanguinis fibrillis legi meretur BERGERVS in *Physiolog.* p. 153. BIDLOVS, in suis *Dissertat. Physiolog. Anatomic. Exercitationibus Anat. Chirurg. annexis, Dissert. III. Thes. 98. seqq.*

Sanguinis lanugo ita paratur: 1) sanguis per venam sectam eductus statim exstillare debet in vas aqua tepida repletum, 2) dum hoc fit, aqua virga quadam agitan-dum. Ita aqua purpura tingitur, lanugo vero ad fun-dum vasculi fertur. Hoc facto 3) aqua rubedine tin-cta effundenda & filtranda; ita in filtro rubedo sive terra sul-phurea sanguinis impetratur 4) lanugo ulterius abluatur & ab omni rubedine aqua tepida liberatur; ita videbis ultima-to lanuginem fibrosam nivei coloris vel albissimi, hoc fit in sano. Verum vidi in melancholicis lanuginem coloris ci-nerei & ad nigredinem vergentis & purpuram obscuram. Ita differt sanguis unius a sanguine alterius hominis, hinc

non possumus formare regulam universalem de sanguine: Ex lanugine arte parantur membranæ, si nempe lanugo tractatur ut lanugo linteaminum, ex qua charta paratur.

Globulorum sanguinis, & lymphæ certa datur portio.

Qualis vero illa sit, exacte determinari non potest. Interim non errabimus adeo, si illam duplam esse admittamus, præeunte antiquissimo & celeb. Anatomico, FABRIC. ab AQUA PENDENTE, item MARCO AVRELIO SEVERINO, qui in sanguine arterioso, per arteriotomiam educto, duplum plus lymphæ invenit, quam in sanguine venoso. Hinc recte judicat BERGERVS, quando *pag. 155.* statuit, minimam chyli quantitatem in sanguinis purpuram, maximam vero in lympham commutari. Porro hoc apparet ex observationibus microscopiorum, ubi annotamus duos globulos sanguinis, in extrema arteria constitutos, in magna distantia a se invicem esse separatos, spatium vero inter hosce duos globos non potest esse vacuum, sed lymphæ debet esse repletum. Tandem novi seculi solertia adinvenit, quod omnis sanguis abeat ad partes per simplicem arteriam, redeat vero per duplicem venam, unam sanguineam, alteram lymphaticam. Ergo magna lymphæ copia est in arteriis, parva in venis, &, quod maximum, necessario major lymphæ portio adesse debet propter circulationem per minima vasa, propter nutritionem & secretionem; nam lymphæ est vehiculum reliquorum corporum.

Sextima pars ponderis totius corporis dat præterpropter quantitatem sanguinis.

Quanta sit quantitas sanguinis in singulis subjectis, exacte determinari haud potest; Alii enim sunt Plethorici, alii vero corpus possident exsangue, illi abundant sanguine, in his vero sanguis deficit: Interim vero ex Anatomicorum ob-
serva-

servationibus, inprimis jam laudati, FABRIC. ab A Q V A P E N-
DENTE, item LOWERI, hæc assertio confirmatur.

Sunt, qui dicunt hanc thesin falsam esse, rem autem revera non intelligunt. Alia enim quæstio est, quando interrogatur, an corpus humanum compositum sit maxime ex evaporabilibus? tunc lubentissime concedo, quod evaporabilium viginti partes sint & terræ fixæ modo pars una. Verum hæ partes omnes evaporabiles collective sumptæ non sunt sanguis. Plus dicam, totum corpus est evaporabile, vel uti dicunt chymici, totum corpus est spiritus mundi coagulatus. Etenim si ossa penitus coquuntur in gelatinam, gelatina autem æstivo tempore per putredinem extremam resolvitur, postea destillatur, destillatum sæpius cohobatur, totum os fere convertitur in volatile & vix terra notabilis remanet. Ast hic quæstio est de quantitate sanguinis ad vitam necessaria. In hoc calculo possumus affirmare, quod sexta pars Ponderis totius hominis fere sit pondus sanguinis. Verum iterum subjecta differunt, alia sunt plethorica, alia contra tabida, minimum macilenta. Scire hoc debet medicus practicus, quando in hæmorrhagiis prognosis est formanda. Etenim si in tanta quantitate sanguis imminuitur, ut vasorum amplius non fiat repletio debita, moritur homo vel vita periclitatur. Physiologia sana & vera non consistit in nudis & inutilibus imo inanibus speculationibus, sed discantibus viam aperire debet ad praxin. *Praxi vero cassa, medicina inanis est*, inquit B. noster W E D E L I V S. In praxi una observatio plus valet, quam mille speculationes. Qui non vult credere hisce viris maximis, ille ponderare debet animal vivum (nam in homine vix fieri potest experimentum) cui vena aperitur sanguisque educitur, ut moriatur, si post mortem iterum ponderabit animal, videbit veritatem asserti hujus. Animal mortuum est & non penitus amisit sextam partem sui ponderis.

Sanguis est liquor elasticus.

Elasticitatem sanguinis comprobant experimenta Antlia pneumaticæ. Ibi enim observamus v. gr. in muribus & avibus tantam sanguinis elasticitatem, ut exantlato aere corpus totum intumescat, haud secus ac si esset inflatum, porro sanguis columbarum, adhuc calens, in vacuo haud secus ac ipse spiritus vini ebullit. Talem elasticitatem in sanguine humano esse, nemo dubitare potest. Nam saliva & urina humana in vacuo similiter mirum quantum ebulliunt. Cum vero hi liquores a sanguine sint secreti, concludendum, majorem sanguinis ipsius esse elasticitatem.

Hæc elasticitas sanguinis dependet partim ab aere elastico, copiose in sanguine existente, partim ab aliis spirituosiss salinis, elasticis, it. & sulphureis particulis, quæ sanguinis massam insimul constituunt.

Hæc elasticitas sanguinis infinitos fere habet usus. Nam per illam conservatur motus sanguinis intrinsecus, seu minimarum particularum ad se invicem compulsio, trituration, &c. Hæc elasticitas etiam promovet insimul sanguinis motum progressivum, dum partes solidas fortiter impellit. Uno verbo, hæc elasticitas primaria sanguinis proprietas fere existit.

Sanguis est liquor rubicundus, purpureus.

Quænam sit causa hujus purpuræ, alibi jamjam inquisivimus.

Nos magis solliciti de colore sanguinis, tanquam signo sanitatis, dicimus, sanguinem in subjectis sanis esse fluidiorem, & sic etiam per consequens rubicundiozem. Hinc sanguis rubicundus, perfecte fluidus ac floridus transit, ac transire potest per vasa minima cutis in facie. Hinc rubedo etiam, per cuticulam pellucidam faciei transparens, signum est prosperæ valetudi-

letudinis; contra vero notat subjectum cachecticum & caco-chymicum, quando nempe sanguis crassus ad latera extrema faciei non deferitur, quia sanguis, ob crassitiem suam, & hinc subsequentem resistantiam, per vasa minima ibi moveri haud potest.

Sanguis est liquor salinus.

Salia in sanguine esse, confirmat sapor. Hæc salia sunt condimenta totius sanguinis & totius corporis. Ast quantitas eorum semper debet esse proportionata. Deficientibus enim salibus, lymphæ crassa redditur, & corpus disponitur ad Hydropem ob defectum stimuli. Quando vero in corpore salia exsuperant, tunc varii morbi scorbutici, arthritici, alique huius commatis oriuntur.

Hæc salia, uti in toto corpore, ita & in sanguine sunt mediæ naturæ.

Sunt salia saturata, hoc est, acidum temperatum existit ac modificatum, vel occultatum salibus alcalicis, urinosi, ita ut, si KVNCKELIO sit credendum, sal corporis nostri sit compositum ex sale calido & sale frigido. Ita enim consurgit optima temperies etiam ipsius caloris.

Consistentia sanguinis duplici modo considerari potest, 1) in vasis, 2) extra ea.

In vasis sanguinis fluidissimus existit. Nam revera per minima vasa permeare debet, tantæ exiguitatis, ut, notante LEWENHOECKIO, vasa minima quingentesimam partem diametri unius capilli vix capiant. Vid. hac de materia PITCHARN. Scorus, de Circulatione Sanguinis per vasa minima, it. BERGERI, Dissertat. de eadem materia. Extra vasa vero sanguis constituit fluidum satis crassum. Hinc miranda etiam hac in re lucet potentia Divina, quæ, pro nutritione &

vita, nobis concessit liquidum quoddam certo respectu fluidissimum, certo respectu vero crassissimum quoque, & ad solidescentiam aptissimum dicendum, utpote crassities ad corpus nostrum crassum conservandum revera requiritur.

Quæritur etiam: quomodo sese habeat proportio solidorum ad fluida in sanguine.

Sanguis stricte sic dictus est pars rubicunda, purpura si-
ve grumi, qui sponte coagulantur inter se, quando
sanguis per venam educitur & refrigeratur.

Serum si-ve lymphæ illud dicitur, quod aqueum est & pel-
lucidum.

Lymphæ proportio ad sanguinem se habet ut 3. ad 1. sed
hoc etiam differt in subjectis.

In uno subjecto observamus majorem lymphæ copiam
in sanguine per venæ sectionem educto, in alio minorem;
Ergo hic regula formari haud potest universalis.

Si grumi destillantur in balneo, iterum lymphæ impetra-
tur, si hæc lymphæ quantitas iterum additur priori lymphæ
quantitati, apparet, lymphæ quantitatem longe superare
quantitatem particularum solidarum in sanguine existentium,
& sane necessario ingens lymphæ copia in sanguine existere
debet ad fluiditatem & circulationem per vasa minutissima
capillaria conservandam.

Reliquum, quod in balneo Mariæ non assurgit, si destil-
lantur in arena adhibendo ignem per gradus, suppeditat o-
leum nunc fluidum nunc butyrosus & crassus foetidus
& empyrematicus, mixtum cum quadam portione salis
volatilis, relictæ in fundo terra levi obscura cum paucis & vix
notabili sale fixo.

Sunt ideo in sanguine aqua, gelatina, fibrillulæ, globuli,
sal volatile, oleum spissum & subtile, terra & sal fixum.

Hanc

Hanc sanguinis per ignem analysin dudum susceperunt PARACELSVS, HELMONTIVS, *autor catena aurea* & recentissime HOMBERGIVS in *Histoire de l' Academie Royal* 1712. ibi imprimis sollicitus est de acido in sanguine inveniando pag. 58. *sur les acides du sang* & pag. 9. *dans les memoires* examinavit sanguinem animalium & in hoc acidum invenit, in humano vero sanguine illud non apparuit, sed ipse fatetur, hoc sine clave sive intermedio fieri non posse.

Si itaque ad omnia principia sanguinis exacte impetrandae clavis requiritur, non possumus genuinam & exactam invenire principiorum, sanguinem componentium, proportionem.

Tandem in fine hujus discursus HOMBERGIVS non negare potest acidum in Phosphoro existens. Dum autem Phosphorus ex urina humana destillatur, acidum in urina est, urina a sanguine separatur & fuit pars sanguinis, ergo acidum in sanguine humano existit, quod insuper in sudore hominum praesens sit, odore percipimus.

Temperatur autem & dulcificatur hoc acidum urinosi salibus alcalicis fixis & volatilibus in hominibus sanis, in ægrotis autem facile acquirit prædominium & ab eo magnorum morborum origo dependet.

CAP. X.

DE

Sanguinis motu.

Sanguinem moveri in corpore nostro, nemo amplius in dubium vocat, postquam HARVEANVM de circulo sanguinis inventum, mediantibus Microscopiis Anglicanis, ad oculum ostendi potest.

Motus

Motus sanguinis duplex est, 1) intrinsecus, & 2) progressivus.

INtrinsecus, alias intestinus & fermentificus dictus, est singularum massularum, singularum atomorum, sanguinem componentium, mutua trituration, compulsio, allisio, vel globulorum sanguinis circa propria centro circumrotatio. Hic motus intrinsecus corporum fluidorum a recentioribus Mechanicis, in specie a celeberr. KEILIO, in *Præfat. sue veræ Physicæ*, pro figmento habetur, & rejicitur. Nam omnem motum esse localem, sive successivam loci mutationem, ostendit quam egregie in Libro jam citato, Lect. VI. & seqq. Tamen, cum terminus hic, hætenus in scholis Physicorum & Medicorum receptus, in hunc usque diem conservetur, ideo tantum explicandum, quid nempe Physici & Medici sub hoc termino intellectum velint.

Hujus vero motus existentiam 1) docet ipsa fluiditas sanguinis. Omne enim fluidum, in vase quodam contentum, est quoad singulas partes in perpetuo motu. 2) Motum intrinsecum sanguinis probat structura particularum globosa. Globorum enim natura est, quod, quando moventur per lineam quandam, sive de loco in locum, tunc sæpius circa axin circumvolvuntur. 3) Probat etiam hunc motum reliqua textura particularum, sanguinem componentium. Eam enim multifariam esse, hoc est, sanguinis particulas alias esse cubicæ, alias cylindricæ, prismaticæ, pyramidalis, &c. alias regularis, alias irregularis figuræ, ab omnibus concedi debet. Hinc sponte fluit, multifaria esse contactus puncta, multifarium insimul particularum sanguinis motum intrinsecum, nempe dum in vasis volvuntur.

Dudum disputatum fuit, an detur species fermentationis in sanguine?

Nos

Nos illam minime negamus, sunt enim in sanguine salia in lympa soluta, sunt sulphura ibi & terra, hinc datur materia ad fermentationem apta. Hanc fermentationem vel actionem & reactionem particularum sanguinis in se invicem, vocarunt majores nostri motum sanguinis intrinsecum. Et quod dentur fermenta specifica, sanguinem & humores mutantia & determinantia, observamus in morbis contagiosis v. gr. peste, dysenteria, phthisi, pupura, morbillis & variolis, quarum insitio & inoculatio a Smyrnenſi Medico PILARINO primum in terris Europeis est introducta.

Motus progressivus sanguinis dicitur circulatio, qua tota massa sanguinea de parte in partem volvitur.

Hæc sanguinis circulatio quadruplex est. 1) a Cordis ventriculo sinistro per arteriam magnam, ejusque ramificationes ad omnes partes corporis, exceptis tantum pulmonibus, & reditus per venam cavam ad cordis ventriculum dextrum. 2) est itus sanguinis a ventriculo dextro per arteriam pulmonalem ad pulmones, & reditus a pulmonibus per venam pulmonalem ad sinistrum cordis ventriculum. 3) fit in ipso corde, seu vasis coronariis cordis. 4) in ipsis vasis majoribus. Vasa enim majora possident iterum minora, uti hoc evidentissime apparet in trunco arteriæ magnæ.

Organa hujus motus sunt Cor, Arteriæ, Vasa cylindrica, Venæ & Auriculæ.

Cor est machina musculosa, valida, imo fere omnium validissima, pendula.

Hujus machinæ partes tendinosæ partim in basi, partim lateraliter circa coronaria vasa maxime coeunt. Hæc machina non ex uno, nec septem musculis, sed ex infinitis fere componitur, concedente id BIDLOO, *l. c.* Quot enim columnæ carneæ, quot trabes in corde deprehenduntur, tot sunt musculi.

Non defuerunt quidem partim recentiores, partim antiquiores Anatomici, qui sollicite in hancce musculosam machinam inquisiverunt, uti sunt STENO, BACKIVS, LOWERS, BELLINVS, BORELLVS, BARTHOLINVS, MATOVIVS, VIEVSSSEN, VERHETEN, MVNNICK, & ex recentioribus WINSLOW, LANCISIVS, GARENGEOT, HELVETIVS, qui omnes in recensendis musculis & seriebus fibrarum motricium cordis mirum quantum discrepant: Interim tamen observarunt plerique oculatiores, quod fibræ, cor constituentes, cavitatesque binas, sive ventriculos formantes, vario, elegantissimo, maxime tamen obliquo & spirali ductu a basi in conum descendant, & simili modo iterum ascendant, ita ut in systole ad instar cochleæ contorqueri queant.

Ut vero ventriculorum constrictio, & imprimis ventriculi sinistri eo exactior fiat, sunt a DEO cordi concessi varii muscoli minores, ventriculi hujus tria latera, (hinc triangulum repræsentat mobile) ita exacte contrahentes, ut ne guttula fere sanguinis in cavitate remaneat. Simile quid observamus in ventriculo dextro, ubi columna carnea imprimis hujus ventriculi ad septum cordis appropinquationem commodiorem reddit.

Quod cor revera possit dividi in duo corcula ostendit D. WINSLOW in *memoires de l'academie Royale* anno 1711. p. 196. in observatione *sur les fibres de Coeur*. Cum autem certum sit cor constare & infinita musculorum congerie, ideo concludendum, quod certi muscoli sint destinati pro systole; alii iterum pro diastole instituenda. Expectamus proxime de hac re scriptum eruditum ab Ill. nostro HAMBERGERO, quod mechanicam cordis ejusque musculorum dilucidabit.

Cor est antlia duplicata.

Hæc

Hæc machina musculosa antliam repræsentat duplicatam, cujus duo cylindri sunt duo ventriculi, emboli vero sunt in mucrone. Et quoniam majori nisu & vi opus est ad sanguinem in remotissimas partes corporis, quam in vicinos pulmones tantum, propellendum, ideo observamus, ventriculum sinistrum sive posteriorem majori fibrarum numero, fibrisque crassioribus, quam dextrum sive anteriorem firmari. In diastole cordis emboli extrahuntur; nam mucro descendit: In systole vero sursum pelluntur; nam mucro ascendit. Hisce motibus reciprocis sanguis recipitur, & postea iterum extruditur, perpetuis vicissitudinibus, durante vita.

In hisce *cordis* ventriculis reperiuntur *valvulae*, quæ neque ad venas, neque ad auriculas pertinent, sed ad ipsos cordis ventriculos: In sinistro cordis ventriculo existunt duæ, mitrales dictæ, quoniam episcopalem mitram repræsentant; in dextro ventriculo tres existunt, tricuspidales, quoniam a tribus cuspidibus originem ducunt filamentis tendinosis, sed satis validis.

D. GARENGEOT in sinistro quatuor, duas majores & duas minores, valvulas & in dextro sex numerat, tres majores & tres minores.

Hæ valvulae, circa margines ventriculorum exortæ, undique ostia venarum cingunt, ut adeo, cum mucro cordis in omni systole basin versus accedat, etiam carneæ columnæ, sursum motæ, fibras suas, quasi lora multum relaxata, remittant, quo fit, ut valvulae quoque, quibus alligantur, laxæ pendentes a sanguine, in cordis systole exprimendo, ceu vela, a vento impleta, sursum propellantur, proindeque ostia hæc venarum tam accurate occludant, ut ne guttula quidem sanguinis in auriculam refluxere possit, sed in patulam arteriam totus expellatur.

Hæc thesis confirmatur experimento anatomico, in corde

mortuo instituendo, in quo usus valvularum cordis evidentissime ostendi potest, quando aqua loco sanguinis in ventriculos apertos infunditur.

Hæc machina in centro thoracis a DEO constituta est.

Ratio hujus situs duplex esse videtur, 1) ut brevior sanguini sit via ad caput, ad quod in homine, erecto corpore incedente, perpendiculariter assurgere debet. 2) cingitur sic quam commodissime pulmonibus, non quod hi flabellum ipsi concedant, sed quod vasorum per illos ramificatio, ad aeris energiam suscipiendam, paulo commodior fieri possit.

Figura cordis conica vel pyramidalis ideo inversa est, ut ejus pars lata & basis per vasa sanguifera firmetur, mucro vero pro motu præstando liber existat.

Hæc machina, oblique fere in thorace sita, folliculo membranaceo, sive pericardio inclusa, in fluido lymphatico, aqua nempe pericardii, libere movetur.

Pericardium est facculus membranaceus, ex duplici lamina compositus, cor cum auriculis suis undique cingens, & radicibus vasorum cordis communium cohærens.

Hoc pericardium, a duplicato mediastino efformatum, in parte inferiori centro vel trifolio nerveo diaphragmatis valide adhæret, cujus connexionis ratio hæc esse videtur, ut duo pendula vitæ, cor nempe, & diaphragma, inter se habeant quandam dependentiam, hoc est, ut unum organon, in motu suo tantisper cessans, ab altero quasi ad motum denuo irritetur.

In theca pericardii continetur liquor tenuis, limpidus, qui liquor pericardii salutatur.

De origine, circulatione & usu hujus liquoris Anatomici adhuc disputant: Controversiæ vero de hac materia inveniuntur

untur in Clar. D. WENZELII, Dissertat. inaugurali, sub præsidio Celeberr. SCHELHAMMERI hic habita, de Aqua Pericardii. Probabile interim est, secerni hunc liquorem in folliculis glandulosis, circa basin cordis sitis, item in glandulosis extremitatibus auricularum, item juxta PETERVM, & MÜNNICK, p. 101. in glandulis, intra geminam pericardii tunicam absconditis, vel accuratius tandem juxta Clar. THEBESIVM, in Tr. *de Circulo sanguinis in corde* per porosam auricularum membranam.

Hoc liquore cor perpetuo irrigatur, partim, ut fibrarum motricium flexilitas, & ad motum aptitudo conservetur, partim, ut sine impedimento hæc machina, in liquido hoc fluctuans, commoveatur, partim, ut cor, a motu & frictione continua nimium exæstuans, tantisper refrigeretur.

Ne vero moles hujus liquoris (quemadmodum hoc in *hydrocardia* fieri solet,) molestiam creet, a lymphaticorum vasorum, in pericardio existentium, osculis perpetuo absorbetur, & sic cum reliqua lymphæ ac sanguine in circulum agitur. Hinc mirum non videbitur, quod lymphæ pericardii copia in strangulatis subjectis ordinarie major deprehendatur. Nam sic motus sanguinis, in venis, & lymphæ, in vasis lymphaticis interceptus, uberiores ejus proventus præstat.

Auriculæ sunt cordis appendices, pericardio inclusæ.

Hæ appendices, circa basin cordis conspicuæ, quoque sunt machinæ masculosæ, intus cavæ, ex infinitis musculis haud secus, quam ventriculi, compositæ, quorum tendines præcipui circa basin cordis in tendinosam ejus substantiam inferuntur.

Quot enim fasciculi fibrarum motricium in auriculis deprehenduntur, tot etiam ibi muscoli, qui omnes, motu synchronico & harmonico centraliter contracti, sanguinem,

ex venis delatum, in diastole cordis ventriculis ejus infundunt.

Vasa cordis propria, coronaria dicuntur.

Sunt vero duæ arteriæ, quæ sub valvulis semilunaribus, seu sigmoideis arteriæ magnæ exortæ, in duo latera, sibi opposita, abeuntes, per totam cordis substantiam tum externam, tum internam decurrentes, circulum sanguinis, in proprios cordis usus dicatum, sustinent, & systema arteriosum cordis constituunt, millenis anastomosibus implicantur, externam æqua atque internam superficiem pulcherrime exornant, ipsisque columnis carneis & tendinibus communicantur.

Tantum quoque abest, ut auriculæ nullos ab iis surculos accipiant, ut potius ad ipsas & aortæ tunicas copiosissimi rami disseminentur, quod omne cera, artificiosa manu immissa, eleganter nobis sistitur, & icone, quam fieri potuit, accurato primum exhibitum est a Clariss. RYTSCHIO, in *Resp. ad Gaubium, Epistol. III.*

Item tot venæ, interdum tamen plures, quæ sanguinem, a corde refluum, sacculo venoso, in basi cordis conspicuo & valvula exigua instructo, infundunt, a quo ad venam cavam defertur. Clar. vero THEBESIVS, in *sua Dissert. de Circulo sanguinis in corde*, Lugdun. Batav. 1716. edita, plurima oscula venarum, sive foramina, in corde & auricularum adytis existentia, detexit & demonstravit, ex quibus sanguis ex venis coronariis breviori & regia via ad totam massam sanguineam iterum redeat.

Ad vasa cordis propria referendi sunt nervi, partim a pari vago, partim ab intercostalibus procedentes, ac imprimis in superficie cordis sub tunica cordis propria, vel immediata, musculos cordis cingente, sat copiose conspicui; item & vasa lymphatica, satis copiosa quoque, per externam cordis superficiem

ciem excurrentia, lymphamque suam susceptam in venas subclavias & jugulares effundentia.

Vasa cordis, etiam universæ machinæ corporeæ communia, sunt vena cava, arteria pulmonalis, vena pulmonalis, & arteria aorta, sive magna.

Vena cava est vas sanguiferum, conicum, dextro cordis ventriculo annexum, quod totum corpus minutissimis suis ramificationibus pervadit. Dividitur in truncum ascendentem & descendente, imo & venam azygos, quæ cum trunco venæ cavæ superiori jungitur. In trunco inferiori vel ascendente est valvula EVSTACHII sive valvula nobilis CHESLEDENI, DVGLASII & WINSLOWII, quæ impedit, ne sanguis per superiorem cavæ truncum descendens, nimio impetu arietet, cum sanguine per venam cavam inferiorem ascendente. Componuntur venæ ex variis membranis, musculosis maximæ & vasculosis, quæ membranæ cum sint subtiles & tanues, ideo liquido constat, systolen & diastolen in vena cava, ejusque ramificationibus, vix notabilem & sensibilem esse. In hujus venæ cavitatibus membranulæ subtiles, hinc inde circumtensæ, notantur, quæ sunt venarum valvulæ, semilunares. Hæc dum versus cor spectant, motum sanguinis a majoribus ramis ad minores impediunt, quo sanguinis motus, a partibus retrogradiens versus cor, mirum quantum facilitatur. Hujus enim motus causa non tantum est venarum pressio, vel motus systolicus, item aeris externi & musculorum pressio, sed & liquidorum connata quasi æquilibratio, qua notissima naturæ lege ad eam fere altitudinem ascendunt, ex qua delapsa sunt.

Hæ valvulæ venarum, ab antiquiore, percelebri tamen Anatomico & Chirurgo, FABRICIO ab AQUAPENDENTE, primum inventæ, in omnibus quid em tum externis, tum inter-

internis venis reperiuntur, frequentiores tamen in artuum venis existunt.

E dextro cordis ventriculo egreditur quoque Arteria pulmonalis, quæ in pulmonibus undique extensa minutissimis tandem ramificationibus ac propaginibus quaqua versum producit, sanguinemque in eum largiter infundit.

Circa arteriæ hujus exortum tres existunt valvulæ, a figura semilunares dictæ, foras spectantes, sanguinisque e pulmonibus regressum impediētes, occluduntur nempe sponte a sanguine, regressum versus cor affectante.

Vena pulmonalis ventriculo cordis sinistro annectitur, & sanguinem, a respiratione refluxum, reducit versus auriculum sinistram.

Arteria magna, sive Aortæ sinistro cordis ventriculo protenditur, & infinitis fere ramificationibus per totum reliquum corpus distribuitur.

Circa hujus arteriæ originem etiam tres reperiuntur valvulæ semilunares, quæ cum suis apicibus sanguinis, ex arteria regurgitantis impetum sustinent.

Hæc vasa quoque sunt machinæ musculosæ, sanguinem impellentes.

Dictum fuit antea, vitam consistere in actione & reactione solidorum & liquidorum, qua circulatio sanguinis, sanitas & vita ipsa conservatur. Mox enim impelluntur solida a fluidis, & statim iterum fluida a solidis, manifeste in arteriis, obscure magis in venis. Ut vero activitas in solidis constet, (quæ etiam a nonnullis connata fibrarum elasticitas, ac a spiritibus maxime dependens renisus dicitur,) sciendum, divinum Numen vasa ex quatuor, seu quinque tunicis composuisse, ex nervea nempe, tendinosa, musculosa, vasculosa, & glandulosa, quibus mediantibus motus systolicus continuatur.

Vali-

Validiores vero cum sint tunicae, imprimis musculosae in arteriis, ideo non tantum impetum sanguinis, in illas ab antlia cordis factum, melius sustinere, sed & majori vi sanguinem repellere possunt. Hinc in illis motus systolicus & diastolicus longe vehementior & evidentior est: In venis vero, ubi tunicae sunt tenuiores & rariores, talis motus vix sensibilis existit, comparet tamen in grandioribus truncis major, in remotioribus vero a corde minor fibrarum motricium & tunicarum densitas, & denique in ultimis propaginibus minima est, ubi, dum vasa in rete & ramulos tam parvos, ut oculos fugiant, dividuntur, venae principium capiunt, quae fibrarum tenuissimo strato indutae, a spatio angustiore ad amplius tendentes, in conum inversum replicantur, ut ita utrumque vasorum systema duos tubos conicos, miris ambagibus intortos, & infinitis ramificationibus divisos, referre videatur, quorum alter arteriosus vertice suo multifido apices alterius venosi contingit, dimissis simul multis propaginibus, tum nutritioni partium dicatis, tum novum vasorum ordinem constituentibus.

Machinarum harum musculosarum motus alii sunt synchronici, alii achronici.

Motus synchronici sunt ventriculorum cordis & venarum, item auricularum & arteriarum. Quando enim fit systole ventriculorum cordis, tunc sanguis ex ventriculis intrat arterias, & sic necessario fit dilatatio arteriarum. Quando vero arteriae dilatatae prius se restitunt per systolen, tunc sanguis ulterius propellitur ad venas. Ergo tunc temporis fit diastole venarum. Venae in se invicem quoque redeunt, vel contrahuntur motu systolico, & sic & hic sanguis propellitur in auriculas. Auriculae, ita a sanguine dilatatae, sese quoque restitunt, & pellunt sanguinem & ventriculos cordis, & ita absolvitur omnis circulatio.

L

Datur

Datur Anastomosis vasorum, hoc est, vasa arteriosa immediate cum venosis cohærent, & sic sanguis non effunditur, sed ex arteriis immediate transit ad venas. Legi de hac materia meretur L. B. de FRANKENAV, *Medic. Reg. Danic. Tr. de Anastomosi & Diapedesi vasorum.*

Hancce anastomosin vasorum dari, ostendunt microscopia nostra in extrema piscium pinna. Sunt quidem quamplurimi, qui illam in dubium vocant, arbitantes, sanguinem ab arteriis extremis intrare porosas partium tunicas, fibrasque musculosas & glandulosas, & eundem venæ radicibus, valde exiguis, in iisdem partium porositatibus incipientibus, iterum absorberi; si enim hoc non esset, juxta eorum sententiam, neque fieri posset secretio, neque nutritio: At solertia Anatomicorum novi seculi eo penetravit, ut detexerit, 1) quod omnes arteriæ sint conicæ, & quod, quamdiu sanguis hosce conos arteriosos occupat, tamdiu nihil ab eo segregetur, simul ac vero 2) ad extremitatem coni sanguis defertur, in vasa quædam cylindrica promoveatur, quæ pro diversa conformatione partis vel longiora, vel breviora sunt; Si longa sunt, ob majorem commoditatem complicantur ductu serpentino, vel spirarum instar convolvuntur. Vid. Figur. ex Bidloo, & Ruyschio desumptam. Tale quid contingit 3) in glandulis, in quibus vasa hæc, ad instar intestinorum convoluta, comparent. Hæc vasa cylindrica, pro diverso respectu ad venas partim, partim ad arterias referenda, non secus, ac cribrum, poris pertusa sunt, ex quibus exstillant fluida subtiliora, in vasis hisce relictis globulis sanguinis majoribus, per poros hosce penetrare minus aptis. Nam quoniam volumen, seu corpulentia eorum nimis ampla est, ideo prætereunt illa foramina exigua, & sic iterum intrant venas refluunt.

fluuntque ad cor. Per hosce poros vasorum cylindricorum omne id secernitur, quod ad secretionem & nutritionem necessarium est. Imo hisce cylindris varii penicilli succosi appensi sunt, qui aut sunt initia nervorum, aut vasorum lymphaticorum, aut vasorum excretoriorum, aut vasorum nutrientium, adeoque pro structura & apertura horum vasorum diversa, diversoque sanguinis motu, in singulis visceribus diverso & specifico, varia & diversa liquida in massa sanguinea elaborantur, & ab ea segregantur. Hæc est novissima & optima Medicorum & Anatomicorum sententia.

Cordismotor duplex est, unus Spiritus animalis, alter sanguis arteriarum coronariarum,

Quid causa motus cordis reciproci sit, revera in hæc usque tempora exercuit & defatigavit celeberrimorum & sagacissimorum Physicorum & Anatomicorum ingenia. Cor enim ex sola sua structura mechanica motum præstare haud potest, quale quid illi credunt, qui, ad comprobendam assertionem, cor piscis exsectum adducunt. Hoc enim, a vasis separatum, postea in manu contentum, & punctum, quingentis fere vicibus pulsat. Quoniam vero duplex datur cordis motus, ideo duplex quoque causa adesse debet.

Primam causam merito nervis adscribimus. Constat enim, ligato, aut abscisso nervo octavi paris, motus cordis quoque mox perire. Perit tamen non omnis, quia per nervos intercostales, cordi quoque insertos, aliqua portio fluidi nervosi ad cor defertur. Fluidum enim nervosum facit, ut fibræ motrices cordis spiritaliter contorqueantur & abbrevientur, & sic systole absolvitur.

Causa motus diastolici est sanguis arteriarum coronariarum.

Notum est, sanguinem omnem expelli a corde in ejus systole, non tantum ex ejus ventriculis, sed & ex vasis ejus coronariis. Dum enim sanguis, ex corde expulsus, in latera trunci aortæ impingit, premit quoque magna vi arterias coronarias, statim sub valvulis semilunaribus aortæ egredientes. Hinc sanguis pressione sua superat resistantiam vasorum coronariorum, intrat ea, & dum se per musculos cordis diffundit, eos relaxat, & cordis systolen præstat. Vide de hac materia plura in *Clar. D. STROEMII Nova theoria motus reciproci machina animalis, Proposit. V.* item *THEBESII Dissert. allegata, p. 21. 22.*

Circulatio sanguinis spatio unius horæ 34. vicibus ad minimum absolvitur.

Tempus ad circulum sanguinis absolvendum admodum est exiguum, quod *LOWERVS, de corde*, eleganter demonstravit ex collatione pulsuum, per horam numeratorum. Si enim præsuppono, 1) sanguinis quantitatem in toto corpore humano esse 25. libras medicas, 2) quovis pulsu e cordis ventriculis propelli uncias duas, 3) intra horam fieri 5100. pulsus, productum & consequens facile haberi potest.

Interim quoniam Autores in quantitate sanguinis non conveniunt, ideo alii in una hora plures, alii contra pauciores circulationes admittunt. Hoc tamen certum est, plures in una hora fieri circulationes.

Uusus circulationis est conservatio vitæ & sanitatis.

Rectissime itaque judicat biga celeberrimorum virorum *PITCARNIVS*, in suis *Elem. Medic.* & *BERGERVS* in *Diff. de vita & morte*, quando inquirunt: 1) Vita est circulatio sanguinis. 2) Sanitas est vita sana, sive circulatio sanguinis libera, nullo dolore & impedimento comitata. 3)

Mor-

Morbus est motus sanguinis circularis, nimium auctus, vel diminutus vel impeditus. 4) Mors circulatio sanguinis cessans.

CAP. XI.

DE

Respiratione.

Respiratio est reciproca aeris ad pulmones immissio, & ejusdem ex pulmonibus iterata emissio: Illa actio Inspiratio, hæc Exspiratio dicitur.

Inspiratio fit, quando spatium thoracis ampliatur.

Ampliatur vero, quando diaphragma descendit versus abdomen, & costæ a musculis attolluntur, quemadmodum hoc in duplici machina, folle nempe, & campana oculis sistimus.

Exspiratio fit, quando spatium thoracis coarctatur.

Coarctatur autem, quando diaphragma versus thoracem ascendit, & costæ iterum deprimuntur, in qua actione non tantum muscoli thoracis concurrunt, inprimis intercostales, sed etiam muscoli abdominis, in expiratione se iterum restituentes, item & ipsa elasticitas fibrarum motricium, pulmonum bronchiorum, & trachææ symbolum suum conferunt.

Organa respirationis alia sunt activa, alia passiva.

Activa sunt, a quibus respiratio, & inprimis inspiratio dependet, suntque muscoli intercostales, & diaphragma.

Passiva sunt sternum, costæ, vertebræ, claviculæ, larynx, trachæa bronchia, vesiculæ pulmonum, vasaque pulmonum sanguifera.

Diaphragma, five septum transversum, thoracem & abdomen in duas cavitates distinguens, est machina musculosa, ex duplici musculo, superiori & inferiori, composita.

Superior musculus una sua parte costarum & sterni extremitatibus adhæret, altera vero in Aponevrosin abit, quæ nerveum diaphragmatis centrum constituit.

Inferior musculus a vertebra tribus superioribus lumbis exoritur, & quatuor plerumque tendinosi productionibus valide illic adhæret.

Per centrum nervosum, vel tendinosum transit vena cava, ab hepate ad cor protensa. Per portionem autem carnosam musculi inferioris œsophagus penetrat, cum nervis ventriculi coronariis.

Infra musculi inferioris tendines deprehenduntur Arteria magna, & Receptaculum chyli lumbare, cui, uti jam diximus, tendo diaphragmatis incumbit.

Cingitur diaphragma duplici membrana, quarum superior est pars Pleuræ, inferior vero Peritonæi.

Vasa habet omnis generis Phrenica.

Anatomiam diaphragmatis solertia celeberrimorum virorum auxit, HALLERI, SEGNERI & Domini SENAC. Vide com. litterar. Noricum anni 1736. p. 126. Dominus SENAC quinque musculos admittit 1) Unum exiguum superiorem, qui cum cartilagine ensiformi jungitur & ab aliis distinguitur per tendines; hunc inveni 2) duos laterales majores cum costis connexos, quorum fibræ ceu radii circuli a peripheria costarum ad centrum sive trifolium tendinosum properant & 3) duos inferiores, qui decussati sunt & orificium superius ventriculi cingunt & ambiunt.

Hæc machina musculosa revera embolum antliæ pneumaticæ

maticæ thoracis repræsentat, per cujus motum diversum aer admititur & expellitur.

Musculi intercostales alii sunt externi, alii interni.

Musculi hi fibris decussatis, ad formam X se mutuo intersecantibus, a se invicem distinguuntur, hincque pro diverso motu nunc attollunt, nunc deprimunt costas, quo motu duplici thorax vel ampliatur in inspiratione, vel coarctatur in expiratione.

In hac actione concurrunt insimul alii musculi, thoracis dicti, quales sunt musculus pectoralis, serratus anticus major & minor, subclavius, serratus posticus superior, atque inferior sacrolumbris, oblique descendens, triangulares sterni aliique.

Vertebræ, cum costis & sterno, sustinent & efformant inprimis cavum thoracis ellipticum, hincque partim per arthrosin, uti vertebræ inter se, item & costæ cum vertebriis & sterno, partim per symphysin connectuntur.

Cavitas hæc intus tegitur tunica quadam satis valida nervosa tendinosa & cellulosa, Pleura dicta, quæ & ipsis costis, ac sterno firmiter adhæret.

Distinguitur cavitas hæc in duas concamerationes per *Mediastinum*, in quo non tantum *Thymus*, sed & aliæ glandulæ deprehenduntur.

Larynx est pars superior *Tracheæ*, in ore adhuc constituta, & organum ad formandam & pronunciandam exprimendamque vocem destinatum. Componitur ex variis musculis, ab Anatomicis hætenus nondum exacte determinatis ac descriptis, (communiter tamen septem numerantur paria) item & quinque cartilaginibus, quarum ima est *Thyroidea*, sive scutiformis, estque genuinum laryngis externum munimentum, ne a violenta quadam pressione ab extra in actione sua turbetur; 2da est *Cricoidea*, vel annularis, firma undique & robusta, quæ non tantum basin constituit cartilaginum Arytenoidearum, sed

sed & ipsam trachæam semper apertam servat, quo aer introitum ac exitum liberiores inveniat; 3tia & 4ta cartilago dicuntur *Aritenoides*, quæ ad se invicem applicatæ gutturis labrum constituunt, rimulamque fingunt, quæ glottis nuncupatur, a cujus vel dilatatione vel constrictione vox acuta, vel gravis oritur; ista est *Epiglottis*, sive operculum rimulæ, quo larynx tegitur, inprimis in deglutitione.

Aspera arteria, sive trachæa, cum bronchiis, aut trachææ ramificationibus, vasa aerea componit, quorum structura sequens est: Nempe trachæa repræsentat canalem conicum, nunquam plenarie clausum, constructum ex ramis plurimis, sibi invicem ad angulos acutos incumbentibus, mobilibus, quorum singuli componuntur ex cartilaginibus circularibus, squamatim sibi impositis, & fibris muscularibus, vel musculis cartilagineis inter se conjungentibus.

Hi ductus in fine desinunt in membranulas cæcas, penfiles, elasticas, vel in vesicas ovales in naturali statu collapsas.

Hæ vesiculæ componunt substantiam pulmonum propriam, & per Malpighii plexus retiformes connectuntur, & in varios lobulos minores colliguntur.

Quando itaque aer canales trachææ & bronchiorum intrat, eosque implet, necessario, in singula puncta laterum impingendo, premit bronchia & substantiam pulmonum, a qua pressione non tantum omnes vesiculæ pulmonum inflantur, & sic æqualiter distenduntur, sed & omnes canales longiores fiunt, atque ad angulos obtusos attolluntur, ut ita pulmones, alias collapsi, totum thoracis spatium cavum adimplere valeant.

Vasa sanguifera pulmonum alia sunt communia, alia propria.

Com-

Communia sunt notissima illa, Arteria & Vena pulmonales. Propria vero dicuntur bronchialia, & sunt Arteria & Vena.

Arteriam hancce bronchiale, ex Aortæ trunco descendente ortam, invenit Celeberr. RUTSCHIVS. Venam vero bronchiale, hancce arteriam undique comitantem, & sanguinem a nutritione bronchiorum refluxum in venam cavam refundentem, invenit SANCHETTIVS, Venetus.

Hiscæ vasis sanguiferis accedunt nervi paris imprimis octavi, item & vasa lymphatica cum ductu thoracico coherentia.

Arteria pulmonalis, dextro cordis ventriculo egressa, & versus trachæam inclinata, in ramum dextrum & sinistrum dividitur, qui paribus trachææ ramis se applicantes, eos undique comitantur. Quando vero ad extremum pervenerunt, ubi bronchiorum propagines in vesiculas ovales firmantur, tunc hæ arteriæ vesiculas pulmonum non tantum in minimis ramificationibus undique ad instar hederæ ambiunt, sed & *Rete Malpighianum* quoad maximam partem efformant, imo tandem per anastomosis primis venæ pulmonalis ramulis inferuntur ac commiscuntur.

Vena pulmonalis in sinistro cordis ventriculo radicata, & in ramos primum majores, deinde juxta pulmonum lobos & lobulos in minores ac minimos divisa, supra trachæam defertur, inque progressu suo tum arteriæ pulmonali, tum trachææ ramificationi exacte respondet, cumque illis pari passu undique incedit, & ubi arteria aspera in vesiculas desinit, propagines venosæ, cum arteriis quoque complicatæ, reticulum, seu corymbum, quo cellulae istæ circumdantur, constituunt.

Objectum respirationis est aer atmosphæricus.

M

Quid

Quid aer sit, jam ex *Parte II. Cap. 2. & 3. Elem. meorum Phil. Nat. Exp.* notum est, nempe fluidum illud grave & elasticum, globum terraqueum ambiens. In superiori regione subtilissimus est & purissimus, in media mediæ naturæ existit, in infima vero crassus est, & variis ac infinitis fere effluviis mixtus.

Hic aer, dato spatio majori in thorace, gravitate sua, vel pressione, qua omnia corpora urget, irrumpit etiam in pulmones, elasticitate vero sua illos expandit, & fluiditate sua non tantum se sanguini commiscet, sed & singulas sanguinis particulas commovet.

Hic ardua oritur quæstio: quid nempe aer in respiratione præstet & an sit objectum formale tantum, an formale & materiale simul, an fiat resolutio sanguinis in pulmonibus, an condensatio?

Qui condensationem defendunt, illam a frigido aere pulmones irruente derivant. Fieri autem condensationem exinde concludere volunt, quia præsupponunt 1) ventriculum cordis dextrum majorem sinistro 2) auriculam dextram majorem sinistra, 3) arteriam pulmonalem majorem aorta 4) arteriam pulmonalem majorem vena pulmonalis. Et sic statuunt sanguinem per venam cavam refluxum habere majus spatium & esse rarefactum magis, quam sanguis aortæ ejusque rarefactionem vero imminui in pulmonibus per aerem frigidum ad pulmones delatum.

Alii contrarium defendunt nempe sanguinis resolutionem in pulmonibus. Dicunt sanguinem arteriosum esse exacte resolutum & ideo rubicundissimum, sanguinem venosum vero obscurum & tantisper coagulatum, coagulari vero sanguinem in venis, quoniam sanguinis motus ibi est retardatus; Quo vero sanguinis coagulati permoveatur resolutio,

solutio, mittitur Divino consilio ad pulmones, in quibus conquassando resolvitur. Conquassatur sanguis, quoniam a pulmonum vesiculis & bronchiis comprimitur nunc in arteriis & venis pulmonalibus branchiis vicinis, nunc in vasculis minimis sanguiferis vesiculas perreptantibus. Et quod rubicundissimus & sic consequenter resolutissimus sanguis sit in pulmonibus, apparet in vulneribus pulmonum & vera hæmoptysi.

Abstrusum est respirationis negotium, hoc agnoverunt majores nostri vid. ETMULLERI Diss. de *abstruso respirationis negotio*, Respondente *Neucrazio*, celebri postea medico Hamburgensi. In hoc interim omnes, qui de usu respirationis disputant, consentiunt, quod in pulmonibus sanguis adapte-
tur ad novam circulationem per reliquum corpus peragendum.

Nunc porro quæritur: an detur aditus aeris in pulmonibus ad sanguinem? Quod detur, per experientiam in cadaveribus juniorum antea probavi. Et experimenta antliæ pnevmaticæ confirmant, quod in urina humana & sanguine animalium (nam cum sanguine humano illud experimentum suscipere non semper in Collegiis Physicis licet quavis procedat ad votum,) ingens quantitas aeris & fere major quam in ipso spiritu vini reperiatur. Quæritur itaque, unde ille proveniat, alia ducunt ab alimentis; Respondeo, vix credibile est 1) etenim alimenta calida aerem in exigua quantitate continent 2) magna copia insuper aeris in alimentis existentes per flatus evacuatur; ideo per pulmones aer necessario sanguini miscetur. Miscentur vero simul omnes partes in aere existentes, ut aqueæ, salinæ aliæque, imo & ipsa effluvia contagiosa in aere existentia ita ad sanguinem deferuntur.

Ufus respirationis alii sunt primari, alii secundarii.

Inter primarios usus 1) referri potest *sanguificatio*, quæ quod primario contingat in pulmonibus per compressionem particularum chyli jam in doctrina de sanguificatione meminimus. 2) *Sanguinis nova ventilatio*. Conquassatione enim sanguinis fluxilitas, & ad circulationem per vasa minima aptitudo promovetur. Sanguis enim, a partibus refluus, suo modo motu retardato crassior redditur, ideo perfectam suam fluiditatem ut acquirat denuo in pulmonibus necesse est. 3) *Particularum aerearum mixtio*, qua sanguis elasticitas, calor naturalis, motusque intrinsecus conservatur & promovetur. Nam a motu sanguinis per pulmones reliqua circalatio in toto corpore pendet, id quod animalia suffocata in vacuo confirmant. 5) *Loquela* & cantus in homine, quæ sane absque aere fieri haud possunt. 6) *Odorum perceptio*. Cum aere enim effluvia corporum ad nares deferuntur, ut in iis hunc vel illum odoris sensum causent.

Ad usus secundarios spectare videtur 1) ipsa *digestio*, vel *chymificatio*, quæ motu & pressione ventriculi, a Diaphragmate facta, insimul promovetur. 2) *Chyli secretio*, & transcolatio ex intestinis ad vasa lactea. 3) *Chyli ad sanguinem promotio*, quæ simul etiam partim compressione abdominis, partim motu tendinis Diaphragmatis, receptaculo chyli superincumbentis, peragitur. 4) *Fætus, urina, fecum alvinarum exclusio*, quæ pressionem organorum respirationis exposcunt, ac tandem 5) *Materia, in bronchiis & naribus contenta, excreatio*.

CAP. XII.

DE

Nutritione.

Nutritio vocatur illa corporum animalium actio, qua par-

partes alibiles constanter cum corpore nostro uniuntur; vel Nutritio est adaptatio partium alibilium ad formam corporis humani ejusque partium & post adaptationem cum corpore nostro unio.

AN vero illa semper constans sit, quæstio est? Corpus nostrum indies & omni momento mutatur sive in melius sive in deterius, constanter non durat ergo & partes nutrientes constanter non durant, sed omni momento mutantur. Possumus asserere, Hominem in vita multoties sibi comparare posse novum plane corpus, amisso penitus antiquo; juventutis vires etiam conservare in senectute possibile est, si regulæ diæteticae modo observantur & usus convenientiam remodiorum non negliguntur.

Quemadmodum in universum triplex datur ætatum divisio, *Juventus* nempe, *ætas virilis*, sive consistens, & tandem *senectus*: Ita ex hac trina ætatum distinctione consurgunt revera tres species nutritionis: Et quidem 1) datur *nutritio cum augmento*, qua machina humana definitam acquirit soliditatem & extensionem, sive molem, in tres notas dimensiones. Hæc nutritio durat plerumque usque ad annum vigesimum quintum. 2) *Nutritio simpliciter ita dicta* conservat corpus in æquali statu, ubi tot particulae quotidie restituuntur, quot fuerunt deperditæ. Hæc nutritionis species persistit in ætate virili, & durat ad sexagesimum fere annum usque, quamquam & illud quoque concedendum sit, in pluribus hominibus, etiam in consistente ætate constitutis, fieri nutritionem primi generis, licet non in longum, in latum tamen & crassitiem. Unde vulgus, wenn man in die Länge ausgewachsen, fängt man an, in der Dicke und Stårcke zuzunehmen, effari solet. 3) *Nutritio sit cum decremento*, ubi, non tantum ob motum & fluiditatem

liquidorum imminutam, sed & ob depravatas successive organorum functiones, nec alimenta convenienti modo præparantur, neque partes alibiles a massa sanguinea segregantur, organisque agglutinantur. Hæc fit in senili & decrepita ætate, in qua corpus corrugatur & marcescit.

Subjectum nutritionis & auctioris constituit corpus.

Anima enim cum immaterialis sit, non indiget pabulo physico. Corpus vero, ut materiale, perpetuis mutationibus, vicissitudinibus & imminutionibus expositum est. Quemadmodum enim nullum materiale in toto universo est exacte durabile: Ita multo minus durationem constantem ab humano nostro corpore expectare possumus, cujus partes primo laxè cohærent, secundo in perpetua frictione atteruntur, & quarto, quod maximum est, ex fluido, ad corruptionem maxime disposito, concreverunt.

Nutriuntur vero singulæ corporis partes.

Spiritus enim, utpote materia subtilis & facile evaporabilis, omni momento consumuntur: Hinc quoque continuo sunt restituendi. *Humores* similiter perpetuo annihilantur, evacuantur, expelluntur, & ex infinitis poris, aliisque ductibus excernuntur. Mirum hinc non est, quando in corporibus, fame & inedia extinctis, vix aliquot uncia humorum & sanguinis repertæ sunt.

Solidæ a prima foetus formatione ad ætatem consistentem usque nutriuntur cum augmento, postmodum vero sufficit, si modo conseruantur in suo esse, & soliditate sibi proportionata & conveniente.

Quomodo vero hoc fiat, paucis jam inquirendum. Suppono itaque tanquam certum, 1) quod homo, quoad omnia sua organa, in staminibus exiguis delineata, delitescat

in

in ovulo. 2) Quod corpus humanum sit fibrosum & vasculosum, sive ex fibris & vasculis contextum. 3) Quod fibræ hæ in corpusculo minimo, in ovulo contento, sint tenuissimæ & complicatæ, in nutritione vero 4) extendendæ non solum, sed & crassiores reddendæ, ut debitam acquirant molem, vel extensionem, id quod per superficierum, & ramentorum minimorum, a sanguine secretorum, combinationem, & firmam connexionem fieri debet.

TAVRIVS, in *sua Anatomia rationali*, nutritionem & augmentationem corporis ita explicat: Nempe concipit sibi fibras, mole augendas, obtinere quasdam cellulas, modo plures secundum longitudinem, modo secundum latitudinem, prout partis natura & conformatio id desiderat, eas vero ad certam mensuram tantum esse dilatabiles, quam cum attigerint, auctoris quoque & incrementi finem esse. Porro juxta laudatum Autorem requiritur certa fibrarum dispositio ad suscipiendas partes similes, quæ in structura & certa conformatione, tensilitate & flexilitate sine dubio consistere debet. Hinc propter fibrarum mollitiem major accretio contingit ordinarie in junioribus, in quibus ipsis tamen, tantum non singulis subjectis, quotidie observamus in nutritione & augmento magnam diversitatem. In alio enim juvene fibræ sunt molliores, & sic facile dilatabiles a nutrimentis, in aliis minus, hincque magis resistunt, *Deswegen sie auch verbutten*. Quando vero fibræ musculares minime sunt dilatabiles, sed mox rigiditatem acquirunt, tunc infantes fiunt Rachitici, de quo vid. MAROVIVS, *de Rachitide*.

Materia nutritionis remota sunt aer & alimenta, proxima vero immediata est massa sanguinea, constans ex sanguine strictè sic dicto & sero.

Sunt quidem, qui aerem ex numero materialium nutrimentum

entium plane excludunt : Attamen, facta limitatione & distinctione inter aerem atmosphaericum, & pluribus aliis heterogeneis partibus remixtum, & inter aerem physice, tanquam elementum, consideratum, vix negari poterit, illum omnibus animalibus esse causam remotam nutritionis materialem, uti e contrario omnino concedo, hunc magis causam nutritionis formalem & efficientem remotam salutare posse. Hinc videmus, quod aer non tantum in sanguine requiratur, sed & ipsis spiritibus aptissimam suppeditet materiam, ut nihil dicam de illa controversia, an nempe etiam ab aere humores diversi in corpore augeantur, id quod tamen confirmant 1) incrementa tumorum praeternaturalium, qui in plenilunio magis accrescunt, decresciente vero luna sensibilibiter imminuuntur. 2) Animalia quaedam, inprimis insecta, & ex his araneæ in vitro, linteo tecto, per aliquot menses in vita conservantur sine ullo alio pabulo, praeter aerem, manifesto satis indicio, quod aliquod nutrimentum ex aere capiant. Et quamvis hoc ad corpus humanum exacte applicari non possit: Interim tamen existentiam *occulti cujusdam vite pabuli in aere* clare satis evincit. Ceterum neutiquam mihi mens est, statuere, quod aer, tanquam subtile & fluidum quippiam, in solidam corporis nostri substantiam coagulari & consolidari possit. Sufficit nobis, hic saltem dixisse, quod partim spiritus, partim & humores, ad quorum constitutionem aer revera pertinet, nutrire valeant.

Propiorem autem nutritionis materiam esse alimenta, nemo, arbitror, in dubium vocabit unquam: Verum de proxima & immediata nutritionis materia in hunc usque diem disceptant Physiologi.

Quatuor autem praecipue dantur de hac materia Autorum opiniones: Alii enim lympham, alii chylum, alii

alii succum nervosum, alii denique sanguinem, latius acceptum, defendunt

Qui serum, seu lympham solam materiam immediatam nutritionis esse adserunt, varia adducunt argumenta: 1) Dicunt, majorem seri & lymphæ copiam deprehendi in sanguine arterioso, minorem vero in venoso, hincque concludunt, lympham fuisse in nutritione adhibitam: Sed respondent alii: (1) Sanguinem abire ad partes per simplicem arteriam, redire vero per duplicem venam, sanguineam scilicet, & lymphaticam, ergo lymphæ quæ deficit in vena sanguinea, fere omnis reperitur in vena lymphatica. (2) Serum illud, quod inest sanguini arterioso, non tam ad nutritionem solum partium pertinet & requiritur, (cum non omne utile sit & laudabile, sed magnam potius partem nutritioni inutile & excrementitium,) sed, & in visceribus & organis quibusdam secretoriis, v. gr. hepate, liene, renibus, vasis salivalibus, aliisque secerni, & ad destinatos usus adhiberi solet. Unde non mirum, sanguinem venosum magna seri parte esse defraudatum, quamquam hoc non nutritioni inservierit. Quanta enim seri quantitas non excernitur per transpirationem insensibilem? ne reliquarum viarum faciam mentionem. (3) Omnem nutritionem fieri debere per affluxum, non vero per refluxum. Cum autem arteriæ lymphaticæ nunquam extiterint, ergo negant, quod nutritio fiat per solam lympham: quamquam enim BILSIVS, præter vasa lymphatica nota, alia laudat, *rorifera* ab eo dicta, hæc tamen adhucdum inter nonentia anatomica numerantur.

Ut ulterius probent hancce de lymphæ nutritia sententiam, confugiunt ad placita HELMONTII, statuentis duo omnium rerum principia, unum materiale, nimirum *aquam*, alterum formale, sive effectivum, scilicet *fermentum* quoddam, aut *archeum*, qui lymphæ, vel aquæ particulas, juxta con-

N

natam

natam ideam, in singulis corporibus disponat, & nutritioni aptas reddat. Adducunt insimul exempla nutritionis plantarum & animalium. Plantæ enim, juxta eorum sententiam, nutriuntur sola aqua pluviali, quæ in acetosa acescit, in absinthio amarescit, in piperitide & nasturtio accrescit, in glycyrrhiza & canna saccharifera dulcescit: Sic pisces sola aqua nutriuntur, & increfcunt, quale quid, præter HELMONTIUM, etiam testatur Illustr. BOTLEVS, in *Chimista Sceptico*. Hinc concludunt, solam aquam simplicissimam esse materiam convenientissimam ad nutrienda corpora. Sed posito, non concesso, plantam omnem sola aqua nutriri, item & pisces, hæc tamen ad hominem non possunt applicari.

Instant ulterius, & dicunt, lympham sanguinis esse gelatinosam, eamque evaporatione mediante mutari in corpus album, durum satis, imo fere osseum, &, cum omnes partes solidæ, injectione per siphonem aqua elutriatæ, albæ apparent, inde manifestum esse, illas nutriri sola lymphâ gelatinosa atque chylosa, in ejusmodi corpora solida diversimode a calore coagulata. Sed respondetur, 1) totum sanguinem gelatinosum esse, imo longe gelatinosiores ipsa lymphæ, & 2) totum sanguinem, facta humidi evaporatione, mutari in simile corpus solidum, 3) dubitatur, an omnis rubedo in partibus, ita elutriatis, perfecte extinguï possit. Præterea, quod maximum, color nihil probat. Nam omnis color dependet a mutata particularum structura, mutatis poris, & mutatis figuris particularum in superficiebus, qualis mutatio structuræ sanguinis multis modis per motum varium contingere potest.

Qui, chylum materiam nutritionis immediatam esse, defendunt, dicunt, notissimum esse axioma, nos nutriri iisdem particulis, ex quibus constamus. Constamus autem primario ex liquori seminali, adeoque simili quoque nutriri, necesse esse. Cum vero nihil in toto corpore semini magis conveniens

veniens sit, quam chylus, lymphæ gelatinosa dilutus, ergo & chylus videtur esse aptissimus ad nutriendas partes. Ast respondetur 1) maxima inter chylum & semen intercedit differentia. Chylus enim haud secus ac lac, aeri expositus, successive coagulatur in caseosam substantiam, semen vero emissum sponte abit in liquamen serosum. 2) Vix credibile est, hominem generari unice ex semine virili. Liquidum enim seminis virilis constituit tantum vehiculum spiritus vitalis, qui ovulo vitam communicat, separato hoc spiritu, lymphæ, ut ejus vehiculum, ex utero iterum effluit. Hinc lymphæ seminis virilis non concurrit ad generationem materialiter, sed formaliter tantum. Porro semen muliebre, præter ovulum, non datur, in ovulo vero non imprægnato reperitur lymphæ pellicula, nullam cum chylo convenientiam ostendens, in imprægnato autem statim apparet *punctum saliens rubicundum*, quod sanguinis potius præsentiam ad vitam & nutritionem necessariam confirmat.

Et porro utero materno inclusus fœtus per integrum gestationis tempus sanguine materno, non vero chylo, vel lymphæ sola materna nutritur.

Audienda jam veniunt argumenta eorum, qui succum nervorum nutritum defendunt. Hunc enim, juxta WILLISIVM, in cerebro; juxta GLISSONIVM, CHARLETONIVM, & CONSENTINVM, in glandulis mesaraicis lumbaribus & thymo; juxta alios, in glandulis axillaribus, inguinalibus, pituitaria cerebri, &c. elaboratum statuunt. Sed horum opinio nimio Autorum suorum dissensu sua sponte corrui, dum de origine hujus liquoris adeo discrepant.

Ad probandum vero suam assertionem adducunt exemplum Paralyseos, & ex hac dependentem partium ariduram. Dicunt ideo, in Paralyti vasa sanguifera esse optime constituta, nervos vero solum esse læsos, hinc, ob defectum liquidi

nervosi, turbari nutritionem. Sed respondemus, committi hic fallaciam non causæ, ut causæ. Distinguendum enim est inter causam materiale, & efficientem nutritionis. Causa efficiens sunt spiritus animales, qui inter alios usus etiam partibus nutriendis tonum convenientem concedunt, & partes, nutritioni aptas, actuant, subtilisant, & naturæ magis homogeneas reddunt: Deficiente vero in partibus tono, materia nutritionis, per arterias allata, non potest modo naturali elaborari, & separari, neque agglutinari & assimilari. Et quod maximum, dubitamus adhuc omnino de liquoris hujus nervosi existentia. Nam 1) ex nervis vulneratis non exstillat liquidum quoddam, id quod frustraneo experimento nos tentavimus: Sæpius & tentavit olim GRÆVIVS, *Cap. 2. de Succo pancreatico.* 2) Liquidi nervosi existentia in ipsis etiam catulis & junioribus, (qualia subjecta WILLISIVS præten- dit,) non reperitur. Nam nervi ligati neque in parte superiori, neque inferiori intumescunt, confirmante hoc experientia Celeberr. BOHNII, & nostra. Et licet concedamus liquoris talis in nervis existentiam, quantitas tamen illius vix ac ne vix quidem sufficit ad nutriendas omnes partes, in primis ossa, utpote in quibus, ob exiguum nervorum numerum, nullus fere existit sensus.

Massa sanguinea est vera nutritionis materia proxima.

Hæc sententia non tantum est antiquissimorum, sed etiam recentissimorum & probatissimorum Autorum. Sanguis enim, in toto spectatus, repræsentat quidem liquorem homogeneum; sed in singulis partibus minimis consideratus, continet omnis generis particulas, cunctis partibus, qualiscunque etiam sint mixturæ, nutriendis, satis aptas. Insunt enim aqueæ, gelatinosæ, oleosæ, salinæ, terreæ, fibrosæ, aliæque, ad musculos, ligamenta, ossa, pinguedinem, &c. nutri-
enda,

enda; aptæ, quas omnes, cum & Chylo infint, anſam dediffe apparet autoribus ſtatuendi, chyloſas l. chyloſo - lymphaticas ſanguinis partes nutritionis veram eſſe materiam, vel hac ex ratione, non omnino neganda, quia 1) chylus, ob particulas gelatinofas & oleoſas lymphæ concedit concreſcibilitatem, quæ inſignem aptitudinem ad nutriendum declarat; 2) partibus diverſis congruam materiam fovet, cum ex adeo diverſis alimentis eliciatur; 3) alimenta, quæ multum chyli concedunt, melius etiam nutrire ſolent; 4) alimentorum copia meliorem nutritionem, penuria vero contabefcentiam inducit. Id vero etiam notandum, ipſum ſanguinem, ex hiſce chyloſo - lymphaticis partibus aliquo modo alteratis conſtantem, proximam & immediatam nutritionis materiam omnino manere. Sanguis quoque deferitur ad omnes, imo minutiffimas partes. Nulla enim pars in toto corpore exiſtit ex ſanguis, confirmante hoc Celeb. R V T S C H I O, artificio anatomico injectionum, qui ideo non ſine ratione ſtatuit, quod totum corpus ſit conglomeratum vaſorum.

Sunt quidem, qui huic aſſertioni contradicunt, uti E N T I V S, in *Apologia*, C H A R L E T O N I V S, in *Exercitationibus*, qui negant, ſanguinem ad omnes partes deferri, v. gr. ad oſſa, nervos, ligamenta, cerebrum, membranas, &c. Sed illis condonandum, cum non vixerint in tam felici, uti noſtrum eſt, ſeculo, in qua Anatomia ad ſummum faſtigium deproperat. R V T S H C I V S enim per injectiones oſtendit copioſiſſima vaſa ſanguifera in ipſo perioſtio, quæ vaſa, dum poris exiguis oſſium inferuntur, ad hæc nutrimentum adferunt, ut nihil dicam de majoribus, quæ corpus oſſium plane penetrant, & ad medullam oſſium abeunt: Porro in cerebri ſubſtantia medullari diſſecta punctula ſanguinea, ſatis conſpicua, ſanguinis præſentiam luculenter in hac parte confirmant: Sic Clar. H O V I V S quoque, in *Differtat. de Circulatione humorum in oculis*,

optime demonstrat, ipsos humores, mere tales alias creditos, aqueum nempe, vitreum & crystallinum ex vasis constare, quæ materiam suam ex vasis sanguiferis arteriosis, ipsi Fontes & Scaturigines dictis, hauserunt; Itaque nullum omnino amplius restat dubium, 1) quod sanguis ad omnes partes abeat, & 2) cum illo vera nutritionis materia, quæcunque demum illa sit, ad partes deferatur.

Modus, sive forma nutritionis consistit in partium alibilium elaboratione, secretionem, agglutinationem & assimilationem.

Materiam nutritionis adduci cum sanguine per arterias ad partes, antea dictum fuit. In minimis autem arteriarum ramificationibus, vel quod magis est, in vasis cylindricis per poros laterales transsudat omne id, quod nutritioni impendendum. Vid. L. B. de FRANKENAV, Dissert. de Diapedesi. Ubicunque enim adsunt pori, ibi particulæ, poris conformes, insinuantur, aut si materia nutriens superficies, sibi æquales, deprehendit, tunc illis adjungitur, quod alibi in Physicis docui, ubi ostensum fuit, corpora conjungi & solidescere per tria inprimis requisita, nempe (1) *adesse debent latera, exacte plana lævigata & polita*, (2) *gluten, latera conjungens & ex interstitiis aerem expellens*, (3) *aeris ambientis pressio*. Quando itaque hæc tria requisita concurrunt, tunc fit cohæsiō corporum firma & constans, quale quid observamus in hemisphæriis planis, politis, sebo inunctis. Hæc si ad nutritionem applicabimus, videbimus, quod 1) omnia alimenta non tantum in ventriculi & intestinorum, sed & in sanguinis machinis reducta sint in ramenta minima; 2) quod hæc ramenta variam habeant soliditatem, densitatem & figuram; 3) certum est, quod hæc ramenta sint partim glutinosa, partim consistunt ex variis angulis atque superficiebus planis, cubos, prismata, parallele-

rallelepipeda, aliaque corpora referentibus. Quando itaque hæc particularum minimarum latera partibus corporis nostri applicantur, atque glutinositate conjunguntur, nunc ab aere ambiente partim, fortiter comprimuntur, partim etiam a calore interno exsiccantur, & sic in magis, vel minus solidam substantiam commutantur.

Hic ardua oritur quæstio, an particulæ, corpus nostrum, inprimis partes solidas nutrientes, jamjam ita nutritioni adaptatæ existant in chylo & sanguine prius, quam ad partes nutriendas deferuntur, an vero in partibus ad nutritionem adaptentur, & si hoc fiat, quomodo, & per quas causas hæc adaptatio fiat? ARCHIBALD. PITCARNIVS, *Scotus, in suis Opusculis medicis, inprimis in Dissertatione de Motu, quo cibi in ventriculo rediguntur ad formam, sanguini reficiendo idoneam*, priorem sententiam amplecti haut veretur. Nam similitudinem particularum, hoc est, æqualitatem magnitudinis & gravitatis tantum prætendit, & ad suam sententiam paulo clarius exponendam sequentia profert: Quæcunque, inquit, homines, pro vita, sive circulatione conservanda, & alendo corpore, assumunt, inferuntque ventriculo, esse animalia, vel vegetabilia, i. e. animalia vel superioris, vel inferioris subsellii, cum utraque circulatione liquorum gaudeant, tubulisque constent, & fluidis, tubulos nutrientibus. Unde manifestum fit, ea, quæ homines adsumunt, naturaque duce adsumere debent, esse partibus iis prædita & instructa, quæ tubulorum, fluidorumque, in tubulos abire aptorum, naturam exhibere possint, ac speciem. Nam quæcunque fuerit illa actio, qua primum partes fluidi, vas aliquod, carnemque quampiam nutrientes, mutatæ sunt in magnitudinem, aut figuram, aliasve proprietates apti alimenti, & vasi isti apponendi, tamen reparando vasi partes aliquæ fluidi impulsu appositæ sunt & adjunctæ; omnesque fatentur, nutritionem absolvi adjunctione

ctione & insinuatione partium, e fluido secretarum, in loca vacua facta, discendentibus aliis similis figuræ, molisve: Atque adeo patet, partes animalium solidas, simplicissimo more resolutas (id est, eo ordine, ut quæ ultimo coierunt, primo disscerpantur, & exteriores ab intrinseceque accedente causa prius attingantur) necessario abituras in fluidum partibus nutritioni animalis (i. e. rei ex tubulis, & liquoribus, in tubulos abituris, conflandæ) idoneis foetum.

Quid de hac PITCARNII opinione sentiendum sit, judicent alii. Ego ad minimum illam non impugno. Ut vero tam arduam, & in minimis delitescentem, omnemque aciem sensuum subterfugientem naturæ operationem, cujus vim & rationem nemo sane perspicere potest, nisi qui corpus animale ac hominis condidit, divina nempe Majestas, paulo clarius exponam, quantum imbecillitati humanæ tam arcana potentiæ creatricis opera licet assequi; Dico, maxime veritati nos accedere, si statuamus cum illustri W E D E L I O R V M P A R I:

Quod causa nutritionis efficiens primaria sint spiritus vitales, secundaria motus sanguinis.

Quicquid enim est principium generationis, illud etiam sine dubio principum est nutritionis. Nam nutritio est continuata generatio. Cum itaque clarum sit, principium vitæ, sive Præsidentem omnium actionum œconomix animalis esse spiritus vitæ, mediante semine masculino ovulo communicatos. Hos spiritus etiam ipsam nutritionem, tanquam actionem mere naturalem, ac animæ imperio minus subiectam, simili modo præstare, evidens esse arbitror, inprimis, dum partibus convenientem renisum, pressioni sanguinis resistentem, concedit, & sic partes ad nutritionem adaptat. Et cum ignis, corporibus applicatus, alia figat, alia volatilia reddat, alia dissolvat, alia coagulet, ac multis modis immutet,

cur

cur dubitare volumus sine urgente necessitate, quod ignis noster vitalis simile quid præstare queat, & quod multifarias, in sanguine existentes, particulas, ita alteret, digerat atque determinet, tamdiu, donec exactissimam cum partibus nutriendis acquisiverint naturam & formam. Minime tamen in hac actione excludo sanguinis motum, tum intrinsecum, tum progressivum, in singulis partibus, diversimode constitutis, specificè vel acceleratum, vel retardatum, quo motu trituntur, lavigantur, poliuntur, idem diversimode vel solvuntur, vel iterum combinantur partes minimæ, in sanguine existentes, adeo ut tandem debitam mixturam & structuram, parti assimilandæ aptam, impetrent. Hoc majores nostri tribus verbis comprehenderunt, & totum nutritionis negotium quam optime descripserunt, dum nutritionem fieri dixerunt 1) per πρόσθεσιν, 2) πρόσφυσιν, & 3) προσομίωσιν.

Variat nutritio secundum ætatem, sexum & temperamenta.

Corpora humana, a primo conceptionis puncto usque ad vigesimum quintum annum, per omnes quidem dimensiones crescunt, interim tamen hæc incrementa in infantili ætate omnium maxime contingunt, ob fibras magis molles, tensiles & flexiles. Stupenda sane sunt hominis incrementa in utero materno. Nam homo a minimo puncto, exiguo temporis spatio ad ulnæ fere longitudinem extenditur, & si perpetua esset omni tempore ita proportionata extensio, homo sane annum vigesimum quintum attingens, longitudinem triginta ulnarum superaret. Ast sensibilis & subitanea hæc extensio imminuitur statim, postquam homo utero exclusus fuit, & semper magisque decrescit. Quando vero homo anno vigesimo quinto ad perfectam longitudinem peruenit, & fibræ in longitudinem non amplius sunt dilatabiles, tunc in

O

latitu-

latitudinem & crassitiem increfcit, & corpora fiunt obefiora. Nam interstitia partium molliorum, cellulæ, & cavitates membranofæ pinguedine replentur. In fenili vero ætate, annihilatis iterum hisce particulis, corpus non quidem decrefcit longitudine, fed in crassitie minutum saltim corrugatur & complicatur, ob laudatorum interstitiorum inanitionem.

Quis itaque non videt, quod in singulis ætatibus regulæ quædam diæteticæ sint præscribendæ, & probe observandæ & applicandæ, inprimis illæ, quæ alimentorum differentiam determinant? Hinc junioribus, item & ætate confectis personis profunt *εύχυμα καὶ εὐπεπτα*, tum quia supeditant uberiores particularum glatinosarum proventus, tum quoniam, ab substantiæ suæ raritatem, a machinis dissolventibus, terentibus & subtilisantibus, in utraque ætate debilioribus, facilius longe vincuntur. Ceterum quando homo in ætate XXV. annorum constitutus, integrum & sanum possidens corpus, regulas probe observat diæteticas, tunc certius egregiam sibi promittere potest senectutem. Partibus enim solidis & fluidis in æquali statu solum conservatis per diætam, ab omni fere morbo sese paucis adhibitis medicamentis immunem servare potest, ostendente id egregie Celeb. BERGERO, in *Dissertat. de Vita & Morte*, & Celeberrimo D. RICHTERO Göttingensi P. Primario in Program. de Morte sine Morbo.

Sexus etiam multis modis nutritionem determinat. Inprimis vero sequior varias nutritionis mutationes patitur ob fluxum mensium, ingravidationem & foetus gestationem, puerperium & lactationem, quod omne in nobiliori sexu non contingit, interim tamen fluxus hæmorrhoidum, ceu mensium analogon, nutritionem quoque modificat, & quod maximum, quando homo juvenis ad annum decimum octavum pervenit, partes gelatinosæ lymphaticæ, a nutritione aliquo

aliquo modo superfluæ, in testibus sub specie seminis segregantur, & sic corpora tantisper salacia fiunt. Qui vero eo tempore libidinibus indulgent, illi, observante Seneca Philosopho, summe effœtum in senectute habebit corpus.

Temperamenta, sive particulares corporum constitutiones in singulis subjectis etiam nutritionem alterant. Quemadmodum autem temperamentorum ratio consistit in singulari solidorum & fluidorum statu: Ita *phlegmaticus*, ob sanguinis modum tardiolem, particularum ignearum defectum, aquearum vero & viscosarum abundantiam, uberiolem quidem, sed pravam habet nutritionem; *Cholerici*, ob sanguinis motum acceleratum, particularum ignearum abundantiam, lymphæ vero defectum, parciorem habent nutritionem; *Melancholici*, ob partium terrearum copiam, lymphæ & caloris defectum, sanguinis tardiolem motum, haud bene nutriuntur; *Sanguinei* vero, in quibus motus fluidorum naturalis proportionataque eorum mixtura existit, præ reliquis sani sunt, & corpore gaudent optime nutrito.

Usus nutritionis est conservatio vitæ, sanitatis & virium.

CAP. XIII.

DE

Præparatione & Secretione humorum.

Secretio est actio vitalis, qua certa fluida a sanguine, tanquam ex fonte, mediante filtratione, separantur.

Secretio optime cum colatione, aut filtratione comparari potest. Quemadmodum enim in Chimia liquida, ex diversis particulis contexta, per chartæ bibulæ, vel gossy-

prii poros a se invicem separantur: Ita & a sanguine, ex tot differentibus partibus composito, in singulis visceribus, poros suos certos & peculiare habentibus, singularia liquida secedunt.

Organa præparationis & secretionis humorum sunt viscera.

Quid viscera sint, ignotum sane fuit veteribus. Nam illa parenchymata vocabant, hoc est, corpora substantiæ ignotæ, ex sanguine effuso composita. Præteriti seculi Anatomici asseriebant, viscera esse glandulosa. Hinc Malpighium sequentes omnes partes corporis fecerunt glandulosas, & in glandulis omnem secretionem fieri statuebant. Recentissimi vero & oculatiores Anatomici uno ore cum Ruyschio defendunt, viscera nihil aliud esse, nisi vasorum & vasculorum congeriem, vel reptatum, membranulis interstinctum & suffultum, membrana item communi & propria cinctum.

Actio itaque viscerum declarari debet, ex structura vasorum, viscera componentium.

Notum vero est ex jam dictis, vasa componi ex membranis, has ex fibris, fibras esse corpora elastica. Ergo & vasa, & ex his constructa viscera sunt corpora elastica, hoc est, dilatabilia a liquidis, & liquida iterum motu suo systolico impellentia, sive, quod idem est, certum impetum a liquidis sustinentia, & certo rursus modo liquida reprimentia.

Cum vero vel per sensus certum fiat, quod viscera omnium ratione structuræ & densitatis diversimode sint fabricata, ideo sequitur, quod ex diversa structura viscerum, diversa quoque consequatur actio, diversus sanguinis motus, & per consequens etiam diversorum liquorum præparatio & secretio.

Hujus

Hujus structuræ in visceribus diversitas maxime dependet a diversa constructione canalium, sive vasorum, per quæ liquidum sanguinis movetur. 1) Alia enim vasa, & ex his composita viscera sunt molliora & laxiora, alia solidiora & duriora, quæ durities & laxitas a majori, vel minori copia fibrarum, vasa componentium, dependet: 2) Alia vasa in visceribus sunt majora & capaciora, alia minora & angustiora: 3) Alia viscera ex vasis conicis, alia vero magis ex vasis cylindricis conflata deprehenduntur, hincque major erit motus, majorque particularum sanguinis compulsio in vasis conicis, ubi a basi ad verticem coni sanguis fluit, æqualis magis erit motus in vasis cylindricis, ob diametrum undique æqualem, imminutus vero, ubi fluit ab apice ad basin: 4) Vasa, in visceribus contenta, alia procedunt in linea magis recta, alia vero diversimode inflexa ad angulos, magis, vel minus acutos & obtusos, deprehenduntur. Ex quibus jam dictis clare satis constat, maximam esse in singulis visceribus motuum sanguinis differentiam, hic magis v. gr. acceleratum, alibi retardatum magis. Ergo & in aliis major particularum, massam sanguineam componentium, divisio, in aliis contra, ob motum retardatum, particularum sanguinis combinatio fieri debet.

Posito igitur diverso hoc motu, diversa liquida, in visceribus elaborata, quasi fermentatione, & subsequente præcipitatione facta esse, jure meritoque dici queunt: Quo de fusius legi possunt Excell. D. D. IOH. ADOLPHI WEDELII Dissertat. de *Syncrisi & Diacrisi humorum vitalium*, item Excell. D. WALTHERI Dissert. de *Motu in vasis accelerato & retardato*. Porro actio viscerum, & motus sanguinis in illis variabit quoque pro differentia virium, quibus movetur fluidum sanguinis per canales vasorum, & quoniam vires, quibus moventur fluida per corpus nostrum, a cordis Antlia unice

dependent, per se clarum est, quod pro distantia viscerum a corde, differat ipse motus sanguinis, & sic diversa liquida quoque, combinatione & resolutione mediante, in visceribus singulis præparentur.

Causa efficiens præparationis est motus.

Positis itaque his, tanquam per se claris & certis, facile judicabimus de causa efficiente præparationis tam diversorum liquidorum. Quis enim negabit, eam primariam esse sanguinis motum, imprimis progressivum, in quibuscunque visceribus magis, minusve acceleratum, vel retardatum, ex quo ipse intrinsecus motus etiam diversus fluit, cujus ope principia massæ sanguineæ vel ad se invicem coeunt, vel a se invicem separantur, & sic per syncrisin & diacrisin mixturam & texturam acquirunt diversam, interim tamen sibi convenientem & naturalem.

Quis itaque non videt, quod talis actio cum nonnullis chemicis dici possit fermentatio? Fermentatione enim chimica partes conjunguntur, quæ combinandæ sunt, & separantur, quæ disjungendæ sunt. Et hæc quidem fermentatio potest esse momentanea, positis nempe ad ejusmodi actum requisitis, particulis scilicet diversis, iisque jam in minima solutis, & in fluido constitutis. Quemadmodum enim ex mixtura olei tartari per deliquium, & spiritus vitrioli in momento consurgit fermentatio & præcipitatio, s. diversarum particularum combinatio; Item ex solutione Aluminis & cinerum clavellatorum, quando punctum saturationis innotuit, materia butyracea præcipitatur: Ita tale quid fieri quoque potest in sanguine nostro, ex tot diversis partibus composito, per motum certum, ubi tales particulæ, alias a se invicem separatæ, per moram exiguam, vel fluxum tardiozem coire & conjungi possunt. Porro Sal solidum succini ab affuso spiritu Cor-

nu Cervi in momento dissolvitur. Non video igitur, cur dubitemus, quod talis momentanea solutio particularum sanguinis etiam in corpore nostro succedere valeat.

Ego quidem hic apologiam eorum autorum non conscribo, nec ad ravim usque defendere volo HELMONTIVM, STLVIVM, COLEVVM, aliosque celeberrimos & magnæ famæ Medicos, qui sententiam de fermentatione sanguinis singulari & particulari in singulis visceribus peragenda fusius ex diversis principiis pertractarunt, sed hocce saltem moneo, eos non plane esse deridendos & damnandos, cum ita sobrie philosophati sunt. Quid enim est fermentum? Respondebis, est vis, qua corpora mutantur. Sub fermento vero non semper intelligunt materiale quoddam, sive certam materiam, in singulis visceribus existentem, qua sanguis, ad illa delatus, invertatur, sed potius formale quoddam, nempe motum certum, determinatum & specificum, quo novum quoddam principium, & novus liquor confurgit & generatur, & sic tantum abest, ut hi celeberrimi Medici, dum, tanquam Chimici, termino quoque, in chimia occurrente, utuntur, contradicant, ut potius in omnibus convenient cum Mechanicis, omnes rationes effectuum rerum naturalium per motum determinatum, materiæ communicatum, declarantibus. Interim nemo admittet fermenta ejusmodi materialia & localia, his illis partibus specificè insita & connata, qualia jamdudum explosa sunt a Clariss. CONNOR, in suo *Evangelio Medici*, Cap. de Secretione animali, aliisque celeberr. viris: Nec etiam fermentum D. COLENI, Angli, concedendum puto, qui per nervos singulis partibus illud adduci statuit. Unice hic ostendere animus fuit, quæ Chemicorum sit sententia, & in quantum illa concedenda sit.

Causa efficiens secretionis est sanguinis pressio.

Pressio.

Pressionem sanguinis, ab Antlia cordis institutam, omnes concedere oportet, ut taceam, quod nonnulli Medicorum, inprimis Celeberrimus BARTHOLOMÆVS DE MOOR, olim Gröningensium, jam Harderovicensium Musarum decus & Professor, in sua *Pathologia cerebri*, & alibi, omnem actionem œconomiae animalis ex sola sanguinis pressione deducat. Et quemadmodum filtratio oleorum, Essentiarum, &c. &c. per gossypium sola aeris pressione perficitur, (quæ in vacuo neutiquam procedit:) Ita quoque sanguinis principia cordis pressione per laterales vasorum poros a se invicem separantur.

Vasa secernentia sunt pori laterales vasorum sanguiferorum, cylindricorum, vel conicorum, circa quos lateraliter penicilli succosi, vel principia, aut radices vasorum excretoriorum deprehenditur.

Solertia Anatomicorum novi seculi, ad intimiora paulo corporis animalis adyta penetrans, partim per artificiosas præparationes & injectiones viscerum, partim per Microscopia manifestavit vera organa secernentia, quæ, ex consensu omnium, sunt pori laterales vasorum.

Hancce in poris lateralibus vasorum sanguiferorum, existentem secretionem recentiores vocant *Diapedesin* & comparare solent cum canali intestinorum. Quemadmodum enim intestina, ex tubo tunicato diversimode complicata, componuntur, per cujus poros laterales fluidissima alimentorum pars filtratur, (materia crassa vero per exiguos illos diametros pororum permeare nequit:) Ita vasa hæc sanguifera minima ex subtili, rara & porosa tunica constant, cujus ope fluidissima seri pars, roris instar, transsudat, exprimitur & expellitur, vel in ductus lymphaticos, vel in excretorios summos proximos, iisdem conjunctos, postquam prius
sanguis-

sanguinis globuli purpurei ex summis arteriis in venas continuo appulsu fuerunt delati.

Materia secretionis est massa sanguinea, per arterias ad partes delata.

Sub massa sanguinea non tantum hic, sed & alibi intelligo convolutum illud & aggregatum omnium particularum fluidarum, quod per arterias & venas commovetur.

Hoc minime est fluidum homogeneous, sed diversas partes pro diversa liquorum compositione & secretione in se continet.

Duplicem ORTLOBIVS, *in sua Oeconomia corporis animalis*, secretionis agnoscit materiam, unam lympham, chylo plus minus imprægnatam, ex qua secretio in glandulis percolantibus adornetur, utpote quas vasa lactea & lymphatica alluunt, & ab iisdem puriorem massam revehunt, de qua materia deinceps dicemus; Alteram sanguinem, a quo in visceribus secretio fiat: Agnovit enim Clariss. Autor jam recentiorum, & imprimis Clariss. BERGERI regulam, quæ ita sonat: Ubi glandula, ibi secretio, non vero vice versa. Admittit itaque, secretionem fieri posse in aliis partibus non glandulosis, quamvis hoc alio modo explicuerit.

Ufus secretionis est sanguinis depuratio, qua is non tantum adaptatur ad nutritionem præstandam, sed & vitam, & sanitatem conservandam. Sanitas enim animalis consistit in debitis secretionibus a sanguine, rite factis. Vid. Celeb. PITCARNII *Elem. Medicina*, propos. LXXV.

CAP. XIV.

DE

Secretione Lymphæ.

Lympha est fluidum illud pellucidum, in quo globuli sanguinis continentur, & quod infinita alia ramenta minima, salina, oleosa, aliaque in se continet.

Lympham esse fluidum aquosum, pellucidum, inter omnes constat. Hujus autem pelluciditatis ratio consistit in rectilineo pororum situ. Lympha vero hæc non est elementaris ac simplicis naturæ, sed varia in se complectitur ramenta minima, solida, quæ tamen, ob summam sui exiguitatem, motibus radiorum transeuntium minime resistunt, sed liberrimum iis transitum rectilineum absque ulla fere refractione concedunt, sicque liquidum nullo plane colore imbuunt, aut obscuritate inficiunt. Quemadmodum enim Aquæ fortis uncia tres unciam unam & amplius Lunæ capellatæ & purissimæ in se recipiunt, salva tamen persistente pelluciditate: Ita & lympha nostra magnum numerum diversi generis particularum solidarum, minimarum, in se comprehendere potest, illæsa omnino pelluciditate. Existentiam vero harum diversarum materiarum non tantum lymphæ putrefactio, quæ sine contrariis inter se mole & gravitate particulis fieri nequit, sed & ipsa Chimica analysis luculenter confirmat. Lympha enim destillata salia, olea, terramque diversam suppeditat.

Lympha secernitur in extrema arteria, vel in loco illo, ubi arteria minima, in arcum incurvata, principium venæ recipit, vel cum vena minima jungitur.

Omnem sanguinem abire ad partes per simplicem arteriam,

teriam, redire vero per duplicem venam, alteram sanguineam, alteram lymphaticam, alibi jamjam dictum est: Ubinam vero sint origines vasorum lymphaticorum, de eo non consentiunt Anatomi & Physiologi. ORTLOBIVS, in *sua Oeconomia partium*, VERHETENIVS, *Libr. II. Tract. II. Cap. 4. pag. 155.* & alii magni nominis & famæ Medici, adhucdum viventes, statuunt, 1) Sanguinem effundi ex arteriis ad partium poros, vel interstitia, vel effundi in fibras carneas, atque 2) ex illis subtilissimis initiis incipere venas & vasa lymphatica; 3) Sanguinis partem rubicundam maxime, utpote crassiorem, intrare sic orificia venarum, subtilem vero ostiola vasorum lymphaticorum.

Recentiores contra defendunt, sanguinem 1) non effundi ex vasis sanguiferis, sed semper in illis manere, ob immediatam vasorum connexionem & continuam cohærentiam; 2) In illo loco, ubi fit nexus arteriarum & venarum, tunica interior, arteriarum porulis pertusa existit, per quos sanguinis purpura, vel globuli quidem haud penetrare possunt, lymphæ vero, tanquam portio subtilior, transudat; 3) Lymphæ, per poros interioris tunicæ filtrata, intrat statim ostiola, vel radices vasorum lymphaticorum, vel ductus succosos, aut penicillos arteriarum, & postea ulterius movetur & protruditur per valvulosum vasorum lymphaticorum contextum.

Primam assertionem probant demonstrationibus, operæ microscopiorum institutis, secundam injectionibus & præparationibus viscerum & vasorum. Nam in liene v. gr. nunquam vasa lymphatica in conspectum veniunt, nisi injectione aquæ tepidæ per arteriam vasa minima prius elutrientur. Ita enim grumi sanguinis, vasa minima, & origines vasorum lymphaticorum obstruentes, tolluntur, quo facto, flatu per venam inmisso, statim replentur omnia vasa lymphatica, intra duplicem tunicam lienis delitescunt. Nec minus certo arti-

ficio porro in liene ductus, aut penicilli succosi, vel origines vasorum lymphaticorum omnium oculis, nudis etiam, sisti ac conspici possunt.

Organa motus lymphæ sunt sæpius jam memorata vasa lymphatica.

Hæc vasa, veteribus haud plene cognita, circa medium præteriti potissimum seculi inventa sunt a celeberr. tunc temporis Anatomicis, BARTHOLINO nempe, RVDBECKIO, & B. nostro ROLF INCCIO, Chimiæ & Anatomix in hac nostra Salana restauratore optimo: Valvulas vero eorundem vasorum detexit primus Cl. RVRSCHIVS, Anatomicorum apud Batavos facile Coryphæus.

Vasa hæc in omnibus corporis nostri partibus obvia sunt, docente id Clariss. NVCKIO, in sua Adenographia, & VIEVSSENIUS, in egregio suo novo Vasorum Corporis Humani Systemate, ostendit vasorum lymphaticorum, item & adiposorum cum ipsis nervis connexionem, quo ipso clarum reddidit desideratum illud anatomicum, nimirum circulationem spirituum animalium, ut adeo nulla omnino de ea dubitandi supersit ratio, quod vel ex ipsa sanguinis, & omnium fere humorum circulatione abunde constare potuit, necessarium plane esse circulum fluidi hujus nobilissimi & subtilissimi, nempe spirituum animalium, qui a cerebro per tubulos nervorum fluunt ad partes etiam extremas, pro sensu & motu inprimis præstando. Ast, juxta jam laudatum Autorem, nonnullæ extremæ ramificationes nervorum cum vasis lymphaticis cohærent, ut refluant spiritus cum lymphæ ad receptaculum chyli, ductumque thoracicum, venamque subclaviam, & postea cum sanguine iterum mixti deferantur denuo ad cerebrum, cerebellum, & spinalem medullam, ibique de novo secreti rursus abeunt ad nervos, ut sic perpetua fluidi hujus nervosi sustentetur circulatio.

Positis

Positis itaque his, tanquam indubiis, certe non errabimus adeo, si vasa lymphatica etiam nominemus venas nervorum, præprimis, cum omnis lymphæ spirituosæ deprehendatur, comprobante id inter alia lymphæ hydropicorum, quæ quando simul ac semel educitur per paracéntthesin, lipohymiam & syncopen infert.

Ufus lymphæ 1) *est diluere chylum*, inprimis in receptaculo Pecquetiano lumbari; Omnia enim vasa lymphatica, ex regionibus inferioribus adscendentia, confluunt in receptaculum hocce, ex nulla alia ratione, quam ut cremor chyli, ab hac lymphæ solutus & dilutus, magis fluidus abeat ad sanguinem, ac postea inibi subigi, dividi, & ad sanguificationem, nutritionem, & secretionem adaptari possit: 2) *est, uti jam diximus, spirituum refluentium receptio, dilutio ac circulatio*: 3) *est etiam particularum oleosarum, in lymphæ retrograda existentium, per glandulas filtrantes separatio*, de qua jam agemus.

CAP. XV.

DE

Pinguedine.

Ad quamnam substantiam pertineat Pinguedo, Anatomici determinare nequeunt. Referenda itaque est partim ad partes solidas, partim ad fluidas.

AD partes solidas pertinet, quoniam constituitur ex infinitis sacculis, vel cellulis, favos apum repræsentantibus: Ad fluidas vero partes referri potest, quoniam id, quod in hisce cellulis continetur, fluidum corpus existit. Quando itaque pinguedo leni calore excoquitur, tunc, corrugatis tunicis subtilissimis cellularum, expellitur

fluidum oleum, in illis contentum. Adeps vero excocta, in vitro conservativo radiis solaribus æstivo tempore exposita abit in duplicem materiam, unam fluidam, subtilem, oleosam, atque pellucidam, alternam spissam, crassam, albam, in vitro subsistentem, cremorem lactis fere repræsentantem.

Est itaque Pinguedo pars chyli & sanguinis oleosa, a motu, & salibus sanguinis non perfecte soluta atque subacta.

Hæc materia primario circulationis sanguinis lege a massa sanguinea secernitur: Ast non negandum, quod statim quoque a chylo, qui per mesenterium ad receptaculum lumbare properat, aliqualis pars oleosa segregetur; Nam quando omnia organa totius corporis pinguedine privata ab Anatomicis deprehenduntur, tamen in mesenterio ad minimum aliqualis pinguedinis existentia annotatur, cujus proventus sine dubio a chylo immediate producitur, qui dum per glandulas conglobatas percolatur, statim aliqualem olei, vel sulphuris partem ibi deponit.

Organa secretionis pinguedinis sunt glandulæ adiposæ, glandulæ Hauerianæ, & ductus adiposi Malpighii.

Notum est, quod plerique novi seculi Medici sint in ea opinione, quod in glandulis percolantibus tantum fiat lymphæ percolatio, hincque nullam ibi concedant secretionem: Ast quoniam in omnibus partibus, in quibus tales glandulæ percolantes deprehenduntur, etiam observatur pinguedo, ideo non errabimus, si cum aliis statuamus, 1) quod non tantum lymphæ & chylus per cribrosam & muscosam glandularum texturam attenuentur, sed 2) etiam serum quoddam, ex arteriis harum glandularum exstillans, non chylum tantum in mesenterio, sed & lympham oleosam & chylo-

sam retrogradam diluat; Semper enim in subjectis, non nutritis, dissectis observatur ab Anatomicis receptaculum chyli repletum lymphâ pellucida, quæ tamen semper miculas plurimas oleosas (*fettigte Augen*) ostendit, manifesto indicio, quod cum lymphâ retrograda moveatur oleum quoddam, pinguedinem postea constituens; Et quod 3) hoc oleum separetur a lymphâ per glandulas indicatas. Nam quando lymphâ per gossypium quasi harum glandularum commovetur, percolatur & filtratur, tunc lymphâ fluida quidem ulterius abit ad alia vasa lymphatica revehentiâ, olei vero aliqualis portio in hisce glandulis remanet, & per poros tunicæ, quæ talem glandulam involvit, intrat ductus minimos adiposos, & ab his cellulas pinguedinis.

Uti jam dictum est, semper & ubique circa glandulas percolantes substantia quædam adiposa reperitur: Porro in omnibus fere partibus secernitur pinguedo per ductus adiposos minimos, ab inventore Malpighianos dictos, qui haud secus ac vasa lymphatica in extremis arteriis radicata, vel illis appensa existit.

Hi ductus ac pori pro speciali sua structura partem oleosam a massa sanguinea excipiunt, atque ad cellulas adiposas, sive ad vesiculas glandulosas deponunt.

CLOPTON HAVERVS, in sua Osteologia nova, affirmat, omnem secretionem olei, sive pinguedinis fieri per glandulas, quæ quoad structuram cum ductibus adiposis Malpighii coincidunt. Hæ glandulæ vero a jam laudato Autore dicuntur Hauerianæ, & duplicem præstant usum, nempe secernunt tum mucilaginem, tum pinguedinem. Reperiuntur vero 1) in tota fere corporis superficie, & efformant tunicâ adiposam, in qua oleum, in massa sanguinea superfluû, secernitur, lymphâ vero exsuperans in glandulis subcutaneis, glandulis adiposis superimpositis, secreta, per poros corporis exhalat, ut sic vera, proportio

tio mixturæ massæ sanguineæ conservetur. 2) tales glandulæ, mucilaginosæ dictæ, existunt in tunicis propriis musculorum, sive illis, qui fibrarum motricium fasciculos investiunt; Hæ mucilaginem quandam secernunt, quæ superficies musculorum humectatæ & lubricatæ ad motum faciliorem adaptantur. Si vero & olei portio superflua in subjectis ad obesitatem dispositis, & probe nutritis existit, tunc hoc oleum quoque in his glandulis separatur, (quo fiant quasi strata adiposa & musculosa, unde nostrates, si tali quid in brutis mactatis observant, dicunt, es ist durchwachsen Fleisch:) Nam hic Autor perpetuum pinguedinis & mucilaginis connubium l. c. fuisse satis demonstrat. 3) Hæ glandulæ mucilaginosæ deprehenduntur & circa internodia articulorum, ibique lympham mucilaginosam, Synoviam dictam, secernunt, oleum vero, in glandulis relictum, amendant ad cellulas adiposas.

Oleum hoc, a massa sanguinea segregatum, exigente necessitate, nutritione non deficiente, iterum dissolvitur, & ad venas redit.

Non sine ratione omnes operationes, quæ in corpore nostro perficiuntur, dum ita harmonice, sympractice & symmetricè perficiuntur, œconomiam repræsentant. Natura enim, sive principium motus corporis animalis, de conservatione machinæ perpetuo sollicita est, ideoque curiose colligit omne superfluum oleum, tanquam in gazophylacium, ut tempora si fuerint nubila, i. e. digestio alimentorum, & chyli secretio ad tempus imminuta, vel plane ablata sit, vitam sustinendi thesaurum possit aperire. Observamus ideo in morbis, quod homines interdum per mensem vix libram unam solidorum assumant, salva tamen manente vita, & omnia fere alimenta ægrotantium sunt plerumque liquida, a quibus tamen, utpote magis aquosis, vita continuari vix potest. Hinc

con-

concludendum est, solvi denuo oleum, partim a motu terrente, partim a calore & salibus, sicque egredi ex alveis & cellulis suis membranaceis, & intrare per poros venarum ac vasorum lymphaticorum iterum ad massam sanguineam. Corpora vero ex hac inedia marcescunt & corrugantur. Nam cellulæ membranosæ inanitæ collabescunt, & integumenta communia, sive cutem, non amplius distendunt.

Quoniam corpora singularia a se invicem, quoad structuram & humorum temperiem, mirum quantum differunt, ideo in singulis subjectis differt etiam pinguedinis proventus.

Corpora calida, hoc est, talia, in quibus celer sanguinis motus, & salium volatiliū abundantia existit, vix ac ne vix quidem pinguedinem possident, cum partes alibiles nimium dividantur, atterantur, atque solvantur, & ideo per poros corporis, renes, & alia secretoria oleum illud chyli excernatur. Hinc ratio patet, quare urina oleosa, (*wann auf dem Urin eine fettigte und vielfarbigte Haut schwimmt,*) sit signum phthiseos & contabescentiæ. Nihil dicam de dispositione corporum præternaturali, qua non tantum nutritio, sed pinguedinis etiam proventus læditur.

Uusus pinguedinis multifarius est. Nam 1) natura sibi in corpore condit thesaurum, quo, exigente necessitate, uti jam antea dictum fuit, nutritio & vita conservari ac continuari possit. Cum enim, uti ex prioribus constat, nutritio primario absolvatur chylo, hic vero componatur ex oleo & aqua, per sal quoddam & viscosum principium combinatis, & idem durante morbo produci non possit: ideo oleum, antea in vesiculis collectum, ejus vicem supplet, & ad venas rediens cum lymphâ miscetur, ut sic novus chylus quasi præparetur & subtilior, detrimento resarciendo quam maxime aptus, quod nos

expri-

exprimimus per illud : *Es zehrt der Mensch von seinem Leibe.* 2) Pinguedo defendit partes ab injuriis externis, imprimis aeris. Ex hac enim ratione divino quoque Numini placuit, nobis concedere tunicam adiposam in illis partibus, in quibus sine motus impedimento persistere potest. 3) Pinguedo lubricat superficies musculorum, & sic faciliat motum, id quod præstat etiam in ejus defectu mucilago, ex glandulis mucilaginosi Haverianis exstillans. Juxta hujus Autoris enim sententiam perpetuum mucilaginis & pinguedinis est conubium.

CAP. XVI.

DE

Omenti usu.

Cum hætenus de pinguedine egerimus: ratio rei exposcit, ut quædam annectamus de omento.

Omentum est tunica illa duplicata, intestinis immediate superincumbens, superius cum basi ventriculi, pyloro, intestino duodeno, liene, & hepate, it. & colo connexa, inferius vero libera existens.

Organum hocce est contextus retiformis vasorum sanguiferorum, & imprimis adiposorum, exiguorum nervorum, & cellularum pinguedine repletarum, aut, juxta Hauerum, glandulosarum vesicularum adiposarum.

Uusus hujus organi non unus, sed varius esse videtur. 1) enim, ex communi Anatomicorum consensu, *intestina continet & fovet*, 2) oleositate sua superficiem intestinorum lubricat, & sic ad motum peristalticum, facilius subeundum, disponit, & 3) quod maximum est, superfluum chyli & massæ sanguineæ oleum in se recipit, ad crasin sanguinis conservandam.

dam. Ob nullam enim aliam rationem D. O. M. omentum ex duplici tunica composuisse videtur, quam ut sit eo majus olei receptaculum, & ut eo capacior detur locus ad hoc oleum recipiendum & detinendum.

CAP. XVII.

DE

Medulla ossium.

Ossium cavitates nec inanes sunt, nec inutili quadam materia, sed subtili, tenui, & non soluto, dulci quoque oleo sunt repletæ, quod dicitur Medulla.

Medulla itaque ex diversis constat partibus, vasis nempe sanguiferis, & sacculis membranosis, tenuissimis, oleo repletis.

Per ossium enim foramina vasa sanguifera arteriosa penetrant copiosissima, quæ materiam gelatinoso-oleo-terreani pro nutriendis ossibus adducunt, sed postquam in ampliorem ossium cavitatem penetrarunt, varias pervadunt cellulas, vel, juxta H A V E R V M, glandulas vesiculares, adiposas, in quibus oleum a massa sanguinea segregatur & colligitur.

Medulla ideo haud secus ac pinguedo ex variis tenuissimis cellulis componitur, quæ cellulae omnes per communem membranam, sive periostium internum fistulis ossium, immediate intus adhærentem, colligantur & investiantur.

Hæc membrana, juxta Hauerum, porosa est, adeo ut oleum hoc medullare ex ossium cavitatibus ad ipsam ossium substantiam fluere, & sic poris ossium sese insinuare valeat, quando vero ossa manifesta cavitate destituuntur, tunc ad minimum in eorum centro reperiuntur porositates cellulosa, quæ

in juvenili ætate membranosa, in senili vero ossea evadentes, similem medullam, a massa sanguinea secretam, excipiunt.

Ufus medullæ multifarius esse videtur. 1) Enim oleum ex cellulis per membranam jam laudatam communem porosam transudans, debitum ossium conservat temperamentum, nempe ea partim humectat & in flexilitate justa retinet, ne ob nimiam rigiditatem, fracturas patiantur, partim a salium acrimonia, partibus hisce multum infensa, defendit, partim etiam ossa suo modo nutrit: Medullam enim ossa nutrire, non in totum, sed in tantum, ipse H A V E R V S, in *Discursu 3. de medulla, Osteologia sua pag. 210.* concedit. 2) Medulla extremitates ossium articulatorum lubricat, & dum se ad poros diffundit, partim motum & flexilitatem ligamentorum & tendinum præstat, partim ipsas cartilagines, ossa, ad motum destinata, in extremitate munientes, leves & politas præstat, quæ cartilagines si exsiccentur, ossa non constanti promptitudine & facilitate imperio musculorum, eadem commoventium, obtemperare possunt. 3) Oleum hoc medullare, cum mucilagine Synoviae combinatum, extremitates ossium articulatorum etiam ita lubricant, ne a motu incalescant, aut fervorem concipiant, item frictionem ossium præcavet: si enim hæc immediate sese attingerent, sine intermedio fluido, ob perpetuam frictionem in motu insignis oriretur molestia.

CAP. XVIII.

DE

Synovia.

Pertractata medulla ossium, cujus laudatissimus Haverus fusiorem præ omnibus aliis scrutationem fecit, quædam quoque adjungemus de Synovia.

Est

Est vero Synovia liquor mucilaginosus, limpidus, dulcis ad instar albuminis ovorum, existens in vaginulis tendinosis & in interstitiis ossium eorum, quorum connexio fit per Arthrosin.

Hic liquor ex certis glandulis, Haverianis dictis, secernitur, circa articularum internodia reperiundis.

Liquidum hoc mucilaginosum, quod ex his glandulis stillat, lubricat & humectat non tantum extremitates ossium articularum, sed & musculos, conservat flexilitatem fibrarum, & motum insimul faciliat, quæ ipsa sunt Synoviae usus, cum usibus pinguedinis & medullæ ossium in plurimis omnino convenientes.

Hæc itaque probe perpendens, facile in Pathologia invenire poterit rationes phænomenorum, in arthridite & podagra nodosa obvenientium.

CAP. XIX.

DE

Bilis Elaboratione & Secretione.

UT integritas mixturæ sanguinis conservetur, non tantum a sanguine partes chyli oleosæ non solutæ sub specie pinguedinis & medullæ ossium secedunt, sed & in hepate olei ejusmodi, quadantenus superflui, fit secretio sub forma bilis.

Est itaque bilis pars massæ sanguineæ oleosa, motu sanguinis, & salibus soluta atque subacta.

Organa *χοληποιήσεως* sunt duplicia: Lien nempe & hepatis, quorum illud præparationis, hoc vero secretionis dici potest.

Lien est viscus rubicundum, in sinistro Hypochondrio situm,

fitum, figuræ oblongæ, tunica gaudens duplici, exteriori, magis solida, peritoneo, & omnibus visceribus communi, & interiori, tenui, sive propria.

Tunica interior terminus ultimus est vasorum lienis, & eorum fulcimentum, quo vasa firmanur, sustentantur & colligantur, ac in ea origines sunt vasorum lymphaticorum, intra duplicem lienis tunicam existentium, id quod convenienti lienis præparatione anatomica corroborare solemus.

Ex structura lienis mirabili abunde patescit ejus usus.

Structura vero lienis sine aquæ tepidæ injectione & elutriatione demonstrari non potest: hac autem facta,prehendimus, quod hoc viscus compositum sit ex arteriarum ramificationibus, membranarum, fibrarumque carnearum expansionibus, cellulas innumeras, velut apum favos, efformantibus. Verbo, lien pollet structura, pulmonis æmula.

Lien cohæret cum partibus aliis partim per tunicas, partim per vasa, imprimis autem cum ventriculo per vasa brevia, ex quibus fermentum ventriculi falso derivat Helmontius.

Vasa lienis alia sunt sanguifera, alia nervosa, alia lymphatica.

Arteriam obtinet insignem a ramo cœliaco sinistro Aortæ, quæ in varios minimos surculos divisa, sanguinem effundit in cellulas lienis, ex quibus tandem per venam splenicam ad portæ truncum deducitur.

Nervi lienis, qui comites perpetui arteriarum splenis existunt, originem ducunt partim ab intercostalibus, partim a pare octavo, aut vago.

Vasa lymphatica, intra duplicaturam membranæ lienis delitescunt, ex penicillulis succosis arteriarum lympham recipiunt,

ciunt, ac ulterius ad receptaculum lumbare deducunt. Nulla enim in liene fit secretio, præter lymphæ.

Ufus lienis itaque est, præparare sanguinem ad bilis secretionem, quomodo vero hoc fiat, jam inquirendum.

Omniū optima sententia est eorum, qui statuunt, sanguinem comminui & conquassari in liene, id quod docet & ratio & experientia: Quando enim 1) Arteriæ sanguinem in cellulas effundunt, fibræ hujus visceris dilatantur, quædam, vi elateris sui, sese contrahunt, iterum sanguinem in cellulis comprimunt, & forte etiam illud fluidum nerveum, quod fibras carneas intumescere facit, cum sanguine, fibris detumescantibus, miscetur. Probat 2) Color sanguinis. Omnis enim sanguis, in liene existens, rutilans, fluidus, floridus, atque in minimis suis exacte divisus deprehenditur. 3) Confirmat structura. Tota enim lienis substantia elutriata albescit, & flatu distenta, cellulas innumeras, vel pulmonem, repræsentat, in quibus cellulis sanguis commotus & conquassatus summam fluiditatem & raritatem acquirere debet.

Hæc sanguinis in liene conquassatio duplici ex ratione contingit: 1) Ut partes oleosæ cum salibus sanguinis eo melius sese conjungere & commodius in massam bilis, in hepate secernendam, coire queant. 2) Ut sanguis lienis, summe fluidus, reliquo sanguine venoso admixtus, ejus fluiditatem naturalem conservet, ad secretionem semper necessariam.

Quod vero lien sit viscus, in œconomia animali minus necessarium, vel superfluum, aut plane nocivum, concedi potest neutiquam. Nam 1) natura non amat superflua, multo minus nociva. 2) Si extirpatio lienis in bruto, v. gr. cane instituitur, canis, alias sanus & vegetus, statim tristis reditur & morbosus, nutritio ejus turbatur, & marcescit, si
postea

postea aperitur, bilis deprehenditur viscosa, imo caseosa, ac sanguis nigricans & spissus. Ex quibus satis apparet, quod hoc viscus salva vitalitate & sanitate, neque abesse, neque lædi possit, sed quod sit summe necessarium in bilis præparatione, & consequenter etiam maxime in sanguificatione.

Alterum *χοληποίησε* viscus est hepar, in dextro hypochondrio situm, parte sua gibbosa diaphragma respiciens, caua vero ventriculo impositum, eumque amplectens.

In situ suo conservatur tribus ligamentis, quorum primum, suspensorium dictum, cartilagini ensiformi & diaphragmati antè cohæret. Prope latum hoc ligamentum observatur secundum validum, a Peritoneo quoque productum, per quod septo transverso a posteriore parte jungitur hepar. Tertium dicitur rotundum, vel inferius, & componitur ex coalitu venæ umbilicalis, desinitque in hepatis fissuram.

Substantia hepatis, juxta MALPIGHIUM, ex acinibus glandulosis, nudo oculo etiam conspiciendis, componitur. RVYSCHIVS vero hoc viscus vasculosum potius deprædicat. Ast de hac controversia glandularum & vasorum jam nihil dicendum.

Nullum viscus in toto corpore reperitur, quod tam multiplicitium & multorum vasorum numero gaudet, quam hepar.

Doctrinæ igitur gratia vasa hepatis commode dividuntur in communia, & propria.

Communia sunt Arteria hepatica, vena caua, nervi, & vasa lymphatica.

Arteria

Arteria hepatica ex arteriæ cœliacæ dextro ramo originem ducit, & dum intrat hepar, circa capsulam Glissonianam, sive vaginam sese diffundit per hepatis substantiam, ac venam portæ concomitatur.

Vena cava, cujus radices cum venæ portæ ramulis connectuntur, sanguinem, a secretionē refluxum, recipit, & versus cor deducit.

Nervi quoque in capsula conspicui sunt, qui parallelo cursu arteriam undique concomitantur, & originem ducunt ex intercostalibus, partim quoque a pari vago, & dum spiritus adducunt, tonum & vitalitatem hujus organi conservant, ut secretio bilis inibi legitima fieri queat.

Vasa lymphatica non ex glandulis, circa capsulam sitis, erumpunt, sed ex ipsa hepatis substantia, in transitu tamen hancce glandulam intrant, & lympham inibi filtrant, quam postea deferunt ad receptaculum commune.

Capsula Glissonii est tunica quædam vaginalis, venam portæ inprimis cingens, qua hæc vena magis roborata & firmitior reddita secretioni bilis debito modo præesse potest.

Vasa hepatis propria sunt Vena Portæ & vasa biliaria: Illa adducit sanguinem pro secretionē bilis, hæc vero bilem secretam excipiunt.

Vena portæ est vas sanguiferum, compositum ex plurimis venis, in unum truncum concurrentibus, & quidem lienis, ventriculi, pancreatis, omenti, intestinorum, & mesenterii.

Hæc vena dicitur arteriosa, non quidem propter pulsum, qui revera in ea deficit, sed propter usum, quoniam sanguinem ulterius pro secretionē ducit, it. propter structuram, quæ cum arteriis aliis secernentibus exacte coincidit.

Vasa biliaria bilem, in penicillis succosis venæ portæ, vel, juxta veteres, in acinis hepatis secretam, excipiunt, & dum

in furculos majores abeunt, illam ducunt versus intestinum Duodenum, & vesiculam felleam.

Vasa biliaria varia dantur, quorum primus est *ductus hepaticus*. Hic ex ramulis minoribus concrevit, & desinit in *ductum choledochum*, sive communem.

Ab hoc ductu alii rami minores abeunt ad cystidem, vel vesiculam felleam *ductus hepatico-cystici*, & bilem ad cystidem deponunt: Horum ductuum primus inventor laudatur GLISSONIVS, ideoque vocantur etiam Glissoniani.

Ductus cysticus a cystide oritur, & bilem ducit ad choledochum.

Choledochus, aut communis, bilem tum ex hepate, tum cystide ad Duodenum ducit. Ductus hujus structura in hominibus mirum in modum variat. In uno subjecto exiguus est, in altero capacissimus, in hoc a proboscide usque ad suam insertionem in choledochum valvula spirali exornatur in aliis vero non. Conservo varia præparata ad demonstrandam hanc veritatem.

Hos ductus omnes egregie depinxit Celeb. BIANCHINI in sua *Historia Hepatica*.

Cystis est receptaculum bilis, & organum pyriforme, intus excavatum, hepati connexum, ac in fundum cervicem & proboscidem divisum.

Hæc vesica fellea ex tribus constat tunicis, exteriori, tenui, tendinosa, adipe hinc inde in obesioribus tecta; Media, crassiori, musculosa, cujus fibræ tum circulares, tum longitudinales contractæ, bilem, in cystide contentam, exprimunt; Et interiori, vasculosa, juxta RVTSCHIVM, in *Epistolis anatomicis*, juxta alios glandulosa, quibus addunt alii quartam, nempe mucosam, qua intus munita vesica fellea haud lædi potest a bilis acrimonia.

Vasa hujus vesiculæ sunt 1) Arteria exigua, cystica dicta, a coeliaca, vel potius hepatica ad illam ducta, vena vero 2) in venam cavam definit, nervos 3) cum hepate communes, item & vasa lymphatica possidet.

Bilis omnis secernitur in hepate, nulla in cystide.

Dudum mota est quæstio, tum ab antiquis, tum etiam a recentissimis Anatomicis: An nempe secretio bilis fiat in cystide? Merito respondemus negative. 1) Enim vasa, vel glandulæ vesicæ felleæ non sufficiunt ad secernendam tantam bilis quantitatem, quanta in vesicula fellea semper deprehenditur: 2) Quemadmodum in vesica urinaria nulla urina secernitur. Ita & in vesicula fellea nulla bilis. 3) Bilis manifeste ex hepate fluit per ductus hepatico-cysticos, revera in homine existentes, ad cystidem. Hinc illi, qui secretionem bilis in cystide defendere audent, publicæ sane reprehensioni sese reddunt obnoxios. Nunquam enim se hoc ipso profitentur sequens instituisse experimentum anatomicum. Nempe quando flatum immitto in ductum hepaticum, tunc ille intrat cum strepitu in fundum vesiculæ felleæ, eamque distendit, quando vesica aperitur, & denuo ductus hepaticus inflatur, tunc vel nudo oculo ostiola ductuum hepatico-cysticorum deprehenduntur & conspiciuntur.

Quidquid tamen sit, manet distinctio recepta inter bilem hepaticam & cysticam 1) ratione loci, 2) ratione consistentiæ, 3) ratione temporis, quo fluunt hi duo liquores. Ratione loci alia venit e cystide, non ut ibi secreta, sed ut ad illam ex hepate deposita sit. Ratione consistentiæ bilis hepatica, tanquam magna lymphæ copia diluta, fluida est, & non adeo amaricans ac viridis: Contra vero bilis cystica 1) spissa est; Propter moram enim, quam traxit in cystide, lymphæ superflua exspiravit, vel etiam lymphæ subtilis intravit

in ostiola vasorum lymphaticorum, quæ tunicam internam cystidis perreptant; 2) Summe amaricans est, ob salia, in illa magis concentrata, Ratione temporis fluit quidem perpetuo bilis hepatica a ductu hepatico, & ab hoc per ductum communem ad intestinum duodenum; Bilis vero cystica tantum repleto ventriculo: Dum enim alimenta ventriculum distendunt, leviter comprimitur vesicula fellea, in caua hepatis parte sua, ut sic major bilis copia adsit ad perficiendam omnem chylicationem.

Materia, ex qua bilis secretio fit, est sanguis, & quidem venæ portæ.

Omni secretionem humorum fieri a sanguine, notum est: Interim sunt nonnulli, qui defendunt bilis secretionem fieri a chylo. Si chylum, tanquam materiam universalem, considero, ex qua sanguis ipse recuperatur, concedere possum hanc assertionem, imprimis cum certum sit, quod bilis elaboretur ex partibus oleosis, salibus solutis. Hocce oleum cum chylo ad sanguinem deducitur. Item dantur alimenta, quæ præ reliquis uberius bilis proventus præstant, & quod maximum, bilis, quæ cum chylo ad massam sanguineam abit, iterum denuo in hepate a massa sanguinea postea secerni potest, & sic datur circulatio bilis. Vid. Dn. REVERHORST, *de Motu bilis circulari*. Interim quoniam in animalibus atque hominibus, diu inedia maceratis, bilis proventus non deficit, ideo magis statuendum, quod massa sanguinea sit vera & immediata materia, ex qua bilis, per motum singularem, in liene & hepate institutum, præparatur & secernitur.

Alia oritur quæstio: An materia, secretioni bilis destinata, afferatur per arteriam hepaticam, an per venam portæ? Respondetur: Quamvis alias omnis materia secretionis fluat ad partes per arterias: Divino tamen numini placuit, peculiarem

liarem hepatis constructionem adornare ; Nam quod arteria hepatica non vehat materiam, secretioni bilis destinata, exinde concludo, 1) quoniam minus proportionata & nimis exigua est sanguinis quantitas, per arteriam affluentis, quam ut omnibus acinis glandulosis hepatis sufficientem materiam concedere possit, 2) quoniam arteria hepatica ligata, salva manet bilis secretio in cane vivo dissecto, 3) quia, quando liquor tinctus in elutriatum viscus hepatis per arteriam hepaticam immittitur, viscus hoc non tingitur, contra vero quando ille liquor tinctus injicitur per venam portæ, tunc per totum hepar diffunditur, & quod maximum, fluit ad venam caavam & vasa biliaria, ex quo experimento dilucide satis constat, quod 1) detur connexio inter venam portæ & caavam, 2) inter venam portæ, & vasa biliaria, ac 3) quod vena portæ, ejusque subtilissimæ ramificationes in acinis glandulosis hepatis sint vera organa bilis secretionis, arteria vero hepatica tantum sit destinata nutritioni venæ portæ, per capsulam firmatæ.

Analyfin bilis, quod attinet, deprehendimus, illam ex oleo resinoso ac salibus esse compositam.

Resinositas bilis sese manifestat, quando illa, leni calore tractata, evaporatur, aut inspissatur. Ita enim ab aqueis liberata, abit in piciformem ac inflammabilem substantiam, quæ contusa, & spiritu vini soluta, dat essentiam egregiam cosmeticam.

Salium in bile existentiam non tantum sapore amaro dignoscimus, sed & per processus chimicos observamus. Bilis enim destillata præter phlegma & oleum, suppeditat quoque spiritum salinum, penetrantem, volatilem, cum pauculo sicco. Cujusnam vero generis hoc sal sit, de eo disputant Medici. HELMONTIUS, STÆLVIVS, & cum his alii

R 3

recen-

recentiorum bilem pure alcalicam pronunciat, quoniam syrupum violarum viridescens reddit: Sed hoc experimentum hanc thesin absolute non probat; nam & acidulæ, in quibus sapor acidulus manifestus est, tale quid præstant. Statuendum itaque potius, quod sal bilis sit mediæ naturæ, sive falsum, ita tamen, ut portio alcalica quodammodo sit in prædominio, & quod maximum, docet hoc saponis compositio. Quando enim sapo paratur, lixivium prius coquitur ex sale communi, cineribus, & calce viva, hoc sale, in quo dosis alcalica præponderat, solvitur sebum in corpus saponaceum, & cum bilis eosdem præstet effectus, quos a sapone unquam expectare possumus, ideo minus dubitamus, quod eadem principia, quæ in saponis compositione artifex recipere solet, in bile etiam existant.

Uusus secretionis bilis varii sunt: 1) ut in sanguine justa crasis, sive principiorum, sanguinem componentium, naturalis proportio conservetur; 2) ut bilis chylicationem absolvat; Salinis enim bilis particulis chylus, adhuc viscosus & crudus, magis dissolvitur & attenuatur, oleaque alimentorum infringuntur; Viscosus vero aqueas cum reliquis, in primis vero oleosis particulis, chylum componentibus, conjungit, haud secus, ac in pharmacia vitello ovi resinas cum aquis pro emulsione combinare solemus; 3) ut intestina stimulet. Bile enim acrioribus suis particulis & crassioribus leviter intestinorum tunicam villosam irritat, & ad motum peristalticum ea ipsa partim invitat, partim etiam stillicidium lymphæ ex glandulis intestinorum, tum tenuiorum, tum crassiorum, promovet. Hoc enim evincit Ictericorum obstructio alvi, uti & Hypochondriacorum, quorum illi, ob denegatum bilis ad intestinum duodenum stillicidium, semper pertinacissima alvi obstructione vexantur, quemadmodum & hi, ob depravatam bilis in liene & hepate præparationem & secretionem.

cretionem, summa cum molestia aliquot dierum intervallo vix alvum deponunt. Nec absolute nego quartum bilis usum, ab Helmontio & Sylvio notatum, qui in chyli & sanguinis aliquali balsamatione consistit. Quemadmodum enim omnia alia resinosa sunt balsamica: Ita non video, cur idem bili derogare velimus.

CAP. XX.

DE

Secretione liquorum lymphaticorum, qui in canali alimentario concurrunt, Salivæ nempe, liquoris ventriculi, Pancreatici, & intestinorum tenuium.

Canalis alimentarius est tubus, diversimode constructus & amplius, per quem alimenta moventur, præparantur, & excernuntur.

AD hunc canalem pertinet os, in fauces, isthmum, & gulum divisum, œsophagus, ventriculus, & intestina, tum teunia, tum crassa, in anum desinentia.

In hoc canali concurrunt liquores diversi, lymphatici dieti, & sic a bile distincti, qui inter se quoad principia constitutiva & usum conveniunt.

Liquores hi omnes secernuntur filtratione quadam in diversis fontibus glandulosis, ac particulis suis salino-viscosis solutionem alimentorum, hoc est, chymificationem & chylificationem promovent.

Præcipuus liquor est Saliva, quæ ad cavitatem oris ex variis

riis glandulis fluit, & os perpetuo partim ad loquendum, partim ad saporum perceptionem, partim ad alimentorum præparationem humectat.

Glandulæ salivales,, ut jam alibi dictum fuit, sunt vel majores, vel minores. Aliæ in cavitate oris locatæ, aliæ extra eam sitæ, per certos ductus salivam ibi eructant.

Præcipuæ vero glandulæ oris sunt glandulæ buccarum, per totum harum ambitum, sub tunica, cavitationem oris intus muniente, sparsæ, satis notabiles, ita ut digitis, vel motu linguæ illas percipere valeamus.

Hæ glandulæ aliqualem inter se habent differentiam, quam ego multoties, inprimis in salivatione mercuriali, annotavi: Nam glandulæ, quæ circa gingivam maxillæ tum superioris, tum inferioris existunt, longe sunt crassiores, quam buccarum, & numerus insuper glandularum gingivæ longe exsuperat numerum glandularum, in buccis sitarum; Porro vasa excretoria plura ex glandulis gingivæ interdum coeunt in unum truncum, notante id STENONE, cum contra glandulæ buccarum immediate, singulatim, atque seorsim lympham salivalem per ductus minores & breviores stillant. Hinc ratio patet, quare in salivatione tumor, & postea subsequens exulceratio major sit circa gingivam, quam in ipsis buccis.

Similes glandulæ minores, separatim atque seorsim sitæ ad latera linguæ deprehenduntur, inprimis in tunica, qua mediante lingua cum maxilla inferiori jungitur.

Circa palatum, per expansionem totam tunicæ ejus carnosæ & rugosæ, multæ quoque glandulæ minores existunt, notante hoc olim STENONE, & recentissimo RUTSCHIO, in *Epistolis*, Tab. IX. quæ ad instar cribri perforatæ, liquidum salivale per vasa excretoria brevissima fundunt, quarum tractus versus uvulam, gulam, & isthmum, imo plane Epiglottidem,

tidem, & laryngem se extendit. Tota enim superficies horum organorum glandulis minoribus confita est, hincque tot communes sæpius fiunt obstructions in raucedine & catarrhis.

Notandum vero, quod uvula hætenus, a plerisque Anatomicis glandulosa credita, talis substantiæ non sit, sed magis masculosa, ostendente hoc Clariss. VALSALVA, in *Tract. de Auditus organo*. Interim tamen hoc concedit, quod tunica exterior maxime sit glandulosæ substantiæ, interior vero musculosæ.

Quemadmodum ex glandulis hisce minoribus, item & aliis majoribus, de quibus jam egimus, saliva confluit ad os masticationis tempore: Ita, quando alimenta ad oesophagum perveniunt, humectantur ulterius liquore quodam salivali, ex glandulis oesophageis exstillante, quarum existentiam in oesophago galli gallinacei vel nudis oculis conspiciamus.

Hic liquor quemadmodum, canalem oesophagi lubricando, deglutitionem faciliat, ita quoque alio tempore secretus, successive descendit ad ventriculum, & menstruum inibi adauget.

Tertius liquor est gastricus. Hic ex glandulis ventriculi, in ventriculo suillino satis conspicuis, exstillat ad ejus cavitatem, vacuo ventriculo tunicam nervosam leviter irritando præstat famem, alimentis vero mixtus, horum solutionem efficit.

Quartus liquor est siccus pancreaticus. Hic in glandula quadam laxa, oblonga, ex multis minoribus coagmentata, ventriculo quoad maximam partem subjecta, cum illo, intestinoque duodeno, liene, & mesenterio, membranis mediantibus, connexa, secernitur.

Corpus hocce glandulosum in minimis suis singulis glandulis secernit liquorem, salivæ similem, qui dum confluit ex ductibus minoribus ad communem, intestino duodeno inser-

tum, & a VIRSVNGO, Bauaro, in Theatro Anatomico, Patavino primum cum vitæ suæ interitu demonstratum, in id effunditur. Hunc ductum ante VISVRGIVM, HOFMANNVS Altorfinus vidit, imo ipse EVSTACHIUS Tab. X. Figura III. illum depinxit.

Quintus liquor scaturit ex glandulis, per totum tractum intestinorum tenuium ineffabili fere numero dispersis. Multi quidem fuerunt alias in ea opinione, quod per hasce glandulas fiat secretio chyli: Sed hujus sententiæ falsitatem Anatomici novi seculi exhibuerunt, & simul annotarunt, quod illæ lympham quandam viscosam, ulteriori solutioni alimentorum destinata, plorent. Non negandum quidem est, quod & origo muci intestinorum, qui intestina a bilis acrimonia defendit, etiam ex his glandulis sit: Interim tamen usus hujus lymphæ viscosæ non unice in eo consistit.

Glandulæ intestinorum crassorum ab hisce glandulis differunt. Nam illæ secernunt & fundunt lympham quandam laudabilem, hæ vero illaudabilem, humectationi scybalorum destinata.

Theseos hujus veritatem ostendit Anatomia comparata brutorum. Nam in volatilibus & pennatis brutis nulla deprehenditur vesica urinaria, sed uretheres ex renibus inferuntur in intestinum rectum, in quo etiam magna copia glandularum hinc inde reperitur, ut adeo concludendum sit, quod liquor glandularum intestini coli & recti quoad sua essendi principia exacte conveniat, cum urina; Et quod hæ glandulæ sint certa depuratoria massæ sanguineæ, in quæ hujus quisquiliæ deponuntur, quemadmodum hoc fit in glandulis miliaribus cutis, renibus, glandulis lacrymalibus, & glandulis tunicæ pituitariæ narium, confirmant evacuationes & diarrhoeæ criticæ.

CAP. XXI.

DE

Sudore, & Insensibili transpiratione.

Particulæ alimentorum, hominibus destinatarum, non ita sunt comparatæ, ut omnes in succum & sanguinem, multo minus in substantiam corporis solidam converti valeant. Secedunt ideo pleræque, & inprimis inutiles particulæ a sanguinis massa in variis organis, ac insimul e corpore eji- ciuntur. Inprimis talis secretio, perpetuo constans, & satis notabilis, fit in insensibili transpiratione, sudore, & urina, de qua in subsequente capite agemus.

Insensibilis transpiratio vero est, quando vapor sub specie bullularum aquearum, aliisque particulis mixtarum, per ignem & calorem corporis nostri resolutarum, perpetuo insensibiliter per poros corporis ex- halat.

Quando vero hæc evaporatio augetur, ita ut guttulæ insensiles, vel bullulæ non successive, sed cum impetu in no- tabili satis copia sub guttularum sensibilium specie expellan- tur, tunc dicitur *Sudor*.

Organa hujus secretionis alia sunt secernentia, alia eva- cuantia.

Evacuantia sunt pori cutis, numero ineffabiles. Nam in spatio cuticulæ exiguo millenos per Microscopium conspi- cimus poros. Sunt vero pori illi nihil aliud, quam oscula brevissima ductuum exiguorum, vel ex glandulis vel ex vascu- lis subcutaneis exeuntium, & cuticulam perforantium.

Cutis, juxta observationes Anatomicorum, ex triplici lamina componitur, quarum extrema *cuticula*, aut *epidermis* vocatur. Hæc ex variis tenuissimis & pellucidis pelliculis, squamatim sibi invicem superimpositis, poros munientibus, componitur: Quæ pelliculæ, sive valvulæ pororum cutis, ipsam transpirationem non tantum modificant & coercent, sed & materiæ crassæ ab extra introitum non facile permittunt.

Altera tunica dicitur *mucosa*, vel *corpus reticulatum*. Hæc tunica ex tenuissimis, & facile solubilibus, ac fere mucosis fibrillulis componitur, quæ nexum cuticulæ & cutis sustinent, ab igne vero, & salibus causticis vesicatoriorum facile destruntur.

Insuper pigmentum quoddam nigrum recipit, quod faciem, & totam æthiopum corporis superficiem pingit. Item, quando materia biliosa superflua in massa sanguinea existit, tunc quoque per hanc tunicam sese diffundit, & flavedinem totam in Jctero, distinctam vero, vel particularem in lentiginibus efficit.

Tertia cutis tunica est expansum quoddam validum, reticulatum, ex fibrillulis tendinoso-musculosis, vasculis sanguiferis & nervis compositum.

Nervi, in papillulas, vel eminentias pyramidales desinentes, non tantum tactus organum constituunt, sed & dubium non est, quin & portio quædam spirituum per illas in expiratione diffletur. Sudorem enim lassitudinem notabilem producere, inter omnes constat.

Vasa vero sanguifera, & imprimis arteriosa, diversimode in minimis ramificationibus complicata, *glandulas subcutaneas*, a magnitudine sua semen milii repræsentante, *miliares* dictas, constituunt, quæ quidem nunquam, nisi in horrore, horripilatione & frigore conspiciuntur, & tactu quoque percipi possunt.

Hæ glandulæ sunt vera organa secretionis sudoris & insensibilis transpirationis, hancque materiam ideo a massa sanguinea vi & pulsu sanguinis secernunt, & vel per ductus speciales, quorum extrema poros constituunt, vel per pilos eam excernunt.

Pili enim sunt fistulæ tenuissimæ & canales graciles, extra cutim prominentes, & in cute radicatæ, sudori & insensibili transpirationi inservientes.

Harum fistularum una, vel plures involuuntur certa vaginula, quæ ex ipso bulbo glandulæ subcutaneæ succrescit, & revera quemadmodum crocus in terræ superficie crescit, ita crescunt & pili in superficie cutis.

Materia, quæ segregatur, est excrementitia, hoc est, talis, quæ vel quantitate vel qualitate, vel structura, corpori nostro incongrua est.

Exspirant autem 1) particulæ *aqueæ* sub forma bullularum & guttularum minimarum; 2) *salinæ*, quarum existentiam confirmat sapor sudoris, item & pruritus, qui plerumque in sudore percipitur; 3) *oleosæ*, quarum præsentiam non tantum circa pinnas narium observamus, sed & ex foetore alarum, item tinctura flava induriorum, inprimis sub axillis, colligimus; 4) *terreæ* in conspectum veniunt in interstitiis digitorum pedum; 5) *Aeræ*; aer enim, qui per respirationem sanguini miscetur, per poros cutis iterum avolat. Hinc mirum non est, quando, sufflaminata subito ad breve temporis spatium insensibili transpiratione, mox febris inducitur, cujus causa non tantum sunt particulæ excrementitiæ in sanguine remanentes, ejus mixturam & texturam bonam destruentes, sed & aer, plus justo in sanguine auctus, & elasticitate sua motum tum intrinsecum, tum progressivum accelerans.

Quis itaque non vider, quod per hanc secretionem, imprimis si moderata sit, massa sanguinea egregie depuretur? Omnes enim sordes a massa sanguinea ita secedunt, & sic mixtura, & motus naturalis, vel circulatio sanguinis libera conservatur. Observamus enim in hominibus, in quibus contingit transpiratio, perfectam & constantem sanitatem, & si a morbo quodam afficiuntur, hujus vis & vehementia per subsequentem sudorem statim infringitur: Contra illi, qui male, ob singularem cutis habitum transpirant, satis quidem robusti sunt prius quam ægrotant, quando vero in morbos incidunt, difficillime restituntur. Et cum bruta, ob pilosam cutem, perpetuo largiter transpirent, in illis non tanta frequentia morborum notatur, quanta in corpore humano.

CAP. XXII.

DE

Urinæ Secretione.

Sudoris & urinæ secretio insignem inter se habent affinitatem, id quod ex variis observationibus concludere possumus: 1) Enim tempore hyemali cohibita a frigore transpiratione, urina majori in copia secernitur, contra vero in æstate, ob solis activitatem majorem corpora humana sudore fere diffluunt, urina autem parcius, & valde saturata, imo interdum cum ardore & stranguria excernitur; 2) Illi, qui calculo, in uretheres incuneato, & sic Ischuria lethali laborant, sudorem, urinæ similem, hoc est, valde falsum & olentem fundunt. Quæ omnia docent, quod eadem materia, quæ in insensibili transpiratione sub specie vaporis exhalat, quoque in renibus secernatur, vel quod urina sit sudor renum.

Orga-

Organa itaque primaria secretionis urinæ sunt renes, secundarium vero vesica urinaria.

Non, quod in vesicæ substantia aliqua fiat secretio, quod falsum est, sed sudor & mador infimi ventris, in fundo abdominis confluens, successive per diapedesin, sive per poros, extus apertos, intus clausos, intrat cavitatem vesicæ urinariæ, & sic cum urina secernitur.

Hanc assertionem non tantum olim Clariss. WALDSCHMIDTIVS agnoscit, sed L. B. de FRANCKENAV, in *Diapedesi nova*, experimento anatomico in cane confirmavit, ubi ligatis ureteribus tamen urinæ pars collecta fuit.

Fieri enim 1) aliqualem sudorem in visceribus infimi ventris, comprobatur humiditas, quæ semper in animalibus, item & hominibus, recenter dissectis, annotatur. 2) Dari etiam poros vesicæ urinariæ, extus apertos, intus vero clausos, experimentum illud, quod cum vesica urinaria in experimentis Antliæ suscipitur satis aperte docet. Quando enim recipitur cylindrus vitreus, in utraque extremitate apertus, in una autem harum limbo instructus, & huic superextenditur frustum vesicæ bubulæ cum ligatura fortiori, tunc aqua super vesicam affusa, educto embulo, per vesicam maxima in copia sine vesicæ dilaceratione filtratur. 3) Quando sal alcali vesicæ inditur, hæc vero ligatura postea constringitur, & quoad dimidiam partem in ollam, aqua tepida plenam, immittitur, tunc aqua per poros vesicæ intrat quidem insensibili modo, & sal, ibi contentum, dissolvit, nihil vero extrorsum fluit.

Renes autem sunt primaria organa, in quibus urina a massa sanguinea filtratione separatur.

Existunt vero in infimo ventre in regione lumbari, circa primam lumborum vertebram, intra duplicaturam peritonæi, ad latera venæ cavæ & arteriæ magnæ, superimponuntur musculis

sculis Psoas, figuram repræsentant phaseoli, vel folii asari, involvuntur certa tunica, hinc inde pinguedine tecta, fascia renalis dicta.

Substantia renum a variis Anatomicis, tam antiquioribus, quam recentioribus, v. gr. EVSTACHIO, BELLINO, MALPIGHIO & VIEVSSENIO, &c. investigata & examinata deprehenditur vasculosa & tubulosa. Arteriæ enim emulgentes, in varios gyros & conglomerationes se extendentes, componunt exteriorem, sive glandulosam alias dictam, renum substantiam, in quibus per motum specialem urina, sive liquor lixivialis secernitur, secretus vero ad substantiam tubulosam interiorem ducitur, ex qua fluit ad cavitatem renum interiorem, sive pelvim.

Tubuli renum, in varios fasciculos collecti, componunt octo corpora oblongo-rotunda, mammillaria, papillarum, vel caruncularum nomen sortientia, pelvim respicientia.

Pelvis est interior renum cavitas, ad quam omnis urina, in corporibus mammillaribus secreta, confluit & definit in infundibulum.

Infundibulum in omnibus fere subjectis specialissime est constitutum, in hoc amplum, in alio angustum, in tertio duplex item in aliis triplex & quadruplex. Vasa renum alia sunt communia, alia propria.

Communia sunt arteria, & venæ emulgentes, quarum illa sanguinem pro secretionem ex arteriæ aortæ trunco descendente suscipit, & ad renes ducit, hæc vero sanguinem, a secretionem refluxum, excipit, & venæ cavæ denuo infundit.

Nervi etiam circa renes reperiuntur, item & vasa lymphatica, a NVCKIO, in sua *Adenographia* inprimis depicta, ad receptaculum chyli tendentia.

Vasa renum propria sunt *uretheres*, ductus certi, ab infundi-

fundibulo, sive angusta pelvis parte orti, per regionem lumbarem descendentes, vesicam urinariam circa ejus cervicem modo obliquo intrantes. Hinc dum per duplicaturam laminarum percurrunt, valvulam inibi efformant.

Ureteres sunt ductus non mere membranosi, sed magis musculosi, & hinc quoque non pure passive sese habent, sed gaudent suo motu systolico & diastolico, premuntque ac expellunt urinam, a pelvi & infundibulo exceptam, versus vesicam.

Ureteres non ex unica tunica, in cylindrum convoluta, componuntur, sed ex tribus, quarum 1) sive exterior tendinosa existit, & a peritoneo oritur, 2) musculosa est, ex fibris motricibus tum longitudinalibus, tum spiralibus composita, 3) vasculosa ac glandulosa. Glandulae enim mucum quendam secernunt, a quo interior ureterum superficies obliteratur, ut urinae acrimoniae corrosivae resistere possit.

Vesica urinaria urinam, in renibus secretam, & per ureteres ad ejus cavitatem delatam, recipit, & detinet tamdiu, donec quantitate & stimulo salino orificium vesicae stimuletur, quo facto, partim vi fibrarum muscularium vesicae, partim pressione muscutorum abdominis ac diaphragmatis, e corpore expellitur.

Vesica urinaria triplici gaudet ligamento, duobus nempe lateralibus alis, sive pinnis dictis, & uno suspensorio, cum linea alba & umbilico per urachum connexo.

In alis vesicae deprehenduntur quoque vasa hypogastrica ad vesicam tendentia.

Vesica urinaria est musculus pyroformis excavatus, in fundum corpus & cervicem divisus, constans ex tribus musculis, uno interno, altero externo atque sphinctere.

Internus musculus componitur ex fibris longitudinalibus & circularibus. Longitudinalium origo est in centro fundi ejusque parte superiori, ubi urachum tendine communicant, finis vero in cervice. Transversales fibræ longitudinales ad angulos rectos secant. Hi duo ordines fibrarum constituunt muscolum internum. Secundus & externus musculus dicitur detrusor urinæ, quem EVSTACHIVS jam depinxit Tab. 12. fig. 7. & componitur ex musculis minoribus diversarum directionum, qui, dum contrahuntur, collum vesicæ aperiunt & urinam evacuant. Collum vesicæ cingit tertius musculus, qui spincter dicitur & constrictor est vel clausor, componitur ex multis fibris orbicularibus externæ vesicæ membranæ in collo superincumbentibus.

Hic vesicam claudit, & spontaneum urinæ stillicidium prohibet.

Urina, in vesica urinaria collecta, per *urethram* extra corpus emittitur.

Urethra est tubus, cum cervice, vel collo vesicæ urinariæ connexus, in sexu nobiliore longus & coarctatus, in sequiore vero brevis, magis tamen dilatatus, compositus ex cellulosa tendinoso-musculosa substantia; Hinc & corrugatur & dilatatur pro exigente necessitate.

In superficie cavitationis urethræ deprehenduntur *glandulae*, a Coowpero primum inventæ, liquidum mucilaginosum fundentes, quo liquor urinæ salsus per urethram sine dolore transire possit. Talis etiam glandulae, ac similis mucus in interiori cavitate vesicæ urinariæ deprehenduntur, similemque usum præstant, & organum hocce ab urinæ acrimonia defendunt.

Urina in renibus secernitur sola filtratione & percola-

Non

Non vero per certum fermentum stercoreum, ab Helmontio fictum. Nam non semper urina, sed interdum aqua purissima, inprimis post largiorem acidularum, vini, cerevisiæ, aut Theæ potum, excernitur. Si itaque fermentum in renibus esset, semper omnem aquam colore & sapore urinæ inquinare deberet. Nec etiam foetor, aut fracedo renum ab horum fermento, sed potius ab urina ipsa dependet. In recens natorum renibus vero talis foetor plane non reperitur, cujus tamen præsentia ibidem summo exigeretur opere.

Urina est excrementum sanguinis.

Nam cum illa utique impuritates ex sanguine separantur. Interim tamen non ex partibus plane excrementitiis, & quasi destructivis, uti BORELLVS statuit, constat, sed sunt partes tantum serosæ superfluæ, aliæque salinæ, sulphuræ, terreæ, & aeræ, quæ si in sanguine manerent, proportionem justam principiorum turbare possent. Interim non negandum, quod pleræque partes sint recrementitiæ, hoc est, tales, quæ nullo modo subigi, & ad nutritionem adaptati queunt: Hinc & natura se plerumque liberare, & massam sanguineam a quisquiliis depurare studet per hanc evacuationem, id quod Uroscopia in morbis evidentissime ostendit.

Quantitas urinæ liquidis assumtis est proportionata.

BELLINVS in *Tractat. de Renibus*, potulentis proportionem minorem; Celeberr. BOHNIVS, in *Circulo Anatom. Physiolog.* vero majorem affirmat: Sed utrumque contingere posse arbitror, positis nempe certis circumstantiis; Suppressis enim aliis evacuationibus, urina uberrime fluit, quando vero liquida serosa, v. gr. in vomitu, diarrhœis, sudoribus, salivationibus eliminantur, tunc urinam minima quantitate excerni, semper observamus.

Qualitas urinæ colore, odore, consistentia, gravitate, contentis & analyfi chimica dignoscitur.

Colorem quod attinet, deprehendimus, illum in statu naturali, & subjectis sanis citrinum. Hinc in tali urina sulphur, sive oleum quoddam in minima quantitate a motu moderato, salibusque saturatis ammoniacalibus mediis solutum est. Quando vero urinam febricitantium & scorbuticorum conspiciamus, illam satis ruffam & saturatam deprehendimus, quoniam ibi ob motum acceleratum, & particularum triturationem, hic vero ob salium abundantiam partes sulphureæ magna in quantitate solutæ sunt.

Odor urinæ in sanis debet esse fragrans, & fere violaceus, quod salium & sulphuris puritatem notat. Foetens vero urina cacochymiam indicat, & aliqualem sanguinis putrescentiam.

De Sapore nihil dicam. Omnibus enim notum est, urinam esse saporis salis, hoc est, neque acidi, neque alcalici, sed medii, & fere ammoniacalis. Hæc enim salia, per intimam alimentorum resolutionem, ex his plerumque elixata sunt, vel etiam cum aere in inspiratione sanguini adportata & commixta, &c. de quibus legi potest MATOVIVS, in *allegatis suis Opusculis*.

Consistentia urinæ fluxilis quidem est, interim tamen, ob contenta varia, aqua simplici aliquo modo spissior deprehenditur: Hinc etiam urinæ ponderatio a Medicis institui potest, cum egregio in praxi usu. Nam v. gr. quando urina febricitantium & scorbuticorum levior deprehenditur, tunc & morbi hi imminuuntur. Aut enim motus, ibi acceleratus, desinit, aut hic salia evanescunt. Ergo cum quantitas contentorum urinæ decrescit, etiam morbus decrescit.

Communi vero modo urina considerata, tria oculis sistit contentorum genera, quæ, pro diversa sui gravitate diversam regionem in vitro urinali occupant. Id enim, quod in suprema parte existit, a Medicis νεφέλη, nubecula, in media parte suspensio, græce ἐναιώρημα, in infima vero sedimentum, vel ὑπόσασις dicitur, & est pars urinæ gravissima, quæ ex particulis salino-terreis gravissimis conflatur.

Analysis urinæ optime per artem chemicam institui potest.

Hæc vero suscipitur vel a Physico, ad indaganda principia urinæ, vel a Chimico Medico, ut ex urina præparetur spiritus, & sal volatile, in Medicina satis proficua medicamenta, vel ab Alchimico, qui ex urina menstrua sua universalia, ad sulphura metallorum & mineralium extrahenda, destillare solet. Quicquid tandem fit, in modo procedendi plerumque conveniunt, ut & in productis.

Quando enim urina recens coctione in olla ferrea inspissatur, aqua simplex cum paucis sale & sulphure avolat. Ita vero concentrata, & ad mellaginem inspissata urina, cum calce viva mixta, & per retortam destillata, dat spiritum, & sal volatile copiosum, ut & oleum in notabili quantitate. Ex quibus apparet, urinam constare 1) ex aqueis, 2) salinis mediis, & fere ammoniacalibus particulis, 3) sulphureis oleosis, & 4) terreis, quæ per incrustationem & crystallisationem in matulis & vitris ubique observantur.

Ufus itaque secretionis urinæ in eo consistit, ut sanguis a particulis superfluis & impuris, & ad nutritionem minus convenientibus, liberetur, & sic mixtio humorum, & motus eorum naturalis conservetur.

CAP. XXIII.

DE

Secretione muci narium.

Mucus narium est liquor viscosus, qui ex naribus exstillat.

Hic mucus in principio fuit fluidus, ob perpetuum vero aeris introitum & exitum, sicque perpetuam partium humidarum & fluidarum abrasionem & absumptionem, quadantenus crassescit, & in mucilaginem, vel substantiam magis spissam & solidam inspissatur ac convertitur.

Organum hujus secretionis est tunica narium pituitaria; existens in naribus cavitate frontali, ethmoidæ, sphenoidæ & maxillari five Antro HIGHMORI.

Tunica hæc, tenuis & rubicunda, tubulos narium cartilaginofos, spiraliter convolutos, cingens, ac in utroque latere tegens, componitur ex infinitis fibrillulis musculosis, vasculis sanguiferis, glandulis, & ramulis nervosis, in chordas atque papillulas desinentibus, & organum olfactus componentibus.

An vero mucus talis per os cribrosum ex processibus mammillaribus cerebri, ejusque ramis nervosis exstillet ad nares, dubitatum fuit a nonnullis: Sed quoniam experientia edocemur, quod per stillicidium tale narium criticum dolor capitis, in gravedine solennis, imminuatur, absolute talis evacuatio ex cerebro per nares negari haud potest, imprimis, cum observationibus practitorum certum sit, ipsam materiam purulentam, imo calculos plane, in cerebro genitos, per hæc organa excerni posse. Confer. Dissertatio B. SLEVOGTII, de Processibus cerebri mammillaribus, ex nervorum numero exemptis, anno 1717. hic habita.

Vasa

Vasa primaria, sanguinem ad hæc organa ducentia, sunt carotica, inprimis ramuli carotidis internæ, priusquam in cerebrum intrant. Venæ vero jugulares internæ sanguinem, a secretionem refluum, iterum excipiunt.

Mucus narium est liquor medius.

Ita sentientes non errabimus quoad usum hujus muci. Dantur enim Autores, qui arbitrantur, mucum huncce pertinere ad salivam, vel constituere partem salivæ, quemadmodum & ille, qui per ductum EVSTACHII ab auribus ad fauces partem aliquam liquoris, in interna cavitate auris secreti, deducit. Sed ego his subscribere minus possum: Nam 1) videtur mucus narium a saliva differre quoad principia; 2) Crebriores evacuationes criticæ fiunt in his organis, pauciores in saliva; 3) Structura narium ita comparata est, ut liquor, inibi secretus, magis fluat extra corpus, quam ad fauces, id quod in infantibus junioribus inprimis observamus, in quibus tale muci stillicidium spontaneum contingit. Concludendum itaque potius, quod in glandulis tunicæ pituitariæ narium sub specie muci segregetur liquor illaudabilis, & quod ita depuretur massa sanguinea a suis quisquiliis viscosis atque salinis uberioribus.

Interim tamen usu plane non caret. Nam ita humectatur organum olfactus, nervosæ narium chordæ & papillulæ in flexilitate sua conservantur, & insimul per hocce menstruum effluvia corporum magis magisque soluta ad nervos eo exactius pervenire, & illos ad sensum commovere possunt.

CAP. XXIV.

DE

Secretione Ceruminis aurium.

Cerumen aurium est serum quoddam oleosum, magis,
vel

vel minus spissum, quod in meatu auditorio externo, & imprimis in ejus parte cartilaginosa deprehenditur.

Secernitur hocce cerumen in glandulis quibusdam meatus auditorii, quæ in corpore quodam reticulato, vel tunica quadam vasculosa, meatum auditorium, tum in parte ossea, tum cartilaginosa cingente, reperiuntur. Vid. VALSALVA, in *Tractat. de Audit. Organ. Tab. III. Fig. 3.* & dicuntur, glandulæ ceruminosæ vel seabciæ.

Interim non negandum, quod ex aliis interioribus, & sub tympano sitis partibus tale liquidum seroso-oleosum secretum, & hic per *hiatum RIVINIANVM* confluens, constituere valeat cerumen.

Vasa huc tendentia sunt arteria carotica externa, vena jugularis externa, & nervi intra primam & secundam colli vertebrae exeuntes, ac ad auriculam superiorem & inferiorem tendentes. Vid. VALSALVA, *Tab. II.*

Liquidum hocce spissum mediæ naturæ existit, hoc est, neque plane utile, neque absolute inutile salutandum.

Inutile dici potest, quoniam a sanguine secernitur, sanguisque ita depuratur, imo postea ex auribus effluens excernitur. Nihil dicam hoc loco de evacuationibus criticis per glandulas, cerumini dicatas, in febribus malignis contingentibus. Nam superveniente otalgia, vel dolore, & stillicidio materiæ purulentæ aurium, febris vehementia statim decrescit. Sic & omnibus notum est, quod surditas, vel auditus difficultas, in febribus malignis superveniens, & a me plus vice simplici annotata, sit salutare signum. A confluentibus enim particulis seroso-salsis circa hæc organa tale quid evenire solet, & ita corpus a malignis & destructivis particulis liberatur. Quando vero talis evacuatio fit, necessario organa auditus in actione sua naturali turbantur.

Cete-

Ceterum aurium hoc excrementum usu suo minime caret. Oleositate enim sua ita tegit meatum auditorium, ut ejus superficies a continuo aeris introitu & exitu non lædatur.

CAP. XXV.

DE

Secretione lachrymarum.

Lachrymæ sunt liquor medius, subsalsus, circa oculorum bulbos confluens, eosque humectans.

Organa secretionis & excretionis lachrymarum sunt glandulæ lachrymales, quarum una superior, sive major, altera inferior, sive minor existit.

Superior, major, aut innominata dicta, delitescit intra orbitam oculi, circa pinguedinem ac musculos, quibus quasi superincumbit, & ad angulum minorem magis inclinat, lachrymasque, a massa sanguinea secretas, per varios ductus excretorios, circa palpebræ superioris limbum fere desinentes, ad oculum pluit.

Inferior, exigua, in angulo domestico sita, & non nihil protuberans glandula, per diapedesin, hoc est, ex variis porulis lachrymas sudat ad oculi bulbum. Vid. Celeberr. D. BIANCHI *Tractat. de Ductibus lachrymalis*.

Ast præter jam laudatos majores, & primarios fontes lachrymales, alii sunt multi exigui in tota palpebrarum extremitate conspicui, & a Celeberr. MEIBOMIO, Profess. Helmstädiens. inventi, hincque vasa, vel puncta lachrymalia Meibomiana appellantur, quæ in homine evidentissime conspiciuntur & ex glandulis exiguis sebaciis lympham edunt per poros subtilissimos.

Glandulæ hæ omnes, tum minores, tum majores, massam sanguineam ab arteriis carotidibus, inprimis externis recipiunt, sanguinem vero, a secretionē lachrymarum refluxum, venis jugularibus infundunt.

Lympha lachrymalis perpetuo fluit ad oculorum bulbos, ut tunica adnata, ita humectata, motum tum palpebrarum ipsarum, tum oculi bulbum sine dolore sustinere valeat. Uno verbo, lachrymæ, oculum humectando, ejus motum faciilitant, in quo consistit usus eorum primarius.

Ne vero effluant perpetuo ex oculis, DEVS O. M. in angulo majori, sive domestico, nobis concessit *puncta lachrymalia*, satis conspicua, unum in superiori, alterum in inferiori palpebrarum limbo.

Puncta hæc lachrymalia semper, & omni fere momento lachrymas in eadem quantitate recipiunt, in qua illæ ad oculum fluxere, ut sic spontanea illachrymatio prohibeatur.

Hæc puncta sunt extrema ductuum lachrymalium oscula, qui inferuntur ad narium tubulos, & lympham lachrymalem cum mucō narium miscent, sicque cum eo extra corpus eliminant.

Breves horum duorum punctorum lachrymalium ductus coeunt in unum sacculum communem, ligamenti certis minimis ossi lachrymali alligatum, uti hoc optime descripsit, & figuris exposuit Celeberr. D. BIANCHI, in suo Tractat. *de Ductibus lachrymalibus*. Postea vero per foramen ossis lachrymalis, sive unguis, penetrant, & latiori ductu in narium tubulos infunduntur.

Sunt itaque lachrymæ humores medii, quorum usus est, oculum humectare, & ad motum facillimum adaptare. Postea vero e corpore, uti liquida plurima, eliminandi.

CAP. XXVI.

DE

Usu renum succenturiatorum , vel Capfularum atrabilarium.

Glandulæ renales, vel renes succenturiati, aut capsulæ atrabilares, sunt corpora exigua, glandulosa plana, foliolum arboris repræsentantia, extus albicantia, intus vero in sinuosa cavitate ex rubro nigricantia.

Situm occupant sub septo transverso, cujus membranæ, quæ a Peritonæo originem ducit, firmiter adhærent, renumque eminentiori parti, quæ venam cauam respicit, sunt superimposita.

Vasa habent quadruplicis generis, arterias nimirum, venas, nervos, & vasa lymphatica, quæ commode in adductia & abductia subdividi possunt.

Arteriæ ordinariæ fere ex medietate arteriarum emulgentium eo derivantur, aliquando ex iisdem simplex, nonnunquam duplex, interdum etiam ex aortæ trunco, modo unicus, modo plures rami oriuntur.

Venæ vero iterum intrant vel venam emulgentem, vel ipsam quoque venam cauam.

Nervi a plexu paris octavi & intercostalis, seu lumbaris potius, orti, aduehunt spiritus, ad tonum, vitalitatem, & functiones conservandas.

Vasa lymphatica & in hoc, parvo licet, viscere duplicis generis reperiuntur, alia quæ invehunt lympham, ex diversis partibus inferioribus ad hæc organa adscendentem, alia illam iterum evehunt, & ad chyli receptaculum, instar reliquorum ductuum lymphaticorum, devehunt.

Hæc vasa lymphatica duplicis generis ego oculis meis in origine & insertione plus vice simplici in foetu observavi, aliisque insimul demonstravi, ita ut de eorum existentia dubitare nemo possit.

Visa sunt vasa illa lymphatica jamdudum quoque ab aliis, & inter alios a Dn. VAN DEN CRUYCE, in Epistola ad DEVSINGIVM, qui ideo in hanc peculiarem sententiam primum incidebat, quod nempe vasa lymphatica sint aquæ ductus, a ventriculo sine dubio orti, aquosas & serosas potulentorum partes recipientes, & ad has partes, ac ita postea ad renes ducentes, quo fiat celerrima per urinam potulentorum ejectio.

In determinando itaque usu horum organorum Anatomici mirum quantum dissentiunt, ita ut & Celeberr. olim ORTLOBIVS, vir alias consummatæ eruditionis, ὅ ἐπέχειν magis eligere voluerit; quam certi quid de hisce organis edifferere.

Ut enim quorundam saltem afferam sententias, quæ tam diversæ sunt, ut nulli unquam visceri idem fere contigerit, RIOLANVS *Libr. II. Cap. 24. Anthropographiæ* putat, has glandulas appositas esse ad firmandum plexum retiformem nervorum, qui a costali nervo & stomachali formatur. HIGHMORVS, has capsulas plane inutiles pronunciat, vel, cum RIOLANO, usum saltem aliquem in foetu præstare concedit. SPIGELIVS, in *Tractatu de Corpor. humani fabrica, Libr. VII. Cap. 15.* ad implendum vacuum, quod inter renes & diaphragma interest, a DEO O. M. hic locatas esse, perhibet. Alii defendunt, quod seri quædam portio hic separetur a massa sanguinea, quæ deinceps ad renes in primis delata, fluxilitatem sanguinis, & sic seri sub specie urinæ secretionem promoveri possit. Omnium vetustissima opinio, quam & neotericorum nonnulli retinuerunt, est, quod in capsulis his renalibus

nalibus generetur, fecernatur, colligatur ac detineatur succus quidam atrabilarius, juxta VESLINGIVM, ad seri a sanguine separationem, vel præcipationem promovendam; Juxta BARTHOLINVM, ad tingendam, fermenti loco, urinam; Juxta KERKRINGIVM & STLVIVM, ad effervescentiam sanguinis in corde causandam; juxta PETRVCCIVM, Romanum olim percelebrem Medicum, in *suo Spicilegio Anatomico*, & peculiari tractatu de hisce organis, ad stimulandam vesicam urinariam, pro exclusione urinæ, & ad tirillationem in lumbis præstandam, qua mediante excitetur risus.

Omnes ac singulas has sententias accuratius paulo si examinemus, infirmo admodum fundamento eas niti videbimus. Atrabilarius enim humor in cerebro quidem antiquorum horum Medicorum existerat, ab oculationibus, & microscopio armatis Anatomicis & Physiologis reperiri haud potest, ideoque refertur inter nonentia, una cum effervescentia Sylviana. Neque urinæ tinctura a capsularum harum succo provenit, cum urinæ tinctura neque a bile, neque ab atra bile, sed a salibus potius oriatur, uti hoc abunde docet & probat urina scorbuticorum. Nec præcipitatio seri a sanguine locum invenit. Hæc enim sine notabili sanguinis coagulatione fieri haud potest, plurimorum malorum, exinde sequentium, causa, quamquam illam defendere conetur Clariss. VERHETEN, quem tamen & lubentissime sensu suo abundare patimur.

Quod ad me attinet, illorum sententiæ subscribo, qui verum exiguum horum viscerum usum in percolatione lymphæ consistere putant: Sunt enim glandulæ conglobatæ, & gaudent omnibus requisitis, quæ in tali glandula desiderari possunt; Adsunt enim vasa lymphatica invehentia & evehentia, quorum illa ex inferioribus ascendunt, hæc vero ad com-

munem vasorum lymphaticorum terminum, chyli nempe receptaculum, properant, ad lympham deportant.

Interim non negari potest, fieri quoque hic aliqualem feri secretionem, quemadmodum in aliis, ita & in his glandulis conglobatis & percolantibus, cum ubique adsunt vasa sanguifera, inprimis hic satis notabilia, quæ non tantum vitalitatem & nutritionem conservant in tam exiguo corpore, sed & sine dubio sanguinem, quo secretionem aliqua, adducunt. Non errabimus itaque, uti spero, si statuamus, quod vasa arteriosa sanguifera minima in glandulis hisce, ad contactum satis solidis, ita sint comparata, ut in exiguis ductibus excretoriis feri aquosi pars segregetur, gelatinosa, aliaque reducta ad venas. Hæc lymphæ subtilis miscetur alia, per vasa lymphatica allata, & ulterius ducitur ad receptaculum chyli Pecquetianum. Vid. plura in Clariss. WELSCHII Disputat. de Renibus succenturiatis.

Celeberr. VALSALVA putavit glandulas alitrabilarias quid conferre ad generationem, quia ductus ab hisce capsulis & glandulis abit ad testium epididymedes, sed hic ductus non est ductus, sed nervus; nam a plexu nervoso abdominis abit ramus nervosus ad capsulas & a capsulis hisce descendit ad testes. Manet ideo certa & inconcussa illa thesis quæ defendit præparationem lymphæ in hisce glandulis & thymo; nam majora sunt hæc organa in junioribus & fœtu, minora in adultis.

CAP. XXVII.

DE

Thymi Ufu.

Thymus est glandula Conglomerata, sita in suprema
tho-

thoracis parte, inprimis in mediaſtino, plerumque in anteriori ejus parte, & ſub jugulo enaſcens uſque ad pericardium fere deſcendit.

Vaſa ei ſunt ſanguifera, deducta a ſubclaviis, quibus & nonnulla a jugularibus & carotidibus adduntur. Nervi autem a pari plerumque vago oriuntur.

Vaſa excretoria fruſtra quaſiverunt Anatomici, fatente quippe Cl. VERHEKENIO ac NVCKIO. Interim tamen deprehenduntur quædam, ad ductum thoracicum tendentia. Hinc eam multi ingreſſi ſunt opinionem, *Thymum eſſe Chyli diverticulum*, quod tamen legibus œconomix minus conforme videtur.

Statuendum itaque potius eſt, Thymum eſſe viſcus chylum adhuc crudiores ex maſſa ſanguinea ſecernens, eumque, premendo, filtrando & percolando, fluidiores reddens, hoc autem facto ad ductum iterum thoracicum amandans.

Conſirmanthoc obſervationes anatomicæ. Nam Thy-
mi viſcus in junioribus ſubjectis magis tumet, maximeque chylo quodam craſſiori diſtensum, in adultioribus vero ſenſim exareſcens deprehenditur. Hinc & uſus ejus maxime videtur eſſe neceſſarius in foetu, atque recens natis, quorum corpora majori cum celeritate increſcunt, atque increſcere omnino debent. Et quoniam chyli particulæ, cum ſanguine materno ad foetum allatæ, minus exiſtunt ſubactæ, & nutritioni adaptatæ, duo DEVS ideo in foetu viſcera adornavit, *Renes* nempe ſuccenturiatos atque Thymum, quorum illud lympham, hoc vero chylum filtrando & ſubtiliores reddendo, liquida hæc nutritientia faciliore poſtea ſanguificationi ac nutritioni adaptat.

CAP. XXVIII.

DE

Secretione & Circulatione humorum in oculis.

INter negotia corporis nostri, si non plane incognita, saltem quam maxime abstrusa, merito hactenus numerandæ fuerunt humorum ocularium secretio, restitutio & circulatio: At indefesso, qui hodie sunt, Anatomicorum labore, & singulari in secando & investigando diligentia, & has patefieri omnino oportuit.

Sic Clariss. ANTON. NVCK. primus est, qui *ductus* certos arteriosos, ab eo vero *aquosos* dictos; adinvenit, eosque descripsit in speciali Tract. *de Ductibus oculorum aquosis*. Postea etiam Clariss. Dn. CHROVET, Transmosanus, in *Diff. Physico-Medica de tribus oculi Humoribus*, vires suas est expertus. Celeberrimus quoque Anatomicus, RVTSCHIVS, suum in hac parte symbolum pro viribus contulit in *Responsione ad Illustr. WEDELIVM*, Vid. *Epist. Anatom. n. 13*. Tandem ad finem fere perduxisse videtur hoc opus curiosissimus, multisque aliis oculatior D. IAC. HOVIVS, in *Tract. de circulari humorum Motu in oculis*. Lugd. Batav. An. 1716. edito. Ex quo nonnulla, ad scopum nostrum maxime facientia, huc transferre licebit. Clariss. enim hic Autor, principiis Celeberr. Virorum VIEVSSENI, & L. B. de FRANCKENAV, insistentis, ex plurium diversorumque brutorum, ipsiusque hominis inspectione accurata confirmavit, omnem materiam pro nutriendis oculorum humoribus, crystallino nempe, vitreo & aqueo, hocque, casu aliquo deperdito, restituendo circulationis lege ad oculos deferri, iterumque ad cor reduci, hincque

que ostendit, vasa tum arteriosa, siue adducentia materiam, humorum regenerationi dicatam, subtilissimam, tum venosa, seu humores, ante ingressos, munereque functos, eadem, quæ ingressi erant, celeritate, una cum sanguine refluuo continuo abducentia.

Vasa arteriosa ad oculi partem internam siue ad humores tendentia originem ducunt ab arteria carotide interna cerebri. Hæc arteria supra nervum opticum efformat *rete Hovicanum* egregium, quod in tribus uadaveribus humanis quam elegantissime auditoribus meis demonstrare potui, nempe in subjectis laqueo suffocatis.

Ad sunt enim, inquit HOVIUS p. 56. vasa illa arteriosa, fontium, seu scaturiginum nomine indigitata, per scleroticam adscendentia, cum ipso circulo arterioso; Vascula per duplicaturam Scleroticæ, densa serie, cum obviis venosis disseminata, cum reunitis vermicularibus circulum arteriosum petentia, & quæ præter aquosa vascula processus ciliares, ab anteriore efformantia cum suis nervo-lymphaticis ciliare ligamentum, & hinc crystallinum cum parte vitrei adeuntia, componentia; Vascula per Choroidæ duplicaturas, cum inosculantibus venis distributa, & quibus tam vermicularia ad processus ciliares, &c. quam nervo lymphatica in tunica nervo-lymphatica separantur, quæ vel in oblonga reconcreta vascula ad ciliare ligamentum adscendunt, &c. vel in papillosa reunita, vitrea dicta, post tunicæ retinæ pertransitum, maxima ex parte vitreum componunt humorem.

Arteriosa l. c. excipiunt venosa, siue abducentia, quæ nervo-lymphatica, vitreum ac crystallinum humorem revertentia, cum adducentibus continua. Nec aquosus permanet humor, dum ab osculis venosis, ex uvea refluus, insertis excipitur.

cipitur. Cæteri duo humores per vascula venosa, ductus oculorum abducentes in posterum vocanda, extra scleroticam, sicque ad cor reducuntur.

Ex his dictis luculentissime colligi potest, oculorum humores, vitreum in primis & crystallinum, nihil omnino esse aliud, quam merum subtilissimum contextum vasculorum, ex nervis pellucidis, vasisque nervo-lymphaticis, & tum ad tum abducentibus constructum; Saltem in crystallino vasa multo arctiora esse, & firmitus compacta, quam vitreo; Quibus ita comparatis, neminem futurum, spero, quam lateat secretio & circulatio horum humorum, ut & aquosi, quocunque casu imminuti, seu deperditi, aliqualis restitutio. Quæ ulterius ad artificiosissimam oculi fabricam a clarissimo Autore detectam spectant, partim alibi recensendi mihi erit occasio, partim vero apud ipsum videri possunt.

CAP. XXIX.

DE

Secretione Mensium.

Sanguis menstruus, five Catamenia, est sanguis, periodicè ac certis temporibus, mensis circiter intervallo, ex genitalibus mulierum exstillans.

Subjecta hujus evacuationis sunt virgines, fœminæ non gravidæ, ac viduæ.

IN gravidis quidem tale quid ordinariè non contingit: Interim tamen fluxus mensium in certis utero gestantibus fœminis, nec semper funesto cum eventu, ac abortu subsequente observatur; In subjectis enim plethoricis sine detrimento fœtus & matris aperiuntur interdum salutariter vasa vaginæ uteri. De *Mensibus gravidarum* digna, quæ legatur, est celeberr. SLEVOGTII Dissertatio.

Ini-

Initium hujus fluxus est circa annos pubertatis, finis vero, sive ultimus terminus annus quinquagesimus.

Circa annum decimum quartum corpora humana sequioris sexus tantam plerumque extensionem, tantamque soliditatem acquisiverunt, ut major sanguinis copia vi & actione viscerum singulorum elaborari possit, qui sanguis, tanquam a nutritione & secretione superfluous, per organa generationis sponte & sine detrimento sanitatis exstillat. In vetulis vero cessat & imminuitur actio viscerum, ad hæmatosin necessaria: Hinc & sponte cessant catamenia.

Quando itaque virgines prima vice tributum lunare solvunt, ad conjugium habiles censentur: Quando vero in vetulis fluxus mensium cessat, imprægnatio non amplius contingit, ob defectum sanguinis, nutritioni foetus destinati.

Locus, ex quo hocce stillicidium contingit, primarius est vagina uteri; Secundarius vero ipse uterus.

De loco fluxus mensium ingens est Autorum dissensus. Alii enim, v. gr. Biga celeberrimorum Physiologorum, BOHNIVS ac BERGERVS, experientia edocti, *vaginam uteri* defendunt. In subjectis enim, intra fluxum mensium extinctis, observarunt vasa vaginæ uteri sanguine turgida ac conspurcata, vasa vero uteri flaccida, & cavitatem uteri a sanguine vacuam & destitutam.

Porro etiam observationem hancce ratio confirmat. Fluunt enim menses interdum extraordinarie in imprægnatis, salva manente vita & sanitate matris atque foetus. Si autem in his subjectis origo hujus sanguinis esset in utero, præsto abortus esset, quoniam apertis vasis uteri foetui sanguis pro nutritione minime ulterius concederetur.

Interim tamen negare non possumus stillicidium sanguinis ex ipso utero, quoniam illustris noster WEDELIVS,

testis omnis exceptione major, hujusmodi quid observavit in utero prolapso atque inverso.

Vasa primaria sunt hypogastrica, secundaria spermatica.

Vasa hypogastrica cum uteri præcipua sint, ergo ex illis præcipue, in poris lateralibus apertis, hocce stillicidium contingit. Interim tamen Clar. SCHWAMMERDAM, in suo *Miraculo naturæ, sive uteri muliebris Fabrica* ostendit, maximas & notabiles satis vasorum spermaticorum & hypogastricorum anastomoses. Nam ramificationes vasorum spermaticorum non ad ovarium tantum, sed & ad ipsam uterum, imo vaginam ipsam tendunt. Vid. Autor iam citat. Hinc concludendum, quod ex ipsis spermaticis catameniorum quoque stillicidium contingat. Id quod inter alia per lumborum dolores, quos feminae, instante tale fluxu, sentiunt, confirmatur.

Nec vero est, quod existimes, stillicidium fieri ex immediate apertis arteriis, aut venis, sed ex poris potius lateralibus & penicillis arteriarum minimarum apertis provenit. Instante enim hoc fluxu vasa corporis totius turgent a sanguine superfluo. Hinc vaginae quoque, ac vasa uteri notabili interdum cum dolore distenduntur; Quæ dum interiorum organorum horum tunicam perreptant, facile apertis ac dilatatis poris & penicillis sive appendicibus lateralibus, sanguinem per diapedesin de sudant atque transmittunt. Vid. celeberr. Lib. Bar. de FRANKENAV *Diapedesin vasorum*.

Causa hujus fluxus est sola sanguinis abundantia, a sapientissimo hujus universi conditore foeminis concessa.

Placuit nimirum divino Numini, totam foeminarum machinam ita construere, omniaque ejus organa ita adaptare, ut major sanguinis copia ordinarie inibi elaboretur, quo omni tempore virum admittere, & ab illo imprægnari valeant.

Hinc,

Hinc, ut semper sufficiens sit materia pro nutriendo foetu, DEVS privilegium hominibus concessit de elaborando sanguine superfluo. In brutis vero ejusmodi sanguinis evacuatio non contingit. Bruta enim destitutum ac determinatum tantum a DEO congressus tempus habent.

Ex sanguinis hac abundantia fluunt symptomata, ante & in fluxu mensium solennia. Dum enim vasa totius corporis a sanguine superfluo distenduntur, diversarum partium dolores sequuntur, ut & artuum lassitudines, ob musculorum actionem turbatam. Et si vasa uteri, propter duritiem, aliamque causam, non aperiuntur, sanguis talis ex naribus, aliisque locis extraordinariis exitum affectat, erumpit & evacuatur.

Differt fluxus mensium ratione subjectorum, & anni temporis.

Quot subjecta, tot speciales constitutiones & conformationes hominum. Ideo & infinita temperamentorum diversitas. Hinc in plethoricis, item & scorbuticis, ibi ob sanguinis laudabilis, hic ob salium septicorum abundantiam, largius fluunt menses, in aliis vero secus se res habet. Quo pertinet & vitæ genus. Illæ enim, quæ alimentis nutriuntur, copiosum chylum suppeditantibus, aut vino, inprimis spiritu impleto, delectantur, uberiores ostendunt fluxum. Sic & in æstate, ob solis aestum, fluxus fiunt mensium immodici: Hyeme vero crebriores sunt obstructions, ob aerem frigidum, sanguinem coagulantem. Ut alias hic causas taceam, fluxum vel accelerantes, vel augentes, vel imminuentes, quales v. gr. sunt vitæ genus in motu & quiete, item & animi affectus.

Menses in quantitate & colore signa dant sanitatis.

In personis optime constitutis fluxus ille quoad quantitatem mediocris, quoad calorem vero rubicundus, floridus & fluidus esse debet. In morbofis contra fluunt menses vel

cum vehementi dolore, vel cum rosione, vel cum fluore albo, vel etiam grumorum instar nigricantium, vel ad loturæ carnis instar, vel in maxima copia, & maxima cum corporis imbecillitate, & pallore faciei, in aliis denique vix aliquot guttulæ exstillant.

Hic quæstio oritur: An sanguis ille sit venenosus? Resp. quod non. Nam convenit cum reliquo sanguine, quoad principia constitutiva, consistentiam & colorem, & quod maximum, foetus tempore gestationis hoc sanguine nutritur. Si itaque sanguis menstruus venenum esset, sequeretur, integrum hominem veneno esse in utero nutritum. Non negandum quidem, quod massa sanguinis per fluxum mensium depuretur, & quod cum sanguine ejusmodi menstruo variæ particulæ heterogeneæ insimul eliminantur, quæ, tum salia volatilia, & septica destructiva secum ducunt, ideo turbare possunt, v. gr. colores & tincturas infectorum, pelluciditatem speculorum, nutritionem & proventum plantarum, &c. Vix autem fidem res invenit, quod sanguis menstruus, loco philtiri exhibitus, amorem possit conciliare, eumque ad certam aliquam personam determinare, item delirium causare manicum, aut melanholicum.

Ufus fluxus mensium egregius est. 1) Enim totus sanguis depuratur, & in motu, crasi & vitalitate sua naturali conservatur. 2) Virgines & foeminae ita ad conceptionem perpetuo adaptantur, & ad generis humani conservationem.

De eo autem nobis hic sermo est, quod juxta regulas naturæ contingit, aut contingere debet: Interim personam aliquam ex praxi mea novi, quæ, quamvis menses in illa nunquam fluxerint, non tamen sterilis, multo minus ægra est; Imo persona ista sexta haud ita pridem vice concepit, aliasque foetus statò tempore exclusit, optime constitutos, qui in vita adhuc agunt superstites.

CAP. XXX.

DE

Secretione Seminis utriusque
Sexus,

Semen est liquor laudabilis, ad speciei conservationem a
DEO destinatus, qui utroque in sexu reperitur.

Liquor hic in omni subjecto nec elaboratur, nec reperitur.
Infantes enim ante pubertatem, item senio decrepitæ
personæ eo non gaudent. Hinc in infantibus testes ob-
servamus admodum exiguos, it. ovarium vix notabile. In se-
nio decrepitis vero personis etiam organa generationi desti-
nata ob atoniam naturalem corrugantur plane, hincque mi-
nus apta ad perficiendum munus deprehenduntur.

Quod vero maximum, in infantibus junioribus partes
gelatinosæ nutritioni impenduntur, hinc & pruritus venereus
ab illis non percipitur : Quando vero corpus ad debitam
extensionem & soliditatem pervenit, tunc partes gelatinosæ
ad organa generationis confluere, & ita seminis proventum
præstare possunt. In senili ætate, ob defectum sanguificationis
& secretionis, tale gelatinoso-spirituosum principium amplius
non elaboratur. Hinc & illa subjecta semine destituuntur.

Organa, elaborationi seminis in sexu nobiliori destinata,
commode dividuntur in præparantia, in secernentia,
in ducentia, & in conservantia, vel semen recipientia &
detinentia adde & ejaculantia.

Organa præparantia dicuntur vasa spermatica, & sunt
arteria & vena spermatica.

Arteria spermatica principio oritur tenuissimo, ex ar-
teria

teria emulgente in uno ramo, & ex arteria magna in altero ramo. Hi rami, in furcam concurrentes, truncum communem arteriæ spermaticæ componunt, qui sensim sensimque dilatatur, & variis circumvolutis & flexuosis serpentinisque incurvationibus ulterius ad testes protenditur. Hinc arteria spermatica miris suis convolutionibus componit *corpus pyramidale*, seu *varicosum*, aut *pampiniforme*.

Ex hac arteriæ spermaticæ structura dijudicare possumus ipsam seminis elaborationem. Sanguis enim 1) fluit a spatio minori ad majus, & sic revera a vertice coni ad basin. Nam arteria spermatica in principio valde est exigua, dilatatur autem semper magis magisque, dum ad testes inclinatur: Id quod injectionibus omnibus facili negotio ostendere solemus. 2) Sanguis in maxima a corde distantia per hasce fluit arterias. Hinc sequitur, quod sanguinis motus, ita retardatus, combinationem particularum gelatinosarum permittat, quæ particulæ gelatinosæ, coeuntes in unam massam, maximam seminis partem constituunt.

Venæ spermaticæ ex testibus sanguinem, a seminis secretionem refluxum, excipiunt, eumque ulterius ad venam cavam & emulgentem reportant.

Organa semen secernentia sunt testes.

Testes sunt glandulæ, omnium fere maximæ, sive corpora vasculosa, ex tenuissimis vasorum serpentinarum ramificationibus composita, extra abdominis cavitatem communiter protensa & pendentia, ac capsulis suis inclusa.

Hæc vasa a peripheria testium ductu serpentino abeunt ad centrum, & in tenuissimis arteriarum ramificationibus semen per poros laterales dimittunt.

Testes intus quasi repræsentant pomum citri & vasa continent certis loculamentis; ex singulis loculamentis ductus abeunt ad centrum sive ad corpus HIGMORI & GRAAFII.

In hac testium structura omnes Anatomici recentiores conveniunt: Quo autem semen secretum ulterius abeat, disputatum fuit hætenus. Alii, cum HIGHMORO, semen in centrali testium parte secerni, existimant, secretumque adeo per ductum aliquem ad Epididymidum substantiam expelli: Sed REGNERVS de GRAAF, in egregio suo *de Organis generationis utriusque sexus* Tractatu, ostendit, quod e testiculorum centro plura, v. gr. 6, 8, vel 10. vascula seminalia originem ducant, quæ diversimode incurvata, & in unum corpus collecta, principium, & sic *globum Epididymidum majorem* constituent.

Hanc controversiam in testiculis bovinis, item & caprinis sæpius investigavimus, & veritatem assertionis Graafianæ Auditoribus demonstravimus.

Testes, ut promptuarium generis humani, a divino Numine certis capsulis, tunicis, vel involucris inclusi existunt.

Earum tunicarum prima est *Scrotum*, ex cuticula, tunica mucosa, & cute constans.

Secunda est *Dartos*, sive musculosa. Hæc non tantum vibrarum motricium, testes in suspenso conservat, sed & pressione motum liquorum in illis promovet, id quod & musculus cremaster præstat.

Tertia *Bursula Raviana* est. Hæc bursula a RUYTSCHIO, aliisque pro *septo scroti* olim habita fuit, quo collisio testium ad se invicem declinetur: Celeberr. vero Anatomicus & Chirurgus, Dn. D. & Prof. Lugdunensis, RAV, in speciali scripto, controversias suas ac Ruyschianas de septo scroti continente, demonstrat, quod tunica illa, septum scroti dicta, non ejusmodi quid sit, sed tunica potius valida, tendinosa, duplex, utrumque testiculum cingens ac investiens, imo in superiori

parte utriusque lateris abdominis circa annulum musculofum cum peritoneo cohærens, ibique originem sumens.

Quarta *Vaginalis*, sive *Elythroides* dicta, est expansio quædam & continuatio processus peritonæi in utroque latere, vasa spermatica omnia, imo testium substantiam plane involvens & continens, testibus autem in una parte elliptica, circa Epididymidum globum maximum, annexa.

Quinto processui huic extus adhæret *musculus* subtilis, ab officio suspensorius sive *cremaster* dictus a ligamenti ossium pubis exortus, ac supra totam vaginalis tunicæ longitudinem divulsis fibris motricibus expansus. Hic musculus a pluribus pro speciali tunica venditatur, & *Erythroides*, sive rubra appellatur. Usus hujus musculi, item & tunicæ Dartos, sane multifarius est: 1) enim testiculos in suspenso servant, 2) adducunt eos in congressu versus vesiculas seminales, 3) semina secretum, premendo leviter testes, promovent ad vasa deferentia, vesiculasque seminales, 4) sanguinem retrogradum per venas spermaticas sursum pellunt.

Sexta *tunica albuginea*, seu *nervosa* dicitur. Hæc immediate testium substantiam continet. At dividi a nobis potest in tres tunicas separatissimas, *tendinosam*, *vasculosam* & *nervosam*. Quam divisionem Illustris MORGAGNI nobis nunc concedit in suis *adversariis anatomicis* IV. 3.

Tendinosa extrema est, atque satis valida, nervosa vero subtilissima. Duæ hæ tunicæ in medio continent vasculosam, ex infinitis serpentinis vasorum sanguiferorum spermaticorum processibus compositam, ex qua varii rami tendunt ad testes. Hæc vasa cera repleri possunt; At testes quam difficillime, vel nunquam, nisi hinc inde. Certum ideo est, *testium substantiam non ex vasis sanguiferis, sed potius ex lymphatico-nervosis excretoriis quoad maximam partem esse coagmentatam*: Id quod Microscopia adhibita nobis ostendunt & confirmant; Vasa enim

enim pleraque testium sunt pellucida, vel crystallino liquore, non vero sanguine repleta. Imo tota testium substantia, etiam non anatomice per injectiones, præparata, sed sibi relicta, magis alba, quam rubra, hoc est, non sanguine, sed semine repleta apparet.

Organa semen ducentia & perficientia sunt Epididymides, vel Parastatæ, & vasa deferentia.

Epididymides sunt corpora vasculosa, tubulosa, cincinnorum more complicata, & semine repleta ac distenta, corporibus testium superimposita, quæ successive in ductum magis amplum protensa, vas deferens constituunt, aut ejaculatorium. Ad quod vasorum genus Epididymides pertineant, determinare equidem hic nolo: Sed minus certe erraveris, si illas etiam neuro-lymphaticas salutes. Ramus enim nervorum haud exiguus intrat corpora Epididymidum, qui, dum spiritus ad hæc partes ducit, non tonum illis tantum & vitalitatem concedit, sed & semen sine dubio spirituosum magis reddit & ita perficit.

Organa semen conservantia sunt vesiculæ seminales.

Vesiculæ seminales sunt quasi cellulae anfractuosae, racematim dispositæ inter cervicem vesicæ urinariæ & intestinum rectum locatæ, semen confectum & secretum detinentes. Constant ex membranis tenuissimis, arteriolis, venulis & nervis dotatis, fibris item quam plurimis tendinoso-musculosis, quibus mediantibus in pruritu venereo constrictio harum cellularum, & sic seminis expressio, vel ejaculatio absolvitur. Observavi circa has vesiculas glandulas, quas exsiccatas conservo. Vide de his glandulis Illustr. HEISTERVM in *Anatomia* p. 85.

Ad vasa spermatica merito referuntur Prostatae.

Prostatae sunt duo duriuscula, ex rubro albicantia cor-

pora spongiosa, vesicæ urinariæ collo juncta, ex innumeris quasi-utriculis, aut minimis diaphanis vesiculis conflata, membranaque tendinosa-musculosa involuta, juglandis fere magnitudinis. In glandulosis hisce corporibus, seu nothis testiculis humor conficitur, & separatur lymphaticus, fluidus tamen, & suo modo elasticus, qui in actu venereo, vel in pruritu potius per decem aut duodecim metatus lympham suam in urethram insimul effundit. Ambiunt hi meatus integrum caput gallinaceum, vel carunculas seminales, in quibus sub certis valvulis Margagnianis exitus est vesicularum seminalium, & sic, dum lympham suam cum semine prolifico miscent, fluidius illud reddunt. Est ideo lymphæ Prostatarum seminis prolifici vehiculum.

Semen ex duplici materia constat, spiritu nempe elastico, igneo, ejusque vehiculo, sive lymphæ.

Semen ex optimis, defecatissimis, subtilissimis, & maxime elasticis, vel igneis constare particulis, vis & efficacia ejus, qua imprægnationem absolvit, satis luculenter ostendit. Hinc, si seminis essentiam examinemus, facile apparebit, materiam, ex qua semen separatur, sanguinem esse, chylo purissimo remixtum, per arterias spermaticas allatum. *Non ergo, juxta PARACELSUM, semen est Quintas Essentia omnium partium,* ex omnibus omnino partibus ad testes adfluens, ideamque adeo & formam novi hominis comprehendens. Contrarium enim docet experientia, dum homines v. gr. pedibus truncati foetum nihilominus membris omnibus instructum generant.

LEEWENHOECKIUS curiosam de semine eruditis communicavit sententiam, quam & Medici ac Physici magni nominis defendunt. Observasse namque se testatur, in semine masculino, per Microscopia sua examinato, vermiculos viventes,

tes, copiosissimos, homunculosve saltantes, sexu masculino & foeminino distinctos. His foecunditatem tribuit, semenque tale prolificum judicat, in quo ejusmodi homunculi existunt; Ac contra semen non foecundum esse, in quo vermes ejusmodi non deprehendas. Est quidem vir modo laudatus Physicus alias dexterrimæ fidei & observationis: Interim tamen Theoriam hancce verminosam alii merito in dubium vocandam censent. Impossibile enim est, in Microscopiis, etiam perfectissimis, corpusculorum sexum plane distinguere. Porro arbitratur, in congressu foecundo utero materno unum alterumve ædharere homunculum, qui ex utero postea nutrimentum capiens foetum constituit. Alii theoriam hancce verminosam amplectentes, cum laudato auctore, statuunt, 1) semen esse vermiculis repletum; 2) semen effundi in uteri cavitatem; 3) vita vermes gaudere omnes; 4) vermiculum alium, alium comedere, adeo, ut secundus tertium, & tertius hinc quartum deglutiat; ultimum vero, ab omnibus nutritum, constituere foetum. Rursus alii rem sibi ita concipiunt, ut sibi persuadeant, 1) vermiculos seminis post congressum per tubas Fallopianas ascendere ad ovarium; 2) moveri ibi circa ovulum maturum; 3) portulam in ovulo esse, valvula instructam; 4) Vermiculum aliquem, pluresve intrare per foramen in ovulo relictum, ibique enutrir.

Vermes in semine humano & animalium revera existunt & sunt animalcula viventia figuræ ovalis cum apendice, wie die kleinen Frösche, wenn sie aus dem Froschleib hervor kriechen, sicuti hæc animalcula depinxit Tab. XXVIII. WILLIAM CHESELDEN, celeberrimus Anatomicus atque Chirurgus Angliæ in *The Anatomy of de Human Body*. Unus horum vermiculorum dicunt constituere foetum, reliqui abeunt in antiquum chaos, sed hancce sententiam aliis relinquo.

Semen muliebre, præter ovulum, non datur.

Conveniunt in hac sententia saniores omnes & Physici & Medici. Nam liquor vaginæ uteri non semen est, sed succus quidam gelatinosus, in glandulis vaginæ uteri corporibus prostaticarum tantum secretus, qui organa hæc humectando ad congressum adaptat, imo menstruum est seminis virilis. Talis liquor etiam in sterili subjecto reperitur; Unde ad seminis constitutionem ac compositionem nil quicquam confert.

Semen muliebre in ovario secernitur.

Maxima in utroque sexu organorum, semen secernentium, observatur convenientia.

Sunt enim & in foeminis haud secus, ac in viris, vasa spermatica præparantia, ex arteria emulgente ac magna originem ducentia, variisque pampinosiis circinis inter se connexa, quæ optimam sanguinis portionem ad testes ducunt.

Refluit autem sanguis a secretione per venas spermaticas ad venam cavam & emulgentem, in ipsis vero testibus denique semen secernitur, ovulumque ita componitur.

An vasa sanguifera cum ovulis singulis commercium habeant immediatum, atque ad illa semen immediate deponant, an vero liquor seminalis præparetur prius ac segregetur in corpore quodam glanduloso, postea vero ad singula ovula abeat? disputant adhuc, varieque inter se contendunt Anatomici. IOH. SWAMMERDAM, percelebris olim Amstelodamensis Medicus, in suo *Miraculo naturæ*, sive uteri muliebris fabrica, priorem tuetur sententiam, item & REGN. GRAAFIUS. Hic enim in *Tract. mulierum Organis*, cap. 12. de ovario, sive testibus, pag. m. 176. ita loquitur:

Componitur interna ovarii substantia ex multis præcipue membranis ac fibrillis, late sibi invicem unitis; In cu-
jus

jus intercapedine plurimæ vesiculæ, liquore pellucido plenæ, nervi, & vasa præparantia reperiuntur, quæ eodem fere modo ac in viris ad testes excurrunt, & totam eorum substantiam perreptant, ac vesiculas subeunt, in quarum tunicis rami quam plurimi post copiosam divaricationem evanescunt.

Ovula non uno eodemque tempore ad maturitatem perveniunt, sed singula diversis temporibus & successive.

Ovula in foetu jam existunt, id quod vice plus simplici auditoribus meis demonstravi. Sunt tamen granula admodum exigua, quæ sensim postea sensimque increscunt, donec debitam sui perfectionem acquisiverint. Quando itaque personæ conjugio conjunctæ decimo v. gr. conjugii anno primum imprægnantur, ratio quærenda est in immaturitate ovuli. Et Medicum medicamentis suis maturitatem ovuli promoveri, vel impedimenta removere posse, & sterilitatem tollere, extra omnem dubitationis aleam est positum.

Præter ovarium antiquum datur & novum.

Inventionis novi hujus ovarii gloria celeberrimo Dn. D. NABOTH, Lipsiensium Medico & Professore, merito tribuitur. Hic enim in ipso utero, hujusque inprimis cervicè observavit ovula, quæ ovulorum in ovario antiquo defectum abundantissime restituunt ac supplent. Legi de hoc ovario meretur auctoris jam laudati Dissert. *de Sterilitate*, it. Dissert. cel. Dn. D. HEINRICI, Hallensis olim, jam vero Berolinensis Professoris ac Medici, *de Vesiculis seminalibus*, Respond. Schubert, 1712. it. celeb. Dn. D. ETMULLERI, Lipsiensis, *Epistol. Problematica* ad celeb. Dn. D. RVTSCHIVM scripta de Ovario novo, Amstel. 1715. item celeberr. Dn. D. MORGAGNI *Adversaria anatomica*, & celeberrimi SANTORINI observationes anatomicas.

Ego

Ego plus vice simplici hæc ovula Nabotiana in eo loco, ubi a viris Illustribus MORGAGNII & SANTORINI depinguntur, vidi, & auditoribus meis in theatro publico Anatomico demonstravi. Sunt revera vesiculæ diversæ magnitudinis, lymphæ pellucida repletæ, quas vesiculas dudum observavit GRAAFIUS, an vero sint ovula, absolute nec asserere nec negare audeo.

Finis & usus feminis secretionis est conservatio generi humani.

CAP. XXXI.

DE

Secretione Lactis.

Lac est liquor utilis, albus, dulcis, in mammis secretus, & nutritioni infantis exclusi destinatus.

Lac dulcem constituere liquorem, experientia & ratio docet. Componitur enim, in suis principiis essendi, ex particulis oleoso-gelatinosis, pauco sale junctis, adeoque cum lymphaticis & aqueis combinatis. Qualia enim principia in emulsionibus, arte factis, talia in lacte etiamprehenduntur.

Lac sponte resolvitur in serum, caseosam substantiam & cremorem, ex cremore vero butyrum conficitur s. lac dulce. Mense Junio per ova præcipitatur vel coagulatur, serum vero coctione inspissatur, crystallisatione in loco frigido impetratur sal dulce vel saccharum lactis, remedium magni usus in multis morbis.

Organa secretionis lactis sunt mammæ.

Mammæ sunt duo hemisphæria glanduloso-vasculosa, muscu-

musculis pectoris superimposita, quorum in medio eminens rubensque protuberantia *papilla*, circulus vero ex flavo rubens, papillamque ambiens, *arca* nominatur.

Area hæc ex speciali conflatur tunica, quæ papillulas tegit, easque munit, ne a frictionibus labrorum, linguæ & gingivæ infantis facile lædantur & vulnerentur.

Mammæ in utroque reperiuntur sexu.

In sexu sequiori peculiare præstant officium, dum materiam suppeditant pro conservando & alendo infante, recenter excluso.

Cur vero maribus a DEO sint concessæ, jam examinandum. Dicunt nonnulli, quod mammæ nobis sint concreatæ ad ornatum & symmetriam corporis conservandam. Et quamvis hoc negari absolute haud possit, omnem tamen in eo usum consistere, vix est credibile. Secernunt enim in embryone lympham chylosam superfluam, quæ dum ad cavitatem amnii exstillat, maximam ejus partem constituit. Veritatem hujus assertionis observamus in infantibus recens natis, ex quorum mammis lac semper exprimitur.

Hic vero usus postea plenarie in viris cessat, ideoque lactis proventus rarissime in illis reperitur. In foeminis contra suo tempore lactis iterum elaboratio requiritur, quæ ideo ibi facile potest contingere, quoniam hæc organa a prima formatione ad hanc actionem jam sunt adaptata.

Materia lactis est chylus, sanguine mixtus.

Veteres, lac esse sanguinem, in mammis mutatum, existimarunt. Cum autem natura omnia evitare soleat superflua, ideo ejusmodi sanguinis mutatio admitti vix potest. Statuendum itaque cum Medicis potius cordatioribus, *lac nihil esse aliud, quam partem chyli purissimi, per arterias mammarias ad mammas cum sanguine delatam, ibique a sanguine filtratione secretam.*

cretam. Chylum lactis esse materiam, plurimi jam agnoverunt recentiorum: de viis autem, per quas chylus ad mammas abeat, disputantes visi admodum sunt inter se dissentire. Statuebant hinc alii vasa e ventriculo, alii e ductu thoracico ad mammas immediate tendentia; Quale quid fecerunt ENTIVS, CHARLETONIVS, DEVSINGIVS, aliique plures: Sed vasa hæc merito inter non entia numerantur anatomica.

Vera lactis via est manetque via circulationis sanguinis.

Arteriæ enim mammariaæ tum externæ tum internæ sanguinem, chylo mixtum, ad mammas ducunt. Hæ in superiori parte cum subclaviis, in inferiori vero cum epigastricis per evidentem anastomasin commercium exercent, ex quo facili negotio explicari potest ratio sympathiæ uteri & mammarum. Et quod maximum, arteriæ mammariaæ lactationis tempore adeo turgent, ut digiti minimi extremitatem fere admittant, stylum exiguum extra illud tempus vix capientes.

Porro si darentur vasa quædam, a ventriculo, vel ductu thoracico immediate & mammas tendentia, sequeretur, quod omni tempore purum in mammis lac reperiatur. At, quoniam in recenti puerpera vasa lactifera primis diebus non satis sunt ampliata, & ad secretionem adaptata, ideo loco lactis serosa tantum materia, a Medicis *colostrum* dicta, in mammis deprehenditur: Dilatatis vero postea mammariis vasis convenienti modo, lac inibi perfectum existit.

Lac, in glandulis mammariis secretum, intrat ductus, vel tubulos galactiferos.

Celeberrimus ANTONIVS NVCK., in *Adenographia* sua, non aliarum tantum glandularum conglomeratarum anatomem, sed & imprimis pag. 10. & seqq. mammarum in specie pertractavit, ibique ostendit, *mammarum glandulas conglomeratas*

meratas esse vasculorum minimorum compagem, ductusque earum arteriosos cum excretoriis canaliculos componere continuos, id quod exinde probat, quoniam tinctura, arteriis mammariis per siphonem infusa, in tota se diffundat mammarum substantia, immo ad vasorum quoque galactiferorum tubulos abeat.

Excipiunt ideo vasa galactifera lac, in extremis arteriis mammariis secretum, & dum magis magisque (ostendente jam laudato auctore) in progressu extenduntur, lactis quoque receptacula componunt.

Vasa lactis excretoria sunt papillulæ.

Papillæ sunt fasciculi plurimorum extremorum ductuum lactiferorum, ex quibus, pressione labiorum, gingivæ ac linguæ infantis inter sugendum lac expellitur.

Circa papillam ductus lactiferi majores longitudinales commercium inter se exercent per ductus minores transversales, ne facile in illis lactis ductibus obstructio fiat, id quod NUCKIUS l.c. curiose docet.

Ufus & finis secretionis lactis est nutritio & conservatio infantis, recenter exclusi.

CAP. XXXII.

DE

Pneumatosi,

sive

De Spirituum animalium Secretione.

Pneumatosis est spirituum animalium, vel fluidi nervosi a massa sanguinea separatio.

Z z

Spi-

Spiritus quid sint, jam antea est dictum, fluidum nimirum subtile, energeticum, elasticum, valde mobile, motus sensusque primum instrumentum.

Spiritus hic *animalis* dicitur, quoniam in animalibus reperitur, actionesque in illis præstat, nec, præter hos, alii *vitales* in sanguine, *naturales* in chylo existunt, nisi forte partem, in spiritus transituram, quamdiu adhuc liquoribus, jam dictis, inest, ejusmodi nominibus distinguere velis ab animalibus, qui actu separati existunt. Liceret quidem tales admittere, ac *genitalem* insuper in semine statuere: Sed entia non sunt multiplicanda præter necessitatem.

Quod tamen peculiare hujusmodi fluidum aliquod, ab aliis liquidis distinctum, detur in corpore humano, jam antiquiores Philosophi ac Medici agnoverunt, neque ideo recentiorum quisquam illud temere negaverit, nec ulla certe negare ratione potest. Ipsa enim & ratio & experientia spirituum existentiam abunde probant, uberrimeque confirmant. Nam 1) motus & sensus neque a solidis tantum partibus, neque a liquidis corporis nostri fieri possunt, sed ab alio fluido subtiliori, quod activitate sua musculos commovet, ipsoque in sensu impressiones objectorum ad sensorium commune ducit. 2) Peculiare organum secretorium, ut cerebrum, & peculiaris vasa, uti nervi, peculiare productum indicant. 3) Cerebro compresso, aut alia ratione læso, & in actione sua turbato, motus, sensus, sanitas & tota quoque vita cessat, vel enormiter læditur. 4) Motu fluidi nervosi in nervis intercepto, sensus, motus, nutritio &c. imminuitur. De existentia spirituum plura legi possunt in celeberr. Dn. D. RIVINI, præceptoris quondam mei æstumatissimi, Dissert. aurea, de *Spiritu hominis vitali*.

Organum secretionis hujus est cerebrum, cerebellum, & spinalis medulla, sive cerebrum continuatum, aut oblongatum. Cere-

Cerebrum esse organum secretionis spirituum, concedunt ac fatentur omnes. An vero toti omnino cerebro, an certæ tantum parti a DEO demandatum hoc munus sit, dubitarunt Medici, Physici & Anatomici. Hinc alii putarunt, secretionem spirituum in *plexu fieri choroideo*; Alii in *cerebri ventriculis*, tum anterioribus majoribus, tum posterioribus minoribus, *nobili* in primis, juxta BARTHOLINI hac de re sententiam. Recentiores autem omnes, hac in re MALPIGHIVM sequentes, totum secretioni spirituum dicatum esse cerebrum, affirmant.

Cum verò primario secretio spirituum in cerebro, cerebello ac spinali medulla fiat, necesse est, organorum horum structuram anatomicè consideremus; Qua cognita singularum quoque partium functiones innotescunt.

Integumentis vero cerebrum involvitur, partim communibus, partim propriis.

Ad communia pertinet 1) *cutis*, capillis exornata, quibus mediantibus injuria aeris frigidioris declinatur. 2) *Pericranium*, quod cum cranii ossibus firmissime cohæret, & cum dura matre, mediantibus vasculis sanguiferis, fibrillulisque nerveis, suturas penetrantibus, commercium exercet. 3) *Cranium*, arcuatum, circuli que figuram exhibens, ex ossibus compositum, frontis nempe & occipitis duobus bregmatis, duobus temporum, duobus cribrosis, unoque sphenoidæo, quæ omnia ex duplici fere lamella componuntur, & per suturas harmonicasque a se invicem distinguuntur.

Propria cerebri involucri sunt meninges, matresve, juxta nonnullos tres, juxta alios binæ, dura nempe, si-ve crassa, pia, si-ve tenuis, & intermedia.

Dura mater, tunica est admodum valida, nervosa atque sensilis, ex lamina duplici composita, variisque venis majoribus exornata, quæ ab Anatomicis sinus salutantur.

Secundum PACHIONIVM dura mater componitur ex tribus musculis, quorum unus pro cerebello, duo pro cerebro sunt destinati, omnes autem sanguinem ad venas & spiritus ad nervos pellunt.

Etsi alias tot sinus sunt, quot venæ: Venæ tamen præcipuæ, sinusve præcipui sunt sequentes: 1) Falcatus superior. 2) Falcatus inferior. 3. 4) Lateraliter descendentes exteriores. 5. 6) Interiores. 7) Profundus, ad plexum choroideum tendens. 8. 9) Transversales, quorum unus RIVINVM celeberrimum agnoscit inventorem. 10. 11. 12. 13) Quatuor VIEVSENII, circa sellam equinam. 14. 15) Polymorphii ORTLOBII, quibus addi potest torcular HEROPHLI, & specus sinuum WILLISII.

Sunt in dura matre & glandulæ PACHIONIANÆ, quas vidi & aliis demonstravi, quarum serum matres humectant.

Secunda & tertia mater ex tunicis componitur tenuissimis atque pellucidis, quarum una cerebri tantum tegit superficiem, altera vero ad anfractus gyrosque insimul descendit.

Sunt & vasa in meningibus his infinita, quæ hinc inde, circa sinus inprimis, cum dura matre connectuntur.

Cerebrum ipsum, ut convolutum vasorum ac tubulorum, est organum secretionis spirituum, duplicem ostendens substantiam, quarum una cineritia, altera alba, sive medullaris dicitur.

Cineritia, seu corticalis in gyros varios, vel anfractus, ad convolutionum intestinorum instar, divisa, substantiam ostendit vasculosam, ex demonstratione RVTSCHIANA, a veteribus, juxta MALPIGHIVM, glandulosa salutatur, ac celeberr. Physicus & Medicus, BATLE, in tractatu suo de *Apoplexia*, modum ostendit cerebrum præparandi coctione cum oleo, ad demonstrandam glandulosam & tubulosam substantiam. Sed, cum ex recentissimis Anatomicorum inventis constet, glandulas

dulas secernentes vasa esse complicata atque convoluta; de cerebri substantia non disputabimus.

Scire autem nobis sufficit, in vasis cerebri minimis eorumque poris lateralibus secretionem Spirituum animalium, fluidi nervosi, vel principii vitalis fieri, secretam vero subtilem hancce fluidissimamque massam amandari postea ad albam cerebri substantiam, vel medullarem, quæ ex meris tubulis nervosis subtilissimisque componitur. Ideo appendices arteriarum cerebri sunt nervi.

Ad extensionem itaque utriusque cerebri substantiæ sufficientem summus naturæ artifex *anfractus* in corticali construxit, in medullari *ventriculos*. Ita enim cerebrum sufficienter extensum atque explanatum secretioni atque distributioni spirituum commodius præesse potest.

Anatomici dum cerebrum perlustrant, in *duo* illud dividunt *hemisphæria*, per *corpus callosum* a se invicem separata.

Hemisphæriis horizontaliter dissectis apparet *centrum ovale*, sive limbus albicans, utroque in latere se exerens.

Sub illo latitant *ventriculi cerebri anteriores* & majores, *septo* a se invicem *pellucido* distincti. In medio ventriculorum cerebri deprehenduntur *lymphæ cerebralis*, *plexus choroideus*, *corpora striata*, a parte antica, a parte postica vero *thalami nervorum opticom*, & *crura cerebri*, sive *pedes hippocampi*.

Remotis cerebri ventriculis anterioribus, cum fornice & corpore calloso, septo pellucido, pedibusque hippocampi, porro *ventriculus* apparet *nobilis*, vel tertius, ab aliis vulva dictus, si modo licitum sit, partes ejusmodi egregias spurcis adeo nominibus defœdare; Item *glandula pinealis*, sive penis, testes, nates, vel apophyses cerebri majores & minores, tandem & anus, sive *quartus ventriculus*, *valvula* sua, & *ligamento nervoso* munitus.

In

In cerebello annotantur *processus vermiformes*, major & minor, item quantitas cinereæ copiosior, pauciorque medullaris substantiæ.

Spinalis medulla circa processus annulares Willisii originem ducit, ibique cum cerebro & cerebello cohæret. Est itaque nihil aliud, quam cerebrum ac cerebellum continuatum, & per spinam dorsii protensum.

Circa finem cerebelli dissecta hæc medulla repræsentat *calamum scriptorium*, cum *crena*.

Notandum tamen, centralem hujus medullæ partem esse cineream, exteriorem vero medullarem, ut spirituum hinc melior commodiorque ibi fieri secretio distributioque possit.

Cerebri functio est secretio spirituum.

In parte medullari, sive vasculosa cerebri, cerebelli & spinalis medullæ spiritus animales a massa sanguinea, per arterias carotides & vertebrales allata, separari, apud omnes in confesso est, hancque separationem filtratione fieri, omnes Physici & Medici concedunt. Hæc vero fluidissimæque ac tenuissimæ materiæ separatio quo modo fiat, jam videbimus.

Dico igitur, 1) in corpore humano, erecto capite incedente, sanguinem tantum levissimum, hinc & subtilissimum posse ad cerebrum adscendere, dum sursum in linea recta ad cerebrum movetur, reliquo sanguine ad vasa alia inferiora misso. Sanguis ergo, qui ad summam cerebri altitudinem adscendit, subtilissimus esse debet & defecatissimus. 2) Vasa cerebri omnium minima existunt, unde portionem tantum sanguinis subtilissimam admittunt, adeoque longe adhuc subtiliorem per vasorum poros laterales separant, ceu omnium subtilissimos exiguosque maxime, sub forma spirituum animalium.

Quod itaque vasa cerebri omnium sint subtilissima, celeb.

leherr. ostendit R V R S C H I V S, artificiosissimis, quas edidit, præparationibus, ipsaque cerebri substantia id luculenter docet. Namque cerebrum nunquam rubicundum, vel crasso sanguine repletum, sed griseum albumque semper reperitur.

Spiritus, in parte cerebri cineritia secreti, medullarem intrant, & ab illa ad nervos deferuntur.

Cerebri substantiam cineritiam esse vasculosam, medullarem vero tubulosam, constat. Arteriarum itaque minimarum cerebri appendices sunt fibræ, vel tubuli medullares, partem albam medullarem constituentes, & extremis arteriis cerebri secretam massam spirituum recipientes, & ad nervos ducentes.

Spiritus, a lymphæ superflua in medullari cerebri substantia depurati & exaltati quasi ac volatilifati, ulterius per nervos ad omnes partes corporis deferuntur.

Nervi itaque, ut organa distributionis spirituum, sunt nihil aliud, quam fasciculi tubulorum & canaliculorum minutissimorum medullarium, in unum corpus collecti, meningibusque involuti.

Nervos autem speciale quoddam genus esse vasorum & spirituum ductus, extra omnem controversiæ aleam est positum. Hi vero nervi, in infinitos ramos minores minimosque divisi, omnes partes perreptant solidas, & ad easdem spiritus pro sensu, motu, nutritione atque secretionem tuncque &c. ducunt. Unde omnes etiam partes solidæ, quoniam nervosæ sunt, sensiles existunt. An vero nervi tenuissimis, quibus constant, fibrillis partes omnes solidas efforment, uti Clariss. W E L S C H I V S, tabula 57. anatomica, contendit, aliis dijudicandum relinquo.

Nervorum, alias ex cerebro & cerebello originem ducentium, decem; juxta alios, B I D L O O V M nempe

v. gr. duodecim constituuntur paria. Par nempe olfactorium, opticum, oculorum motorium, oculorum patheticum, gustatorium, oculorum timidum, acusticum, vagum, linguæ motorium, & cervicis motorium, vel occipitale, quibus, Bidloous nervos addit complexos, ad laryngem & linguæ basin, item & par quoddam intercostale.

Ex spinali quidem medulla exeunt vel triginta, vel viginta novem ad minimum paria; Quibus alii addunt caudam equinam.

Nervis autem quandoque pluribus concurrentibus, *plexus* fiunt *nervosi*, item & *processus gangliiformes* VIEVSENI. Processus gangliiformes sunt corpora dura, a coalitu & connexionem duorum nervorum orta, quæ combinatio partim spirituum inter se communionem sustinet, partim nervos inter se confirmat ac sustentat. Vid. MORGAGNI advers.

Nervi a recentioribus dividuntur in duriores & subtiliores.

Duriores, vel crassiores sunt motui magis instituendo, subtiliores vero sensui ab objectis excitato percipiendo destinati. Unde & sensus interdum in aliqua parte cessat, motu interim manente, & contra motus, sensu manente, cessat. De nervorum hac differentia legatur Clar. Dn. D. LOESCHERI, Witteberg. Dissert. de novo succi nervi Motu.

Spiritus animales sunt fluidum subtile.

Spiritus esse fluidum subtilissimum, ratio ipsa docet. Motum enim habent celerrimum. Motus autem corporum fluidorum celeritas eodem se modo habet, ut eorum fluiditas, quod facile probandum. Fluidissima materia est æther: Ergo & celerrimus radiorum visivorum est motus. Crassius respective fluidum est aer: Ergo motus radii soni per aerem
tardius

tardius deferuntur ad auditus organum, quam radius visivus ad oculum. Cum itaque motus spirituum animalium summam habeant celeritatem, quod ipsa celeritas motus muscutorum confirmat: Concludendum ergo, quod materiæ sint fluidissimæ.

Errant itaque, ut mihi equidem persuadeo, qui succum statuunt nervosum. Ipse enim PITCARNIVS, Medicorum ille mechanicorum revera coryphæus, in elementis suis Medicinæ Physico-Mathematicis, Cap. V. p. 39. *materia*, inquit, *duplex in nervis continetur, una admodum mobilis*, quam spiritus vocat, *altera viscosior*, quam *liquidum nervosum* nominat. Quæ quidem omnium optima est sententia. Ego enim ultro concedo, aliqualem humiditatem, vel lymphæ portionem quandam in nervis, quæ ex ipso nervo optico secto in exigua quidem quantitate exprimi potest. Sed lymphæ hæc vehiculum tantum est spirituum, non ipsi spiritus. Nunquam enim aqua, ut aqua, motum tam celerem præstare potest, quam spiritus. In tanta itaque rei difficultate celeberrimorum potius auctorum sententiis inhaereo, qui spiritus igneos & elasticos, non vero aqueos, multo minus ad terebinthinæ instar sibi concipiunt. Qui vero de spirituum ignea natura plura scire desiderat, WILLISIVM, *de Anima brutorum*, legat; RIVINVM, *de Spiritu hominis vitali*; Celeb. BARTHOLOMÆVM DE MOOR, Groningensem olim, jam Hardewicensem Professore, in *Diff. de Spiritibus igneis*; & Dn. D. SNELLEN defensionem, contra auctorem jam laudatum, de Spiritibus animalibus igneis, ad Dn. D. & Prof. MVTKENS conscriptam.

Fluidum hoc nervosum est massæ sanguineæ portio subtilissima.

Spirituum separationem quoque a sanguine fieri, nemo

amplius dubitat, nec dubitare potest, circulatione sanguinis inventa. Sanguis enim per arterias vertebrales & carotides internas, in regione cervicali ad formam litteræ *S. incurvatas*, ad cerebrum defertur, & per venas jugulares ad cor redit, adeoque affluxu perpetuo sanguinis spirituum secretio absolvitur. Unde nec dubitandum, *materiam spirituum proximam esse massam sanguineam*, ejusque inprimis ramenta subtilissima. *Remotam vero materiam alimenta & aer* constituunt, alimenta inprimis rara, vel spirituosæ dicta; Item & medicamenta, dicta *analeptica*. Nam ab his sensibiliter & in momento refici humana corpora languida, communi constat experientia.

Aereum corpus constituere materiam spirituum, multi ex antiquis & recentioribus defendunt, inprimis veri & experti chimici. Aer enim ad massam sanguineam defertur per respirationem. Unde non tantum ad spiritus conficiendos formaliter concurrit, quatenus accessione sua sanguinis subtilisationem, elasticitatem, motumque intrinsecum, sive mutuam particularum sanguinis triturationem promovet, sed puriores etiam particulae subtilissimæ, elasticæ, & igneæ, cum massa sanguinea ad cerebrum delatæ, ibi facili simul negotio separari possunt.

Causa præparationis spirituum est motus sanguinis duplex.

Per motum sanguinis duplicem omnes generari humores, ex antea dictis constat. Ramenta vero subtilissima in trituratione sanguinis decidua spiritus esse, supra jam ostensum. Ergo motu sanguinis duplici multoties reiterato, sanguis in varia ramenta dividitur, quorum minima dant massam spirituum, in cerebro inprimis secernendam. Interim alimenta nonnulla & medicamenta, ex subtilissimis particulis conflata, statim sine ulteriori præparatione, vel extus adhibita,

bita, vel intus data, partes posse penetrare, atque in momento quasi quantitatem augere spirituum, eorumve defectum quadantenus restituere, extra omnem dubitationis aleam est positum.

Causa secretionis spirituum, & promotionis ad partes est motus cerebri ac meningum systolicus ac diastolicus.

Jam de causa continuæ secretionis & undulationis spirituum dicenda nonnulla veniunt, qua & partibus accedunt, nervosque in illis replent, ut iisdem spiritibus nervi turgidi vel novo aliquo impulsu motum præstare, vel objectorum sensuum motus facilius suscipere atque ad cerebrum deportare valeant. Hæc causa vera est cerebri, cerebelli & spinalis medullæ, imo & meningum motus systolicus ac diastolicus, qui evidenter satis etiam digitis percipiuntur in infantum fontanella, quæ ideo subsidens signum quoque mortis instantis est infallibile.

Motus cerebri diastolicus ab impulsu cordis derivatur; Systolicus vero ab arteriarum cerebri & meningum restitutione.

Unde & assertionis celeb. BERGERI, in Diff. sua *de Vita & Morte*, veritas & ratio facile apparet, ubi ait, vitam omnem motumque ac secretionem a motu cordis dependere, quoniam vi cordis ipsa spirituum secretio, & ad partes omnes propulsio perficitur. Nam in systole cordis arteriæ cerebri a sanguine replentur, & ab eo dilatantur, spiritus filtrantur, lymphæ ad vasa lymphatica, sanguis ad venulas reducitur: Subsidente vero, in motu systolico arteriarum, cerebro, meningibus sese restituentibus, spiritus, in tubulis medullaribus cerebri existentes, per horum canaliculos ad nervos, adeoque ad partes adiguntur ac promoventur.

Datur spirituum circulatio.

De circulatione spirituum animalium nihil veteribus, etiam in fine seculi elapsi, innotuit. Hinc & Clariss. ORT-LOBIVS, lib. cit. pag. 176. regurgitationem spirituum adseruit. Est tamen, inquit Thes. 14. Diff. 22. aliqua per nervos, quantum mihi videtur, regurgitatio. Sed talem regurgitationem spirituum a nervis ad cerebrum ut admittamus, necesse amplius non est. Anatomici enim nostri seculi assidua corporis humani perscrutatione nexum quoque, vel anastomosis vasorum lymphaticorum nervorumque adinvenerunt. Spiritus ita per nervos ad partes fluunt, possuntque a partibus per vasa lymphatica ad cor, & ab hoc iterum cum sanguine ad cerebrum refluere. De vasis hisce nevro-lymphaticis diversarum partium legi meretur Celeb. VIEVSSENS, in *novo suo Systemate vasorum*; Itemque Clariss. HOVIVS, in *Tract. de Circulo humorum in oculo*.

Usus spirituum est conservatio motus, sensus, secretionum, nutritionum, omniumque actionum, ad vitam pertinentium.

Vita revera prorogatur, cavendo dissipationem & oppressionem spirituum animalium, & procurando eorum robur. Ita scite judicat celeb. DE MOOR, in *Cogitationibus suis de Instauratione Medicinae*. Spiritus autem dissipantur omnium maxime in studiis, cogitationibus & meditationibus. Hinc viri plerumque eruditissimi, dum perpetuo meditando spiritus imminuunt debilitantque, vitam justo citius finire solent.

CAP. XXXIII.

DE

Lympha cerebriali.

SPiritus animales ex defecatissimis tenuissimisque sanguinis parari elicique particulis, ex modo dictis satis innotuit.

Ut vero purissima tantum sanguinis materia ad cerebrum abeat, tot glandulosa extra caput corpora divinum adornavit Numen, tum partem sanguinis crassiore ad cerebrum properantem excipientia, tum viscosos ab illa postea humores segregantia, cujusmodi sunt glandulæ salivales, tunica glandulosa, cerumen aurium secernens.

Sed nec omnis sanguis, ad cerebri cameras delatus, ita est comparatus, ut ab eo tantum spiritus & lympa nervorum subtilis filtrari possit, sed ipso in cerebro nonnulla sunt organa, sanguinem excipientia, non spirituum, sed lymphæ cerebrialis secretionis destinata, ut v. gr. Plexus Choroideus, glandulæ PACCHIONII & glandula pinealis.

Glandula PACCHIONIANÆ glandulæ sunt, nunc in duræ matris sinibus, nunc extra eosdem, imprimis in superficie externa, intra cranium & duram matrem sitæ, interdum intra duram matrem & Arachnoideam existentes, quæ lympham fundunt ad humectanda hæc organa. Hæ glandulæ revera existunt, ego eas vidi, & publice in cadaveribus humanis demonstravi multoties. Observarunt eas Celeber. Viri HEISTERVS & SANTORINI in *Observation. Anatom.* pag. 52. Ille pag. 208. in *sua Anatomia*.

Lympha vero cerebrialis est lympa dulcis & utilis, in ventriculis cerebri contenta.

Lympham certe hujus generis existere, observationes passim anatomicæ confirmant. In omni enim cadavere, seu violenta, seu naturali morte extincto, illa deprehenditur.

Origo

Origo hujus lymphæ 1) procul dubio *ex ipsa* petenda est *cerebri medullaris substantia*. Cum enim separati in hac spiritus filtrantur, & quasi alcoholisantur, priusquam ad nervos amendantur, illa, tanquam ex subtilisatione residua, ex porulis ad cavitates cerebri ventriculorum exstillat. 2) duo sapientissimus naturæ auctor organa construxit adornavitque, *pinealem nempe glandulam & plexum choroideum*; de quibus organis vir immortalis famæ, Dn. D. VIEVSENS, in *Nevrographia sua*, Cap. XVII. lib. 1. hoc fert judicium: Glandulam pinealem, aquoso, seu lymphatico humori excipiendo dictam, esse dicimus, mollis enim est, laxisque poris donata, atque arteriis instructa, quæ lymphaticum in ipsam succum exonerant, quæ per laxos deinceps membranæ, eam obducen-
tis, poros transfluit, & ani, tertiique ventriculi, nec non infundibuli interjectu ad glandulam amandatur pituitariam, si crassiorem illius partem excipias, quæ cum exsudare alias nequeat, lymphaticis, aut potius venosis quibusdam vasis, in quantum sinum desinentibus, resorbetur.

Plexus choroidei, nervorum opticorum thalamis incumbentes, mitissimo sanguinis calore, qui per vasa, quibus constant, devehitur, frigida atque humida cerebri temperie donati ventriculos fovent, atque internæ eorum substantiæ poros intra debitos non tantum dilatationis fines servant, ut spiritus ipsi animales libere hoc permeare modo possint, sed & intertextas habent glandulas, humorum quendam limpidum aquosum ab arteriis excipientem, secernentem, & ad ventriculos depluentem. Observavi & demonstravi publice in plexu choroideo hydatides, diversæ nunc lentis nunc pisi magnitudinis.

Hæc lymphæ ne augeatur, perpetuo a ventriculis cerebri reducitur.

Lymphæ hæc, ad modum lymphæ pericardii, suum habet circulum.

circulum. Defertur enim ad cerebrum per organa jam dicta, & a cerebro per infundibulum glandulamque cerebri pituitariam reducitur. Vid. Auct. cit. lib. I. cap. XVI. & XVII.

Glandula cerebri pituitaria corpus subalbum, cinereum & duriusculum est, vasis sanguiferis intertextum, membranis undique obductum, intra sellam equinam ossis sphærcidei, siue cuneiformis reconditum. Glandula hæc lympham cerebralem recipit ab infundibulo, eamque percolatam ad quatuor sinuum cavitates mittit, a quibus partim ad jugulares, partim ad vertebrales venas delata, & cum sanguine mixta, ad cor reducitur.

Lymphæ cerebrealis usus ex ante dictis est colligendus. 1) enim totum humectat cerebrum, cerebrique membranas eorumque flexilitatem conservat. 2) poros cerebri leviter irrigando somnum inducit naturalem. 3) lympa hæc, juxta Vieussens in anterioribus cerebri ventriculis existens, spiritus animales, nervorum opticorum principia nimia velocitate subituros per ejusmodi humiditates refrenat, eorumque dissipationem præcavet celeriore.

CAP. XXXIV.

DE

Motu partium solidarum.

Quemadmodum motus, corporis naturalis primaria affectio existit: Ita corporis humani actionem esse præstantissimam, nemo temere inficiabitur.

Per motum enim vivimus, nutrimur; per motum ipsæ quoque sensationes absolvuntur, id quod luculentius deinceps videbimus.

Bb

Motus

Motus partium solidarum commode dividuntur, 1) ratione ejus, quod movetur, in motus totius & partium.

Motus totius dicitur, quando tota machina de loco in locum agitur, situmque suum inter alia corpora mutat, id quod in gressu v. gr. contingit.

Partium motus ille est, cum vel singulæ, vel plures, sive sint externæ, sive internæ, vel contrahuntur, restituantur, aut pro actionis necessitate locum, figuram & magnitudinem mutant.

2) Ratione durationis, vel temporis fiunt vel sine intermissione & in una quasi serie; unde etiam perpetui dicuntur, uti v. gr. motus cordis, aliorumque organorum, circulationi sanguinis destinatorum; vel cum intermissione, uti motus sunt articulorum, maxillæ inferioris, oculi, organorum loquelæ &c. 3) ratione principii, a quo prodeunt, alii sunt voluntarii, alii involuntarii, alii mixti.

Voluntarii sunt illi, qui ad nutum voluntatis fiunt, uti sunt loquelæ, artuum, &c.

Involuntarii, necessarii, vel automatici dicti, absque voluntatis fiunt imperio, vel nobis non cogitantibus, quales sunt motus cordis, ventriculi, &c.

Motus mixti illi sunt, qui fere sine animæ concursu peraguntur, v. gr. in somno, interim tamen ab homine vigilante, juxta voluntatem diversimode modificari possunt; quo pertinet respiratio in cantu & loquela.

Instrumenta, ad motum in corpore animali & humano necessaria, sunt vel solida, vel fluida.

Instrumentum solidum, magisque immediatum, musculus tum formatus, aut perfectus, tum informis, aut imperfectus, est.

Omnis musculus quidem, in se spectatus, perfectus est & exercet suam actionem, a divino Numine ei concessam in statu naturali; sed respectu aliorum magis evidenter constructorum, dicitur imperfectus, v. gr. cor infinitis constat musculis, at musculi singuli non possunt ostendi in anatomia; ideo respectu musculorum, v. gr. in artubus, hi musculi dicuntur imperfecti & informes.

Musculus imperfectus est expansio quædam carnea, fibrosa, nulla peculiari denominatione insignita, in omnibus fere visceribus existens, v. gr. ventriculo, intestinis &c.

Musculus perfectus est plurimarum ejusmodi fibrarum motricium longitudinalium & transversalium in unum fasciculum, vel unum corpus collectio, duplici tendine instructus, membrana involutus, ut ab alio adeo distingui ac separari possit.

Singulares quoque tales musculi vel ab usu, vel insertione, vel figura, vel a situ, vel fibrarum serie sortiti sunt denominationes. Unde recti, obliqui, serrati, ascendentes, descendentes, externi, interni, temporales, trapezii, subclavii, erectores, clausores &c. salutantur.

Partes musculi in communes ac proprias distingui possunt.

Communes sunt arteriæ, venæ, nervi, vasa lymphatica & adiposa.

Proprii sunt fibræ motrices, tendines, membrana, & glandulæ mucilaginosæ.

Fibræ motrices sunt cylindri elastici, porosi, tensiles. Hinc exigente necessitate vel extendi, vel contrahi possunt. Contrahitur musculus, qui est in actione; nam omnis actio

fibrarum consistit in contractione. Extenditur vero semper musculus antagonista. Legi hic meretur eruditissima Dn. Consiliarii aulici B V D D E I, quondam discipuli, nunc Patroni, Berolinensis, Dissertatio: *de musculorum actione & antagonismo*. Ex fibris ejusmodi certo ordine dispositis corpus musculi, vel venter componitur.

Tendines sunt extremitates musculorum, ossibus implantatæ. Differunt a corpore musculi ratione substantiæ duntaxat & densitatis. Nam in ventre musculi fibræ motrices laxius cohærent, ut in sua interstitia sanguinem admittere valeant. In tendinibus fibræ motrices arctius junguntur, adeoque sanguinem, ob densitatem substantiæ suæ, copiosum admittere non possunt. Unde colorem induunt albicantem. Membrana fibrarum motricium fasciculum involuit, ut musculus sic unus ab altero distinguatur. In membrana hac glandulæ deprehenduntur Haverianæ mucilaginosæ, serum glutinosum secernentes, motumque adeo musculorum promoven-
tes.

Instrumenta motus fluida duplicia dantur, spiritus nempe, sive fluidum nervosum, per nervos allatum, & sanguis.

De spirituum necessitate nemo dubitat. Nam nervis læsis compressis, aut abscissis motus in musculis, spirituum accessione denegata, læditur. Quod vero sanguis instrumentum sit motui juvando inserviens, ex sequentibus rem demonstrabimus rationibus. 1) quando arteria v. gr. cruralis animalis vivi constringitur, motus statim perit. 2) sanguis viscosus in mensibus obstructis motus affert difficultatem.

Modum vero, quo fluidum nervosum in musculos agat, explicaturis, supponendum est, 1) omnem musculum peculiari suo gaudere antagonista, adeo, ut altero agente alter contra passive sese habeat & extendatur, 2) duo hi mu-
sculi

sculi sunt in æquilibrio virium constituti. In hoc æquilibrio utriusque musculi quoad motum continua aptitudo adest. 3) si ergo unus musculus oppositum, & antagonista suum superat, necesse est, ut nova illi vis accedat. Unde vero hæc vis, & quomodo musculis adplicetur, res est, de qua in hunc usque diem Physici & Anatomici inter se contendunt, certum tamen est, quod hæc vis dependeat partim a spiritibus inrantibus & a sanguine intrante. Etenim musculus, qui in actione est, intumescit & solidescit, antagonista contra flaccescit.

Equidem hic non examinabo Auctorum sententias; Res enim est admodum diffusa: Sed ostendam saltem, quomodo motus musculorum fieri possit per spiritus animales & sanguinem.

Dictum a nobis est antea, præcipua & immediata motus organa esse musculos; omnem vero musculum in extremitatibus ex fibris tendinosis, in ventre ex carneis componi:

Porro observamus, musculum, dum movetur, abbreviari, intumescere, in media ipsius parte, atque hinc obdurescere.

Item ex anatomicis constat, singulas fibras carneas in materiam tendinosam desinere. Singulæ vero tendinum fibræ cum totidem fibris carneis cohærent, ita, ut fibra quæque tendinosa ab extremo ipsius ad extremum tendinis oppositi ductu propagetur continuo, sed eo quodammodo inflexo.

Tendinum fibræ discrepant a carneis. Sunt enim densiores, ita, ut & totus tendo densior sit tota parte carnea, seu ventre musculi.

Tendines utrinque incumbunt musculo, & prout ab extremo magis recedunt, graciliores fiunt, quia fibræ tendinosæ ita uniuntur carneis, ut illæ, quæ a crassiore parte tendinis oriuntur, cum istis cohærent, quæ in parte ventris

masculi tenuissima sunt ; & quæ a parte oriuntur tendinis tenuiore , cum carneis cohæreant in parte musculi crassiore , ut adeo servata proportione idem maneat connexionis modus.

Quin & fibræ tendinum , cum abeunt in carneas , aliæ post alias a tendinibus in progressu separantur , unde efficitur , ut tendo eo fiat gracilior , quo magis , aut longius supra ventrem , aut partem musculi carnosam expanditur , fibris in progressu abscedentibus , & sese reflectentibus versus tendinem oppositum.

Ob fibrarum illam dispositionem efficitur , ut in musculo simpliciore (dantur enim & varii compositi , in quibus vero multiplex est fibrarum dispositio , & contextus varius , simili tamen manente motus ratione) spatium , Rhomboidi affine , inter fibras extremas tendinosas & musculosas comprehendatur , & musculi ideo ad se invicem accedant extremitates.

Hisce positis , cum in motu animali contingat quædam intumescencia , & durities partis carnosæ , vel ventris musculi , cum imminutione longitudinis ejusdem , concipi potest , illam ventris musculi intumescenciam qualemcunque , & longitudinis diminutionem duobus modis fieri , 1) si spiritus animales ita in musculi ventrem per nervos influunt , & fibrarum interstitia occupent , ut major inde ventris musculi tumor ac fibrarum quædam a se invicem separatio sequatur. 2) concipi potest , illam musculi contractionem secundum longitudinem , majoremque ventris expansionem secundum crassitiem , influxu spirituum in ipsam fieri fibrarum carnearum substantiam. Hoc enim dato necesse est , fibras musculi carneas crassiores fieri , eaque de causa musculi longitudinem contrahi , ventrisque crassitiem aliquantulum augeri , cum duritie quadam apparente. Si enim Spiritus recipiantur

tur in exiliora fibrarum interstitia, necesse est, ut fibris accidat id, quod funibus accidit, qui ab affuso liquore, interius penetrante, crassiores scilicet evadunt ac breviores. Et quemadmodum dimidia aquæ uncia, qua funis humectatur, centenarius attolli potest alligatus: Item & exigua spirituum portio, musculo addita, contractionem musculi præstare potest evidentem satis & efficacem.

Exigua autem musculi contractio ad integrum membrum contrahendum sufficit. Deus enim animalium corporibus mechanicam concessit perfectissimam, in qua crus breve longum commovet, per vim musculorum. Ossa enim stateram repræsentant, ex radio longiori, alioque breviori compositam, id quod mechanici undique ostendunt, qui de motu animalium scripserunt. Vid. IO. ALPHONSI BORELLI, Neapolitani, opera de *Motu animalium* elegantissima; IOHANNIS BERNOVILLII, Basil. Med. D. meditationes de *Motu musculorum*; IOH. CHRISTOPH. STURMII *Epistol. ad Illustrem VOLCKAMMERVM, Medicum Norimbergensium primum, missa, de Motu musculorum*; celeberrimi hujus viri *Colleg. experimental. Par. 2. Tent. XI.* qui ibi, musculum machinam esse vesicariam, & ex ingenti numero vel 4000. atque ultra vesicularum minorum conflatum, statuit; (Fibras enim longitudinales musculi cavas sibi concipit, transversales vero hisce longitudinalibus superincumbentes solidas, quæ dum longitudinales hinc inde intersecant, illas quasi in cellulas talesque vesiculas dispescent,) quæ vesicæ, dum tantisper inflantur a spiritibus, abbreviantur, atque ossa, sive articulos mobiles adducunt; nec non celeb. Dn. D. STEIGERTHALII, Regiæ majestatis Anglicanæ Medici, & Professoris Helmstädiensis, programma de *Legibus Geometriæ in Medicina applicandis*.

Si experimento quodam motum musculorum ad oculum demonstrare intendimus, recipiendum est asserculum, latitu-

latitudinis trium circiter digitorum, longitudinis vero unius ulnæ. Super hoc asserculum, variis in locis, e diametro sibi invicem oppositis, perforatum, extenditur intestini portio, animalis cujusdam; intestinumque in una extremitate ligatura clauditur, pondere quodam appenso; altera extremitas manet aperta, ita ut inflari possit. Per foramina asserculi fila, seu ligaturæ trajiciuntur, quibus mediantibus hoc intestinum, supra asserculum inflando extensum, in diversas quasi vesiculas, inter se invicem tamen communicantes dividitur. Et hoc facto, si intestinum inflatur, eo ipso abbreviatur, dum ab aere intrante intumescit, plondusque in extremitate colligata adpensum ad se trahit, & machina hac musculorum motus declaratur satis dilucide. Intestinum enim repræsentat fibram longitudinalem cavam, fluidis, vel sanguine, vel spiritibus, vel utrisque simul replendam, quæ intumescendo abbreviatur. Ligamenta repræsentant fibras tendinosas transversales, quibus mediantibus muscoli, & hic intestinum in machinam commutatur vesicariam. Musculus vero est machina vesicaria, ex innumeris vesiculis constans, quæ inflatur & intumescit, solidescit & abbreviatur, quando scilicet in actione est constitutus, detumescente antagonista, sive musculo patiente & opposito. Et exinde elucescit, quantitatem ipsius membri in actione musculorum non mutari, sed tantummodo virium motricium æquilibrium, quod in uno musculo in tantum increescere solet, in quantum decrescit in antagonista vel opposito.

CAP. XXXV.

DE

Loquela.

Variæ dantur loquelæ species : Maniloquium, oculiloquium & pediloquium, de quibus in præsentî nobis sermo non est, sed de illa tantum, quæ ore fit.

Est vero loquela actio voluntaria, qua homo animi sui conceptus articulata voce significat. Subjectum loquelæ est homo.

Dantur quidem Autores, qui & brutis loquelam attribuant. Vid. Hieronymi Fabricii ab AQUAPENDENTE Tr. *de brutorum Loquela*. Hinc orta est quæstio : An loquela cadat in bruta ? sive : An loquela, proprie sic dicta, hominibus cum brutis communis sit, sicuti v. gr. motus, sensus, somnus, appetitus, & alia ? Respondemus, non negandum, quod in brutis etiam loquelæ species observetur, id quod sonus diversus, a gallina, columba, cane editus, confirmat. Sed hæc loquela est imperfecta, & improprie ita dicta. Nam perceptiones tantum certas indicant. Nec loquela psittaci, loquelæ nomen meretur. Pauca enim verba, nec distincta quidem, profert, multo minus mentis, qua destituitur, conceptum ita indicat.

Causa efficiens primaria est anima, quæ id excogitat, quod sermone profertur. Hinc recte Logici distinguunt inter sermonem internum & externum. Secundaria causa est spiritus animalis, dum ideas ab anima recipit, & organa, ad loquendum necessaria, impellit, commovet atque adaptat.

Cc

Obstru-

Obstructo enim nervo linguæ & laryngis, aponia contingit.

Organa loquelæ dividuntur in aerem adducentia, & vocem modificantia, sive formantia.

Aerem adducit thorax cum diaphragmate, pulmonibus, & aspera arteria. Hinc pulmo convenit cum folle, qui organo musico aerem ministrat; eo enim quiescente, nullus edi potest sonus.

Vocem modificant larynx, dum per suos musculos diversimode nunc dilatatur, nunc constringitur, item uvula, lingua, palatum, dentes, labiorum, buccarumque muscoli.

Pro constrictione enim & dilatatione rimulæ laryngis, linguæ applicatione ad palatum, & dentes, ac denique apertura labiorum diversa, vox diversimode formatur.

Modus loquendi consistit in modulatione aeris.

Per hanc enim diversi formantur soni. Formantur vero primo vocales in ipsa glottide, vel laryngis rimula. Pro diversa enim rimulæ constrictione & dilatatione formantur a. e. i. o. u. Consonantes formantur in ore. Sic basi linguæ formatur g. r. q. f. v. apice c. d. l. n. r. f. z. labiis b. m. w.

Organa loquelæ dum in singulis hominibus diversimode quoad structuram variant, diversam vocis, vel soni formationem præstant.

Inprimis vero loquelæ modus variat pro diversa vi & efficacia spirituum, quæ organa impellunt; item pro diversa adaptatione musculorum organa commoventium.

Hinc vox alia gravis, alia debilis est, imo interdum fortissima.

tissima. Vid. MORHOEIVM, in Epist. de Scypho vitreo, per certum humane vocis sonum fracto.

Objectum loquelæ sunt mentis cogitata. Ea enim sermone proferuntur.

Uſus loquelæ primarius eſt laus DEI, ſive ut beneficia & gloriam ipſius decantemus. Secundus uſus reſpicit nos ipſos. Ita enim deſideria noſtra indicamus. Tertius communi vitæ ſocio debetur, quo adeſſe ei conſilio queamus, mutuiſque humanitatis officiis inſerviamus.

CAP. XXXVI.

DE

Sensibus externis.

Sensus externus est perceptio objectorum in organo.

Percipere est cognoscere, se affici.

Hanc perceptionem brutis denegare non possumus. Ad sunt enim in brutis organa, ad sensum ita constructa, quemadmodum illa in homine reperiuntur, adest quoque similis afficiendi modus. Objecta enim id præstant in organis brutorum, quod præstant in corpore humano. At bruta non dijudicant, hoc est, non possunt intelligere distincte & discernere, quomodo efficiantur, ob mentis, sive rationis defectum.

Subjectum sensuum in homine duplex est, anima & corpus.

In omni sensu hominis est objecti perceptio & dijudicatio. Perceptio objectorum fit in corpore, dijudicatio vero ab anima absolvitur. Hinc duæ in homine sensationis sunt species; alia ut animalis, alia ut hominis.

Corpus humanum sentiens debet esse vivum.

Nam corpus mortuum ab objectis non afficitur, ob elasticitatis solidorum ac fluidorum defectum. (Corpus enim nostrum est elaterum aggregatum & convolutum.) Ubi enim elasticitas perit, ibi motus nullus tremulus in nervis excitari potest. Hinc nullus sensus, exemplo partis sphacelo affectæ, reliquus. Observamus quidem in corporibus modo extinctis, atque adhuc calentibus, quod fibræ punctæ contrahantur: At sine sensu hoc accidit. Nam motus ejusmodi tremulus neque perfectus existit, neque ad cerebrum defertur, sed a levi tantum elasticitate, in fluidis & solidis adhuc calentibus residua, dependet.

Objecta sensuum sunt corpora, eorumque modi, sive affectiones, vel corpora modificata, quæ per contactum sive mediatum, sive immediatum, organa nostra afficiunt.

Hæc objecta possunt esse vel externa, vel interna, in nostro nempe corpore existentia.

Diversa corpora modificata, extra nos constituta, ambiunt corpus nostrum, nobisque occurrunt, corpusque nostrum impellunt, & multis atque vix effabilibus id modis efficiunt; id quod vel omni momento observationes confirmant. Hæc corpora tam inter se diversa, & fere innumerable objectum sensuum externorum constituunt: Interim tamen negari non potest, organa sensuum ab objectis affici, in nostro corpore existentibus. Sic sensus tactus tot dolorum genera, in corpore nostro excitata, percipit, fibrosam reticulatam, in oculo nostro natam, substantiam, ad cœcitatem & Cataractam dispositæ personæ cernunt, foetor narum in *Ozaena* ab ipso ægroto percipitur, item & tinnitus aurium, amarities & falsedo salivæ a male affectis cognoscitur.

Organa

Organa sensuum in homine quinque existunt.

. Non quod plura esse nequeant, aut supervacanea forent, sed quod plura hactenus organa non inveniantur, aut quæsitæ a nobis fuerint, & si sensus ejusmodi particulares dantur, illi tactus quasi sunt species. Hinc opus non est, sensum venereum a tactu distinguere. Sufficit nobis, scire, omnia objecta, hoc est, corpora, eorumque modos per quinque sensuum organa sufficientissime cognosci posse.

Organum sensuum immediatum sunt nervi, vel in papillulas, vel in membranas, vel in chordas desinentes, item & cerebrum.

Nervi omnem exercent objectorum perceptionem, & motus, ab objectis nervis impressi, ad cerebrum, tanquam sensorium commune, ducuntur.

Sunt vero nervi ad suscipiendos partim objectorum impulsus & contactus, partim ad cerebrum ducendos a divino Numine adaptati, quæ quidem adaptatio ita se habet.

Nervi durante vita in homine vigilante per totum expansi sunt corpus, in certa, atque ad sensum apta rigiditate, haud secus ac chordæ rigidæ atque elasticæ instrumenti musici. Harum nervosarum chordarum unum extremum in organo est, alterum in cerebro.

Rigiditatem nervorum præstant spiritus elastici, qui nervorum tubulos distendunt, ad implent eosque ad motum tremulum, in sensu necessarium, adaptant. Quod vero nulla in somno perceptio sit, neque sensus ullus, ratio est, quoniam collapsi sunt nervi & flaccidi, dum a sufficienti spirituum quantitate non distenduntur.

Modus, quo objecta organa afficiunt, est certa quædam exagitatio & contactus, motum efficiens tremulum, qui postea ad cerebrum defertur. Nerveæ enim fibræ in una extre-

mitate affici vix possunt, quin eodem tempore exagitatio hæc deportetur ad cerebrum.

Theoriam de chordis nervosis in organis sensoriiis expansis atque in sensibus externis & internis necessariis, Ill. IOH. ASTRVC, Regis Polon. Augusti II. gloriosissimæ memoriæ & Serenissimi Principis Aureliensis Archiater, fusius exposuit atque dilucidavit nostramque sententiam confirmavit in egregio tractatu *de usu rationis in statu naturali & præternaturali*, ubi quoque nonnullorum metaphysicorum cerebri figmenta & spectra taxat, perstringit atque deridet, imprimis eorum, qui fere omne commercium & nexum inter mentem & corpus tollere sibi sumunt.

Cerebrum vero in sensu perfecto, debito etiam oportet esse modo constitutum.

Id enim si inflammatum, supputatum, scirrhosum, compressum, aut vulneratum existit, motus, a nervis communicatos, modo convenienti non percipit, multo minus anima objecta percepta rite postea dijudicare potest; cujus rei exemplo esse possunt delirantes atque vulnerati in capite &c. Nam phreneticus perceptionem quidem objectorum convenientem habet in oculo, non vero in cerebro. Ergo in cerebro errat perceptio, ob cerebrum male affectum atque compositum. Ergo & anima postea in falsa aberrat dijudicatione.

Usus sensuum est diversorum objectorum cognitio.

CAP. XXXVII.

DE

Tactu.

Universalissimus omnium sensus est tactus.

OMnes enim sensus tactu absolvuntur, atque animalia quædam, aliis sensibus destituta, tactu saltem gaudent.

Tactus contra sine reliquorum sensuum ministerio instituitur, immo aliis sensibus, inprimis vero visui in cæcis plerumque substituitur. Cæcus enim dum diversitates superficierum in corporibus percipit, de coloribus iudicium ferre potest. Vid. BORTLE in tract. *de Coloribus*, & summe reverendi B. Abbatis SCHMIDTI Dissert. *Cæcus de Colore iudicans*.

Tactus, ut sensus magis universalis, tot diversa & multifaria objectorum cognoscit genera: Reliqui contra sensus circa unum plerumque objectum tantummodo versantur. Et quemadmodum in toto corpore tactus deprehenditur: Ita reliqui sensus in exiguis tantum spatiis organisque continentur atque existunt.

Tactus organum in genere est fibra omnis flexilis, elastica & nervosa: Speciale vero tactus organum fibræ constituunt nervosæ & papillares nervosæ productiones in tunica cutis satis evidenter conspicuæ.

Quid verum tactus organum sit, dudum jam inter viros rerum peritos est disputatum. Alii enim membranas, alii carnem cum membranis tactus munere fungi affirmarunt, unde tacite excludere videbantur tendines, ligamenta, vasa &c. quæ tamen omnia sensu sunt prædita.

Sunt quidem membranæ, organa valde sensilia, exemplo
mem-

membranarum oculi, periostii, meningum, & pleuræ, sunt & carnosæ partes quoque valde sensiles, exemplo organorum genitalium, & pulpæ extremorum digitorum: Sed illa sensus eminentia a notabili nervorum copia, qua partes jam recensitæ gaudent, magis proficiscitur.

Et quemadmodum homines extremitatibus digitorum omnia fere objecta maxime examinare solent: Ita & bruta, quæ manibus destituuntur, narium & oris rostra objectis quibusque applicant, quoniam hæc organa præ reliquis papillarum nervosarum copia a DEO sunt dotata.

Brevibus ut rem complectar, corpora sentientia ita debent esse constituta, ut primo incurvari ab objectis & flecti valeant, deinde ut quodammodo exerceant resistantiam.

Ejusmodi flexilitate & resistantia omnes gaudent membræ, carnes, tendines, ligamenta, vasa; ergo & sentiunt. Ob defectum vero prioris conditionis non exquisite ossa sentiunt: Ob secundæ conditionis defectum liquida non sentiunt. Illa enim pressa cedunt, dum non cohærent. Quo vero magis partes solidæ tensiles & flexiles sunt expansæ, eo eminentiori atque exquisitiori gaudent sensu.

Hoc observamus in oculo, cujus membranæ fumum perferre nequaquam possunt. Dum enim cavitas tunicarum oculi ab humoribus repletur, tunicæ ab illis, inprimis ab aqueo mirum quantum distenduntur. Unde a minimis etiam ramentis fumi solidis, in aere circumvolantibus, notabiliter premuntur.

Simile exemplum sensus excellentioris ostendit pleura. Hæc enim, ut fortiter expansa tunica, in cavo thoracis sensum præ se fert exquisitissimum, id quod pleuritici confirmant; simili modo, quando in obstructione alvi tunicæ intestinorum
a flatu-

a flatibus stagnantibus distenduntur, dolor oritur intolerabilis; sic & partes inflammatae & tumentes in Erysipelate & Podagra sensum quoque eminentissimum ostendunt, nec pressionem, a musca institutam, sufferre possunt.

Objecta, quæ tactu a nobis percipiuntur, non tantum sunt corpora, sed & eorum modi.

Corpora quidem omnia, cum extensæ sunt substantiæ, soliditate sunt instructa, adeoque pressione pollent; quemadmodum hoc parte I. El. Ph. est ostensum: Non omnia tamen corpora sunt tactilia, talia nimirum, quæ proportionata ad papillulas nerveas pyramidales cutis extensione destituuntur, ut v. gr. minima aeris particula, effluviis item, tactu non percipitur; nam maxime exigua sunt corpora, indeque premere non possunt verticem, aut latera papillulæ nervosæ sensus tactus, ideoque sunt impalpabiles. Ex jam dictis facile ratio patet, quare Medici pulverem impalpabilem & subtilissimum alcohol nominant.

Modi corporum, seu, juxta veteres, qualitates tactiles, circa quas tactus versatur, varii sunt, ut

1) *Firmitas*, seu *stabilitas*, quæ est affectio corporum tangibilis, qua corpus, ob arctiorem particularum minutissimarum nexum, motu intestino carens, tactui renititur, suisque terminis continetur.

Stabilitatis, seu firmitatis gradus a Physicis tres numerantur, summus, infimus & intermedius.

Durities est gradus stabilitatis summus, qua corpora, ob nexum partium fortissimum, nihil tangenti cedunt, cum rigiditate resistunt, nec facile separati se patiuntur. Qualis durities est in metallis, lapidibus, Vitro &c.

Mollities est gradus firmitatis infimus, quo corpora, ob laxiorem particularum dispositionem, tangenti facile cedunt,

& vestigia impressa servant, neque sponte coeunt, vel resiliunt, ut in cera tepida, butyro, electuario &c.

Elasticitas, seu virtus elastica est gradus firmitatis intermedius, quo corpora, vel pressa, vel flexa, violenta pressione cedunt, sed iterum resiliunt, ut in spongia sicca, lana, arcubus vel ligneis, vel metallicis, tensis &c.

2) *Fluxilitas* est ea corporum proprietas, qua tangenti parum nihilve resistunt. Hujus gradus sunt liquiditas, seu humiditas, & volatilitas, seu spirabilitas.

Liquiditas est v. gr. in oleo, aqua; *Volatilitas* v. gr. in spiritibus volatilibus, fumante inprimis &c.

3) *Asperitas* est dispositio inæqualis particularum rigidarum in corporis superficie, ita ut una elatior, altera vero depressior sit, qua tactum vellicare, radere & perfricare corpora possunt.

4) *Levitas* est æqualis particularum situs, tactum æqualiter, leniterque afficiens; ut in corporibus politis. Hujus gradus summus dicitur *Lubricitas*, quæ fluido intermedio viscoso acquiritur, ut in articulationibus ossium, anguilla &c.

5) *Raritas* & *Densitas* objecta itidem sunt tactus, quarum illa affectio est corporis, qua corpus poros habet sensibiles majores, parumque materiæ homogeneæ, qualis est in spongia, plumis, lana.

Hæc vero, *densitas* nimirum, in pororum sensibilium defectu magis consistit, ubi multum materiæ homogeneæ sub parva mole parvoque volumine continetur, qualis est in auro.

6) Tactus porro circa corpora versatur calida & frigida. *Calor* enim, uti notum est, consistit in motu particularum ignearum, celerrime agitatarum: *Frigus* contra est privatio motus calidi ad certum gradum. In Caliditatis & frigiditatis examine relationem & respectum constituimus ad calorem

calorem corporis nostri. Unde calida vocamus corpora illa, in quibus major caliditas, vel particularum ignearum copia existit, quam in corpore nostro; & frigida contra appellamus, in quibus minor copia deprehenditur. Hoc vero semper fit cum aliqua latitudine. *Darum saget man: Es ist etwas warm, wärmer, heiß, heisser.*

7) *Humiditas* est corporis affectio, ab aqueis inprimis particulis dependens. *Siccitas* contra in particularum aquearum defectu consistit, cuius summus gradus est *ariditas*.

8) *Gravitas* est vel absoluta, vel respectiva. Absoluta tendentia dicitur versus centrum terræ. Respectiva est certus ponderositatis gradus. Hinc & corpora in manibus v. gr. ponderata pro diversæ materiæ quantitate nervos nostros diversimode premunt, & brachiorum ac manuum vim & resistentiam superare valent.

9) *Levitas* est motus corporum sursum, & est gradus tantum gravitatis.

10) Objecta tactus sunt *fragilitas* cum suis gradibus, *fissibilitate*, *secabilitate*, *viscositate*, *tenacitate*, *ductilitate*, *tensibilitate*. Nec negari potest, ipsam *quantitatem*, sive illa sit *continua*, sive *discreta*, ad tactum insinui pertinere. Tactu enim in locis obscuris explorare solemus quantitatem corporum, eorumque tenuitatem & crassitiem, item numerare, v. g. argentum.

Objecta hæc pro diversis illis modis fibrillas nerveas cutis diversimode afficiunt, premunt, tendunt & impellunt, a qua diversa pressione specialis semper motus tremulus instituitur, & ad cerebrum, ceu centrum sensuum omnium, deferatur. Hinc & mens, sive anima, illa quoque excipit, & vel affirmative, vel negative dijudicat.

CAP. XXXVIII.

DE

Gustu.

A tactu ad gustum progressum facio. Hic enim sensus est, qui saporum contactu immediato absolvitur. Organum hujus sensus primarium sunt papillulæ, vel eminentiæ nervosæ, in superiori linguæ superficie expansæ.

DE gustus organo disputatum jam olim fuit; Hinc ANDREAS LAVRENTIVS cum SPIGELIO internam oris membranam, WARTHONIVS glandulas tonsillarum, alii carnem linguæ spongiosam gustus esse organa, asseruerunt: At BELLINI, FRACASSATI, MALPIGHII & BIDLOOI inquisitiones anatomicæ thesin nostram potius confirmarunt.

Quod vero papillulæ nervosæ verum gustus sint organum, vel inde probo: 1) quoniam nervorum gustatoriorum continuationes sunt, & cum illis immediate cohærent. 2) ubi tales papillulæ nervosæ deprehenduntur, ibi sensus est exquisitus; hinc in apice in primis linguæ existunt, ubi primaria saporum perceptio & investigatio est. In inferiori vero linguæ parte nullæ dantur papillulæ, unde nec ullus ibi sensus.

Papillarum linguæ genera sunt tria: 1) *fungiformes*, sive *capitata*, aut *globosæ* eminentiæ; 2) *coniformes*, sive *pyramidales*; & 3) *fibrillares*, quæ omnes cum quinto & nono nervorum pari immediate cohærent.

Harum papillarum structuræ diversitatem DEVS hominibus, item & brutis, hac ratione concessit, ut saporum pressionem contactumque omnem suscipere, saliaque tum tenuia,

nuia, tum subtilia & flexilia, tum rigida & crassa, cujuscunque demum figuræ sint, possint cognoscere.

Et quis dubitaverit, papillularum ejusmodi nervosarum diversitatem etiam in organo tactus, olfactusque esse, qua diversis tot modorum generibus eo exquisitius percipiendis adaptantur.

Hic quæstio oritur: An aliæ partes oris gustus etiam sensu sint præditæ? Respondemus: Sunt quidem & ibi nervi: At, num talis nervorum structura sit, & adaptatio ad sapores percipiendos, merito dubitamus, inprimis cum experientia doceat, salia eminentiora partibus oris interioribus, v. gr. labiis, buccis, palato applicata, sensum quidem, sed non gustum præstare, unde partium harum sensus ad tactum potius, quam ad gustum, nobis est referendus. Multo minus affirmare possumus, œsophagum ipsumque ventriculum a sapidis titillari ad sensum gustus, juxta tritum, *es ist nur ein fleiner Ort, wo es gut schmeckt.*

Organum adjuvans est palatum.

Lingua enim motu suo plerumque ad rugosam palati se adplicat superficiem, ut ita ad papillulas salia eo exactius adigantur.

Papillulæ hæ nervosæ muniuntur & obducuntur speciali quadam tunica, qua hæc papillulas ab injuriis salium acriorum defendit.

Objectum gustus sunt corpora sapida.

Insipida quidem etiam gustu examinantur, sed in sapidarum magis particularum privatione consistunt.

Sapidum est omne id, quod sal in se continet.

Hoc Chymicorum experimenta confirmant. Corpora enim, a salibus vel per ignem, (ut cornu cervi ustum) liberata, vel aqua elixata, redduntur insipida.

Salia hæc debent esse explicita, nec ab aliis corporum principiis ligata.

Quæ adeo insipida sunt, vel nullum sal continent, vel tenue, subtile, minusque ad linguæ papillulas proportionatum, vel occultatum, aliisque particulis obtusum, & quasi involutum. Tale sal tenue habetur in aquis, radicibus insipidis. In aliis vero corporibus occultatum. V. g. Sulphur commune minerale insipidum est: Interim tamen, destillatum per campanam, oleum dat, sive sal liquidum, concentratum, causticum. Aurum per se est insipidum; Sal enim ipsi inest, ab aliis principiis Chemicis ligatum: Destructum vero, sal sapidum suppeditat. Cujusmodi exemplum est in mercurio dulci; In illo enim salia caustica mercurii sublimati a mercurio vivo sunt occultata. Reliqua autem metalla in poris suis sal quoddam vitriolicum; a liquidis solubile, continent. Unde rubiginem contrahunt, & quando in vasis ejusmodi metallicis alimenta decoquuntur, tunc illa a salibus metallicis facile imprægnantur; *Es kuppfern die Töpffe, und das Fleisch wird in Eisen schwarz.* Et mors est in olla.

Cum vero salium genera sint multifaria: Ingens saporum oritur differentia.

Qui quidem quomodo inverti possint, non tantum illustri BOTLE, *Tom. II. Experimentorum suorum circa saporum productionem mechanicam*, docuit, sed & nos *P. I. El. Ph. N. cap. 19.* experimentis comprobavimus.

Salia corporum quando gustui adplicantur, soluta esse debent, & convenienti modo commota.

Hancce salium solutionem saliva inprimis præstat: Unde in febribus ardentibus, ob linguæ ariditatem, & salivæ defectum, nulla ferè saporum adest perceptio. Sic quoniam saliva ipsa salinis particulis est imprægnata, ideo ipsos sapores in-

vertere

vertere nonnumquam solet. Motus vero sapidis per motum linguæ inprimis inprimitur: Hinc & lingua, dum sapores examinat, forti pressione ad rugosum palatum se applicat.

Prout ideo papillulæ linguæ a particulis salinis, earumque diversa mole, figura, textura, gravitate & soliditate diversimode afficiuntur, diversæ quoque perceptiones saporumque ideæ in nobis excitantur.

Prima idea est, qua saporem amarum, dulcem, acidum, austerum &c. pronuntiamus, prout nimirum a prima natiuitate per experientiam edocti, aut assueti sumus, diversos afficiendi modos his illisve nominibus designare.

Secunda est, quod alia nobis grata, alia ingrata judicantur, prout nempe motus, nervis impressus, sensorium commune insimul afficit.

Tertia est, quod ex sapore simul cognoscere solemus, num res nobis profutura sit, nec ne, juxta tritum illud: Quod sapit, nutrit.

CAP. XXXIX.

DE

Olfactu.

Olfactus est sensus externus, quo mediante corpora percipimus odorata, naribus exposita.

Organum sensus hujus nares constituunt.

Narium partes externæ, pinnae, nempe, dorsum, septum cum columna, globulo & fibrillis, a Deo partim ad ornatum sunt concessæ, partim aeris, ad pulmones intrantis, impetum modificant, aeremque calefaciunt, partim in aere existentia effluvia excipiunt, & ad internas narium partes ducunt.

Orga-

Organum immediatū est tunica nervosa narium interna cum suis chordis nervosis expansis.

■ Sunt quidem nonnulli, qui, antiquiores sequentes, cum ARISTOTELE & GALENO statuunt, organum olfactus esse cerebri ventriculos anteriores: Sed, cum ad illos aeris non detur admissio, cum recentioribus potius dicendum, genuinum olfactus organum esse nervos olfactorios, cujus fibræ & papillulæ foramina ossis cribrosi, vel Ethmoidei penetrant, & tunicam internam narium perreptant. Structuram enim narium internam examinantes, cavernosam illam, tubulosam & turbinatamprehendimus, qui tubuli effluvia colligunt, & speciali motus lege concentrant, atque ad supremam internamque narium partem pellunt. Tubuli hi cartilaginei & ossei in utroque latere tenui tunica sunt obvelati, in quibus tunicis fibræ chordæque variæ nervosæ nudo oculo conspiciuntur.

Organum hoc debet esse bene constitutum.

Hæc constitutio quærenda 1) in structura ipsi convenienti. Unde in naso eminentiori exactior odorum perceptio, in depressiori debilisprehenditur. Nam tubuli turbinati hic minus, ibi magis convenienti modo sunt formati. 2) in convenienti nervorum olfactoriorum flexilitate, nariumque humiditate. Hinc ratio patet, quare catarrhi narium omnem odorum perceptionem ad tempus tollant. Est vero catarrhus, uti egregie judicat PITCARNIVS, in *Elem. Med. Phys. Mathemat.* p. 132. feri ex glandulis circa caput & fauces effluxus insolitus, qui communiter in gravedinem & coryzam distinguatur.

In gravedine serum viscosum, ad evacuationes non perfecte fluxile, existit. Hinc dum stagnat in glandulis tunicæ pituitariæ, vasa comprimit nervosa, odorumque adeo perceptionem vel in totum, vel in tantum aufert.

In coryza contra serum copiose exstillat. Unde nimium non tantum nervos laxat, eorumque rigiditatem imminuit, sed ipsi etiam nervi dolorose a salibus illis rosivis afficiuntur, quare sensus etiam olfactus læditur, & cum nervi gustatorii & olfactorii haud exiguum inter se commercium exerceant, ideo in coryza inflammatis & obstructis faucibus, item & linguæ partibus, gustus cum olfactu insimul vel tollitur, vel turbatur.

Objectum olfactus sunt corpora odorata, in effluvia resoluta.

Odores ab effluviis oriri, ex corpore odorifero prodeuntibus, vi quadam ab illo separatis, atque undique in aere dispersis, recentiores omnes philosophi consentiunt. Ipsa vero effluvia cum aere, quem per nares trahimus, in nervos olfactorios irruunt, adeoque sensorium afficiunt. In quocunque ideo loco odor sentitur, in eo nonnullæ sunt particulæ corporis odoriferi sensum afficientes.

Odorum stupenda datur subtilitas.

Hanc odorum subtilitatem celeb. KEIL, in *Physica sua*, lect. V. p. 41. & seqq. calculo exposuit, ostenditque particulam unam magnitudine æqualem esse digiti cubici partibus

$\frac{8}{1000000000000000000}$ seu partibus octo decem millebillione-
simis.

Effluvia participant primario de principio salino volatili & sulphureo evaporabili.

Quod sulphur, ex Chymicorum placitis, odorum objectum sit, exinde probari potest, quoniam corpora, in quibus magna sulphuris copia continetur, præ reliquis sunt odorifera, id quod resinæ, aliaque corpora resinosa in experi-

E e

mentis

mentis chymicis confirmant. Sed nec salia sunt excludenda: Nam & corpora mere salina, uti v. gr. salia volatilia, odorem spirant penetrantissimum. Non negandum quidem, quod, ubi sulphur, ibi sal, & vice versa. Hinc & Chymici principium ejusmodi simplex, sive sulphureum, sive salinum vix ac ne vix quidem ostendere & præparare possunt.

Effluvia, in aere contenta, per inspirationem cum aere nares intrant.

Aereum corpus magnum esse omnium effluviorum receptaculum, noto notius est: *Certa tamen insimul in aere effluviorum datur densitas.* Quo enim magis nares appropinquant ad corpus quoddam, effluvia de se diffundens, eo vehementior odorum erit perceptio, & effluviorum efficacia. Quicquid tamen sit, omnia hæc effluvia, in aere existentia, nares intrant in inspiratione, non vero in expiratione. Hinc & homines, item & bruta, odores exploratura, fortiter & celerime aerem attrahere solent. Darum spricht man: Die Thiere winden. Et porro, inspirationem primario ad olfactum requiri, experimento anatomico LOWERIANO-NEDHAMIANO confirmatur. Scil. si canis in jugulo rescissa arteriæ asperæ portio extrorsum rapitur, ut aer in inspiratione non amplius per fauces & nares, sed per foramen asperæ arteriæ ingredi valeat, nares a gravissime olentibus non afficiuntur. Nam motus hic deficit effluviorum, nec effluvia convenienti modo nervos narium impellere possunt. Interim tamen absolute non negandum, in expirantibus etiam aliqualem esse odorum perceptionem. Nam effluvia, cum aere ad pulmones delata, dum in expiratione iterum expelluntur, suo quoque modo nervos ad sensum commovere possunt, quæ de re plura videre licet in celeb. nostri SLEVOGTII *Programmate de Odore expirantium.*

Modus

Modus denique qualis sit in olfactu, ex jam dictis facile cognoscitur.

Effluvia enim, sive ramenta minima solida, volatilia, salino-sulphurea & facile mobilia, vi quadam aeris & ignis a corpore odorifero separata, in aere existentia, pro diversa sua structura, soliditate, crassitie, subtilitate, flexilitate, figura & impetu diversimode impellunt nervos olfactorios, spiritibus turgidos & repletos. Hinc talis motus, ad cerebrum delatus, varias ibi perceptiones ideasque in mente, vel gratas, vel adversas, excitat.

CAP. XL.

DE

Auditu.

Auditus est soni perceptio.

Auditus omnes sensus excellentia sua superat. Per auditum enim rerum omnium scientiam acquirere solemus. Hinc & mentis quasi præceptor est, qui illam omni doctrinarum genere imbuit. Ideo & infantes, quando ab objectis afficiuntur, tam diu plerumque in ideis errant denominandis, donec, quid hæc vel illa res sit, auditu cognoverint.

Organum auditus est stupenda atque artificiosissima auris machina.

Auditus organi descriptionem jam olim viri susceperunt celeberrimi, deus nempe SCHELHAMMERVS noster, it. Dn. DV VERNETVS, Anatomicus Parisinus oculatissimus, & nostris temporibus Dn. ANT. MAR. VALSALVA, excellens Academia Bononiensis Anatomicus, ibique in Nosocomio incurabilium Chirurgus. Item & nunc recentissime

Dn. D. CASSEBOHMIVS P. P. O. Hallensis meritissimus. Hi vero omnes aurem in externam dividunt, & internam. Auris externæ partes sunt *Helix*, *Antihelix*, *Tragus* cum glandula sua Valsalviana, *Antitragus*, *Lobus auriculæ*, *Cavitas innominata*, *Scapha*, *Concha*, in cavitatem superiorem & inferiorem distincta, & *meatus auditorius*.

Hæc organa adinstar infundibuli dilatata, variisque cavitatibus & eminentiis exornata, sonoros motus non tantum colligunt, sed & meatui auditorio committunt.

Hæc vero organa ex solida formantur cartilagine. Hinc & auriculæ firmitudo ad sonoros, quos reflectit, motus multum conducit.

Hæc firmitudo ulterius promovetur per musculos, qui quidem auriculam non commovent, sed concham hanc in convenienti robore tuncque conservant, quo & appellentes soni motus fortius reflecti possunt.

Musculi hi a Valsalva jam laudato exacte ob oculos ponuntur, suntque aliquis superior, tres posteriores, alius anterior, musculus tragi & antitragi, a L. A. maxime inventi. Sub integumentis cutaneis conchæ latitant glandulæ sebaceæ, quæ serum oleosum sebaceum, excrementitium, foetidum, interdum, a massa sanguinea secernunt, qua concha humectatur, & in debita flexilitate conservatur, sanguisque insimul depuratur.

Tales glandulæ sebaceæ, quales in concha reperiuntur, circa pinnas narium insimul existunt, item in externa palpebrarum superficie, imprimis circa limbum cartilaginosum. Et quoniam materiam sebaceam secernunt, facile in steatomata, sive grandines, hordeolaque commutari possunt.

Auricula externa ita constructa motus sonoros colligit, & ad meatum auditorium dirigit.

Hujus

Hujus rei veritas exinde apparet, 1) quoniam abscissa auricula soni vix distincte percipiuntur. 2) quia in surdastris, machinæ acusticæ & polyphonicæ, auribus applicatæ, hebetudinem auditus notabiliter emendant.

Meatus auditorius est tubus polyphonicus, & colligendis, concentrandis, augendisque radiis sonoris aptus.

Hinc a lato in angustam non tantum definit, sed incurvatus insimul, & incisuris in principio illius variis notatur.

Motus sonori, per auriculam meatumque auditorium excepti, ibique fortiores redditi, ad tympanum postea transferuntur.

Tympanum est membrana tenuis pellucida, in fine meatus auditorii conspicua, eundemque oblique claudens.

Tympanum hoc nervosæ naturæ, & continuatio duræ matris esse videtur. Hæc tunica exsanguis olim est credita: Interim tamen vasa sanguifera, ad methodum Ruyschianam a nobis præparata, in illis ostendere possumus.

Tympanum *annulo* cuidam *osseo elliptico* est supertensum, in quo annulo est fissura *Glaferi*, in qua caput mallei.

In tympano hoc, sub *chorda*, prope manubrium mallei, existit *hiatus Rivinianus*. Componitur hic ex duplicatura hujus tunicæ, & valvula quadam clauditur.

Per hoc foramen fluida a tympani cavitate in meatum transeunt auditorium, item aer externus a meatu auditorio ad cavitationem tympani, atque a tympani cavitate per *tubam Eustachianam* ad fauces iterum abit, ut sic æquilibrium aeris interni & externi conservetur admodum necessarium. Hinc a tumoribus faucium polyposis, tubam Eustachianam in orificio cludentibus, auditus defectus promovetur.

Membranæ tympani cavitas ejus superincumbit, quæ mediam auris cavitationem constituit.

Hæc cavitas partim ab osse temporum & petroso, partim a sinuositate processus mastoidei formatur.

In hac cavitate ossicula auditus deprehenduntur, quorum septem in præsentî numerantur, malleus, incus, stapes, os lenticulare, ovale, orbiculare & triangulare.

Malleus cum incude conjungitur, per nostrum os lenticulare, incus cum stapede per os orbiculare vel seminale, Sylvianum; os ovale Veslingianum reperitur ad latus stapedis, & triangulari insistit crus incudis, quod ab omnibus fere anatomicis liberum stare putatur.

Malleus primum ossiculum est, & dividitur in *caput* & *manubrium*.

In manubrio tres dantur processus, major, minor & medius. Quo pertinet *apophysis Raviana*, quæ revera cum Spina piscium convenit. Major cum tympano cohæret, & ad centrum usque tympani protenditur.

Mallei ossiculum tribus instructum est musculis, qui cum tribus processibus cohærent, quorum duo facile inveniuntur, tertius vero expeditam manum anatomici exposcit.

Malleus secundo ossiculo, *incudi* nempe, incumbit.

Incus dividitur in corpus & duo crura, sive processus, quorum unus tenuis & longus, alter brevis est & crassus.

Corpus incudis, exiguis eminentiis & cavitatibus interruptum, mallei caput recipit, & per certa parva ligamenta cum illo conjungitur.

Ut itaque hæc mallei & incudis articulatio perfecta sit, divinum Numen duobus hisce ossibus aliud exiguum interposuit *Sesamoideum, sive lenticulare*, a nemine, quantum scio, hætenus observatum, per ligamenta malleo & incudi junctum.

In longioris processus incudis extremitate ossiculum exiguum

guum observatur, *orbiculare*, atque a *STRUVIO* primum inventum, incudis processui indicato atque *stapedis* capitulo interpositum.

Stapedis os a figura sua nomen accepit, & dividitur in capitulum & duo crura. Capitulum *stapedis* os orbiculare recipit, basis vero elliptica per certam membranam mobilem fenestræ ovali jungitur, quæ membrana, quando offescit, in senectute auditum destruit & extinguit.

Stapes peculiarem obtinet musculum, quem antiquus primum atque indefessus *Anatomicus*, *CASERIVS*, in equo adinvenit.

Corpus hujus musculi carneum in curvo canali osseo lateraliter circa mediam Fallopiæ aquæ ductus partem insculpto continetur: Tendo vero, a canali erumpens, oblique sursum in *stapedis* capitulum inferitur. Communis hæc, & ipsa *Valsalviana* est sententia. Cum autem in vitulina aure, probe cocta, musculum hunc examinamus, deprehendimus, illum non immediate cohærere cum *stapede*, sed cum *osse* quodam *ovali*, *stapedi* lateraliter annexo, id quod curiosus *Anatomicus* in ejusmodi subjecto semper observare potest certissime, & olim jam observavit celeberrimus suo tempore *anatomicus* & *conterraneus* meus, *VESLINGIVS*, *Anatomia* in *Gymnasio Patavino* Professor, atque *Eques sancti Marci*.

Officula hæc auditus sunt substantiæ solidissimæ, compactissimæ & albicantis, nullo modo cavernosæ, involuta *perioestio*, in qua varia vascula sanguifera deprehenduntur. Vid. *RVRSCHII* *Epit. Anat. Tab. IX.*

Officula auditus musculorum ope trahuntur ac commoventur.

Ufus ex hoc motu fluit duplex: Nempe 1) tympanum
per

per ossa & musculos expanditur aut relaxatur, prout certis temporibus, aeris inprimis statu mutato, necesse id est, adeoque omni momento ita adaptatur tympanum ad suscipiendos motus sonoros etiam levissimos. 2) motus sonori, tympano communicati, mediantibus ossiculis ad fenestram ovalem deferuntur, & labyrintho communicantur. Nam tympanum cum malleo, malleus cum incude, incus cum stapede, stapes vero per certam tenuemque membranam fenestram ovalem tegentem cum labyrintho connectitur. Concussio itaque tympano concutitur etiam per ossa auditus membrana, basin stapedis cingens, & fenestram ovalem claudens.

Ecquis itaque non videt, tympanum esse organon ad auditum summe necessarium? & quamvis ipsum non sentiat, quod tamen absolute concedi non potest, motus tamen sonoros ad alia organa sensus defert, labyrinthum nempe & cochleam.

Quod vero tympanum ad auditum primario requiratur, sequentia docent comprobantque. 1) in febribus malignis, ubi, quando morbosa fluida a cavitate cranii, critice ad tympanum, & ab hoc extra caput fluunt, auditus vel imminuitur, vel plane ad tempus extinguatur. 2) rupto, inflammato & exeso tympano auditus quoque vel plane destruitur, aut ad minimum enormiter imminuitur.

Primarium vero organon auditus est cochlea cum modiollo & lamina spirali; item & labyrinthus, &, quæ inibi existunt, expansiones & zonæ nervosæ nervi acustici.

Labyrinthus est tertia auris cavitas, in osse petroso existens. Dividitur in vestibulum, canales tres semicirculares & cochleam.

Vestibulum est prima cavitas, ex irregulari configuratione constructa, parietes undique ostendens concavas, intusque

que multis vestita membranis, *zonis* nempe quatuor plerumque, tribus scilicet canalium semicircularium & una cochleæ.

In hac cavitate varia concurrunt orificia, orificium videlicet fenestræ ovalis, quinque orificia canalium semicircularium, orificium cochleæ & quinque orificia, nervis auditum præbentia, ideoque ab istis occlusa.

Secunda labyrinthi cavitas a tribus canalibus semicircularibus formatur.

Hi canales, in semicirculi modum incurvati, a diversa longitudine in majorem, minorem atque medium dividuntur, cavitate gaudent elliptica, & a nervo acustico, in tenuem membranam desinente, intus investuntur.

Tertiam labyrinthi cavitatem constituit cochlea, a figura ita dicta.

Construitur vero ex canali, quendam, uti vocant, mediolum circumvoluto, & ex septo canalem in duos alios canales dividente, quod septum lamina spiralis dicitur.

In labyrintho, jam descripto, organum potissimum auditus sunt *zonæ*, in vestibulo existentes.

Motus enim sonori, per fenestram ovalem vestibulum ingredientibus, ulterius per sex ductus excurrere possunt, scil. per quinque canalium semicircularium orificia, item & per orificium canalis cochleæ.

Dum autem motus sonori ductus hosce percurrunt, *zonæ*, in canalibus contentæ, percelluntur, adeoque sensus auditus excitatur. *Zonæ* enim nihil aliud sunt, quam tenues nervi acustici expansiones.

Quod vero plures sint canales, pluresque *zonæ*, in illis existentes, sine dubio ex multifaria ratione Divinum Numen constituit: 1) enim soni in canalibus concentrantur, & vis soni simul augetur, adeo ut exiguum in aure nostra sibilum perci-

pere valeamus. Hinc revera labyrinthus cum cochlea machinas constituit polyphonicas. 2) videtur Divinum Numen in uno latere capitis duplex construxisse auditus organum, labyrinthum nempe & cochleam. Nam cochlea a labyrintho distincta est, & labyrinthus in tribus suis semicirculis unam nervi acustici partem recipit; altera vero hujus nervi pars ducitur ad cochleam. Hinc credibile est, Deum duplex ideo construxisse organum, ut turbato uno alterum conservetur. 3) videtur Divinum Numen ideo tot zonas construxisse, ut auris nostra omni soni perceptioni adaptetur. Quemadmodum enim instrumento quodam musico variae deprehenduntur chordæ, quarum singulæ diversum sonum edunt: Ita & Divinum Numen in instrumento nostro musico varias chordas nervosas expansas, sive zonas construxit, quarum singula procul dubio a certo tono longe majorem, quam altera, vel reliqua, impressionem suscipit.

Objectum auditus sunt soni.

De sono jam alibi egimus, ubi expositum fuit, certas esse aeris agitationes, ab objectis sonantibus excitatas.

Sonus dividitur in primum & secundum.

Sonus primus dicitur ipsa corporis elastici, & sonum excitantis vibratio.

Secundus est vibrationis hujus per aerem ad aurem delatio, & in aure perceptio.

Medium soni aer est.

Aer enim atmosphaericus motus corporum sonoros recipit, & undulatione quadam, uti vocant, ad aurem nostram defert; id quod experimentis antliæ confirmatur.

Ast non aer tantum, sed & alia corpora, fluida, & solida, motus sonoros continuare posse, certum est: Aquam enim præstare hoc posse, urinatores confirmant. Ast sonus mirifi-

ce in aqua debilitatur. Nam longe crassius fluidum est, quam aer. Sic corpora solida varia sonum continuant.

Aer, ad sonum commotus, in externum & internum distinguitur.

Externus dicitur, qui corpus sonans & aurem nostram interjacet. Internus dicitur, qui in concha delitescit. Hic ab externo non differt, nisi situ. Nam per hiatum Rivinianum aurem intrare, & per tubum Eustachianum exire iterum potest: At, qui intra labyrinthum detinetur, innatus a nonnullis dicitur, quoniam fenestra ovalis per stapedem, rotunda, per simplicem membranam clauduntur. Ideo innatum esse affirmant; at ejusmodi aerem per poros harum membranarum penetrare posse, & cavitates cochleæ & labyrinthi replere, quis est, qui inficietur?

Totum itaque negotium in sono sequenti modo absolvitur. Nempe 1) aer externus ab objectis diversimode & specificè ad sonum commovetur, 2) undulatione continuata ad aurem nostram deportatur, 3) a motu hoc sonoro tympanum etiam percellitur, 4) commoto tympano ossicula auditus ac zonæ in labyrintho insimul commoventur, 5) hi motus organis hisce impressis per motum tremulum nervorum acusticorum ad sensorium commune deferuntur, ubi variae ideæ soni, a mente nostra determinandæ, in nobis conflunt.

Surdi a nativitate quoque sunt muti.

Ob auditus enim defectum non possunt cognoscere, quibus ideis nominibusque res sint designandæ. Sonum quidem ejusmodi personæ edunt, sed inconditum minusque distinctum, multo minus vocem edunt articulatam, quoniam ignorant, quomodo ea ipsis sit modificanda.

Mirum interim est, surdos mutosque a nativitate per

certas institutiones sermonem formare didicisse; id quod a Willisio jam observatum legimus. Nostris vero temporibus Dresdæ multis confirmatur experimentis. Qua de re *di-
vUS AMMANVS*, in tractatu, quem inscripsit: *Surdus lo-
quens*, legi meretur.

Malleum & incudem sine dubio observavit primum *IA-
COBUS BERENGARIUS*, *CARPENSIS*, vulgo *CARPVS*
dictus, celebris post *MUNDINVM* Anatomicus, stapidis
vero inventor fuit, celebris medicus Regis Siciliæ & Profes-
sor *PHILIPPVS ab INGRASSIAS*, id quod ex rarissimis eo-
rum scriptis, quæ cum multis aliis in manibus meis sunt, pro-
batu mihi est facile. Os orbiculare invenit *STLVIVS*, ova-
le *VESLINGIVS*, os lenticulare & triangulare mea sunt in-
venta, quorum inventionis gloriam nemo anatomicorum
mihi dubiam reddere potest. Hac occasione Celeberrimo
Domino *CASSEBOHMIO*, Professori anatomiae accademiae
Hallenensis, publice gratias ago, quod in eruditissimis suis
scriptis de *organis auditus* publice attestari voluit tam sincere,
dari hujus exigui officuli existentiam, & ab eo illud in ca-
davere infantis inventum esse. Vocatur quidem hocce exi-
guum officulum ab eo præternaturale, verum certissime spe-
ro, fore ut fiat suo tempore naturale. Ipse *SALZMANNVS*
& *NICOLAI*, celeberrimi & anatomici Argentoratenses,
nunc beati, etiam hoc invenerunt & quod sesamoideum sit
atque intra malleum & incudem situm, mecum multis ra-
tionibus comprobarunt. Legendæ sunt *meæ vindiciæ de meis
inventis anatomicis* editæ Ao. 1727. in quibus etiam porposui
theoriam in quinque tympanis in aure humana existentibus.
Dubitatur quoque de his celeberrimus *CASSEBOHMIVS* in sua
Dissertatione de *aure humana* thesi 49. sed pace tanti viri mo-
do hoc regero, non esse circa hæc membranaceas expansio-
nes (ita enim ei placuit hæc tympana vocare) ex naturæ lusu,
sed

sed potius naturæ necessitate, semper enim adesse debent, semperque reperiuntur. Etenim de *magno tympano* non dubium est tanquam primo; hoc enim omnes concedunt ipseque antiquissimus CARPVVS hoc concedit *Isagoge* fol. 59. De *secundo*, quod fenestram ovalem tegit, etiam amplius dubium non est, habet enim hoc VALSALVA & magno tympano e diametro opponitur eique insistit basis stapedis & hoc tympano secundo mediante, sonus tympano majori communicatus, mediantibus ossiculis vestibulo communicatur, *tertium* & *quartum* reperitur apud DRACKIVM p. 334. & sunt splendentia tympana, reperiuntur circa bina latera stapedis expansa, quorum crura per microscopia considerata evidenter apparent excavata. Circa hæc crura excavata observantur hæc bina tympana expansa, tanquam tenuissima pelliculæ, quæ dum etiam motus sonoros recipiunt, motu sub tremulo sonum augmentant & versus vestibulum ducunt, est enim auris machina polyphonica a Deo sapientissimo fabricata & quasi congeries multorum instrumentorum musicorum. *Quintum tympanum* tegit fenestram rotundam, id quod conseruo & omnibus omni tempore ostendere possum, constanter existere debet, nam sonum recipit per *tubam Eustachianam* ad tympani cavitatem delatum, ideo surda stri os aperire solent, & se ita præparant ad soni perceptionem intrantis per tubam Eustachii.

CAP. XLI.

DE

Visu.

Visus est sensus externus, quo mediante objecta visibilia percipimus.

Organum hujus sensus est oculus, cameram obscuram artificiosissimam inimitabilemque repræsentans.

Hujus cameræ obscuræ partes communissime dividuntur in continentes, ministrantes & bulbum componentes.

Partes oculos continentes sunt *orbitæ & palpebræ*.

Orbitæ sunt cavitates illæ sub ossibus frontis existentes, oculosque recipientes.

Palpebræ sunt velamenta oculorum, quibus mediantibus oculi in somno clauduntur, in fortiter illuminatorum aut lucidorum objectorum præsentia paulisper tæguntur, cornea abstergitur & depuratur, atque injuriæ insuper avertuntur.

Singulis autem oculis palpebræ sunt duæ; una inferior & minor, cujus in homine minor est motus; altera superior, motu celerrimo prædita, ipsi a musculis duobus concessio, quorum alter rectus, sive attollens, alter orbicularis dicitur.

Musculus attollens oculum aperit; *orbicularis* vero palpebras claudit; hinc clausor dicitur, superiorem enim palpebram deprimit, & inferiorem attollit.

Hi muscoli in tunicis palpebrarum delitescunt, quarum exterior a cute tenella, nulla pinguedine substrata, interior vero a pericranio componitur.

In suprema palpebrarum parte *supercilia* existunt, lineas quasdam semicirculares, crinibus ornatas, repræsentantia, quibus *glabella* interjacet.

Pili, qui limbis palpebrarum infiguntur, *ciliorum* nomine veniunt, & oculum ab externis injuriis, præsertim in aere volitantibus, muniunt; supercilia vero guttulas sudoris, a capite destillantes, excipiunt, ne falsedo liquoris hujus oculis molesta fiat.

Extre-

Extremis palpebrarum cartilagines inducuntur parvæ, molliusculæ, quas *Tharfos* Græci, latini *Cilia* nuncuparunt, ad palpebrarum stabilem expansionem, exactamque commisionem comparatæ.

Partes oculi ministrantes non immediate quidem ad visum concurrunt, sed actionem tantum oculi promoven-
vent.

Tales sunt 1) palpebræ ipsæ, quatenus, pro diversa apertura radiorum, accessionem modificant. 2) *glandule lacrymales*. 3) muscoli quatuor recti nempe, duoque obliqui, ab officio & motu nomen sortiti, ut *attollens*, sive superbus, *deprimens*, sive humilis, *adducens*, sive bibitorius, *abducens*; sive indignatorius, *obliquus inferior*, *obliquus superior*, qui, dum super cartilagine trochleam volvitur, *trochlearis* dicitur. Horum musculorum usus duplex est; oculum nempe ad omnem plagam commovere, atque oculi longitudinem levi aqua pressione, pro objectorum distantia, insimul mutare; quem usum ipse STURMIVS, in *Matthesi juvenili* cum ROHAVLTIO admittit.

Ut vero motus oculorum facilius reddatur, Divinum Numen musculis oculorum interposuit magnam *pinguedinis* copiam, qua superficies musculorum-lubricantur & fibrarum flexilitas promovetur.

Partes bulbum oculi constituentes dividuntur in tunicas humores, & vasa.

Tunicæ latera rotundæ cameræ obscuræ efformant. Harum numerantur alias decem, & si lucidam addas, undecim, nempe *albuginea*, *tendinea*, *cornea*, *sclerotica*, *uvea*, *choroidea*, *vasculosa Ruyschiana*, *retina*, *byalloidia*, sive vitrea, & *arachnoidia*, sive crystallina.

Adnata, sive conjunctiva, quæ oculum cum reliquis partibus

tibus vicinis, palpebris inprimis, jungit, est continuatio pericranii supra scleroticam ad corneam usque expansa, albumque oculi constituit; hinc & albuginea dicitur.

Tendinea zonam quandam oculi repræsentat, & ex tendinum, inprimis muscutorum rectorum, concursu oritur, & ad corneam usque continuatur.

Sclerotica tunica satis valida est atque densa, a dura præsertim meninge orta, totum oculum cingens, a parte postica opaca, antèius vero pellucida existit, constituitque aliam *corneam*, tunicam nempe dictam.

Cornea, juxta H O V I V M, l. c. p. 25. in decem, vel duodecim laminae fissibilis est, nec dubium, quin haud secus ac humor vitreus & crystallinus ex vasculis neuro-lymphaticis pellucidis componatur.

Choroidea humores oculi, ceu chorion membrana foetum amplectitur, & ex quinque lamellarum ordinibus, actu distinctis, juxta H O V I V M, pag. 29. & seqq. componitur, quarum prima, sive exterior, tenuissima est, ex vasis subtilissimis conflata, tenui pigmento nigro, aquæ ope dilubili, simili ei, quo papilionum alæ obducuntur, involuta.

Reliquæ tunicae, a cit. auctore fusius descriptæ, ex vasculis vermiculatis, arteriosis, venosis, & neuro-lymphaticis componuntur, quæ tres humores adducunt, reducuntque.

Ex hisce tunicis Hovianis una celeb. R V T S C H I O jam olim innotuit; hinc vasculosa Ruyschianæ nomine veniebat. Vid. R V T S C H I I *Epist. anatom.* item H O V I I *Epist. Apologeticam*, tractatui ipsius de circulari humorum Motu annexam.

Vuea, sive *Rhagoidea* a choroidea per ligamentum ciliare tantum distinguitur, & haud secus, quam illa, ex variis vasorum ordinibus componitur, confirmante hoc Hovio, pag. 44. & seqq.

Vuea in medio est perforata, quod foramen *pupilla* dicitur.

citur. Per hanc enim, tanquam fenestram, radii oculum subeunt.

Pupillæ foramen dilatatur, & pro diversa luminis copia constringitur. Hunc motum pupillæ *fibræ* quædam musculosæ duplicis generis, in vûca existentes, præstant, *longitudinales* videlicet, sive rectæ, quæ a pupilla, tanquam centro, ceu plures radii ad ambitum, nempe ad ligamentum ciliare diffunduntur. Item & *circulares*, quæ tanquam totidem circuli, pupillæ paralleli, apparent. Dum enim longitudinales abbreviantur, pupilla dilatatur. Dum circulares contrahuntur, pupilla constringitur.

Fibræ hæ ciliares insuper motu suo lentem crySTALLINAM, cum qua junguntur, protrudunt, retrahuntque, prout illud, ratione distantia objectorum, requiritur.

Vûca extus etiam *iridem* efformat, sive circulum istum per corneam transparentem, coloris tam diversi & amœni.

Retina, in fundi oculi sita, supra vitreum humorem extensa, & ad ligamentum usque ciliare continuata, expansio nervi optici est, id quod color partim albicans, partim filamentosa ejus substantia, partim ejus connexio confirmat.

Humores oculi dantur tres, aqueus, crySTALLINUS, & vitreus.

Obvelantur a tunicis, jam recensitis, humores oculorum pellucidi, colorumque expertes, ut rerum visibilium radii propriis, quos obtinent, coloribus accuratius exprimerentur. Horum primus est *aqueus* liquor, quoad consistentiam cum ovi fere albumine conveniens, antè spatium intra corneam & humorem crySTALLINUM replet, item & in postrema oculi parte intra choroideam retinam & humorem vitream reperitur, & dum oculi tunicas expandit, globositatem ejus conservant.

Humor *crystallinus*, gemmam fere repræsentans, non ex coagulatione quadam soliditatem suam acquisivit, uti veteres credebant; sed ex tubulis componitur crystallinis neurolymphaticis, limpidissimo liquore repletis, quemadmodum id ab HOVIO, lib. cit. ostenditur.

Quod vero lens crystallina ex variis fibris, variisque lamellis, sibi invicem superimpositis, composita sit, jam aliis quidem, sed non tam accurate, quam HOVIO, innotuit, in primis vero LEEWENHOECKIO, item & RIVINO meo, qui ejusmodi quid mihi jam quadraginta fere abhinc annis ostendit.

Cingitur hæc lens crystallina extus tunica, præ aliis eum componentibus, solida, arachnoidea dicta, quæ per fibras ciliares cum ligamento ciliari cohæret, & hinc ab eorum motu, ut jam dictum, vel anteriora, vel posteriora versus protruditur.

Figura lentis crystallinæ Sphærico - Hyperbolica a Mathematicis observatur. Ita enim radii visivi colliguntur ad punctum mathematicum.

Humor vitreus, in postica parte oculi situs, antè excavatur, ut eo melius lentem crystallinam excipere & continere possit. Involvitur etiam tunica, subtili tamen & pellucida, hyaloidea dicta, & juxta HOVIO quoque in tota sua substantia ex vasculis neurolymphaticis pellucidis, liquido pellucido repletis componitur, ita tamen, ut fluidissimum liquidum contineatur in crystallino, crassissimum in aqueo, medium in vitreo.

HOVIVS non primus fuit, qui novum genus vasorum neurolymphaticorum docuit, terminum enim hunc reperio in VIEVSSENI *novo Systemate vasorum*, & sane vasa hæc quasi sunt arteriæ serosæ subtilissimæ. Verum HOVIVS egregium

gium quid præstitit in anatomia oculi. Ostendit, quod humor vitreus & crystallinus sint corpora solida, composita ex tunicis pellucidis vasculisque nervo - lymphaticis, demonstrat, quod abeant vasa arteriæ carotidis externæ ad partes oculi externas, ad partes oculi internas vero derivantur arteriæ cerebri a ramo arteriæ carotidis internæ, quæ sanguinem ducunt, cerebro alias destinatum, tanquam subtilissimum, tenuissimum & pellucidis particulis refertum. Priusquam vero hæc arteriæ, quæ nervum opticum concomitantur, cum nervo optico conjunguntur, efficiunt *recte* ita dictum *Hovianum*, quod revera existit, & publice a me aliquoties demonstratum fuit in cadaveribus laqueo extinctis. Hoc reticulum vasculosum conquassat sanguinem ad oculum properantem eamque longe subtiliorem reddit. Conspicitur satis evidenter in loco illo, ubi nervi optici inter se conjunguntur, & ubi infundibulum descendit ad glandulam cerebri pituitariam. Hæc theoria magnum præstat commodum in praxi, quando de ophthalmia simplici & ferina sermo est; Vide Mr. DE SAINT YVES & ANTOINE MAITRE JEAN in suis Tract. de Morbis oculorum. Organa visus præcipua & immediata sunt tunica, retina & humor crystallinus.

Est quidem in lente crystallina nullus sensus: interim tamen adjuvans præcipuum dici meretur, sine quo exacta & accurata radiorum collectio fieri non potest. Hinc & illi, qui forte fortuna ex vulnere enormi oculi lente crystallina destituuntur, aut plane nulla objectorum perceptione gaudent, aut indistincta.

Tunicam vero retinam primum visus instrumentum constituere, gutta serena docet. Nam obstructo nervo optico, cujus continuatio tunica est retina, visus omnis extinguatur. Quod vero tunica choroidea, juxta MARIOTTVM, in Operi-

bus suis, Tractatu inprimis *de Visu*, non visus sit organum, ex inventis anatomicis Hovianis inter alia comprobari potest. Nam tunica hæc circulationibus humorum oculi magis, quam radiorum perceptioni, & destinata.

Objectum visus radii visivi.

Vel, quod accuratius est, objectum visus constituunt res corporeæ, modo sibi debito extensæ, quæ sub certa modificatione radios a superficie ad oculi fundum mittunt. Hinc objectum visus quasi duplex est; unum substantiale, v. g. corpora, ut homo, stella &c. alterum modale, nempe quantitas, figura &c. quo & colores pertinent. Nulli enim colores sunt reales, sed omnes apparentes tantum, & a certa luminis modificatione, vel lucis & umbræ mixtura exsurgunt, ut hoc part. I. Elementorum meorum, cap. de coloribus, comprobatum est.

Medium visus lux est.

Lux enim dum objecta illustrat, illa oculis nostris sistit. Sine luce enim nulla est visio. Nata quidem jam dudum est inter eruditos quæstio, an visio receptione radiorum lucis fiat, an vero emissionem? Qui posteriorem amplectuntur sententiam, statuunt, dari lucem hominibus. Vid. BARTHOLINUM, *de luce animalium*. Hancce animalium substantiam tantæ interdum esse efficaciam, ut conspiciat perforare, hominumque, animalium & vegetabilium corpora effluviis suis venenatis fascinare possit, juxta Virgilii illud: Nescio, quis teneros oculis mihi fascinet agnos.

Ad comprobendam ulterius sententiam adducunt tunicam quandam, intra choroideam & amphiblestroideam existentem, lucidam dictam, in phoca, canibus & felibus observabilem. Vid. *Ephemerides naturæ curiosorum*, dec. II. an. IX. observ. XI. Sic & TACKIUS, celeb. olim Medicus, in Epist.

ad

ad Reiffelium, lucem ejusmodi, ex oculis propriis observatam, hisce verbis describit: *Mibi, quantum luminis sit in animalibus, præter ea, quæ Bartholinus scripsit, jam satis compertum est, dum vel unius diei recordor, quæ meditationibus intensioribus inhaerens pro elaboranda in honorem Electoris Saxonia, divæ memoriæ in Academia Gießena, ingruente crepusculo jam in noctem vergente, vidi subito ex oculis meis erumpere flammam in subjectam albam chartam, quæ adeo illuminabatur, ut adhuc illius luminis usura scribere possem duas integras lineas, antequam evanesceret &c.*

Quidquid tamen sit, visio non radiorum emissionem, sed receptionem absolvitur. Nam quando corpus lucidum, vel illuminatum oculis nostris subjicitur, radii, ab ejusmodi corporis superficie exeuntes, in lineis rectis ad oculos nostros properant, eosque ingrediuntur, penetrando per corneam & humores, ac impellendo tunicam retinam, in qua imaginem depingunt. Motus vero, tunicæ retinæ impressi, ad cerebrum per nervos opticos deferuntur, ubi mens ideam quandam sibi format, & objecta dijudicat.

Imagines in tunica retina haut secus, quam in camera obscura, aut oculo artificiali, inverso modo repræsentantur.

Hoc experientia certum ac comprobatum est, in primis in oculis noctuæ, bovis, &c. At quid efficiat, ut res illæ, quæ inversæ nobis sistuntur, in vero atque erecto situ appareant, determinari vix potest. Alii, cum Cartesio, putant, animam hoc præstare rationalem, quæ assueta jam sit, imagines, inverso modo repræsentatas, erectas dijudicare. Ratio vero hæc insufficientis esse videtur. Nam in brutorum visione applicari non potest. Animalia enim visu gaudent, interim tamen anima rationali carent. Alii dicunt, animam remittere spiri-

tus per viam radiorum, qui objectum postea in vero loco inveniunt. ORTLOBIUS rei rationem in nervi optici structura quaerit. In angulo enim illo, ubi coalitus fit nervorum opticorum, novam fieri arbitratur motus determinationem in spiritibus, qua imagines iterum invertantur, & ita erectae communi sensorio sistuntur.

Objecta simplicia, gemino oculo conspecta, simpliciter percipiuntur & dijudicantur.

Hac de re tam ardua jam olim egit STYRMIVS, & haut ita pridem celeb. noster WEDELIVS junior, in *Dissert. sua de Visione simplici, qua gemino oculo absolvitur*. Res enim eo recedit, quod axes oculorum ita diriguntur, ut in medio objecti concurrant. Quod si fit, visio erit simplex, hoc est simpliciter objectum apparebit. Si vero axium concursus, ante vel post objectum adspiciendum terminatur, vel oculus dexter, vel sinister digito paulisper premitur, objectum simplex geminum apparebit.

CAP. XLII.

DE

Appetitibus sensitivis, Fame, Siti & Venere.

Appetitus sensitivi sunt certae sensationis species, quae merito ad sensum tactus referri debent.

Duplici hi sensus ratione nobis a Deo sunt concessi: 1) ut propria conservetur machina, vel corporis substantia, quo fames pertinet & sitis. 2) Ut conservetur genus humanum, quo pertinet appetitus venereus.

Fames

Fames illa est sensatio, quæ ad solidorum nos alimentorum assumptionem sollicitat.

Subjectum hujus appetitus primarium est *ventriculus*, cujus tunica villosa, utpote nervea, irritata, dum contrahitur, sensum famis instituit. Secundarium vero subjectum totum corpus constituit, quippe quod per alimenta, inprimis solida, est conservandum.

Causa famis duplex est, *positiva* altera, altera *privativa*.

Positiva est menstruum ventriculi salinum, quod vacuo ventriculo salinis spiculis leniter ventriculum pungit, atque irritat. Hinc motus ille, nervis ventriculi communicatus, ad cerebrum delatus famis ibi ideam excitat.

Causa privativa est vasorum exinanitio, quæ restitutionem & repletionem exposcit, hominemque ad cibum assumendum quasi invitat. Interim latrantis stomachi parum refert, quodnam illi alimentorum genus præbeatur, cum perinde illi sit, ad cujus generis cibos admittatur recipiendos, nulliusque adeo discriminis illorum rationem habeat. Unde etiam proverbium enatum: *Hunger ist ein guter Koch*, h. e. Fames coquus est optimus. CRANIVS, in *Tractatu de Homine*, quidem in ea versatur opinione, quod, quando homo hoc aliudve alimenti genus desideret, in corpore humano sit specialis ejusmodi particularum defectus; &, cum mens ejusmodi defectum sentiat, homo ad hoc illudve alimentorum genus, atque ad hanc aliamve alimentorum præparationem invitetur: At falsum hoc esse, quis est, qui non videat. Appetitus enim specialis a lusu quodam imaginationis magis pendet, &, quod maximum est, ventriculus noster alimentorum assumptorum formam priorem solutione eorum subtilissima plane destruit, novaque introducta ad nutritionem humani corporis adaptat.

Cause

Causa famis externa sunt visa grata & accepta, quæ interdum repleto etiam ventriculo nos ad eorum assumptionem disponunt, & veluti invitant.

Quemadmodum fames solidorum est appetitus: Ita sitis appetitus liquidis excitatur.

Sitis non præternaturale semper quid est, uti nonnulli volunt, sed naturale plerumque. Cum enim machina nostra ex solidis & liquidis componatur, utrisque ideo conservanda est & restituenda.

Subjectum sitis sunt os, fauces, œsophagus, ventriculus, imo & totum corpus. Si enim fauces, aliæque oris partes exsiccantur, sive in loquela, sive in æstate, ad hæc humectanda potum desideramus. Sic ventriculus, cum solidorum ei dissolutio instituenda est, liquida etiam ad actionem hanc exposcit. Hinc mirum non est, quod in coena statim post assumptionem aliquot bolorum solidorum sitis plerumque in nobis excitatur.

Causa sitis etiam est vel privativa, vel positiva, eaque vel universalis, vel particularis. *Privativa* est defectus liquidi particularis, v. gr. salivæ, quæ ad os non fluit, ut in febribus, æstate, &c.

Universalis, quando tota lymphæ quantitas imminuitur in evacuationibus, sive naturalibus, sive præternaturalibus, sudore nempe, purgatione, diarrhœa, vomitu, &c.

Positiva est v. g. viscositas salivæ & lymphæ, unde sitis oritur in hydrope; item quando viscida assumpta fuerint alimenta, uti caro vitulina, caput & pedes vituli, aliaque similia; item falsedo, v. gr. post esum halecis; item abundantia salium scorbuticorum, quæ, dum dissolutionem poscunt, sitim notabilem, imo perpetuam fere, excitant.

Appetitus venereus est certa sensatio, cum desiderio coeundi conjuncta.

Hic in multis oritur, cum organa generationis, vesiculæ imprimis seminales, a quantitate seminis dilatantur & distenduntur, vel nimia seminis acrimonia ad pruritum irritantur. Cum vero sensus hujus molestia nemini non constet, & distinctiorem ejus explicationem pudor ac verecundia prohibeat, silentio eam prætermittam.

CAP. XLIII.

DE

Sensibus internis.

Sensus interni sunt certæ mentis operationes, quibus mediantibus objecta, in sensoriis externis ab homine percepta, & ad sensorium commune delata, ab anima cogitante apprehenduntur, dijudicantur & retinentur. Subjectum itaque anima est.

HÆc enim principium illud activum intelligens in homine constituit, & vim possidet considerandi motus, nervis impressos, & ad cerebri centrum medullare, sive sensorium commune delatos.

Objectum sensuum internorum sunt ideæ, a motibus nervorum, ad cerebrum delatis, ibi natæ; Vel ideæ potius sunt ipsi motus chordarum nervosarum & si motus antiquus in nervis denuo restituitur, idea antiqua de novo repræsentatur vel sistitur.

Sedes sensuum internorum est cerebrum, imprimis vero pars ejus medullaris.

Quodnam organon sit sedes sensuum internorum? de eo adhuc disputant Philosophi & Medici. CARTESIVS, qui glandulam pinealem pro sede animæ constituit, sensuum et-

iam internorum, vel sensus potius communis, item & affectuum sedem ibi esse, affirmat. Alii ubique sensum communem esse existimant, in toto nempe corpore, quandoquidem & spiritus & anima ubique sit, & motus afficiendi ubique etiam cognoscatur, v. gr. digito dolente sensus ibi sit non tantum perceptio, sed & dijudicatio. Alii sensum communem in medullæ oblongatæ principio, tanquam nervorum, uti putant, fonte, inveniendum contendunt. Alii alias in cerebro partes designant, in quibus sensum hunc illumve putant existere. Sic v. gr. WILLISIVS in corporibus stiriat sensum communem, memoriam vero in parte cerebri corticali quærit. Alii, cum Aristotelicis, sensum communem in antica cerebri parte, quo ideis statim adsit dijudicandis, phantasiam in media, tanquam majori, memoriam vero in postica, occipite nimirum, contineri sibi persuadent; idque ex hac ratione, quoniam vulnerato occipite memoriæ læsio fuerit observata. Quicquid tamen sit, prout nemo hujus illiusve locum specialem exacte determinaverit, nos minus errabimus, affirmantes, *nullum in corticali esse sensum, omnem vero in parte cerebri medullari.* Corticalis enim secretionibus tantummodo est destinata; medullaris autem distributionibus spirituum animalium. Cumque adeo nervorum origo in parte cerebri sit medullari, sequitur, ubi nervorum omnium origo atque exitus est, ibi etiam locum esse, ad quem motus omnes, nervis impressi & communicati, iterum redeant.

In parte medullari cerebri sedes primaria est animæ sive mentis & imprimis in septe pellucido & corpore calloso ita scite judicat incorporabilis vir LANCISIVS. Esse debet in illo loco, ex quo omnes nervi pro motu voluntario præstando exeunt, nam dirigere debet motus in hominibus sanæ mentis & non delirantibus vel non furiosis atque non dementibus. Esse debet in centro cerebri medullari, ubi omnes nervi

concurrunt organorum sensuum ad perceptiones ibi factas & institutas dijudicandas. Centrum cerebri est septum pellucidum, & quemadmodum ibi concurrunt satis manifeste thalami nervorum opticorum, ita & alii nervi hoc in centro concurrere debent, quod jam dudum quoque demonstravit BAGLIVIVS. In corpore calloso, enim fibræ nervosæ, concurrentes observantur repræsentantes dentes pectinis eburnei.

Numerus sensuum internorum ad tres sese maxime extendit. Datur namque sensus inprimis communis, phantasia & memoria.

Sunt quidem nonnulli, qui unum tantum sensum, internum statuunt, *imaginationem* videlicet, omnemque sub illa mentis facultatem & operationem comprehendunt. Verum quidem est omnem sensum internum fieri per imaginationem; sed cum varius objecta considerandi modus sit, varii hinc sensus interni, tanquam variæ, & a se invicem distinctæ mentis consurgunt operationes.

Sensus enim communis arbiter est rerum omnium, objecta præsentia, præsentis organorum sensoriorum motus, ad sensorium commune delatos, brevi quidem tempore considerat; *phantasia* vero longius paulo objectorum contemplationi immoratur. Hinc ratiocinando objecta distinguenda a se invicem distinguit, & quæ conjungenda, sive ullo conjungi modo possunt, uno inter se vinculo conjungit. Unde & nova sibi interdum fingit vel plane impossibilia, ut equum alatum, montem veluti vitreum, aureumve. Porro absentia quoque considerat, quod sensus quidem communi alias haud præstat. *Memoria* vero objecta hæc, sibi commissa, tandem retinet, suoque tempore, urgente videlicet necessitate, vicissim reddit. Hinc & duos memoria comprehendit actus, alterum, quo sibi-

met commissa feliciter, dum opus sit, conservat; alterum, quo sibi mandata repetit, cum opus fuerit. Atque ea quidem facultas, quæ utrumque actum huncce complectitur, memoriam late dictam; illa vero, quæ communicata sibi recondit, stricte dictam constituit; repetens autem peculiare *reminiscentia* nomen obtinuit.

Quod vero ideo sint chordarum motus, exinde patet, quoniam si cerebrum vulneratur, non omnes ideæ perire solent, sed modo certæ sive illæ, quæ sunt in illo loco, in quo chordæ nervosæ alias erat læsæ. Dum verò ibi sunt læsæ chordæ nervosæ, antiquum motum vel antiquum sonum edere non possunt. Ergo ideæ ibi perierunt, salvis reliquis manentibus. Illustr. ASTRVCIVS l. c. inquit: *simplex idea est unius chordæ nervosæ motus, composita idea est plurium chordarum cerebri motus.*

Organon memoriæ, sicut & reliquorum sensuum internorum, uti jam dictum, est cerebrum, & quidem præcipue pars ejus medullaris. Hoc enim læso & omnes plerumque sensus simul interni læduntur. Lædunt autem cerebrum, sensusque simul internos, morbi soporosi, ut lethargus, carus, coma utrumque, apoplexia, melancholia, mania, ebrietas & similes, pestis, febris acuta, phrenitis, dolor capitis chronicus &c. item vulnera externa, contusiones; quæ omnia, dum cerebri structuram naturalem turbant, sensuum internorum læsionem etiam post se trahunt. Quo autem modo læsio cerebri facultatem mentis intelligentem impedire queat, ex iis patet, quæ alias de mentis ac corporis connexione diximus; certos motus corporis certas sequi mentis cogitationes. Læsis autem nervorum in cerebro originibus, non potest certus, aut debitus per eos ad mentis sedem deferri motus, sed corruptus tantum, aut incertus, qui, rerum ante perceptarum circumstantia mutata, aliud menti objectum exhibet. Unde adeo non certæ

certæ ac propriæ, sed alienæ ac peregrinæ cogitationes excitantur.

Quomodo vero memoria ideas, a sensu communi dijudicatas, a phantasia diutius consideratas, separatas, aut combinatas conservare, aut custodire, imo suo tempore repetere ac reddere valeat, hoc exponendum jam loco venit.

Suppono igitur, ut certum atque extra dubitationem positum, non *in sola mente memoria vim esse, sed in corpore simul, in cerebro nimirum, ejusque parte medullari.* Hæc si structura gaudet convenienti, memoria erit felix; turbata vero hac structura vel natura, vel a morbo, aliave læsione, memoria turbatur, sive tarda atque exigua redditur.

Structura cerebri in parte medullari fibrosa est, & ex chordis constat, si antiquus motus in chordis redintegratur, antiqua idea repræsentatur. Qui chordas regulariter constructas & semper rigidas atque conveniente modo expansas possident, exoptatam memoriam & simul exoptatum judicium habent. Homines sunt prudentes & vegeti, alacres & promptissimi judicii & hoc vocatur germanice, *Mutter-Witz*, quoniam a prima formatione in utero etiam hæc adaptatio pendet.

CAP. XLIV.

DE

Affectibus animi.

Animi affectus, vel passionēs sunt certi animæ actus, ex certis nati perceptionibus, quarum vi atque opera, bona desiderare & amplecti, mala vero fugere & averfari solemus.

Subjectum itaque est anima cum spiritibus animalibus.

Hh 3

Anima

Anima enim non sola affectuum negotium absolvit; alias sequeretur, in brutis non esse affectus; quod tamen falsum est. Bruta enim, ut vel ipsa quotidiana docet experientia, tales quoque spirituum alterationes sentiunt. Nam canis amat dominum, furem vero latrante odio prosequitur, imo irritatus ab alio, vel læsus, in iram & furorem incidit. Hinc & bruta suo modo bona & mala distinguunt, & quæ placent, amant, quæque minus placent, averfantur. Cumque adeo affectus etiam in bruta cadant, *inter impetum affectuum primum & secundum* philosophi distinguunt. Primus impetus mere est corporeus & brutalis; secundus vero rationalis, adeoque hominis. Res ipsa vel exemplo clarior evadet. Amare & coire hominī cum brutis commune est, Animalia enim omni hoc tempore faciunt, locoque, sine subjecti distinctione. Ibi enim filius cum matre, vel sorore concubitum exercet: Homo autem rationalis ex legibus naturæ divinis humanisque eductus tale quid suscipere nec solet, nec debet; Nunquam enim homo rationalis atque prudens meretricem amabit pulchram; multo minus cum foemina coibit, quæ marito concredita est. Hoc enim turpe esse & illicitum, agnoscit. Hinc in affectibus hominis anima & spiritus simul afficiuntur, anima nimirum per spiritus, qui, juxta Ill. B. WEDB-LIVM, portatores sunt atque interpretes animæ, vel, juxta cel. RIVINVM, animæ habitaculum.

Sedes affectuum primaria est cerebrum.

Ex jam dictis sedes simul affectuum patebit, quæ non cor, uti vulgo ferunt, sed cerebrum est. Spiritus enim animales totum ferme negotium absolvunt, hi vero præcipue in cerebro continentur, & ab eo originem ducunt. Cum vero spiritus, in affectibus specificè commoti, per nervos in cor influunt, pro ratione affectus motum cordis perturbant mutantque

que. Unde in metu atque terrore ejus fit palpitatio. At non in corde tantum, sed & in toto corpore effectum edunt notabilem; hinc & causa diversarum mutationum morborumque corporis existunt, v. g. in ita hepatis viscus, aliaque organa bilificantia, bilemque conservantia, convulsa, contrahuntur, bilemque in largiori copia ad intestinum mittunt duodenum, a quo vel ad ventriculum protrusa, ibi molestiam creat, vel ad intestina inferiora delata, diarrhoeam instituit.

Manent ideo spiritus animales instrumentum affectuum præcipuum, tum quia motus, nervis organorum sensuum communicatos, sentiunt, menti que offerunt, tum quia mentis cogitationes recipiunt, corporique communicant. Hi spiritus in affectibus duplici in genere modo commoventur. Aut enim expanduntur, uti v. g. in gaudio, hilaritate, superbia &c. aut concentrantur, ut in metu, tristitia, odio &c. Spiritu enim animales sunt corpora perfecte elastica; ideo in gaudio expansi majus spatium affectant; in timore ad minus quasi se contrahere volunt; Darum spricht man: Der Kerl fürchtet sich, er möchte in ein Mause-Loch kriechen.

Objecta, quæ spiritus & animam nostram afficiunt, duplicia sunt, bonum nempe & malum.

Aristotelici exprimere hoc solent per appetitum concupiscibilem & irascibilem. Cartesiani aliam fecerunt affectuum divisionem ratione objectorum, & sex tantum passiones admittunt primitivas, admirationem nempe, amorem, odium, cupiditatem, lætitiā, mœrorem; reliquæ vel ex his componuntur vel earum sunt species. Nos vero notam hic retinebimus divisionem. Bonum enim est vel *jucundum*, vel *utile*, vel *honestum*. Jucundum circa sensus in primis organa versatur; unde jucundum est in visu, auditu, olfactu, gustu & tactu. Utile vel

vel mentem respicit, vel corpus; Honestum famam & existimationem. *Malum* modo dictis ubique contrariatur. Res sequenti fere clarior evadet tabula:

Bonum		Malum	
Novum parit admirationem. Quotidianum parit contemptum.			
Pulchrum	amorem.	Turpe	odium.
Præsens	hilaritatem.	Præsens	tristitiam.
Futurum	spem.	Futurum	metum.
Gratum	appetitum.	Ingratum	nauseam.
Divitiæ	securitatem.	Inopia	curas.
Fama	superbiam.	Rumor	pusillanimitatem.
Factum	gloriam.	Factum	pudorem.

Modum, quo animi affectus absolvuntur, ut supra dictum, explicare possumus per spirituum expansionem & contractionem, qui quidem motus diversimode etiam motum sanguinis perturbant, sanitatemque vel promovent, vel prorsus destruunt.

Cæterum de hisce legi merentur binæ LANGII, celeberrimi quondam Lipsiensium Medici, Dissertationes, altera *de Mortuis ex affectibus*; altera *de animi commotionum Vi Medica*.

Quod vero hic aliusve homo ad hanc vel illam affectuum speciem magis dispositus sit, sit ex statu spirituum, sanguinisque mixtura, fluiditate & ad motum magis minusve celerem suscipiendum aptitudine. Hinc sanguinei pariter ac cholericî, quoniam in illis spiritus sunt valde elastici, mobiles, fluidissimi, sanguis vero eorum, ob particularum salino-volatilium & sulphurearum elasticarum abundantiam, maxime ad rarefactionem dispositus, ad iram inclinant, superbiam, fastum, pompam, hilaritatem, voluptatem, socialitatem quarunt,

runt, vel solitudinem vitant. Contra Melancholici & phlegmatici, ob spiritus fixatos, ligatos & suppressos, sanguinemque terreum & aquosum, viscosum, tardissime commotum, magis dispositi sunt ad tristitiam, timorem, solitudinem amant, hominesque fugiunt, pigri insimul sunt, diuque dormiunt, negligentes sunt, nulloque modo ambitiosi, omnia perferre possunt &c. De signis temperamentorum atque affectibus prædominantibus, singulis subjectis & constitutionibus propriis, legendi Clar. Trierius, Illustris item Thomasius, in seiner Sitten-Lehre, nec non Generos. Dom. de Rohr, in seiner Erkänntniß der menschlichen Gemüther.

CAP. XLV.

DE

Vigiliis, somno & Insomniis.

Vigiliæ naturales talem hominis statum indicant, quo libero sensuum motuumque omnium, tum voluntariorum, tum involuntariorum usu & exercitio fruitur.

Causa vigiliarum est libera spirituum circulatio & quantitas conueniens. Si enim spiritus sufficientes sunt, nervosque conuenienti modo expandunt, homo omnibus aptus est munjiis obeundis.

Somnus vero est cessatio sensuum & motuum voluntariorum, dependens a spirituum animalium quiete. Subjectum somni primarium est spiritus animalis.

Hoc enim quiescente non corpus tantum a sensibus motibusque cessat, sed & anima catenus tranquilla redditur & quiescit, quatenus corpus nullas menti ideas offert dijudican-

das. Cessant vero, ut diximus, in somno tantum motus voluntarii, naturales vero, vel automatici, ceu ad vitam continuandam necessarii, peraguntur, ut motus cordis, thoracis, ventriculi, intestinorum &c. Hinc colligendum, nervos omnes cerebri & cerebelli in somno esse collapsos, exceptis vagi paris, quod apertum & spiritibus distentum in somno manet, eosque ad organa thoracis ducit & abdominis.

Sedes somni primaria est cerebrum cerebellum, & spinalis medulla, secundaria vero corporis partes omnes, motu voluntario gaudentes.

An vero somni principium in capite sit, an in corpore reliquo multi inter se disputant: Interim tamen probabile est, somnum duci originem a cerebro, quoniam nervorum ibi origo se exerit. Unde & collabescentiæ ibidem initium sit oportet, id quod etiam in illis observamus, qui v. g. instrumenta musica, clavicordia digitis pulsant. Hi nutante licet & dormiente capite motus tamen non nullos pulsusque digitis absolunt.

Forma somni consistit in collabescencia nervorum, tum in origine, tum in insertione, qua posita quiescere incipiunt spiritus.

Hæc quies spirituum non est omnimoda, qualis tantummodo in morte contingit; sed respectiva habito videlicet respectu ad vigiliam. Interim tamen apertis auribus non audiunt, nec aliter homines sentiunt, quia eo tempore spiritus non influunt, quorum tamen præsentia, & quidem perpetua ad sensum requiritur.

Causa somni est defectus spirituum.

In statu nempe naturali & sano spiritus tempore diurno variis actionibus tum mentis, tum corporis delassantur, ad-
eoque

eoque imminuuntur in quantitate, quæ imminuta quantitas tubulos nervorum amplius perfecte repetere & distendere chordasque nervosas expandere non potest. Unde nervorum tubulorum fit collabescencia; & sic impedito & intercepto spirituum motu ad organa sensuum & motuum voluntariorum: somnus oritur, remanente motu organorum vitalium & automaticorum. Quis ergo ex jam dictis rationem agrypnæ in febribus malignis non videt? Nam in febribus malignis motus est acceleratus sanguinis; posito hoc motu, nimia sanguinis divisio spirituumque elaboratio contingit, ideoque continua nervorum in origine dilatatio; qua posita somni sequitur denegatio, tandemque confusio perceptionum in corpore, & sic errores in mente, hoc est, delirium. Interim tamen & ipsa temperies cerebri & sanguinis huc quoque referenda; Sic phlegmatici, ob seri abundantiam, cerebri laxitatem, spirituumque defectum, ad somnum perpetuo inclinant, insimulque stupidi sunt, omnesque actiones cum tarditate absolvunt. Darum sagt man: Der Kerl ist eine Schläffmüße; & veritatem hujus de statu sanguinis & cerebri assertionis observamus in infantibus, qui ideo perpetuo quasi dormiunt.

Usus somni est restitutio quantitatis spirituum & virium.

In somno libera imo liberrima est Pneumatosis, quæ ut perficiatur, opus est, ut actiones aliquæ feriantur, nec cibus ullus potusque adeo euidenter & tam manifeste ac notabiliter vires restituit, quam somnus, in quo vires omnes recolliguntur, & homo euidenter recreatur ac fortior redditur. Hinc & in senili inprimis ætate, ubi a variis curis somnus plerumque nocturnus interrumpitur, somnus meridianus permittendus ac commendandus. Ita enim ventriculus, majori spirituum copia instructus, in senibus chymificationem longe

faciliorem felicioremque instituere atque absolvere potest. Qui vero lucubrationibus & meditationibus œconomiam corporis perdunt, cerebri structuram destruunt, aut melancholiam, aut alia malorum genera accelerant.

Somni accidens sunt insomnia.

Insomnia ab omnibus philosophis dicuntur operationes phantasie in dormientibus. Ergo in insomniis occurrit mens, sive anima rationalis, & spiritus animales, quæ duo in cerebro principia sibi interdum ideas formant. Non enim sola insomnia efficit anima, sed & corpus simul operatur, & quidem spiritus animalis, qui corporeus est. Hinc etiam insomnia comunissime distinguuntur in *naturalia*, *præternaturalia* & *supernaturalia*.

Naturalia insomnia ex causis corporeis & motibus spirituum oriuntur, quales etiam in brutis observamus, v. g. cane dormiente, qui eiulatu suo motuque caudæ in somno insomniâ sua indicat.

Præternaturalia a morbo, statu sanguinis, cerebri, aliorumque organorum corporis turbato derivantur, unde quies etiam spirituum turbatur, quo pertinent insomnia melancholicorum, febricitantium, incubus ipse &c.

Supernaturalia a DEO, vel Diabolo originem ducunt, & menti quasi tantummodo sistuntur, quæ ut spiritus spiritualia intelligere potest.

Causæ insomniorum vel internæ sunt, vel externæ.

Internæ sunt v. gr. sanguinis abundantia & circulatio in pulmonibus impedita, quæ, dum suffocationes minatur, incubi ideam excitat. Urinæ quantitas & urgens copia triste sæpe reddit insomnium, in junioribus præsertim subjectis, permingendi quippe occasionem præbens stragula. Item quan-
titas

titas feminis ad infomnia venerea homines juniores maxime disponit.

Externæ insomniorum causæ sunt interdiu plerumque visa & audita, aliove modo percepta. Motus enim ejusmodi nervorum in dormientibus repetuntur, ubi phantasia interdum quædam addit, adeoque diversimode ideo mutatur & invertitur.

De insomniorum proinde conditionibus nihil, quod asseramus, certi habemus, præter quod alia infomnia nobis grata & jucunda sunt, alia contra cum anxietate interdum & tristitia conjuncta; id quod etiam pro temperamentorum diversitate varia, ut antea a nobis dictum, se exerit. Simile quid de eorum eventu, incerto plerumque, nobis est asserendum. Interim haudquaquam negabimus, revelationem quandam, sive divini aliquid insomniis nonnunquam intercedere, cum ea de re plura in scriptura sacra & historia profana testimonia passim extent, revelationem tamen non novorum fidei articulorum, sed futurorum quorundam eventuum. Anima insuper forte, ut spiritus, futura potest intelligere, quamvis modus ratioquere rei nobis non æque constet.

Itaque œconomia hominis in lucem nati ad finem cum Deo est perducta. Restat igitur œconomia tantum foetus in utero, ad quam nunc me convertito.

CAP. XLVI. De Generatione,

AC
De Subjectis in primis & organis, generationi dicatis.

Immoralitatem ut acquirant, libris edendis operam navare solent homines ac liberis procreandis. Iis maxime student,

qui posteritate sunt destituti: His, qui maritam præferunt coelibatui. Utrique sua sunt laude digni. Illi enim vitam hominum corruptam emendant, hi multam sobolem, qua, vi edicti Dei, Domini nostri, genus humanum auctius evadit, suppeditant.

Nos jam de naturali immortalitatem acquirendi ratione, sive de hominis generatione, erimus solliciti. Grave certe atque vexatum in scholis Medicorum & Physicorum hoc est problema, inprimis, cum hodie quivis suo velit abundare ingenio; ideo etiam mirum non est, si, quot Medici, tot hac de re obviæ sint sententiæ. Quænam igitur hac de re tam ardua, tamque obscura & occulta, nostra sit sententia, ex sequentibus licebit colligere,

Generatio est actio naturalis, qua ex utriusque parentis coitu venereo novus homo procreatur.

Ut vero in doctrina hac tam ardua distincte procedamus, considerabimus 1) *subjecta* generationis, 2) *organa*, 3) *materiam*, 4) *modum*, seu ipsam conceptionem 5) *fœtus concepti* descensum ad uterum, ejusque, ibi tempore gestationis detenti, *œconomiam*, h. e. vitam atque nutritionem postea 6) ejus exclusionem, vel *partum*, ac tandem ejus *post partum tractationem* & conservationem.

Subjectum generationis, vel causa efficiens, non una, sed duplex est, mas nempe & fœmina.

In hoc enim differt generatio animalium in genere a generatione vegetabilium, quod in his una sufficiat planta, sibi relicta hermaphroditica, in animalium autem generatione duos semper occurrere oporteat parentes. Sunt quidem nonnulli, qui affirmare non dubitant, fœminam solum, sibi relictam sufficere posse ad generationem absolvendam, atque, ad thesin hancce probandam, ridiculum *Par-*
lamen-

lamenti Tholosani & S Cti Anglicani pronunciatum adducunt. Illud enim foeminam, illustrem a Medicis foeminæ patrocinantibus seductum, ab adulterio absolvit, quæ marito absente ex ejus amplexibus in somno repræsentatis, vi imaginationis se gravidam factam, affirmabat. Hoc vero legitimos filios pronunciat, quos mater in patris diurna licet absentia enititur, modo is fines Angliæ interea temporis non excesserit. At sancitis ejusmodi naturæ legibus vim inferri, quis non videat?

Subjectorum horum ætas porro apta requiritur atque legitima.

Qualis vero illa sit, disputatur. J Cti, juxta imperatoris mandatum, masculum post annum decimum quartum, foeminam vero post duodecim annos ad conjugium habilem pronunciant. *Vid. princ. Instit. L. 1. Tit. XXII. quibus modis tutela finitur.* Interim vero, ut medice loquamur, ætatem generationi aptam neque in juventute neque in senectute exacte determinare licet, cum natura, pro diversitate climatis, temperamenti, aliarumque circumstantiarum, multis omnino modis subjecta, variet atque a regula sua abeat. Quare fabula potius videtur, quod Hieronymus de puero decem annorum narrat, qui nutricem suam gravidam reddiderit.

Hæc subjecta organis suis, generationi inservientibus, & a Deo ad eam destinatis, instructa esse oportet.

Quænam vero illa præcipue sint, seorsim jam pervestigabimus. Sequiori sexui sunt pudenda, quæ tamen paulo aliter in foemina, quam in virgine constructa deprehenduntur, & cum de virginitate J Cti a Medicis interdum, in casibus forensibus, judicium expectent, de virginitate quoque addenda nonnulla veniunt.

Duplex

Duplex vero est virginitas, alia mentalis, alia corporis.

Mentalis dicitur, cum virgo viri amplexus nunquam sustinuit. Hæc salva etiam manere potest, destructa corporali.

Corporalis autem sequentibus ex signis colligitur, quorum 1) est *Hymen*, vexillum virginitatis, s. pellicula quædam exigua, tenuis, in orificio vaginæ se offerens. Quæ quidem pellicula a variis anatomicis negatur, quoniam ab illis, forte ob ignorantiam, aut incuriam, non est observata; ab aliis pro præternaturali habetur, uti a *DIONYSIO* in sua inprimis *Chirurgia*; ab aliis diversimode describitur. Sic *RIOLANVS* illud protensionem vocat carneam; *FALLOPIVS* nerveam; ligamentosam *BERENGARIVS* & *MERCATVS*; congestionem caruncularum myrtiformium *BARTHOLINVS* & *PINÆVS*. Alii circa urethram illud quærunt; alii sub nymphis; alii circa carunculas myrtiformes. Omnium tamen optima sententia est *REGNERI de GRAAF*, afferentis, hymen esse zonam quandam membraneam, secundum longitudinem apertam, quæ semotis partibus externis in vaginæ initio observatur, id quod sua ipse observatione confirmat *SCHWAMMERDAM*, aliique. Tale igitur hymen in virginibus existere, extra omnem dubitationis aleam est positum. Interim vero illud quoque destrui violentia quædam externa posse, salva tamen manente virginitate mentali, concedimus. 2) Virginitatis signum est *rugositas & coarctatio vaginæ uteri*, quæ, reiteratis congressibus, revera destruitur, vel per fluxum mensium quodammodo imminuitur. 3) est *dolorosa admissio*, quæ ex coarctatione claustris vaginalis sequitur, ac tandem 4) *sa in primo congressu contingens cruentatio*, quæ ex hymenidis dilaceratione necessario contingere debet.

Quan-

Quanquam & signis hisce variæ auctorum obstant objectiones, quorum sententia intercedente omnis, quam corpori tribuimus, virginitas in dubium vocatur. Eorum tamen cum ejusmodi sint argumenta, quibus facile obviam iri potest.

Organa mulierum, generationi dicata, alia sunt externa, alia interna; alia congressibus inserviunt, alia materiam foetus præbent, alia foetum gestationis & nutritionis tempore complectuntur.

Externæ partes pudenda dicuntur, ex *monticulo veneris* composita, *rima magna*, ad anum usque protensa, & ab eo per perinæum separata, *barba*, vel pube, & *labiis* externis mollioribus ac paulum protuberantibus.

Diductis hinc labiis in summitate pudendorum conspicendum se nobis offert corpus quoddam rotundum exiguum eminens, *clitoris*, columella, aut mentula muliebris dictum, ex membranula, qua tegitur, seu *præputio*, compositum, duobus *corporibus nervosis*, spongiosis, *glande*, *musculisque*, ejus rigiditatem in coitu promoventibus. Atque, ut verbo rem omnem expediam, est mentula, sed solida, non perforata; unde a mentulæ virilis affricu in congressu commota, pruritum foeminis amorisque dulcedinem primario communicat.

Celeberimus Drackius in sua anatomica ostendit zonam circularem, formatam ex cruribus clitoridis, quæ totam vaginam cingit & ita sensus voluptatis in sexu sequiori durante coitu augetur.

Circa latera clitoridis protensiones quædam molles, rubentes, & carnosæ observantur, quæ *alæ*, sive *nymphae* appellantur. Hæ autem nymphae, in congressu titillatæ, quoque intumescunt, & rigiditatem aliquam acquirunt, immis-

sumque virile membrum blande comprimunt comprehenduntque, quo in veneris amplexu illecebræ augeantur. In superficie harum nympharum, observavit magnus MORGAGNI glandulas odoríferas quæ quemadmodum glandulæ odoríferæ Thysonis & Terranei in glande & corona virili liquidum fundunt acre pruriginosum, quod sensum voluptatis excitat. Ego qui multoties operationes suscepi Chirurgicas in organis generationis mulierum, vidi plus vix simplici motum nympharum evidentem, ideo que concludo, quod muscoli certi ibi adsint.

Sub nymphis postea deprehenduntur in læsæ quidem virginittatis hominibus laxa quædam tubercula, quæ ab anatomicis *caruncula myrtiformes* vocantur. Hæ enim in illibatæ virginis pudendo expansa hymene, nunquam seorsim conspiciuntur, sed post cruentationem in primo congressu rupto hymene, demum ita formantur.

Non longe infra clitoridem circa carunculas myrtiformes reperitur *exitus* meatus urinarii, sive *urethræ*, qua a vesica exceptam urinam egetit, mireque est dilatabilis, id quod Lithotomi probe annotarunt.

Prope hunc constitutæ sunt *lacunæ* plures, vel ductus, ex prostatarum muliebrium corporibus exeuntes. Hi ductus ex corporibus glandulosis prostatarum fundunt lympham serosam, quæ cum saltu interdum prorumpit, & seminis emissionem in mulieribus mentitur.

Liquidum hoc prorumpeus est menstrum seminis virilis, quo mediante spiritus in semine virilicententus liberatur.

Partes igitur jam recensitas in extremis pudendorum sequitur *vagina uteri*, ita dicta, quia virile in se membrum recondit, atque illud haud secus, ac vagina gladium, excipit dicenda ideo est vagina mentulæ, non uteri.

Est

Est enim canalis mollis & laxus, vesicam urinariam inter & rectum intestinum situs, cui nexu tam firmo devincitur, ac si communi constarent tunica.

Interna substantia nervosa est & spongiosa, variisque plicis corrugata, ut eo se melius extendere, viamque foetui aperire possit. Quæ quidem plicæ, sive rugæ in virginibus satis sunt notabiles, in defloratis vero, quas vocant, evanescent, & a mentulæ reiterato frictu quasi obliterantur.

Circa plicas hasce poruli, vel extremitates ductuum glandularum vaginæ offenduntur, ex quibus serum erumpit, quod ad partum ex parte, partim ad mentulæ commodiorem receptionem, hoc organon humectat adaptatque.

Ipsa vero *vaginæ substantia mere musculosa est*, ac duplici quasi ex musculo componitur, uno longitudinali, cylindrum vaginæ componente, altero circulari, quo vagina coarctatur.

Cujus musculi circularis fibræ circa vaginæ principium eum maxime in finem multiplicantur, ut eo melius vagina circa penem in actu venereo constringatur. Quamobrem conclave quoddam vagina repræsentat, in quo festa conjugalicia celebrari solent. Virile enim membrum erectum excipit, semenque, in uterum emissum, dirigit. Quod ut felicius peragatur, totus vaginæ ductus, a pudendo ad uterum usque, in coitu erigitur, ut penis ita regia quasi via versus uterum pervenire queat. Brevibus: Tota vagina & viro admittendo, & foetui in partu transmittendo inservit.

Vagina hæc cum utero ipso cohæret.

Uterus, seu matriæ, organum est, quod ovulum foecundatum ex *tuius Fallopii* recipit, foetumque gestationis tempore conservat.

Dividitur in corpus fundum & cervicem, & figuram pyriformem obtinet.

Fundus appellatur ejus pars superior & rotunda, quæ cavitatem exiguam obtinet. Cervix autem ea pars est, quæ ex latiori ambitu, seu fundo, sensim angustior evadit. In ea *orificium uteri internum* est, in plicas varias rugasque, per musculus quendam sphincterem, contractum. Hoc tempore congressus tantisper descendit & aperitur, auramque seminis virilis excipit, eadem vero suscepta retrahitur, exacte clauditur, lentoque, viscoso, ac flauescente humore obsignatur, rursusque partus tempore, ad excludendum foetum, stupendum in modum, ad rosæ instar se explicantis, paulatim ampliatur atque diducitur.

Tota *uteri substantia musculo-vasculari* est, quæ a membrana communi, a peritonæo orta, tegitur. Fibrae enim uteri motrices in varios fasciculos, ceu musculos, collecti, & diversimode implicati, motum uteri tam stupendum in partu edunt. Vasa vero omnia uteri, inprimis arteriosa & venosa, sive ab hypogastricis, sive a spermaticis deducta, item & nervi ab intercostalibus & lumbaribus inprimis orti, ac vasa lymphatica, ibi existentia, & postea ad chyli receptaculum tendentia, & a *NUCKIO* primum inventa, in utero, non imprægnato, complicata, & in lineam serpentinam corrugata deprehenduntur, quo tempore gestationis extendi, & in majus abire spatium valeant. Hanc structuram uteri ostendit *SCHWAMMERDAM* & confirmavit *DRACKIVS*.

Ex uteri cavitate duo exeunt canales, Fallopii tubæ dicti.

Hæ tubæ, ab aliis ovi ductus dictæ, angusto admodum principio vel proboscide ab uteri fundo oriuntur, sensimque latiores amplioresque factæ in linea curva, vel serpentina poti-

potius, versus ovarium ascendunt, idque fimbriis suis musculosis amplectuntur & quasi investiunt.

Tubarum Fallopii mesenterium est, legumentum latum uteri.

Uterus in situ suo, quem in pelvi infima, abdominis nempe regione, intra vesicam urinariam & intestinum rectum obtinet, continuo ibi vi ligamentorum detinetur.

Ligamenta uteri quatuor sunt, duo lata, totidemque rotunda.

Ligamenta lata alæ vespertilionum a figura quoque salutantur, utrumque partim cum lumbis conjungunt, partim uteri, ovarii, Tubarumque Fallopii commercium sustinent. Tenui præterea membrana constant, quæ motibus uteri fortioribus resistere vix ac ne vix quidem valet.

Rotunda paulo solidiora sunt, & a fundo uteri utrinque per peritonæi duplicaturam extra abdomen, inguina versus, excurrentia sensim sensimque evanescunt.

Organa generationi inservientia in sexu nobiliori distinguuntur in semen præparantia, in semen secernentia, idemque detinentia, seu semen conservantia. De quibus omnibus cap. xxx. Restant ergo organa tantum semen ejaculantia, vel ad uterum ducentia.

Hocce organum mentula est, priapus, vel virga virilis, in ima abdominis parte, vel centro gravitatis corporis humani sita, juxta celeberrimum BORELLVM & WOLFFIVM, ut adeo majori cum commoditate homo id ipsum ad generationis actum possit applicare.

Instrumentum hocce antliam repræsentat, uti mox explicabimus. Et extus quidem componitur ex cuticula, cute

& membrana tenui musculosa, nulla tamen pinguedine interfusa, ne hæc priapum majorem, quam par est, in molem ac magnitudinem evehere, voluptatemque sufflaminare hac ratione queat.

Hæc integumenta, in extremitate penis duplicata, *præputium* constituunt, seu glandis integumentum, cum illa per frenum conjunctum. *Glans* est caput mentulæ, quod componitur ex molli ac nervoso-spongiosa substantia, tegiturque unice subtili ac tenui membranula, ab urethra continuata, ideoque, præ reliquis partibus, sensu exquisitus est præditum.

Glans est ipsius urethræ continuatio. Hoc probatur experimento anatomico. Etenim si urethræ corpus vulneratur in cadaueribus & tubulo inflatur, intumescit urethra & glans non vero corpora nervosa mentulæ.

Separatur vero glans quadantenus per coronam, partim a præputio, partim a corporibus nervosis penis.

Corpora bina, nervosa dicta, ipsam mentulæ substantiam propriam componunt, & ab anatomicis, in primis GRAAFIO atque KVRTSCHIO folliculosa, spongiosa atque cellulosa deprehenduntur. Oriuntur ab inferiore ossium coxendicis margine, distincto a se invicem principio, mox tamen in progressu, tenui intercedente sepimento, conjunguntur.

Erectores musculi penis conuectuntur immediate in una parte cum hisce corporibus cavernosis, in altera vero parte cum osse ischii, inter hujus tuberculum ubi maxime tendinescunt. Si corpora nervosa vulnerantur in loco, ubi horum musculorum est insertio, posteaque tubulo inflantur erigitur penis in mortuis. Hi musculi dum agunt premunt Venas dorsæ, penis contra os pubis refluxum sanguinis impediunt & ita penis intumescit atque erigitur.

In media horum corporum nerueo spongiosorum parte

te inferiori sita est *urethra*, sive canalis, seminis pariter atque urinæ excretioni dicatus.

Vasa ad mentulam tendentia, sunt arteriæ, venæ & nervi. Arteriæ partim ab hypogastricis, partim ab iliaticis ramulis originem ducunt, & tum extus, tum intus mentulam perreptant. Quæ externæ sunt, eæ supra crassam corporum nerveo-spongiosorum membranam, per penis dorsum excurrunt. Internæ vero sanguinem in cavitates corporum nerveo-spongiosorum effundunt. Hinc ab illis tandem ad venas mentulæ, & ab his ad hypogastricas iterum deferuntur. Nervi autem bini, ab ossis sacri medulla profecti, tum extimam, tum intimam hujus organi substantiam pervadunt.

Tandem *genitale hoc organum suis gaudet musculis*, quorum duo breves quidem, sed crassi atque robusti sunt, & erectores vocantur ab ossis ischii margine, prope corporum nerveo-spongiosorum principium, deducuntur, atque illorum lateribus adhærescunt, inque valida & densa eorum membrana delitescunt. Horum opera penis primum attahitur, deinde, nerveo-fungosorum corporum principii compressis, adeoque refluxo sanguine illic detento, impletur, valideque erigitur.

Reliqui duo urethram comprimentes longiores vero sunt, sed graciliores, a musculo spinctere intestini recti partim, partim ab acceleratoribus proficiscuntur, supraque urethram, ejusque bulbum, quem excurrentes quasi complectuntur, crassæ itidem corporum nerveo-spongiosorum membranæ lateraliter inseruntur. His addendi sunt transversales superiores & inferiores, qui adductores prostatarum vocantur & prostatas atque vesiculas seminales in coitu comprimunt. Addendus denique unus longus qui, ab acceleratoribus originem ducit & finem habet circa frenum penis, qui urethram totam comprimit.

Ita constructa mentula siphonem revera repræsentat, ex cylindro, pene nempe cum urethra, & embolo suo, musculis nempe, compositum.

In eo enim mentulæ consistit officium, ut semen mittat ad uterum, ubi aura seminalis a feminis lymphæ, tanquam vehiculo, possit separari. Quod ut fiat, ad hunc actum adaptandum est hoc instrumentum per erectionem atque solidescientiam. Flaccida enim mentula nunquam sibi viam parare vaginam intrare & semen emittere, multo minus ad uterum deportare potest.

Ita igitur penis erectio contingit, ut idea veneris in mente consurgente, nervi penis commoveantur, spiritusque hinc adfluant, in musculos, penis erectores, influentes.

Quo facto radix penis, vel radices corporum nerveo-spongiosorum comprimuntur, & sanguis in illis stagnare, cellulasque replere incipit, mentula vero ita intumescit solidescitque, ac simul prolongatur. Dum autem prolongatur, fibræ musculosæ penis muscutorum extenduntur, quæ vero, dum se iterum contrahunt, penem retrahunt, eriguntque; unde stabilis, solida & rigida redditur mentula. Ita demum adaptata hæc mentula vi muscutorum semen, ex vesiculis feminalibus expressum, ad locum debitum, uterum nempe, mittit.

CAP. XLVII.

DE

Conceptione.

Conceptio nihil est aliud, quam ovuli fœcundatio, vel, quod idem est, vitæ communicatio.

Unde

Unde in hac actione considerabimus 1) materiam, 2) causam efficientem, 3) modum, 4) finem.

Materiam itaque conceptionis ovulum, seu, quod idem est, semen muliebre constituit.

Existentiam seminis in sexu sequiori, ARISTOTELES quidem, & cum eo, Arabes Medici, AVERRHYES & AVICENNA, negarunt, contendentes, sanguinem menstruum sufficere ad generationem absolvendam: Sed jam olim illis mascule contradixerunt ipse HIPPOCRATES & GALENVS, qui existentiam seminis in foeminis comprobarunt, eandemque omnes postea sententiam sunt amplexi. Quid vero seminis nomine venire debeat, ignorabant. Hinc plures, cum LAVRENTIO, FALLOPIO, aliisque, statuebant, semen a testibus, per tubam Fallopiam, in coitu, ad uterum descendere, ibique cum semine virili misceri, ex qua mixtione homo generetur. Illud vero, quod vaginam in coitu humectat, liquidum non esse semen, sed humorem glandularum vaginae uteri & prostaticarum, ex antecedentibus fere satis innouit.

Primus itaque anatomicorum erat cel. IOH. VAN HORN, & postea REGNERVS etiam de GRAAF, qui ovula in testibus, seu vesicis quasdam, liquore quodam repletas, alias minores, alias majores, inuenerunt, quas exsecantes, & aqua decoquentes haud secus ac aliorum animalium ova in substantiam albicantem indurabant. Unde, ovula verum esse semen muliebre existimabant; id quod KERCKRINGIUS, in *Anthropogenia* sua, demonstrationibus, & D. de S. MAVRITIO, Parisiis, observatione notabili, a. 1682. confirmarunt. Hic enim in foeminae cujusdam, octo alias liberorum matris, testiculo dextro foetum, plenarie formatum, adinuenit. Atque ut veritas de ovulo tanquam vera generationis materia, magis appareat, beati hunc loco parentis mei, Medici quondam in praxi

felicissimi, & in theoria curiosissimi, stupenda, memoriaque dignissima mihi in medium proferenda est observatio. Is enim præsente Duce bellico, seu Chiliarcha de Amsterot, aliisque tum rei militari præfectis, militis cujusdam foeminam viventem in latere sinistro abdominis circa umbilicum, in quo tumorem gerebat, ad pugni magnitudinem, aperuit, & ex illo sceleton foetus, ibi corrupti, extraxit, ex quo vulnus postea rursus ad substantiæ ipsius integritatem coaluit. Ipsa vero hæc foemina deinceps bis peperit, & sexto post operationem anno febre quadam ex vivis excessit. Aperto cadavere cicatricem cum aliquo tumore beatus invenit parens in tuba Fallopii, in qua hic foetus olim conceptus & nutritus extiterat. Simile quid observavit fere Cl. ELSCHOLZIVS, & Celeb. inprimis D. D. CYPRIANI, Medicus Londinensis, in Tract. *de Conceptione tubarum*, ut adeo dubium amplius non sit, 1) ovulum veram esse conceptionis materiam, 2) hoc imprægnatum, atque ab ovario separatum, per tubam Fallopii, vel ovi ductum, ad uterum descendere, ibique ab utero exceptum nutriri & augeri ad tempus usque partus.

Theoriam hancce ulterius confirmat observatio celeb. AVISCHII, Amstelodamensis. Ab illo enim in theatro anatomico a. 1673. dissecta est foemina, recens imprægnata, cujus uteri cavitas lymphæ erat repleta, cui paucorum dierum embryo innatabat, membranis suis, chorio & amnio, involutus. Ipsa uteri substantia conspiciebatur fungosa, rubicunda, utero non gravido duplo major. Tuba dextra, per quam ovulum delatum, deprehendebatur dilatata, rubens, &, proboscidis ad instar, intorta, in ipso vero testiculo, vel ovario foramen apparebat, ex quo ovulum erat expulsum.

Ovula in prima jam adsunt nativitate, imo ipso plane in foetu jam existunt.

Hoc vice plus simplici auditoribus meis demonstravi, atque avtopsia eosdem confirmaui, quod & alii fecerunt anatomici. Ex hac vero observatione varia, eaque egregia fluunt porismata, imprimis vero generationis continuatio facili hoc modo negotio innotescit, cum in ovulis stamina futuri foetus actu jam præexistant.

Causa efficiens conceptionis est semen masculinum.

Semen masculinum ex duplici liquore, duplicique constare principio, lymp̃ha nempe & spiritu, ex antecedentibus jam satis constat. Unus enim liquor est prostatarum, alter vero ipsum semen, in testibus secretum, in vesiculis seminalibus detentum, & ex illis prorumpens in pruritu, quod a liquore prostatarum tantummodo diluitur. Non autem ex omnibus omnino partibus semen hoc confluit, utpote quod alibi jam negavimus, multo minus in testiculo dextro semen pro masculis, & in sinistro pro foemellis generandis continetur. Hoc enim ipsa Timæi a GULDENKLEE, aliorumque observationibus destruitur, qui annotarunt, monorchides, ex herniotomia tales redditos, complurium tamen utriusque sexus liberorum patres extitisse.

Modus conceptionis in motus, vitæ ac formæ communicatione consistit.

Quomodo conceptionis modus peragatur, determinare exacte vix possumus. Diuinæ enim hoc majestatis quasi est reservatum, sive naturæ mysterium, quod nostris nunquam oculis subjicitur, aut sisti potest. Cumque generatio in obscuro peragatur, de ea tot natæ sunt autorum sententiæ. Alii enim, solam, dicunt, *matrem foetus suppeditare materiam, patrem vero formam*, quæ sententia est Aristotelicorum, & Medicorum, qui eos sequuntur. Quæ quidem sententia, ut

nonnulli putant, adeo non est absurda. Alias enim filius nunquam similis esse patri posset. *Const fõnte der Sohn dem Vater nicht gleich seyn.* Est igitur vis aliqua formalis formam, aut speciem nascendo largiens, in patris semine, secundum suas partes non obstante, quod asseramus, hominem, secundum suas partes jam integras, formatum in ovulo delitescere. Nam forma specialis a semine patris, ejusque aura utique proficiscitur. Alii, cum Galenicis, contendunt, *maris & fœminæ semen in utero misceri, ex qua mixtura formetur fœtus.* SENNER-
TVS semini sanguinem simul addit; Semen enim insufficiens ad omnes partes, imprimis sanguineas, formandas esse putat: Sed cum partium inter sanguineas & spermaticas distinctio diu a Medicis explosa sit, hæc quoque sententia rejicitur.

Alii iterum, *semen virile totum, dicunt, negotium posse absolvere*, hocque esse 1) instar pulticulæ, 2) utero exceptum, ibi, ad papyri instar, solidescere, eamque insimul figuram adipisci, quæ typo, cui infunditur, respondeat: Verum & iste subtilior, quam verior, conceptus est; nam forma hominis vel typus in utero cavo non reperitur; multo minus animam, aut spiritus, formationem hancce, & machinæ humanæ tam stupendæ elaborationem instituere posse, credibile est.

Alii, qui Chymicos sequuntur, *semen virile, dicunt, esse acidum, muliebri vero alcali*, quibus combinatis, sibi invicem contrariis, *ex effervescencia subsequente formetur fœtus*: Sed quomodo hoc fieri possit, penetrare etiam nemo poterit!

Rursus alii dicunt, feminis virilis partes spirituosas & salinas penetrare per poros tunicarum ovuli fœminei, liquoremque ovuli agitando successive coagulare, ex qua tandem coagulatione formetur fœtus. Sed & falsum hoc atque impossibile est. Oriretur enim corpus tantummodo sphaerico-rotundum, nunquam autem homo, sive fœtus.

Alii spirituosas, dicunt, feminis virilis partes, ovulum pene-

penetrantes, rarefactione quadam corculum in centro ovuli constituere, hocque dilatatum liquida, in ovulo contenta, commouere, eademque adeo impulsæ, ab ambientibus ovi membranis reperiussæ, ad hoc centrum iterum redire, ex quo successive partes, humanum corpus constituentes, formentur. Sed an solo motu in spatio sphærico formari possit homo, tot machinis instructus, alii judicent. Mihi certe plane videtur impossibile.

Nec sane admittenda mihi sententia videtur neoterico-
rum, qui in semine virili homunculos viventes existere sibi-
met persuadent, quam sententiam & magni nominis Medi-
cus, PITCARNIVS, ipsemet defendit. Ex illa enim, ut mihi
quidem persuasus sum, varia tum medica tum theologia
absurda fluunt, quæ ut hic adducam, instituti ratio non per-
mittit.

Omnium itaque optima est sententia eorum, qui statu-
unt, 1) semen foeminarum ovulum esse, stamina futuri fœ-
tus jam continens. Hæc materia 2) sibi relicta, mortua qua-
si est, vivificatur autem 3) & actuatur per auram seminalem
virilis seminis, quæ, uterum ingressa, non per vasa, neque
per poros, sed per tubam Fallopii ad ovarium ascendit, ibique
motu suo in corculum exiguum fœtus inibi jam existentis, pe-
netrat, musculos exiguos inflat, ipsamque adeo circulationem
vitamque instituit, quæ continuari postea per liquidam, in
ovulo contentam, materiam potest, quam embryo exiguus
ad se determinat, & prima ita incrementa sua capit. Incre-
scens postea ovulum, a tunicis ovarii separatum, a fimbriis
tubæ Fallopii excipitur, ac vi muscutorum fibrarumque mo-
triciæ, in tubis existentium, ad uterum pellitur, ad quem
delatus fœtus postea cum eo in parte vulnerata uteri, ubi pro-
boscis tubæ FALLOPII intrat, etiam concrefcit, ita ut vasa
fœtus cum fasis matris uniantur, ex qua connexionione nutri-

tio, vitæque foetus continuatio institui & conseruari ulterius potest.

CAP. XLVIII.

DE

Nutritioe Foetus in utero materno.

HActenus conceptionis materia nos occupavit, quam alii foetus etiam formationem vocant. Illa vero quomodo fiat, determinare, humani non est ingenii, id quippe penetrandi facult. penitus destituti. Humana enim ratio id assequi non potest, ut candide nobis, cum PSALTE REGIO, sit profitendum: TV, IEHOVA, ME FORMASTI. Quo ipso, hominem jam ante in ovulo formatum existere, atque a seminis virilis aura modo vivificari, divinus auctor probare atque innuere videtur.

Idem hoc ovulum, ab auro seminali imprægnatum, per intumescentiam postea ab ovario separatum, per tubas Fallopii susceptum, & ad uterum deportatum, ibique, per coalitum, cum utero conjunctum, ad debitam sibi nutritur perfectionem.

In hac vero ovuli, vel foetus potius, nutritione considerabimus 1) *locum*, 2) *vias*, quibus nutritio absolvitur, 3) *materiam*, & 4) *modum ipsum*.

Locus, in quo nutritio foetus tempore gestationis peragitur, est uterus.

In hoc enim agro foecundo tantum germinare semen humanum potest. Hic uterus, cujus fibræ & vasa in statu non imprægnationis complicata deprehenduntur, successive dilatatur, adeoque foetui spatium concedit. Crassities vero
ejus

ejus revera imminuitur. Hoc enim nisi fieret, abdomen uterum, foetumque, ita incrementem, capere vix posset, multo minus uterus post partum in pristinam molem iterum redire posset. Interim tamen non immediate foetus cum utero cohaeret, sed mediate, per tunicas nempe suas & placentam.

Tunicæ, foetum includentes, sunt chorion & amnion, quibus tertia allantoïdes addenda.

Tres hæc tunicæ in brutis offenduntur: An vero in homine omnes dentur, Anatomici inter se dissentiunt. Plures tantum duas, chorion & amnion, admittendas contendunt: *VESALIUS* autem, *SPIGELIUS*, *HIGHMORUS*, *PLEMPIOUS*, *NEEDHAM*, *HORNIUS*, *REGNERUS DE GRAAF*, *BIDLOUS* item & *MUNNICKS*, alique, sua autopsia edocti, tres statuunt, chorion nempe, amnion & allantoïdem. Et quod allantoïdes, seu media inter chorion & amnion sita, detur, ratio docet. Foetus enim humanus 1) haud secus, ac reliqua animalia, urinam suam a massa sanguinea segregat in renibus, eamque ad vesicam deportat. 2) hæc urinæ materia non apta est ad foetum nutriendum. 3) in vesica urinaria foetus, item in funiculo ejus umbilicali datur urachus. Unde dubium non est, quin detur allantoïdes, imprimis cum ab ignorantia nonnullorum Anatomicorum, vel incuria illorum, ad rei non existentiam non valeat argumentatio.

Manent itaque tres foetus tunicæ, quarum prima & extrema est chorion. Hæc totum foetum, cum reliquis ad eum pertinentibus partibus, circumdat atque amplectitur, crassa & densa, externe inæqualis est, interne vero glabra, multis arteriis venisque, ab umbilicalibus ortis, intertexta.

Chorio exterius moles quædam carnea innascitur, *placenta uteri*, seu *hepar* ejus, dicta, figuræ orbicularis; in parte illa,

illa, qua utero jungitur, convexa & inæqualis; qua vero chorio jungitur, concava, glabra & æqualis. Vasa recipit numerosissima, ab arteriis venisque umbilicalibus profecta, quæ totam ejus substantiam perreptant, ut adeo nil nisi moles vasorum sit sanguiferorum.

Amnion tunica est tenuis & pellucida, immediate fœtum includens, vasis variis tenuissimis intertexta. Hinc liquorem alit dulcem, gelatinosum & quasi lacteum, cui tempore gestationis fœtus innatat, & per quem etiam nutritur.

Inter amnion & chorion tenuissima simul ac pellucida latitat tunica urinaria, vel allantois. Hæc enim ex vesica urinam fœtus recipit, eamque ad partum usque conservat.

Cum de Allantoide hic sermo sit, non possum silentio præterire ea, quæ mihi contigerint. D. D. BURCHARDVS ADAMVS SELLIVS, Tondera Holsatus, Vir in historia literaria rei medicæ egregie eruditus, jam in Moscavia degens, sub præsidio D. D. WILHELMI HVLDERICI WALDSCHMIDII, Consilarii & Archiatri ducalis & P. Acad: Kilonens. ao. 1729. edidit dissert. de ALLANTOIDE, quam primario contra me dirigens Allantoidisque existentiam negare atque destruere contendit. Thesi enim 21. ita loquitur: *Venio nunc ad Virum expertum Anatomicaque rei gravem D. Teichmeyerum Salana Professore, Patronum quondam atque honorandum Præceptorem, qui nec hic affirmativas amplexum partes, nefas sibi duxit, experientia confusus & rationi. Salutandus omnino princeps legitimis medicina usus armis hisce & reliqua.*

Gratias SELLIO meo ago, qui provocat ad meæ theoriæ fundamenta nempe experientiam & rationem; Ego enim nunquam in scriptis meis, quæ in usum auditorum edidi, quid assumsi, quod non experientia & rationibus fuerit confirmatum.

Verum, ut brevissimis me expediam, dico: 1) Allantoidis existentiam indubitata experientia confirmavit Jll. Regis Sardiniae Archiater IOH. FANTONVS, P. Anatomiae Acad. Taurinensis Celeberrimus, in *Anatomia corporis humani*, Augustae Taurinorum edita 1711. Dissert. X. ubi agit de utero gravidarum, foetu, involucris, placenta & umbilicali funiculo.

2) nuperrime etiam Allantoidem vidit Vir magnus & accuratissimus Anatomicus ALBINVS, cujus incomparabilem eruditionem, quam in sua historia musculorum & ossium foetus humani ostendit, omnes boni & in anatomia vera versati mecum admirantur. Hic Celeberrimus Vir, Allantoidem publice demonstraui auditoribus suis, cuius rei veritatem publice testatur D. D. LVDOVICVS de NEUVILLE in libello ΠΕΡΙ ΤΗΣ ΑΛΛΑΝΤΟΕΙΔΕΩΣ siue de his verbis. Allantoide Thes. XXIV. Horum Anatomicorum humanae Allantoidis existentiam, ex obseruationibus suis adstruentium numero, recenseri meretur, Prael. in Acad. Lugduno-Bataua Prof. B. S. ALBINVS. Dexterrimus ille Anatomicus, jam dudum Autopsia, de hujus membranae existentia, certus fieri in votis habens, opportunam occasionem hoc anno nactus, omni cura eam inquirens, successit, & pro more suo egregie praeparatam, publice Medicinae studiosis conspiciendam praebuit, mihiq; rursus privatim intuendam, benigne communicavit. Erat Allantois foetus circiter 7. septimanarum; laxè per tenues fibrosos nexus, intra Amnion & Chorion haerens, perfecte ubi Chorion adhæret Placenta, instar vesiculæ oblongæ, Vesicæ multo capacioris. Comparebat quoque distincte, in Umbilicali Funiculo, instar tennisi fili albi, devians ad latera, & delinens in hanc vesiculam, Allantoidem dictam.

Mm

Viæ,

Via, per quas foetus præcipue nutritur, sunt placenta uteri, & funiculus umbilicalis.

Placenta uteri, ut jam dictum, massa est vasorum, per quæ vitæ inter matrem foetumque commercium sustentatur. Hanc placentam iam in ovulo existere, extra dubium est, siquidem ad foetum pertinet. Foetu autem ad uterum per tubam Fallopii deportato, rudimenta illa placentulæ exiguae cum utero matris coalescunt, hoc est, vasa extrema venosa placentæ per inosculationem cum matris arteriis junguntur, & arteriæ placentulæ cum venis matris. Et cum dubium non sit, quin & nervi in placenta uteri sint, qui ab aliis pro certis forte ductibus succiferis habentur, per nervos hosce placentæ, cum nervis uteri conjunctos, commercium etiam affectuum, adeoque idearum matris foetusque sustentatur.

Unde ratio quodammodo reddi potest, quomodo a matris affectu nævus fieri possit in utero. Qualis enim nervorum & spirituum in matre motus contingit, talem quoque in foetu fieri necesse est. Ex hoc vero motu in tenello foetus corpore irregularis tubulorum dispositio, vel partium structura, adeoque nævus maternus facile confurgit.

Placenta itaque uteri sanguinem purissimum, subtilissimum & ad nutritionem circulationemque foetus tantum aptum recipit, & ad funiculi umbilicalis venam ducit. Omnes enim ramuli ramique ex magno uteri placentæ spatio in truncum huncce venæ communem, in funiculo umbilicali existentem, concurrunt.

Non enim hic necesse est, cum aliis statuere, 1) substantiam placentæ uteri esse glandulosam, & ad instar spongiæ formatam, 2) spongiam hancce sanguinem imbibere maternum; 3) in glandulis sanguinem hunc depurari, & per ductus speciales ad funiculum abire. Hæc enim omnia sunt superflua.

flua. Sufficit nobis scire, 1) dari immediatum vasorum uteri foetusque commercium; Nisi enim hoc esset, redire non posset sanguis perpetuo a foetu ad uterum, 2) extrema placenta vasa tali semper gaudere diametro, quali vasa foetus minima instructa sunt capillaria. Unde semper, omnique momento ejusmodi tantum sanguinis ramenta exigua ex uteri arteriis absorbent, quæ apta sunt ad vasa foetus minima pervadenda, relictis in arteriis matris particulis sanguinis majoribus. Increcente autem foetu, placenta eadem increscit proportionem, qualis ad foetus nutritionem requiritur, & increcente placenta, diametri vasorum extremorum placenta increscunt insimul & dilatantur, ut & sensim partes mole majores sanguinis materni ad illa velut oscula abire valeant. Est itaque sanguinis materni, ad foetum properantis, primus terminus placenta. Secundus terminus est funiculus umbilicalis, atque ejus quidem tantum vena. Funiculus enim umbilicalis ex una vena, duplici arteria & uracho præcipue componitur, quibus vasis alii non sine ratione vasa addunt lymphatica, revera in funiculo quoque existentia; accedit tandem tunica, quæ vasa hæc funiculi umbilicalis omnia includit & continet. Tertius terminus est umbilicus. Ab umbilico 4) movetur sanguis per hepar foetus, 5) ad venam cavam, a vena cava 6) per foramen ovale ad venam pulmonalem, a vena pulmonali 7) ad auriculam sinistram, atque ab hac tandem ad ventriculum, a quo vi arteriæ magnæ ducitur ad omnes corporis partes, exceptis pulmonibus. Foramen itaque ovale, tubusque arteriosus præcipua fere sunt organa sanguinis in foetu circulationis.

Foetus enim in utero materno non respirat, ac illius respiratio, a pluribus licet affirmata, merum commentum est, & res per se impossibilis. Nam 1) foetus in suis de-

litescit tunicis, quæ aeris ad foetum penetrationem non admittunt, ne quid dicam de clausura uteri, quæ tempore gestationis est firmissima, nec crassioris aeris vel miculam admittit, 2) foetus in liquore natando sustinetur, qui liquor aeris externi quoque admissionem impedit, & 3) sanguis maternus, ad uterum delatus, & ad foetum promotus, ut arteriosus, sufficienti mixtus aeris quantitate est, quæ aeris particulæ motum sanguinis intrinsecum conservare in foetu possunt.

Foetus itaque cum nulla sit respiratio, non omnis etiam sanguis ad pulmones foetus deportatur, sed talis tantum quantitas, qualis ad pulmones foetus nutriendos augendosque requiritur. Duo ideo DEVS hæc organa adornavit, foramen nempe ovale a vena cava omnem fere sanguinem, ad dextrum inde ventriculum properantem, recipit, eumque ad venam statim pulmonalem mittit. Exigua vero illa sanguinis portio, ad dextrum ventriculum delata, ab eo quidem per arteriam pulmonalem ad pulmones abit, sed &, qui superfluous hic est, per tubum arteriosum, intra arteriam pulmonalem, & arteriam magnam descendantem, existentem, ab arteria pulmonali ad arteriam hanc magnam deducitur.

Absoluta ergo omni circulatione sanguis in foetu iterum ad matrem redit.

Ex foetus arteria iliaca duæ oriuntur arteriæ, umbilicales dictæ. Hæ sanguinem a foetu recipiunt, iterumque ad umbilicum provehunt, ab umbilico ad arterias funiculi, ab his ad placentam, a placenta ad venas matris, quibus cum foetus arteriæ, per immediatam quoque anastomosin, junguntur.

Materia, quæ foetum gestationis tempore nutrit, est sanguis maternus, & liquor amnii.

Quanam sit materia, foetum in utero materno nutriendum, variæ doctorum sunt sententiæ. Alii qui veteres sequuntur,

tur, statuunt, hoc semen esse patris, quod cum sanguine & semine materno concrefcens foetum former: Sed falsum hoc esse, ex antecedentibus jam dictis constat, quibus addendum, quod seminis paterni exigua sit portio, indeque parti vel minimæ formandæ vix apta. Velenim 1) una seminis spirituosus, satisque activus, gutta sufficere potest ad imprægnationem, id quod & alii observarunt, 2) maxima pars seminis, vel omnis potius seminis lymphæ, post coitum etiam foecundum, ex pudendis muliebribus iterum effluit, relicto inibi tantum spiritu, vel aura seminali. Unde adeo certum est, virile tantum semen concurrere ad imprægnationem, non vero ad foetus nutritionem, matrem contra omnem omnino pro foetu nutriendo materiam suppeditare.

Num vero matris præcipue chylus, an sanguis materia sit foetus nutritionis, rem paulo jam accuratius examinantes videbimus.

Qui chylum maternum pro ea venditant, asserunt, 1) chylum esse materiam indeterminatam, adeoque immediatam omnis nutritionis, etiam in adultis. Ergo & ipso foetu. 2) Chylum, vel succum chylosum, non in utero modo gravido reperiri circa confinia placentæ, sed ubique etiam in omni uteri parte, 3) Talem materiam in ipsa etiam placenta existere. Ergo certum esse, foetum chylo nutriri materno. Sed respondemus 1) ex antecedentibus constare, non chylum, sed sanguinem, vel massam potius sanguineam chylo remixtam immediatam esse nutritionis omnis materiam. 2) Falsam esse, chylum in utero, existere. Multo minus in placenta existit. Hæc enim organa, examini subiecta, sanguine repleta, distenta & circumfusa reperiuntur, non vero chylo tantum. 3) Separata & extracta post partum placenta, ex utero lochia fluentia non sunt chylosa, sed sanguinea.

4) In vasis ipsis umbilicalibus, vena in primis umbilicali, non chylus, sed sanguis deprehenditur.

Hæc enim omnia confirmant argumenta, clareque theoriæ nostræ veritatem ostendunt, quod 1) sanguis sit immediata foetus nutritionis materia, & quidem sanguinis in primis materni purissimæ, minimæ & defecatissimæ, & ad circulationem & nutritionem aptæ, vel proportionatæ particulæ; 2) quod hic sanguis, circulationis lege, à matræ, per anastomoses venarum placentæ, ad foetum abeat, finitaque nutritione, per arterias foetus umbilicales, redeat.

Altera nutritionis materia est liquor amnii.

Liquorem amnii nutritionis quoque foetus esse materiam, varia confirmant argumenta. 1) Enim liquor est dulcis gelatinosus, adeoque ad nutritionem aptus. 2) major amnii liquoris copia primis gestationis mensibus existit, immiuta vero circa tempus partus, unde a foetu liquor hic necessario est consumtus. 3) similis in foetus ventriculo liquor semper reperitur. Et 4) in intestinis foetus mœconium, sive pars aliqua viscosa nigricans est feculenta, quæ nutritionem foetus per os quoque factam confirmat.

Sed ne hic defunt contradicentes, qui nutritionem foetus per os factam negant, debili & infirmo quidem argumentorum apparatu.

Negant enim 1) dari foetus respirationem, indeque colligunt, nec foetus dari deglutationem posse, quasi ad deglutationem concurrere debeat respiratio. Quis enim ignorat, actiones hæc fieri diversis organis? Alia enim sunt organa respirationis, alia deglutationis, quæ revera nullum, vel exiguum inter se habent commercium. Deglutationem cessante semper respiratione contingere certum est. Si enim quis bolum in ore denitet deglutiendum, & verba quædam sermone,

ue, aut loquela, ei formanda sunt ac proferenda, facile asperam intrare bolus solet arteriam, es kommt denn in die unrechte Kehle. Unde sequitur, deglutitionem non supponere respirationem, sed illam fieri debere hac cessante. 2) arbitrantur, materiam illam, in ventriculo foetus contentam, non esse liquorem amnii, sed salivam foetus, vel potius liquorem ventriculi. Sed respondemus, notabilem ejusmodi liquoris gelatinosi, in foetus ventriculo contenti, quantitatem nunquam posse exstillare ex glandulis illis exiguis ventriculi & salivalibus, ventriculumque tam manifeste extendere. Et si illud quidem verum omnino esset, sequeretur, similem liquidi ex glandulis foetus intestinalibus quantitatem ad intestina quoque confluere, eademque replere atque distendere, debere, quod tamen falsum est.

Vera igitur nutritionis quoque foetus materia liquor est amnii, cujus originem jam paulo penitius inquisituri sumus.

Liquor igitur amnii revera & primario ex mammis foetus originem ducit, partim ex uteri placenta, partim ex ipso amnio, partim quoque ex funiculo umbilicali.

Hinc foetus urinam non esse, liquet. Urina enim, uti constat, ad allantoidem confluit, inter chorion & amnion existentem. Unde rupto chorio & amnio, longo etiam ante partum tempore liquidum illud urinosum effluit, quod foeminae nostrates das wilde Wasser vocant, salva interim manente vita & nutritione foetus. Fluit ergo liquor amnii 1) ex mammis foetus. Ex mammis enim recens natorum chylosa, vel lactea exprimitur materia. Unde & inde separata in foetu, ut superflua, ad amnium exstillat.

2) Li-

2) Liquorem amnii ex uterina placenta, funiculoque umbilicali, per certos quosdam, exiguosque canaliculos porosque ad amnii cavitatem transfudare, res usu est expedita. Diapedesin enim in tunicarum, vasa componentium, poris fieri, ex inventis novis, inprimis L. B. de FRANKENAV, jam satis constat. Atque, cum, jam obseruante quondam WARTHONIO, substantia funiculi gelatinosa veluti sit, in qua BIDLOOVS, ope microscopii, vasa minora lymphatica detexit, numero quam plurima; itemque ab arteriis umbilicalibus certæ quædam, eaeque exiguae, dentur propagines, notante id NEEDHAMIO & GRAAFIO: ex illis ideo tubulis amnii liquoris transmissionem & secretionem facili colligere negotio possumus; quibus præterea fontibus funiculi quoque ac amnii glandulæ addendæ, revera existentes, ex quibus stillicidium ejusmodi fieri posse, tam est credibile, ut fidem merito apud omnes fere inueniat. Ne quid in præsentī de foetus sudore verborum faciam. Nonnulli quidem sunt, qui, sudorem foetus non posse, dicunt, liquorem amnii constituere; hunc enim excrementitium esse, minusque aptum nutritioni: Sed respondemus iisdem, inter sudorem foetus & hominis exclusi maximam intercedere differentiam. In foetu enim ob tunicarum, siue integumentorum communium tenuitatem, vasorumque subcutaneorum subtilitatem, lymphæ exsudat laudabilis, non autem illaudabilis, inprimis, cum glandulæ subcutaneæ ad perfectam non pervenerunt soliditatem, ex quo fluit, sudorem foetus dici non posse excrementitium, sed liquorem potius constituere laudabilem, satisque nutritioni aptum.

Modus nutritionis foetus fit per minimarum massularum, in sanguine chyloque foetus existentium, cum proprio corpusculo unione.

Modum nutritionis foetus quod attinet, is sane a modo nutritionis hominis exclusi haut differt. In primis, cum certum sane atque indubitatum sit, hominem in ovulo ante conceptionem existere. Ideo nempe ab aura seminali commotum corculum foetus suam statim circulationem inchoat, & liquidorum ramenta exigua ad loca sua & spatia defert sibi debita, ubi cum corpusculo uniuntur ac solidescere incipiunt.

In primis superficies ossium concentricæ in foetu, (quæ nihil aliud sunt, quam plures membranæ, sibi mutuo superimpositæ) in poris suis & interstitiis, duris replentur corpusculis, vi circulationis sanguinis allatis, quæ firmiori inter se superficierum nexu unita cartilaginee primum, atque ossa deinceps componunt. Qua de re, nobili quippe ac lectu digna materia, pluribus legenda KERCKRINGII, celeberr. Hamburgensium quondam Medici, egregia *Osteogenia & Anthropogenia*, qui 70. foetus hujus causa, magnis sumtibus comparatos, disseccuit, eamque anatomes partem clariorem illustrioremque mirifice reddidit. Item Celeberrimi BERNARDI SIEGFRIEDI ALBINI anatomes & chirurgiæ in academia Batava, quæ Leidæ est, professoris *icones ossium foetus humani* cum annexa *OSTEOGENIA* Leidæ Batavorum 1737. sic novissime edita.

CAP. XLIX.

DE

Partu.

Partus est foetus, in utero matris per justum tempus nutriti, & ad debitam ipsius magnitudinem inibi pro-
vecti, ex eodem editio, sive exclusio.

IN hocce ergo negotio considerabimus 1) tempus, 2) causas, 3) modum, 4) & tandem consequentia. Homini æque ac reliquis animalium statum aliquod partus tempus a DEO esse destinatum, nemo negabit ac temere prorsus inficiabitur. Unde eo mirandum magis, tantum Medicorum & Jurisconsultorum, tum veterum, tum recentiorum, dissensum circa illud definiendum observari, cum de tempore partus legitimo loquuntur, in primis, cum certum tamen atque indubitatum fere sit, finitis plerumque 40. septimanis hominem excludi. Unde ad foetus in utero nutritionem perfectam novem menses solares, decem vero ad lunæ cursum descripti requiruntur.

Interim negandum non est, terminum partus variis ex causis accelerari interdum posse; interdum & retardari. De qua quidem materia in *Medicina legali* fusius actum fuit.

Causæ partus hic variæ considerandæ veniunt, partim quippe efficientes, partim naturam ipso in pariendi negotio adjuvantes, partim stimulant.

Causa partus finalis procul dubio est generis humani, ad DEI gloriam amplificandam multiplicatio, de qua sermo nobis hic non est.

De

De causis potius solliciti jam sumus, partum ipsum efficientibus, sive promoventibus, quarum *duæ potissimum sunt, mater nempe ac fœtus.*

Mater duplici modo partum promovet, primo quidem motibus involuntariis, secundo motibus etiam voluntariis.

Motus matris involuntarii sunt motus uteri, tanquam causa partus præcipua. Uterus enim haud secus, ac reliquæ corporis humani partes, ad certam tantum mensuram est dilatabilis, hincque, a foetu ad summum distentus in tunicis, musculis & vasis suis ulteriori expansioni resistit. Unde fibræ ejus motrices dum, ultimo gestationis tempore, contrahuntur, dolores, conatusque partus producant, qui dolores si veri sunt, a fundo uteri versus orificium vaginæ exterius continuantur. *Darum sprechen die Weiber: die Wehen sind gut, und treten auf das Kind.* Sin vero falsi sunt, falsche Wehen, circa umbilicum magis foeminam excruciant, & tormina plerumque magis sunt, hisque similia.

Porro parturiens, partus tempore, præsentibusque doloribus, wenn Wehen da sind, aerem in thorace comprimendo, musculosque abdominis corrugando, multum conferre potest ad exclusionem foetus. Ita enim abdomen coarctatur, foetusque simul expellitur.

Fœtus, tempore jam imminentis partus, per innatam fortassis ideam, exitum ex uteri ergastulo quærens, situm suum priorem mutat, *das Kind wendet sich*, hoc est, qui modo, hætenus maxime communi, manibus pedibusque compositis in utero capite erecto sedit, (in partu videlicet naturali) illo demisso uteri orificium, alias clausum, aperire ac referare solet. Quod ut melius fieri possit, pedibus suis ad dorsum matris applicatis, multis reiteratisque calcitationibus exitum molitur, a quibus velut insultibus, capitisque pressio-

nibus apertura tandem uteri promovetur, es folget die Deffnung.

Sunt nonnulli inter recentiores, qui omnem actionem foetus in partu negant, & arbitrantur foetum modo se passive habere, sed falsum hoc est; militat enim contra omnem experientiam.

Jam obstetricis praesentia requiritur, qua opus est, ut digitis inunctis orificii interni uterini aperturam magis magisque dilatet, aliisque enchiribus partus exclusionem adjuvet. Qua de methodo legendi sunt libri, obstetricum officia exponentes, inprimis vero MAURICEAU, DEVENTER, DIONIS & imprimis Dn. DE LA MOTTE recentissimus & accuratissimus scriptor in suo opere solidissimo *Traité complete des accouchemens naturels, non naturels & contre nature* a Leiden 1729. qui, ob insignem ea in re operam praestitam, viamque partus felicius edendi monstratam, digni omnino sunt, qui commendentur, atque huc in consilium adhibeantur.

Earum vero, quæ *stimulant*, causarum variæ ab autoribus recensentur, quarum prima est *nutrimenti foetus defectus*. Id enim, quod a matre ad foetum fluit, nimirum sanguinis vix amplius sufficit ad foetum alendum, ac porro ipse liquor amnii plane consumtus est, unde ad aliam sibi alimoniam quærendam foetus quasi necessitate adigitur. Secundo foetus, ut usu jam comprobata res est, non respirat, aucto vero deinceps foetu, & ad sui complementum euecto, aer, qui cum sanguine materno ad corpus ejus defertur, sufficere amplius non potest ad motum intrinsecum conservandum. Unde

de & immediatum æris commercium foetus desiderat. Ne quid tandem de foetus desiderio alvum deponendi commemorem, quod a nonnullis etiam ad causas, quas vocant, stimulantibus refertur.

Fœtu tandem, multis conatibus, & doloribus, tum matris, tum foetus, multisque tum obstetricis, tum foeminarum adstantium laboribus excluso, funiculus umbilicalis ab obstetrice ligatura duplici constringitur, quarum unam foetum, alteram matrem respicere oportet, & in medio ligaturarum tandem discinditur, infansque foeminarum adstantium curæ traditur. Obstetrix autem, apprehendendo funiculi umbilicalis ex pudendis matris pendentem partem, extractionem placentæ & tunicarum, h. e. secundinarum, absolvit. Hac vero peracta sanguis ex miseræ matris vulnere in maxima simul copia effluit, qui sanguis *lochiae* communissime dicitur. Apertis enim, post separationem placentæ, uteri vasculis, necessario sanguinis ejusmodi stillicidium contingere oportet, id quod, novem plerumque dierum spatio continuatum, sensim sensimque postea imminuitur.

Cæterum prudens & conscientiosa, ac de matre atque infante sollicita obstetrix, post partum statim matris abdomen lata ligatura constringere debet. Ita enim uterus centraliter se constringere, atque ad pristinum redire locum absque enormi post partum dolore, potest; so bekommen die Weiber nicht starcke Nachwehen. Quo quidem negotio peracto mater ad lectum deducitur, ibique, modo ipsi plane convenienti, fovetur atque tractatur. Infans autem a sordibus in balneo liberatur, alimentis reficitur, & ad mammas denique, nutritionis ergo, applicatur.

Ad finem itaque, per DEI gratiam, perducta tum foetus, tum hominis nati oeconomia, gratias naturæ auctori benignissimo, DEO ter optimo maximo, pro tot collatis in nos beneficiis viribusque, ad perficiendam hanc rem concessis, deberi humillimas, agnosco omnino, palamque profiteor. Idem porro cœleste Numen supplex veneror, ut, qua mortales nos miseros ab ineunte statim ætate complectitur, immensa prorsus gratia meis quoque laboribus in posterum adspiret, ut in Nominis ipsius gloriam imprimis, tum lectorum atque auditorum meorum cuncta cedant emolumentum.





INDEX I. CAPITVM.

Præfatio.

Cap. I. de Homine in genere, & corpore humano speciatim.

Cap. II. de Vita & Sanitate.

Cap. III. de præparatione alimentorum in ore.

Cap. IV. de Deglutione

Cap. V. de Chymificatione.

Cap. VI. de Chylificatione.

Cap. VII. de Chyli a fecibus Secretione, & fecum alvinarum Excretionem.

Cap. VIII. de Chyli motu ad sanguinem.

Cap. IX. de Sanguificatione.

Cap. X. de Sanguinis motu.

Cap. XI. de Respiratione.

Cap. XII. de Nutritione.

Cap. XIII. de Præparatione & Secretione Humorum.

Cap. XIV. de Secretione Lymphæ.

Cap. XV. de Pinguedine.

Cap. XVI. de Omenti usu.

Cap. XVII. de Medulla ossium.

Cap. XVIII. de Synovia.

Cap. XIX. de Bilis Elaboratione & Secretione.

Cap. XX. de Secretione liquorum lymphaticorum, qui in canali alimentario concurrunt, Salivæ nempe, liquoris ventriculi, Pancreatici & intestinorum tenuium.

Cap. XXI. de Sudore & Insensibili Transpiratione.

Cap. XXII. de Urinæ Secretione.

Cap. XXIII. de Secretione Muci narium.

Cap.

INDEX I. CAPITVM.

- Cap. XXIV. de Secretione Ceruminis aurium.
Cap. XXV. de Secretione Lachrymarum.
Cap. XXVI. de Uſu renum ſuccenturiatorum, vel Capſularum atrabilarium.
Cap. XXVII. de Thymi Uſu.
Cap. XXIIIX. de Secretione & Circulatione humorum in oculis.
Cap. XXIX. de Secretione Menſium.
Cap. XXX. de Secretione Seminis utriusque Sexus.
Cap. XXXI. de Secretione Lactis.
Cap. XXXII. de Pneumatofi, ſive de Spirituum animalium Secretione.
Cap. XXXIII. de Lympha cerebrali.
Cap. XXXIV. de Motu partium ſolidarum.
Cap. XXXV. de Loquela.
Cap. XXXVI. de Senſibus externis.
Cap. XXXVII. de Taſtu.
Cap. XXXVIII. de Guſtu.
Cap. XXXIX. de Olfactu.
Cap. XL. de Auditu.
Cap. XLI. de Viſu.
Cap. XLII. de Appetitibus ſenſitivis, Fame, Siti & Venere.
Cap. XLIII. de Senſibus internis.
Cap. XLIV. de Affectibus animi.
Cap. XLV. de Vigiliis, Somno & Infomniis.
Cap. XLVI. de Generatione, ac de Subjectis imprimis & Organis generationi dicatis.
Cap. XLVII. de Conceptione.
Cap. XLIII. de Nutritione Foetus in utero materno.
Cap. XLIX. de Partu.

INDEX II. RERVM.

- A**ctio mixta quæ? 34
 Actiones dividuntur. *ibid.*
 animales describuntur. 21.
 vitales describuntur. *ibid.*
 Actionum mixtarum exempla. *ibid.*
 vitalium synonymia. *ibid.*
 Aegrotorum, per mensem vix libram
 solidorum assumentium vita cur
 salva maneat? 120. sq.
 corpora cur corrugentur? 121. sq.
 Aer, ad sonum commotus, dividitur.
 226. 227.
 externus quis? 227.
 innatus quis? 227.
 internus quis? 227.
 quomodo ab externo differat? *ib.*
 quid? 90. quid in respiratione præ-
 stet. 90.
 quomodo pro diversa ratione diver-
 sus sit? *ibid.*
 ab Aere humores in corpore augentur. 69
 Aeris effectus. 90.
 Ætas generationi apta quæ? 255.
 Ætates dividuntur. 93.
 in Affectibus spiritus animales quotu-
 plici modo moveantur? 246.
 Affectus dividuntur, ex mente Cartesii.
 247.
 melancholicorum & phlegmatico-
 rum qui? 249.
 ad Affectus peculiare cur quidam ho-
 mines magis dispositi sint? *ibid.*
 Affectus prædominantes, singulis pro-
 prios, quinam tractent? *ib.* quid? 245
 sanguineorum & cholerico-
 rum qui? 248.
 Affectuum effectus. 43.
 impetus est vel primus, vel secun-
 dus. 246.
 sedes. 246. ex mente Cartesii. 241
 subiectum. 245.
 Agrypnia in febribus malignis causa. 251
 Alæ quid? 257.
 Alimenta alia cur citius, alia tardius at-
 terantur? 43.
 juvenibus & senibus convenien-
 tia quæ? 100. sq.
 melius nutrientia quæ? 100. sq.
 quomodo solvantur a ventriculo,
 diaphragmate & abdomine? 37.
 ab aere? 37.
 unde desumantur? 46.
 Alimentorum partes quæ in chylum
 mutantur? *ibid.*
 præparatio in ore quomodo absol-
 vatur? 21. sq.
 solutionis causa primaria. 25.
 Alimentum describitur. 22. dividitur. *ib.*
 Allantois datur. 271. 273
 Allantoidis locus. 271.
 Alvi depositio quid? 52. unde? *ibid.*
 Amni liquor. 276. quid? 278. non est
 foetus urina. 279. unde? *ib.* usus. 272
 Amnion quid? *ib.*
 Amygdalæ. Vide Tonsillæ.
 Anastomosis vasorum datur 82.
 Angiportus quid? 31
 Anima humana quid? 1.
 quotuplici objecto afficiatur? 247
 Animæ & corporis unio quomodo fiat? 6.
 sedes, ex mente Cartesii 241 sq.
 Animalia quotuplicia sint? 46
 Animalium generatio quomodo differat
 a plantarum generatione? 254
 Anus cerebri. Vide Cerebri ventriculus
 quartus.
 Apophyses cerebri quomodo conspici
 possint? 183. sq.
 quotuplices? *ibid.*
 Apoplexis condylordes 23
 Appetitus alimenti peculiaris unde? 239
 sensitivi quid? 238

INDEX II. RERVM.

venereus quid? unde 240. 241
 Appetituum sensitivorum usus. 245
 Aqua, fortis quantum lunæ in se recipiat
 salva pelluciditate? 114.
 Arca quid? 179
 Ariditas quid? 211
 Arteria espera describitur. 87.
 hepatica describitur. 129.
 magna, s. aorta describitur. 80.
 pulmonalis describitur. 89. sq.
 Arteriæ asperæ synonymia. 87.
 cujus figuræ sint? 82.
 describuntur. 7.
 hepaticæ origo. 129. usus 132. sq.
 spermaticæ structura. 167. sq.
 Arteriarum actio in ductum thoracicum
 57.
 mammariarum usus. 176. sq.
 motus sunt synchronici. 81.
 Arthritici morbi unde? 69.
 Asperitas quid? 210
 Auditus difficultas, in febribus malignis
 superveniens, cur sit salutare signum?
 152.
 hebetudo in surdastris quomodo
 emendetur? 221.
 est sensus excellentissimus 219
 objectum. 126. organum 219.
 officula cujus substantiæ sint? 223
 quomodo moveantur? ib.
 quot & quæ? 222. ubi? ib.
 officulorum motus quem usum
 præstet? 223. sq.
 modus. 227.
 quid? 219.
 Auricularum motus sunt synchronici 81
 Auriculæ quid? 76.
 sunt machinæ, ex infinitis musculis
 compositæ. ibid.
 Auris externa cujus substantiæ sit? 220.
 externæ musculi. 220. dividuntur ib.
 quem usum præstent? ib.
 usus. ib.

partes quotuplices, & quæ? 219.
 Aurum cur insipidum? 214
 B.
 in Bile existens sal cujus generis sit? 133
 Bilis an ex chylo secernatur? 132
 circulatio datur. 132
 cur tanquam sapo considerari debe-
 at? 45.
 cystica cur spissa & summe amari-
 cans sit? 131.
 ex oleo resinoso & salibus est com-
 posita. 133.
 ex qua materia secernatur? 132
 hepatica cur fluida & non adeo
 amaricans sit? 131.
 & cystica quando fluant? 131.
 quomodo distinguantur? ib.
 in qua parte secernatur? 130. 131
 id quem finem secernatur? 125
 quid? ib.
 quomodo chylum efficiat? 45
 secretio an fiat in cystide? 131
 secretioni destinata materia an af-
 feratur per arteriam hepaticam,
 an per venam portæ? 132.
 secretionis organa, 125. 128. 131.
 usus 134.
 Bonum quotuplex? 247.
 Bronchia quid? 88.
 Bruta an dijudicent? 203 loquantur?
 201. percipiant? 203
 cur non tam frequenter ægrotent,
 quam homines? 142.
 Buccarum effectus. 25.
 Burfula Raviana quid? 169.
 C.
 Cacochymix signum. 148
 Cæcus an de colore judicare possit? 207.
 Calidum innatum quid? 15.
 Calor in quo consistat? 210.
 ventriculi unde? 37.
 Caloris temperies optima unde? 69.
 Canalis alimentarius quid? 135.

INDEX II. RERVM.

- Capsula Glissonii quid? 129.
 Capsulae atrabiles. Vide Glandulae re-
 nales.
 Cartilaginee describuntur. 7.
 Catamenia quid? 162.
 Catarrhus cur odorem perceptionem
 tollat? 216.
 quid & quotuplex? ibid.
 Cerebellum describitur. 184.
 Cerebri anus. Vide Cerebri ventriculus
 quartus.
 functio quae? 184.
 glandula pituitaria quid? 193.
 glandulae pituitariae situs, ib. usus,
 ibid.
 involucra quotuplicia, & quae? 181
 motus diastolicus & systolicus un-
 de? 189.
 nates, vel apophyses quomodo
 conspici possint? 183.
 pars corticalis quem usum prae-
 stet? 140.
 medullaris quem usum praestet? 242.
 in Cerebri Parte corticali nullus est sen-
 sus. ibid.
 Cerebri penis. Vide Glandula pinealis.
 testes quomodo conspici possint?
 183.
 vasa sunt subtilissima. 184.
 ventriculi anteriores ubi? 183.
 nobilis synonymia ibid.
 quarti synonymia, ibid.
 ventriculus nobilis quomodo
 conspici possit? ibid. quartus
 quomodo conspici possit? ibid.
 usus 182.
 in Cerebro sanguis est. 101.
 Cerebrum dividitur in duo hemisphaeria
 183.
 quomodo laedatur? 242.
 quotuplicis & cujus substantiae
 sit? 182.
 Cerumen aurium cujus naturae sit? 152.
 quid? 151. sq.
 ubi fecernatur? 152.
 Ceruminis aurium usus. ibid.
 Cholericoꝝ affectus quai? 248.
 Chorion describitur, 271. 272.
 Chyli motus quomodo expeditior red-
 datur? 57.
 partes oleosae quorsum abeant? 58.
 quae in sanguinem mutantur? 58.
 salinae, terrae, aliaeque impurae
 quorsum abeant? ibid.
 particulae quomodo concrecant in
 sanguinis particulam? 62.
 sunt minores particulae sanguinis ib.
 quantitas maxima in lympham com-
 mutatur. 66.
 receptaculum commune quam figu-
 ram repraesentet? 56.
 quam magnum? ibid.
 quis invenerit? 55. 56.
 secretio ubi peragatur? 50. 52. 54.
 Chylifera vasa extraordinaria ubi? 147.
 Chylificatio quid? 44.
 ubi inchoetur, continetur & absol-
 vatur? 45.
 Chylificationis causa efficiens 45 finis.
 46. modus. 46. organum 44. sq.
 circa Chylum observationes Leewen-
 hoeckii 61.
 in Chylum quid ex corporibus abeat? 47
 Chylus an cum glandulis, lympham ver-
 sus receptaculum chyli assurgentem
 subtilissimis, exerceat commerci-
 um? 58.
 an cum glandulis mesaraicis exerceat
 commercium? 57.
 maternus an materia sit nutritionis
 foetus? 277.
 quibus machinis propellatur? 56.
 quid? 46.
 quomodo a bile efficiatur? 45.
 in vasorum lacteorum orificia im-
 primatur? 50.

INDEX II. RERVM.

- quomodo versus vasa lactea mesa-
 raica propellatur 50. 56.
 quorsum ex intestinis tenuibus se
 recipiat? 53.
 partibus diversis nutriendis con-
 gruam materiam fovet. 101.
 per quam viam ad mammas abeat? 177.
Chymificatio an sit dicenda fermenta-
 tio, an putredo? 42.
 quibus actionibus absolvatur? 37.
 quid? 36.
 quomodo in senibus facilitetur? 251
Chymificationem esse dicendam putre-
 factionem, quibus argumentis pro-
 betur? 43.
 quanam affectus accelerent? ibid.
 quanam retardent? ibid.
Chymificationis causæ efficientes. 36.
 finis. 44. objectum. 37. officina. 37.
 modus 42. tempus. 43.
Chymus partibus diuersis nutriendis
 congruam materiam fovet. 101.
 per quam viam ad mammas abeat?
 177.
 quomodo & quorsum moveatur? 47
Cilia quid? 230. eorum-usus. ib.
Circulatio bilis datur. 132.
 humorum in oculis datur. 160.
 lymphæ cerebialis. 193.
 sanguinis. Vide Sanguinis circula-
 tio. Spirituum animalium. Vide
 Spirituum animalium circulatio.
Cisterna lumbaris quid? 55.
Clitoris quid? 257.
Coli valvula describitur. 51.
Color an a cæco dijudicari possit? 207.
Colostrum quid? 178.
Columella quid? 257.
Conceptio quid? 264.
Conceptionis causa efficiens & materia.
 265. modus. 267.
Cor describitur? 73.
 est antlia duplicata. 74.
 ex infinitis fere musculis compo-
 nitur. 73.
 quomodo libere commoveatur? 76.
 refrigeretur? ibid.
Cordis actio. 57.
 fibrarum motricium flexilitas quo-
 modo conseruetur? 75.
 figura conica cur inversa? ibid.
 motor quotuplex? 83.
 valvulæ quem usum præstent? 75.
 motus diastolicus unde? 83.
 palpitatio in metu unde? 246.
 situs. 76.
 vasa communia quæ? 79.
 coronaria quæ? 78.
 ex quot & quibus tunicis composita
 sint? 79. 80.
 propria quæ? 78. 79.
 ventriculorum constricto quomodo
 fiat? 74.
 motus sunt synchronici. 81.
 valvulæ quot & quæ? 75.
 ventriculos formantium fibrarum
 structura. 74.
 ventriculus sinister cur pluribus &
 crassioribus fibris firmetur? 75.
Corpora magis odorifera quæ 217. h.
 non tactilia quæ? 209.
 quomodo conjungantur? 101. 102
 striata ubi? 183.
 in **Corporibus** fame extinctis cur pauci
 humores & sanguis reperiantur? 94.
Corporis & animæ humanæ unio quo-
 modo fiat? 16.
 humani pars nulla existit exsan-
 guis. 101.
 partes fluidæ describuntur. 10.
 dividuntur. ibid.
 singulæ nutriuntur. 94.
 solidæ diuiduntur. 5.
 quosque nutriantur? 94.
 sunt diuersæ, vel solide, vel flu-
 idæ. 5.

INDEX II. RERVM.

partium solidarum actiuitas. 80.
Corporum gustabilium conditiones ex parte salium 213.
 humanorum incrementa cur in infantili ætate maxime contingant 105.
 sentientium conditiones. 208.
Corpus humanum cur corruptibile? 94
 est machina automatica. 2.
 hydraulico-pneumatica. 2.
 per artem inimitabilis 3.
 quoad maximam partem ex fluidis, & liquidis & facile evaporabilibus constat partibus 15.
 totum est conglomeratum vasorum. 10.
 reticulatum quid? 140.
 solidum quid? 5.
Corruptio an durante vita in corpore humano locum inueniat? 19.
Coryza describitur. 217.
Cranium describitur. 181.
Crassa mater. Vide **Dura mater.**
Crura hypocampi ubi? 183.
Crusta villosa intestinorum describ. 50.
Cuticula quid? 140.
Cutis ex quot & quibus tunicis componatur? 140.
 pori quid? ib.
 sunt innumerabiles. 139.
 spatium exiguum, per microscopia confectum, quomodo appareat? ibid.
Cystidis vasa. 130.
Cystis ex quot & quibus constet tunicis? ibid.
 quid? ibid.

D.

Deglutitio a quo facilitetur? 137.
 cujus generis actio sit? 35.
 quid? 28.
ad Deglutitionem an concurrere debeat respiratio? 278.

Deglutitionis objectum. 28. organa. ibid. usus. 31.
Densitas in quo consistat? 210.
Dentes in qualibet maxilla quot, & quoruplices? 24. 25.
Dentium effectus. 24.
Diapedesis quid? 112.
Diaphragmatis actio. 56. musculi. 86. vasa. 86.
Diarrhoea critica unde? 53.
Digestio alimentorum aliorum cur citius, aliorum tardius fiat? 43.
Digestionem tardiozem cur sedentariam vitam exercentes habeant? 47.
Dijudicare an cadat in bruta? 203.
Dissoluere quid? 35.
Dormientes cur non sentiant? 250.
Ductus choledochus describitur. 130.
 cysticus describitur? ibid.
 glossoniani qui? ibid. ib
 hepatico cystici a quo inventi? ib.
 describuntur? ibid.
 hepaticus describitur. ibid.
 Lactiferi cum glandulis mammarum cohzrent, 179.
 Malpighiani qui? 118.
 thoracicus quid? 55.
Ductuum aquosorum in oculis inventor. 160.
Dura mater quid? 181.
Duræ matris vena 182.
Durchwachsen Fleisch unde? 120.
Durities quid? 210.

E.

Effluvia an inspiratione, an expiratione nares afficientia percipiantur? 217.
 quomodo nares intrent? 218.
Effluuiorum major densitas ubi? ibid.
 principia effendi. ibid.
 receptaculum. ibid.
Elasticitas quid? 210.
 sanguinis unde? ibid.
Elasticitatis sanguinis usus. 68.

INDEX II. RERVM.

Epidermis quid? 140.
 Epididymides ad quod vasorum genus
 pertineant? 171. quid? ibid
 Epiglottidis effectus. 31.
 motus unde? ib.
 Eruditi cur plerumque iusto citius mori-
 rantur? 190.
 Erysipelate laborantes partes cur exqui-
 sitiore gaudeant sensu? 209.
 Exspiratio quando fiat? 85.
 Exulceratio in salivatione cur maxima
 sit circa gingivam? 136.

F.

Fallopianæ tubæ describuntur. 260.
 Fames quid? 239.
 Famis causa quotuplex & quæ? 240.
 subjectum quotuplex & quod? 239.
 Fames quid? 239.
 Faucium apertura in deglutitione major
 unde? 31. 32.
 homonymia. 31.
 in Febribus ardentibus cur nulla fere
 saporum perceptio? 214.
 Fermentum in renibus non existit? 146.
 quid? 111.
 Fibra quid? 5.
 Fibrarum elementa. 5. 6.
 matricium cordis flexilitas quomo-
 do conservetur? 77.
 masculorum ventriculi vis. 37.
 Fibre motrices quid? 195.
 synonymia. 5. 6.
 Filamentum. Vide Fibra.
 Firmitas quid? 209. hujus gradus ib.
 Flammula vitalis quid? 15.
 a Flatibus stagnantibus cur dolor oria-
 tur? 208.
 Fluidum nervosum. Vide Spirit. animal.
 Fluxilitas quid? 210.
 Fluxilitatis gradus qui? ibid
 Fœmina quando ad conjug. habil. 253.
 sola an sufficiat ad generat. 254.
 Fœtum includentes tunicæ quot & quæ?
 271.

de Fœtum, in utero contentum, nutri-
 ente materia diffensus autor. 276
 Fœtus formatio. Vide Conceptio.
 in utero an respiret? 276. seq.
 qua materia nutriatur? 276. seq.
 ad Fœtum in utero perfectionem quan-
 tum tempus requiratur? 281.
 Fœtus materia. 265. 263. seqq.
 nutritio per os fit. 280. seq.
 per quas vias fiat? 274.
 quomodo fiat? 270. 273. 275. 280.
 ubi fiat? 270.
 quomodo constituitur? senten-
 tiæ? 172. seq.

Fontanella infantium subsidens cur si-
 gnum mortis sit? 189.
 Fontes salivales qui? 25.
 Fragilitatis gradus. 211.
 Frigus quid? 210.
 Funiculus umbilicalis 275. quomodo
 constringend. & discindend. 285.

G.

in Gaudio quomodo spiritus animales
 moveantur? 245. seq.
 Generatio animalium quomodo differat
 a generatione plantarum? 254.
 quid? 254.
 Generationis causa efficiens 254.
 conditiones ex parte generant. 255.
 organa in sexu nobiliori quæ? 261.
 sequiori quæ? 255. 257.
 subjectum. 253. 254.
 Glabella ubi? 230.
 Glandula cerebri pituitaria. 193.
 describitur. 8.
 dividitur 8.
 Nuckiana describitur. ib.
 pinealis quomodo conspici possit?
 184.
 Sublingualis anterior describitur. 26.
 posterior. s. Warthoniana descri-
 bitur. ibid
 Glandulæ buccarum describuntur. 136.
 con-

INDEX II. RERVM.

conglobatæ describuntur. 8.
 conglomeratæ describuntur. 9.
 Haverianæ quæ, & unde dicantur?
 119.
 ubi reperiantur? ibid.
 intestinales an sint organa secunda-
 ria secretionis chyli? 49. sq.
 ubi plurimæ reperiantur? ib.
 lacrymales quotuplices? 153.
 lachrymalis inferioris effectus.
 154. situs. ibid.
 superioris effectus. ibid. si-
 tus. 153. sq.
 mammarum cum ductibus galacti-
 feris cohærent. 179.
 mucilaginosæ quæ? 119. ubi exi-
 stant? 119. sq.
 Nuckianæ inventor. 26.
 œsophageæ existunt. 137.
 paristhmix describuntur. 26.
 parotidis situs. ibid.
 Pachonianæ. 191.
 percolantes describuntur. 9.
 Peyerianæ quæ, & unde dicantur?
 50.
 pinealis synonymia. 184. usus. 192
 renales quid? 155. 158.
 salivales inter se differunt, & quo-
 modo? 136.
 quotuplices & quæ? 26. 136
 sebaceæ, conchæ quem usum præ-
 stent? 220. ubi? ibid.
 palpebrarum quem usum præ-
 stent? ibid.
 pinnarum narium. ibid.
 secernentes describuntur. 10.
 subcutaneæ describuntur. 140.
 141.
 sublingualis anterioris situs. 26.
 posterioris inventor. ibid. si-
 tus. ibid.
 vesicæ urinariæ quem usum præ-
 stent? 146.

urethræ. Vide Urethræ glandulæ.
 Glandularum intestinalium usus. 51.
 renalium color. figura, magnitu-
 do, 55.
 situs. ibid.
 vasa quotuplicia & quæ? ib.
 usus. 157. sq.
 subcutanearum usus. 141.
 per Glandulas intestinorum crassorum
 quid secernatur? 138.
 tenuium quid secernatur? ib.
 Glans cujus substantiæ sit? 262. quid. ib.
 Globulorum sanguinis ad lympham pro-
 portio fere est subdupla. 66.
 Grandines unde? 220.
 Gravedo describitur. 216.
 Gravitas absoluta quid? 211.
 quotuplex? ibid.
 respectiva quid? ibid.
 Gustus cur a coryza tollatur? 217.
 objectum. 213.
 organum quid? 212.
 quid? 212.

H.

Hemisphæria planâ polita, sebo inuncta,
 cur conjungantur? 102.
 Hepar cujus substantiæ sit? 128.
 describitur. ibid.
 Hepatis vasa quotuplicia & quæ? 128.
 Hiatus Riviniani usus. 221.
 in Hilaritate quomodo spiritus animales
 moveantur? 246.
 Homo cur in crassitiem increascit? 105.
 definitur. 1.
 est corpus naturale omnium ex-
 cellentissimum. ibid.
 Hordeola unde? 220.
 Humiditas quid? 210.
 Humor aqueus cujus consistentiæ sit. 233
 ubi? ibid.
 corporis humani describitur. 10.
 dividitur. ibid.

Humo-

INDEX II. RERVM.

- | | |
|---|---|
| <p>Humores corporis humani excrementi-
tii describuntur. 11.
 dividuntur. <i>ibid.</i>
 medii describuntur. <i>ibid.</i>
 universales describuntur. 10. <i>sq.</i>
 dividuntur. 10.
 utiles describuntur. 11.
 quomodo generentur? 188. <i>sq.</i>
 in Humoribus corporis humani existit
 sal. 12. terra. <i>ibid.</i>
 existunt partes aereæ. <i>ibid.</i>
 oleosæ. <i>ibid.</i>
 Humoris aquei usus. 233.
 cristallini soliditas unde? 234.
 vitrei locus. 234. usus. <i>ibid.</i>
 Humorum corporis humani principia
essendi. 11.
 motus dividitur. 20.
 intrinsecus describitur. <i>ibid.</i>
 progressivus describitur. <i>ibid.</i>
 temperies diversa unde? 13.
 in oculis circulatio datur. 160. <i>sq.</i>
 Hydrops unde? 69.
 Hymen quid? 256. ejusdem locus. 256
 Hypocampi crura, sive pedes ubi? 183.
 Hypochondriis obstructis quale oriatur
temperamentum hominum? 13.
 Hypochondriacorum obstructio alvi
unde? 134.</p> | <p>Insomnia naturalia an cadant in bruta?
252.
 unde? <i>ibid.</i>
 præternaturalia unde? <i>ibid.</i>
 quid? 252. quotuplicia? 252.
 supernaturalia unde? <i>ibid.</i>
 Insomniorum causa. 252.
 Inspiratio quando fiat? 85.
 Intestina crassa quæ? 48. cur ita dicantur?
ibid.
 describuntur? <i>ibid.</i> dividuntur. <i>ib.</i>
 tenuia quæ? <i>ibid.</i> cur ita dicantur?
 <i>ibid.</i>
 Intestini coli valvula describitur. 51.
 vasa chyliifera. 47.
 duodeni vasa chyliifera. <i>ibid.</i>
 in Intestino duodeno quinam pori repe-
riantur? 45.
 Intestinorum actio. 56. 57.
 tunicæ quot? 48. valvulæ quid?
 51.
 Intestinum colon describitur. 51.
 duodenum unde dicatur? 45.
 ileum quomodo a jeiuno distin-
 guatur? 51.
 Iris quid? 233.
 Isthmus quid? 31.
 Jucundum quotuplex? 247.</p> |
|---|---|
-
- | | |
|--|---|
| <p style="text-align: center;">I</p> <p>Icteriorum obstructio alvi unde? 134.
 Ignis effectus. 104. <i>sq.</i>
 Imagines in tunica sunt inversæ. 237.
 Immortalitatis media. 253. <i>sq.</i>
 Imprægnatio quando & cur non am-
plus contingat? 163.
 ad Imprægnationem quantum semen ma-
sculinum requiratur. 277.
 Incubus unde? 252.
 Incis dividitur. 222. quis primum hunc
observaverit. 227.
 Infantes cur ad somnium inclinant? 251
 Insipida cur talia? 213.</p> | <p style="text-align: center;">L.</p> <p>Labiorum effectus. 25.
 Labyrinthi canales semicirculares cujus
figuræ sint? 225. dividuntur. <i>ibid.</i>
quot? <i>ibid.</i>
 cochlea unde ita dicta? <i>ibid.</i>
 cochleæ structura. <i>ibid.</i>
 partes. <i>ibid.</i>
 vestibulum. <i>ibid.</i>
 Labyrinthus quid? <i>ibid.</i>
 Lac quid? 176.
 Lachrymæ quid? 153.
 Lachrymarum effluxus ex oculis quomo-
do prohibeatur? 155.</p> |
|--|---|

secre-

INDEX II. RERVM.

- Lachrymarum secretio & excretio quibus organis fiat 154. sq.
 usus. 154. sq.
- Lactis materia. 177.
 principia essendi. 176.
 receptacula. 179.
 secretio quibus organis fiat? 176.
 secretionis usus & finis. 179.
 vasa excretoria. ib.
 via ad mammas quæ? 178.
- Lævitas quid? 210.
- Lanugo sanguinis quomodo paretur? 65.
- Laryngis actio. 31.
 actionis necessitas. ibid.
- Larynx componitur ex quinque cartilaginibus, & quibus? 87.
 variis musculis. ibid.
 quid? ibid.
- Lassitudinem cur sudor producat? 140.
- Lente crystallina destituti cur vel plane non, vel indistincte videant? 234.
- Lentis crystallinæ figura. ib.
 protrusio retractioque unde? 234.
 usus. 234.
- Levitas quid? 210.
- Lien non est viscus superfluum, aut plane nocivum. 127.
 quid? 125. sq.
 quomodo præparet sanguinem ad bilis secretionem? 127.
- Lienis figura. 126.
 nervi unde oriantur? ibid.
 situs. 125. sq.
 structura. 126.
 vasa quotuplicia & quæ? 126.
 usus. 127.
- Ligamenta describuntur. 7. dividuntur. ibid.
- Lingua est musculosa. 29.
 Linguae effectus. 29.
 musculi præcipui. 29.
- Liquor gastricus quis? 137.
 intestinorum tenuium ex quibus glandulis scaturiat? 138.
 nervosus non existit. 100.
 pericardii. Vide Pericardii liquor.
 vaginæ uteri describitur. 174.
 ventriculi. Vide Liquor gastricus
- Liquorum lymphaticorum in canali alimentario concurrentium, secretio quomodo fiat? 135.
 usus. ibid.
- Literæ quibus organis formentur? 203.
- Lochia quamdiu duret? 285.
 quid? ibid.
- Loquela an cadat in bruta? 201.
 quid? ibid.
- Loquelæ causa efficiens. 201.
 diversitas unde? 202.
 modus. ib.
 objectum. 203.
 organa quotuplicia & quæ? 202.
 species. 201.
 subjectum. ibid. usus. 202.
- Lubricitas unde? 210.
- Lux animalium quid? 15.
- Lympha cerebialis existit. 191. sqq.
 quid sit ib.
 cur sit pellucida? 114.
 & serum non differunt. 11.
 quid? 114.
 quorsum properet? 57.
 sanguinis describitur. 66.
 varia in se complectitur ramenta. 114.
 ubi secernatur? 114.
- Lymphæ ad globulos sanguinis proportio fere est dupla. 66.
 cerebialis circulatio. 192. seq.
 usus. ibid.
 concretio unde? 101.
 magna copia est in arteriis, parva in venis. 67.
 motus organa. 116.

INDEX II. RERVM.

- ramenta solida cur eam obscuro colore non imbuant. 114. usus. 117.
- M.**
- Mallei musculi quod. 222.
Malleum & incudem quis primum observaverit. 228.
Malleus dividitur. 222.
Mammæ quid? 176. sq.
Mammarum & uteri sympathia unde? 179.
 glandulæ cum ductibus galactiferis coherent. ib.
 usus. 178. 179.
Manubrii processus quot & qui? 222.
Masculus quando ad conjugium habilis? 255.
Massa sanguinea quid? 113.
Masticatio quid? 22.
Masticationis causæ adjuvantes? 23. finis. ibid. modus. ibid. objectum. ib. organa. ibid.
Maxillæ quot & quinam? 23.
Maxillam inferiorem attollentes musculi quot & quinam? 23.
 deprimentes musculi quot & quinam? 24.
Meatus auditorius quid? 221.
Medulla quid. 123.
Medullæ partes. ibid. usus ibid.
Melancholicorum qui? 247. sq.
Membrana describitur. 10. 195.
Memoria felix unde? 245.
 quomodo ideas recipiat & reddat? ibid.
Memoriæ actus quot & qui? 244.
 homonymia. ib.
 organum. ibid.
 sedes, ex mente Aristotelicorum. 242.
 Willisii. ibid.
- Meninges quot & quæ? 181.
Mens. Vide Anima humana.
- Mensium fluxus in quibus largior? 165. quo anni tempore largior, aut parcius, & cur? 165. quomodo differat? 165. usus. 166.
secretio ex quo loco contingat? 163. cur in brutis non contingat? 165. in quibus subjectis contingat. 162. quando desinat? 173. incipiat? ibid. unde? 163.
de Mensium secretionis loco autorum dissensus. 163.
Menstrua, quibus alimentorum partes macerantur, quæ? 36.
Menstruum quid? 27.
 ventriculi est salinæ mediæ naturæ. 41. sq.
 quomodo augeatur? 137.
Mentis & corporis unio quomodo fiat? 16.
Mentula muliebris quid? 257.
 virilis cur in ima abdominis parte locata? 261.
Mentulæ virilis erectio quomodo fiat? 263. musculi. ib. usus. ib.
Metalla cur rubiginem contrahant? 214.
in Metu quomodo spiritus animales moveantur? 246.
Mœconium quid? 278.
Mollities quid? 210.
Morbi arthritici & scorbutici unde? 69.
Morbus quid? 85.
Mors in quo consistat? 16. 19. 85. unde? 23.
Motus cerebri diastolicus & systolicus unde? 189.
 cur interdum in aliqua parte cesset, sensu manente? 186.
 in corpore animali instrumenta. 194.
 omnis cur a motu cordis dependeat? 189. par-

INDEX II. RERVM.

partium quid. 194.
 solidarum. Vide Partium solidarum motus.
 peristalticus intestinorum a quo facilitetur. 122.
 ventriculi unde. 36.
 quando inchoetur in corpore humano. 16.
 sanguinis. Vide Sanguinis motus.
 systolicus & diastolicus in arteriis vehementior est. 79.
 in vena cava vix notabilis est. 79.
 quibus mediantibus continetur. 7.
 totius quid. 192.
 ventriculi peristalticus unde. 36.
 Motuum in corpore humano causæ. 17.
 vitalium requisita. 18. 19. 20.
 Mucilaginis, ex glandulis Haverianis exstillantis, usus. 122.
 Mucus narium an ex cerebro exstillet. 150
 est liquor medius. 151.
 quid? 150.
 Mures quid patiantur in vacuo, 68.
 Musculi abducentis synonymia. 230.
 adducentis synonymia ibid.
 attollentis synonymia. 230. usus 230. sq.
 auris externæ, Vide Auris externæ musculi.
 cephalopharingæi describuntur. 32.
 deprimentis synonymia 231.
 erectores 262.
 diaphragmatis 86. sq.
 intercostales dividuntur. 86.
 vi uvula observati 33. sq.
 linguae præcipui 29.
 mallei quot. 222.
 maxillam inferiorem attollentes quot & quinam. 23. sq. deprimentes quot & quinam. 23. sq.
 mentulæ, 263 sq.

obliqui superioris synonymia 231.
 oculi quot & qui. 230. sq.
 oesophagæi actio. 31.
 orbicularis synonymia, usus 230.
 partes quotoplices & quæ? 195.
 pterygopharingæi describuntur. 31
 qui veteribus non innoterunt 33.
 sphenopharingæi. Vide Musculi pterygopharingæi.
 stylopharingæi describuntur. 32.
 thoracis qui. 86. sq.
 Musculorum epiglottidis paria in quibusdam animalibus duo dantur. 31.
 motus quomodo fiat per spiritus animales? 196. seq. quomodo ad oculum demonstrare possint 199.
 oculi usus. 231.
 pterygopharingæorum actio. 42.
 synonymia. ib.
 Musculus biventer describitur. 24.
 crotaphites. Vide Musculus temporalis.
 describitur. 7.
 digastricus. Vide Musculus biventer.
 dividitur. 7.
 imperfectus quid? 195.
 mansorius, sive masseter describitur. 24.
 oesophagus describitur. 31.
 perfectus quid? 195.
 platysmamyodes describitur. 24.
 pterygoides externus describitur. ibid.
 internus describitur. ibid.
 quotuplex? 195.
 stapedis a quo inventus? Vide Stapedis musculus.
 temporalis describitur. 24.
 tragi & antitragi. 220.
 trochlearis quis? 231.

N.

Nævus quomodo a matris affectu fieri possit

- possit in utero? 274.
 Narium partes externæ quem usum præstent? 215.
 structura interior. ibid. usus. ibid.
 in Naso eminentiori cur exactior odorum perceptio? 216.
 Nates cerebri quomodo conspici possint? 184.
 Nervi coronarii dividuntur. 186.
 ex cerebro & cerebello orti, quot & qui? 185. sq.
 ex spinali medulla exeuntes, quot? ibid.
 quid? 185. sq.
 Nervorum duriorum, vel crassiorum usus. 186.
 opticorum thalami ubi? 183.
 origo. 185. 205. usus. 205.
 subtiliorum usus. 186.
 Nervus describitur. 7.
 Nutritio cum augmento quid? 93.
 quousque duret? 93. 105. cum decremento. 93.
 foetus. Vide Foetus nutritio.
 partium corporis humani singulorum datur. 94.
 solidarum quousque duret? 94.
 phlegmatici, &c. qualis? 107.
 quid? 92. 104.
 simpliciter ita dicta quid? 93. quousque duret? 93. 105.
 variat secundum ætatem, sexum & temperamenta 105. sq.
 Nutritivis causa efficiens. 100. 104.
 materia. 95. sqq. 100. sq.
 modus. 95. 102.
 subjectum. 94.
 usus. 107.
 Nymphæ quid? 257.
 O.
 Obstetricis officium. 284.
 de Obstetricum officio qui legendi sint libri? 284.
 Obstructiones viscerum unde? 65.
 Oculi humores quot & qui? 233.
 tunicæ quem usum præstent? ibid.
 quot & quæ? 231. sq. sq.
 Oculorum humores quid? 161.
 vasa arteriosa unde oriantur? 161.
 venosa describuntur. 161.
 in Odio quomodo spiritus animales moveantur? 246.
 Odorum (pro objecto sumtorum) subtilitas. 217.
 Oesophagus ex quot & quibus tunicis componatur? 34.
 Oleum, a massa sanguinea segregatum, nutritione deficiente, iterum solvitur 120. sq.
 superfluum ubi recipiatur. 121. sq.
 Olfactus bona constitutio in quo consistat. 217.
 cur a catarrho tollatur. ibid.
 modus. 219.
 objectum. 217.
 organum. 216.
 quid. 215.
 Omenti usus. 122.
 Omentum quid. ib.
 Orbitæ quid. 230.
 Os describitur. 6.
 orbiculare a quo inventum. 222. 227.
 ubi. ibid.
 sesamoideum, s. lenticulare ubi. 222. 227.
 Oscitatio unde, ex mente Willisii. 35.
 Ossa quomodo nutriantur. 123. 124.
 Ossicula auditus. Vide Auditus ossicula
 Ossis hyoidei effectus 30.
 Ossium usus. 6. sq.
 Ovarium novum a quo inventum. 175.
 Oviductus describuntur. 260.
 Ovula in foetu jam existunt. 175.
 Nabo-

INDEX II. RERVM.

- Ovula nabotiana 176. singula an cum
vasis sanguiferis commercium ha-
beant immediatum. 172.
- Ovulorum inventores. 265. sq.
- Ovulum est conceptionis materia. 265.
semen foeminarum. 265. 269.
quomodo ab ovario separetur. 270.
aetuetur. 269.
ad uterum deportetur. 269.
- P.
- Palpebrae quid. 230. quot & quae. ibid.
superioris musculi quot & qui. ib.
- Palpebrarum superioris musculi locus. ib.
tunicæ. ib.
usus. ib. sq.
- Papilla quid. 177. 179.
- Papillulae nervosae linguae quotuplices.
212. 215.
- Parastatae. Vide Epididymides.
- Partes erysipelate & podagra laborantes
cur exquisitiori gaudeant sensu. 207.
209.
- Particula minima, v. g. aeris, cur tactu
non percipiatur. 209.
- an Particulæ, corpus nostrum nutriendes
jam nutritioni adaptatae existant in
chylo & sanguine, an demum ada-
ptentur in partibus. 103.
- Partium solidarum motus dividitur. 194
involuntarii qui. 194. mixti. ib.
perpetui qui. 194.
voluntarii qui. 194.
- Partus causæ quotuplices & quæ. 282.
consequentia. 285.
quid. 282.
tempus. ibid.
- Pedes hypocampi ubi. 183.
- Pelvis quid. 144.
- Penis. Vide Mentula virilis.
- Penis cerebri. Vide Glandula pinealis.
- Perceptio an cadat in bruta. 201.
nulla cur in somno sit. 205.
- Percipere quid. 203.
- Pericardii liquor cur a lymphaticis vasis
absorbeat. 76. quid. ibid.
liquoris copia major cur in strangu-
latis deprehendatur. ibid.
origo. ib. usus. ibid.
- Pericardium cur centro nerveo dia-
phragmatis adhæreat. 76. quid. ib.
- Pericranium describitur. 182.
- Phantasiæ actus. 244. sedes, ex mente
Aristotelicorum. 242.
- Pharynx quid. 31.
- Phlegmatici cur ad somnum inclinent
251.
- Phlegmaticorum effectus qui. 248. sq.
- Phriscos signum. 121.
- Pili quid. 141.
- Pinguetudinis proventus in singulis sub-
jectis differt. 121. usus. ibid.
- Pinguedo a quibus partibus secernatur.
118.
in quibus partibus secernatur. 118
partim ad partes solidas partim ad
fluidas pertinet. 117.
quibus organis secernatur, 118.
quid. ib.
- Placenta uterina in ovulo existit. 274.
quid sit, & quem usum præstet. ibid.
- Plantarum generatio quomodo differat
a generatione animalium. 254.
- Pleura cur exquisitiori gaudeat sensu.
209
quid? 87.
- Plexus choroidei usus. 192.
choroideus ubi. 183.
nervosi quid. 187.
- Pneumatosis quid. 179. ut Pneumatosis
perficiatur, quo opus sit. 251.
- Podagra laborantes cur exquisitiori
gaudeant sensu? 209.
- Polyposa substantia unde? 65.
- Pori cutis quid? 140.
sunt innumerabiles. 639.
- Præparatio humorum an dici possit fer-
men

INDEX II. RERVM.

- mentatio? 110. potest esse momen-
tanea. 110.
- Præparationis humorum causa efficiens.
110.
organa. 108.
- Præputium quid. 262.
- Priapus. Vide Mentula virilis.
- Principia omnium rerum quot & quæ,
ex mente Helmontii? 97. 98.
- Processus glangliiformes quid? 186.
vermiformes ubi? 184.
- Prostatae quid? 171. sq.
- Prostatarum usus. ibid.
- Pruritus venereus cur ab infantibus non
percipiatur? 167.
- Pudendorum muliebrum partes quæ?
257.
- Puerperæ abdomen cur ligatur con-
stringendum? 285.
- Pulmonum vasa sanguifera dividuntur?
88. sq.
vesiculæ describuntur. 88.
- Puncta lachrymalia describuntur. 154.
Meibomiana quæ? horum effectus ib.
- Pupilla quid? 232.
- Pupillæ dilatio diversa unde? 233.
- Q.**
- Qualitates tactiles quæ? 209. seqq.
- Quantitas quotuplex? 211.
- R.**
- Ruritas quid? 210.
- Regulæ dieteticæ in ætatibus diversis
sunt observandæ. 105. sq.
- Reminiscentia quid? 244.
- Renes succenturiati. Vide Glandulæ
renales.
- Renum foetor unde? 147.
pelvis quid? 144.
situs. ibid.
substantia quæ? 144.
vasa quotuplicia & quæ? 144.
usus. 142. sq.
- Respiratio an cadat in foetum? 275. sq.
283.
an concurrere debeat ad deglutitio-
nem? 278. sq. quid? 85.
- Respirationis modus objectum. 89.
organa quotuplicia & quæ? 85.
usus quotuplex & quis? 91. sq.
- Rete flovianum 235.
- Retina quid? 233.
- S.**
- Sal, in humoribus corporis humani
existens, est ammoniacale. 12.
unde oriatur? ib.
- in saliva existens, est medice naturæ.
27. 28.
- Salia in corpore humano & sanguine
sunt medice naturæ. 69.
- Saliva est menstruum. 27.
est liquor æreus. 28. aquosus. 27.
salinus. 27.
humana quid patiatur in vacuo. 68
- Salivæ effectus. ibid. usus. 136.
- Salivales fontes qui? 26.
glandulæ quot & quæ? ibid.
- in Salivatione cur tumor & exulceratio
maxima sit circa gingivam? 136.
- Salium abundantia, vel defectus in cor-
pore humano quid post se trahat? 69.
effectus in corpore humano. ib.
- Sanguifera vasa in perioftio dantur. 101.
102.
- Sanguificatio fit in pulmonibus impri-
mis. 63. 92.
quid?

INDEX II. RERVM.

quid? 58.
 de Sanguificatione sententia Lævven-
 hœckii. 62.
 Sanguificationis causa. 59. finis. 63.
 de Sanguificationis modo dissensus au-
 torum. 58. quomodo fiat? 60.
 de Sanguificationis officina primaria. 58
 in Sanguine an detur species fermentati-
 onis 72. seq. atterioso duplo plus
 lymphæ est, quam in venoso. 65.
 sunt particulæ aquosæ. 63. 64.
 fibrillares. 63. 64.
 globulosæ. 63.
 pellucidæ, siue lymphæ. 63.
 circa Sanguinem observationes Lævven-
 hœckii. 62.
 in Sanguinem quid ex chylo mutetur. 58
 Sanguineorum affectus. 247.
 Sanguini an aeris particulæ misce-
 antur. 90.
 Sanguinis abundantia in foeminis sym-
 ptomata. 165.
 circulatio describitur. 71. 72.
 quomodo absoluitur? 81. 82.
 conseruetur? 80.
 quot vicibus spatio unius horæ ab-
 solvatur? 84.
 quotuplex. 72. 73.
 circulationis in foetu organa. 275.
 organa. 73. usus. 84.
 circulus, in microscopiis confide-
 ratus, quomodo appareat. 64.
 color rubicundus unde. 68.
 ex Sanguinis colore quomodo cogno-
 scatur valetudo. 68.
 Sanguinis consistentia. 69.
 elasticitas unde. 68.
 elementa. 63.
 extravasati citior, vel tardiorb. coa-
 gulatio unde. ib.
 globuli, in extrema arteria constituti,

quomodo in microscopiis appa-
 reant. 66.
 quid. 63.
 in visceribus motus est; diuersus.
 109.
 variat pro diuersitate virium, qui-
 bus mouetur sanguis. 109.
 variat pro varietate vasorum. 109.
 lanugo quomodo paretur. 65.
 lymphæ describitur. 70.
 materia quæ? 58.
 materni, ad foetum properantis;
 termini ad & per quos. 275. seq.
 motus fermentifici synonymia. 72.
 intestini synonymia. ibid.
 intrinseci synonymia. 72.
 intrinsecus existit. 72.
 per quid conseruetur. 68.
 progressiui synonymia. 73.
 progressivus, per quid promov. 68.
 quotuplex. 72.
 versus cor unde. 79.
 particula ex aliquot particulis chyli
 concreta est. 62. seq.
 particulæ in aliis visceribus magis
 diuiduntur, in aliis magis combi-
 nantur. 109.
 salia sunt mediæ naturæ. 69.
 temperies unde. 12.
 Sanguis ad omnes partes abit. 101.
 columbar. quid patiat in vacuo. 67.
 est liquor elasticus, salinus. 68.
 ex pulmonibus recenter exstillans;
 tubulis vitreis minimis exceptus,
 quomodo appareat. 64. seq.
 ex quibus partibus constet. 95.
 foetus, absoluta circulatione, ad ma-
 trem redit. 276.
 in cerebro est. 101.
 in quibus subjectis fluidior & rubi-
 cundior 68.
 in vasibus est fluidissimus. 69.
 mater-

INDEX II. RERVM.

- maternus quomodo ad foetum a-
beat 278.
menstruus an, loco philti exhibi-
tus, amorem conciliet, aut deli-
rium causet 166.
an sit venenosus ibid.
cur turbet tincturas infector. &c. ib.
in sanis qualis ibid.
quid 162.
movetur in corpore nostro. 71. seq.
quid 63. 64. 68.
quomodo perfectam suam fluidita-
tem acquirat 92.
quotuplicibus & quibus particulis
constet 64.
Sanitas quid 20. 84. quomodo conser-
vetur 80.
Sapida quæ 213.
Saporum diversitas unde ibid.
idæ diversæ unde & quæ 214.
Scorbutici morbi unde 69.
Scrotum describitur. 169.
Secretio chyli ubi fiat. 53. 54.
liquorum lymphaticorum in canali
alimentario concurrentium, quo-
modo fiat 135.
mensium. Vide Mensium secretio.
omnis an a motu cordis depend. 189
quid 107.
feri ubi fiat 158.
spirituum animalium. Vide Spiri-
tus animales.
Secretionis bilis usus. 134.
chyli organum primum. 49.
secundarium an glandulæ intesti-
nales ibid.
humorum causa efficiens. III. ma-
teria. 113. organa. 108. usus. 113
lactis finis & usus. 179.
muci narium organum. 150
pinguedinis organa. 118.
seminis finis & usus 176.
urinæ organa. 142.
usus. 149.
Secundinæ quid. 285.
Semen ex qua materia separatur 172.
ex quotuplici materia constet. ibid
fœminarum quod 265.
in quo subjecto reperitur 171.
masculinum an concurrat ad fœtus
nutritionem 271.
quibus organis conseruetur 171.
ducatur 171.
secernatur 167. seq.
muliebri, præter ovulum, non da-
tur. 174.
ubi secernatur ibid.
quid 167.
quomodo elaboretur 167. seq.
quotuplicibus & quibus organis in
maribus elaboretur ibid.
ex Semine, in testiculo dextro contento,
an soli masculi generentur 267.
de Semine, Læwenhoeckii sententia.
172. seq.
Seminis ejaculatio quo mediante absol-
vatur 171.
masculi principia effendi. 267.
secretionis finis & usus. 176.
Senes a crassitie cur deficient 105.
Senescendi medium ibid.
Sensationis species. 203.
Sensu exquisitori quæ partes gaudeant
207. 208.
sensus communis actus. 243.
de Sensus communis sede dissensus au-
ctorum. 241. seq.
Sensus communis sedes, ex mente Ari-
stotelicorum. 242.
Cartesii. 241. seq.
Willisii. 242.
cur interdum in aliqua parte cesset
motu manente 157.
cur non cadat in dormientes 250.
exter-

INDEX II. RERVVM.

- externus cur non cadat in corpus mortuum 204.
 perfectus cur non cadat in cerebrum læsum 206.
 quid 203.
 interni quomodo lædantur 244.
 quid ? 241.
 Sensuum externorum objecta quæ & quotuplicia. 204.
 quomodo organa afficiant 205.
 organa quomodo ab objectis afficiantur 205.
 quot & quæ 205.
 subiectum. 203. usus 205.
 internorum numerus 243. obiectum. 241.
 de Sensuum internorum organo diffensus autorum. 241. seq.
 Sensuum internorum organum. 244.
 sedes. 241. subiectum ibid.
 Septum transversum. Vide Diaphragma
 Seri secretio ubi fiat 158.
 Sermo quotuplex 201.
 Serum & lympa non differunt. 11.
 Siccitatis gradus summus quis 211.
 Siccitas quid ibid.
 Sitis an præternaturale quid 240.
 causa quotuplex & quæ ibid. cur post assumptionem aliquot bolorum solidorum excitetur ibid. in æstate unde ib. in febribus unde ib. in hydropse unde ibid. post assumptionem viscidorum alimentorum unde ib. post esum hælecis unde ibid. quid ib. subiectum. ibid.
 Solvere quid 27.
 Somni accidens 249. causa. 250. forma. 250.
 principium an in capite, an corpore reliquo 250.
 sedes ibid. subiectum quo 249. usus 251.
 in Somno cur nulla perceptio 205. nullus sensus 250.
 qualis nervorum cerebri & cerebelli status 250.
 qui motus cessent? ibid.
 qui nervi non collabantur. ibid.
 Somnus meridianus senibus permittendus. 251.
 quid ? 249.
 Soni medium quod? 226.
 Sonus cur in aqua debilitetur? ibid seq. describitur ibid. diuiditur. ibid.
 Sphincter gulæ describitur. 32.
 vesicæ urinariæ describitur. 145.
 Spinalis medulla quid? 184.
 Spiritus animales cuius naturæ sint? 15.
 cur sic dicantur? 180.
 dantur. 180.
 ex qua materia elaborati sint? 15.
 in affectibus quotuplici modo moveantur? 245. seq.
 in quibus partibus contineantur? 15.
 quid? 15. 180.
 quomodo dissipantur? 190.
 quomodo imminuantur? 249.
 quomodo in musculos agant? 196.
 quomodo præparentur? 188.
 quomodo secernantur? 185.
 quotuplici obiecto afficiantur? 246.
 sunt fluidum subtile. 186.
 sunt sanguis subtilissimus 184.
 187. 188.
 ubi a lympa superflua depurantur? 185.
 corporis humani. Vide Spiritus animales.
 homonymia. ibid.
 Spirituum animal. circulatio datur. 190.
 quando inventa sit? 190.

INDEX II. RERVM.

- imminutionis effectus. 249.
 in corpore effectus. 245.
 promotio ad partes a qua causa. 189.
 quies quoduplex? 249. unde? ibid.
 regurgitatio non datur. 190.
 secretio a qua causa? 189.
 secretionis organa. 181. 183. 185.
 separatio fit a sanguine. 185. 187.
 separatio fit a sanguine arterioso. 15.
 ubi fiat? 15.
 synonymia. 15. vehiculum. 187.
 usus. 191. 15.
 Stabilitas. Vide Firmitas.
 Stapedis musculus a quo inventus? 222.
 in vitulina aure cocta qualis depre-
 hendatur? ibid. seq.
 nomen unde? ibid.
 Stapes dividitur. ibid.
 Steatomata unde? 220.
 Sterilitas an medicamentis tolli possit?
 175.
 Succus atrabilarius est nonens. 157.
 nervosus non existit. 99. seq.
 pancreaticus quid? 45. quomodo
 secernatur? ibid.
 quorsum confluat. ib.
 ubi secernatur? 45. 137.
 Sudor cur lassitudinem producat? 140.
 foetus & hominis exclusi quomodo
 differant? 280.
 quid? 139.
 Sudoris & urinæ secretio inter se habent
 affinitatem. 142.
 Sulphur commune cur insipidum? 214.
 Supercilia ubi? 230.
 Superciliorum usus. ib.
 Surdaſtri, cur os aperire solent ad soni
 perceptionem 229.
 Surdi, a nativitate tales, cur sint muti?
 227.
 Surditas, in febribus malignis super-
 veniens, cur sit salutare signum?
 152.
 Synovia ex quibus partibus secernatur.
 125.
 quid? ibid.
 Synoviae usus. 124. 125.
- ### T.
- Tactus est sensus universalissimus. 207.
 objecta. 209. sunt plura, quam re-
 liquorum sensuum. 207.
 organum. 140. 207.
 Temperamenta hominum diversa unde?
 13.
 Temperamentorum signa a quo tracten-
 tur? 247. sq.
 Tendines describuntur. 7.
 quid? 196. quomodo a corpore
 musculi differant? ib.
 Testes cerebri quomodo conspici pos-
 sint? 184.
 quibus tunicis inclusi sint? 169. sq.
 quid? 168.
 Testium structura. 168. sq. substantia.
 172.
 Thalami nervorum opticorum ubi?
 184.
 Tarsus quid? 231.
 Thoracis musculi qui? 84. sq.
 Thorax quando ampliatur, vel coarctetur?
 84.
 Thymi nervi. 159. vasa excretoria, ibid.
 sanguifera. ibid. usus. 159.
 Thymus quid? 158. sq.
 in Timore quomodo spiritus animales
 moveantur? 246.
 Tonsillæ describuntur. 26.
 Tonsillarum situs. 26.
 Trachæa. Vide Arteria aspera.
 Transpiratio insensibilis quid? 139.
 suffla-

INDEX II. RERVM.

- sufflaminata cur febrim inducat? 141.
- Transpirationis (in genere) materia. 141. organa. 141. usus. 142.
- in Tristitia quomodo spiritus animales moveantur? 246.
- Tubæ Fallopiæ describuntur. 260. seq.
- Tumor in salivatione cur maximus sit circa gingivam? 136.
- Tunica albuginea, siue annata, in oculis quid? 231. sq.
- albuginea, siue nervosa, testes immediate includens, in quot & quas tunicas dividatur? 171.
- arachnoidea quæ? 234.
- choroidea describitur. 232.
- conjunctiva quid? 232.
- cornea describitur. 232.
- erythroidea quæ? 170.
- hyaloidea quæ? 234. cujus substantiæ sit? ibid.
- lucida ubi? 236.
- mucosa quæ? 140.
- musculosa ventriculi describitur. 40.
- narium pituitaria quæ? 150.
- rhagoides. Vide uvea.
- sclerotica describitur. 232.
- tendinea describitur. 232.
- vaginalis describitur. 170.
- villosa intestinorum describitur. 50.
- œsophagi describitur. 34.
- uvea describitur. 232.
- Tunicæ albuginæ siue annatæ, in oculis synonymia. 231.
- conjunctivæ synonymia. 232.
- dartes synonymia & usus. 169.
- scærum includentes, quot & quæ? 271.
- œsophagum componentes. 34. seq.
- vaginalis synonymia. 170.
- uveæ synonymia. 232.
- Tympana quinque sunt in aure humanæ. 228.
- Tympæni hiatus Rivinianus quem usum præstet? 221.
- ubi? ibid.
- Tympanum cujus substantiæ sit? ib.
- est organum auditus necessarium. 224.
- quid? 221.

V.

- Vagina uteri cujus substantiæ sit? 258.
- quid? 259. sqq.
- unde sic dicta? 259.
- Valvulæ intestinorum describuntur. 51.
- Valvulæ mitrales unde dictæ? 75.
- tricuspidales unde dictæ? 75.
- venarum. Vide Venarum valvulæ.
- Valvularum, in ventriculis cordis reperiendarum, usus. 75.
- Vas chyloferum tertii generis quid? 55.
- excretorium describitur. 9.
- sanguiferum describitur. 7. dividitur. ibid.
- secretorium describitur. 9.
- Vasa adiposa describuntur. 8.
- arteriosa diaphragmatis. 86.
- immediate cum venis coherent. 81.
- biliaria describuntur. 129. 130.
- chylofera describuntur. 8.
- extraordinaria ubi? 47.
- in ventriculo existunt. ibid.
- cordis. Vide Cordis vasa.

INDEX II. RERVM.

- coronaria. Vide Cordis vasa propria.
- lachrymalia Meibomiana quæ? 153.
- lactea quotuplicia? 53. 54.
- lymphatica describuntur. 8.
- glandularum renalium quotuplicia? 155. sq.
- hepatis describuntur. 129.
- in quibus corporis nostri partibus obvia sint? 116.
- quando & a quibus inventa? 116.
- neuro-lymphatica & neuro-adiposa in ventriculo existunt. 47.
- sanguifera an cum ovulis singulis commercium habeant immediatum? 174.
- in perioftio dantur. 101. 102.
- pulmonum. Vide Pulmonum vasa sanguifera.
- secernentia quæ? 112.
- spermatice foeminarum describuntur. 174.
- marium quid? 167. sq.
- Vasorum anastomosis datur. 82.
- lachrymalium Meibomianorum effectus. 154.
- lacteorum inventor. 53.
- primi generis fulcimentum. 54.
- orificia sunt patula. ibid.
- origo. 53. 54.
- lymphaticorum, intra lienis tunicas existentium, origo. 126.
- valvulas quis detexerit primus? 116.
- usus. 115.
- Vegetabilia vivunt. 46.
- Vegetabilium generatio quomodo dif-
- ferat ab animalium generatione? 254. sq.
- Vena cava ex quibus partibus componatur? 79.
- quid? ibid.
- in Vena cava systole & diastole vix notabilis est. 79.
- Vena portæ quid? 129.
- pulmonalis describitur. 80.
- Venæ describuntur. 7.
- portæ structura, usus. 129.
- pulmonalis usus. 80.
- Venarum motus sunt synchronici. 81.
- spermaticarum in foeminis usus. 174.
- in maribus usus. 168. 169.
- valvulæ a quo inventæ? 79. sq.
- quem usum præstent? ibid.
- in quibus venis frequentiores existant? ibid.
- quotuplices? 79. 80.
- de Ventriculi actione dissensus antiquorum. 42. 43.
- Ventriculi calor unde? 37.
- cerebri anteriores ubi? 183. quarti synonymia. ibid.
- cordis. Vide Cordis ventriculi.
- glandulæ quem usum præstent? 41.
- menstruum est salinæ mediæ naturæ. 41. sq.
- quomodo augeatur? 157.
- motus peristalticus unde? 36.
- partes. ibid.
- structura cur miranda? 43. 44.
- tunicæ quot? ibid.
- vasa chyliifera. 47. &c.
- Ventriculus cerebri nobilis quomodo conspici possit? 183. sq.
- quar-

INDEX II. RERVM.

- quartus quomodo conspici possit? *ibid.*
 cur cum machina Papiniana compareretur? 41.
 quid? *ibid.*
 Vesica urinaria, quid? 145. *sq.*
 Vesiculæ seminales marium quid? 171.
 Vesicularum seminalium situs. *ibid.*
 Vigilæ naturales qualem hominis statum indicent? 249. earundem causa. *ibid.*
 Villus. Vide Fibra.
 Virga virilis. Vide Mentula virilis.
 Virgines quando ad conjugium habiles habeantur? 163.
 Virginitas mentalis quæ? 256.
 quotuplex? *ibid.*
 Virginitatis corporalis signa. 256.
 Vira cur erecta appareant? 237.
 simplicia cur simplicia appareant? 238.
 Visio an receptione radiorum lucis fiat, an emissionem? 237.
 quomodo fiat? 237.
 Visus. medium? 236.
 objectum quod? 236. quotuplex. *ibid.*
 organum. 230. 235. an tunica choroidea? 235.
 in Visceribus aliis particulæ sanguinis magis dividuntur, in aliis magis combinantur. 109.
 diversa liquida elaborantur. *ibid.*
 Viscera quid? 108. ignorarunt veteres. *ibid.*
 Viscerum diversa structura unde? *ibid.*
 obstructions unde. 65.
 vasa quotuplicia? 108. *sq.*
 Vita in quo consistat? 16 80. 84.
 omnis cur a motu cordis dependet? 189.
 quomodo prorogetur? 190.
 Vitalitatis requisita. 18. 19. 20.
 Vitam sedentariam exercentes cur tardiores habeant digestionem? 43.
 Ureteres ex quot & quibus tunicis componantur? 145.
 quid? *ibid.*
 Urethra quid? 146. 259.
 virilis quid? 262. 263.
 Urethræ glandulæ a quo inventæ? 146.
 quem usum præstent? *ib.*
 muliebris exitus ubi? 258.
 virilis locus. 263.
 Urina, cui oleum supernatat, cur sit signum phthiæos? 121.
 est sudor renum. 142.
 excrementum sanguinis. 147.
 ex quorum generum particulis constat? 149.
 febricitantium & scorbuticorum levior cur significet morbi imminutionem? 148.
 humana quid patiat in vacuo? 68.
 quando parcissime fluat? 147.
 quando uberrime? *ibid.*
 quomodo in renibus secernatur? 145. *seq.*
 sanorum qualis? 148.
 Urinæ analysis quomodo optime instituat? 149.
 color in sanis quis? 148.
 unde? 157.
 consistentia quæ? 148.
 & sudoris secretio inter se habent affinitatem 142. *seq.*
 odor in cacoehymicis quis? 148.
 in sanis quis? *ibid.*
 quantitas, cæteris paribus, æqualis est liquidorum assumtorum quantitati. 147.

INDEX II. RERVM.

Salia cuius generis sint? 149.
Sapor quis 148.
Secretionis organa. 142.
usus. 149.

U.

Uteri cervix quid? 260.
& mammarum sympathia unde?
178.
fundus quid? 260.
ligamenta. 260. seq.
locus. ibid.
orificium internum ubi? 260.
partes. ibid.
substantia quæ? ibid.
vasa lymphatica a quo inventa?
ibid.

usus. ibid.

Utile quotuplex 247.

Vulva cerebri. Vide Cerebri ventri-
culus nobilis.

Uvula cuius substantiæ sit? 137.

Uvulae effectus. 33. musculi. 33. sq.

Uvula in faucibus hominum pendula,
describitur. 33.

Uxores cur interdum aliquot post
conjugium initum annis impræгна-
tur? 175.

Z.

Zonæ plures cur? 225.
quid? ibid.



21 Feb

H. 150 18



